

SYNOPSIS  
METAPHYSICA

*Andreæ Frommenii,*

SS. Th. Lic. Consist. Elect. Brand.  
Adfessoris, & Eccl. Suevo-Colon.  
Petrinæ, &c. Vicin. Præpositi.

---

Editio ultima, nonnullis Editoris animadver-  
sionibus hîc illic interspersis auctior,  
si non & Interpolationibus limatior.

---



---

OXONIÆ,  
Typis *L. Lichfield*, Impensis *Tho. Gilbert*,  
*S. T. B.* in Juventutis Academicæ Gratiam,  
Et *Elis. Gilbert* Viduæ Commodum.

---

M. DC. XCI.



# METAPHYSICS

BOOK I

OF THE FIRST PRINCIPLES  
OF PHILOSOPHY  
BY ARISTOTLE

Translated from the Greek  
by J. I. BECKETT, Esq.  
of the Middle Temple



Printed by J. B. GALT, Printer to the University  
of Cambridge, at the University Press  
in the Strand, London


MDCCCXXXI

---

---

## *Epistola Nuncupatoria.*

Viro (non suis minus Virtutibus quam  
Stemmatibus Avitis) Illustri  
PETRO CLAUSONIO Dano.

 *E*positum hoc *Metaphysicum*, Vir Illustri-  
ssime, sic redditum accipias,  
quod fidei meae sic reddendum credi-  
deras; Librumque plus uno nomine  
tuum Nomini tuo sic dicandum permittas: Dig-  
num scilicet, si quod aliud, Nomen, cui talis di-  
cetur Libellus; Dignus, si quis alius hoc in gene-  
re, Libellus, qui tanto dicetur Nomini.

Dignus omnino Libellus; seu Methodum in-  
tueamur exactissimam, seu Iudicium spectemus  
subactissimum; Nulla hic in tricis Subtilitas,  
nulla a Subtilitate in Necessariis Obscuritas;  
Sed maxima tam Subtilitas, quam & Brevitas  
minori nihilo cum Perspicuitate temperata. Ni-  
hil Solidi habent Sobriive tumida tot pomposa-  
que Jesuitarum Volumina, quod non summo cum Stu-  
diorum Compendio, absque minimo temporis (pre-  
tiosissimae plane Mercis) dispendio ex limpidissimo  
hoc Fonticulo non statim hauriant Juniores ubi-  
vis Gentium Academici. In suis sane Exercita-  
tionibus

## Epistola Nuncupatoria.

tionibus Metaphysicis, quas Juvenis adhuc conscripserat, attos omnes (unum modo excipias Barlovium) longe superaverat Author; longius etiam ~~huc ipse~~ in Synopsi semetipsum in Exercitationibus superavit; utpote quam pro-  
- uectioris ~~decem jam annos~~ ~~etatis~~ ~~Julicidq;~~ ~~tam o-~~  
maturioris factus edidit.

Dignum usquequaque tuum, cui inscribatur Nomen, qui Genus haud Ignobile omni Literarum (qua Li guarum, qua Scientiarum) Genere amplius adhuc Nobilitasti, & Augustius; adeo ut vel Pereschii Nobilis magni merito apud Gallos suos nominis, vel etiam Nobilioris Boilii majoris Britanniae nostrae Ornamenti (quo igitur insalutato Anglia emigrare noluisti, opinor nec potuisti) optime videaris amulus, & Dulce Daniae tuae Decus brevi Salutandus. Quin & utrique huic Ornamento, insigni Generis Splendori, insignioribusque Animi Dotibus Summa Humanitas accessit, humillimaeque Modestia; quarum illa paucis iis, quibus familiariter usus es Amicis, ad amplissimos Eruditionis tuae Thesauros Clavis instar aditum aperit; ista aliis omnibus pessuli in modum, ostium occludit; nempe reconditi delitescere gestiunt hi etiam Thesauri, nec se fre uentioribus se ferunt contuendas oculis. Te merito Charissimum habuit Linguarum omnium Orientalium peritissimus, Avarumque Professor, Pocockius; qui Charinus multo,  
tene-

## Epistola Nuncupatoria.

tenerisque tibi Deposuum fidei curaque tua mandavit, quam tu mea commiseras; Charissimum & habuit Magnus ille Matheseos Professor (Theologia etiam haud minus profitenda idoneus) incomparabilis Wallisius; nec minus charum habiturus etiam erat maximus ille Librorum Helluo, & animata plane Bibliotheca (in S. Th. pro Domina Marg. Prof.) Barlovius, nisi quare primum aequae in Peregrinos humerissimo, ac inter suos Doctissimo illi Viro innotescere caperas, ex templo te Oxonio, mox & Anglia proripuisses, vel potius (Amicorum mutua Tuique cum Solitudine) fuisses abreptus: Hos omnes Reverendos, & tanquam Oracula in sua quemque Facultate consulendos tibi proposueras, ut alios Amicitia tua dignandos Amoreque prosequendos, qui & te suo prosequuti sunt invicem: Meritissimi Collegii Reginensis Socii, quos arctiori propioris Amicitiae vinculo tibi conjungendos haud imprudens delegeras, quosque humanissime nomine tuo non semel a me jussisti Salutandos, Suavissimam tui Servant aluntq; memoriam.

Me ipsum denique quod spectat; Metaphysicalem hanc Literarum partem (Literaturae tuae partem quantillam!) sic te sequuturam, si fas sit etiam & assequuturam volui, cui statutum esse novi Literas omnes omni terrarum Orbe, donec Omnes assequutus fueris, pede impigro indefessoq; prosequi: & Synopsin hanc absolutissimam,

## Epistola Nuncupatoria.

~~tionibus Metaphysicis, quas Juvenis adhuc con-~~  
~~scripserat, attos omnes (unum modo excipias Bar-~~  
~~lovium) longe superaverat Author; longius~~  
~~etiam hunc ipse in Synopsi semetipsum in Ex-~~  
~~ercitationibus superavit; utpote quam pro-~~  
~~fectioris decem jam annos atque Julicidq; tam o-~~  
~~matioris factus edidit.~~

Dignum usquequaque tuum, cui inscribatur  
Nomen, qui Genus haud Ignobile omni Litera-  
rum (qua Li guarum, qua Scientiarum) Genere  
amplius adhuc Nobilitasti, & Augustius; adeo  
ut vel Pereschii Nobilis magni merito apud  
Gallus suos nominis, vel etiam Nobilioris Boilii  
majoris Britanniae nostrae Ornamenti (quo igitur  
insalutato Anglia emigrare noluit, opinor nec  
potuisti) optime videaris amulus, & Dulce  
Daniae tuae Decus brevi Salutandus. Quin &  
utrique huic Ornamento, insigni Generis Splen-  
dori insignioribusque Animi Dotibus Summa  
Humanitas accessit, humillimaque Modestia;  
quarum illa paucis iis, quibus familiariter usus  
es Amicis, ad amplissimos Eruditionis tuae The-  
sauros Clavis instar aditum aperit; ista aliis  
omnibus pessuli in modum, ostium occludit; nem-  
pe reconditi delitescere gestiunt hi etiam The-  
sauri, nec se umentioribus se ferunt contuendos  
oculis. Te merito Charissimum habuit Lingua-  
rum omnium Orientalium peritissimus, doctum-  
que Professor, Pocockius; qui Charinus multo,  
tene-

## Epistola Nuncupatoria.

tenerisque tibi Deposuum fidei cura que tue mandavit, quam tu mea commiseras; Charissimum & habuit Magnus ille Matheteos Professor (Theologia etiam haud minus profitenda idoneus) incomparabilis Wallisius; nec minus charum habiturus etiam erat maximus ille Librorum Helluo, & animata plane Bibliotheca (in S. Th. pro Domina Marg. Prof.) Barlovius, nisi quar-  
primum aque in Peregrinos humanissimo, ac inter suos Doctissimo illi Viro innotescere caperas, ex templo te Oxonio, mox & Anglia proripuisses, vel potius (Amicorum mutua Tuique cum Soli-  
citudine) fuisses abreptus: Hos omnes Reveren-  
dos, & tanquam Oracula in sua quemque Facul-  
tate consulendos tibi proposueras, ut alios Ami-  
citia tua dignandos Amoreque prosequendos, qui & te suo prosequuti sunt invicem: Meritissimi Collegii Reginensis Socii, quos arctiori propioris Amicitie vinculo tibi conjungendos haud impru-  
dens delegeras, quosque humanissime nomine tuo non semel a me jussisti Salutandos, Suavissimam tui Servant aluntq; memoriam.

Meipsum denique quod spectat; Metaphysica-  
lem hanc Literaturam partem (Literatura tua partem quantillam!) sic te sequenturam, si fas sit etiam & assequenturam volui, cui statu-  
tum esse novi Literas omnes omni terrarum Or-  
be, donec Omnes assequutus fueris, pede impigro indefessoq; prosequi: & Synopsis hanc absolutissi-  
mam,

## Epistola Nuncupatoria:

*nam, munere tuo Oxonii renascentem, tui tam  
in me Affectus benevoli, quam mea tuam er-  
ga Dignitatem Gratitude submississima per-  
petuum cupio extare monumentum.*

*Amicorum omnium,*

*ne dicam & Servorum*

*etiam, Indignissimus.*

T. G.

---

Hac etiam in Editione (non obstante Edi-  
toris Diligentia) sæpiusculè occurrunt Er-  
rores Typographici; Sed plerumque Lite-  
rales, adeoque leves, ut multo minùs cuivis  
in legendo *mora*, quam aut mihi in colli-  
gendo, aut aliis in corrigendo *molestia* vi-  
deantur creaturi.

---

PROOEMIUM  
*De Natura & Constitutione*  
 METAPHYSICÆ.

*Sectio I. Dogmatica.*

I. *Metaphysica est Scientia Entis,  
 Quatenus Ens est.*

SECT. I.

**G**ENUS Metaphysicæ dicimus *Scientiam* esse, secuti *Arist. l. 3. Met. c. 1. Suarezium Disp. 1. Sect. 5. Thomam* in 3. *Met. passim, Scheiblerum, Lippium & alios. Ratio*: Quicquid ut essentialiale latius & proximum Metaphysicæ competit, id ejus genus est in definitione. Sed scientia (accepta pro habitu demonstrante affectiones subjecti) competit Metaphysicæ, ut essentialiale latius, & simul proximum. Ergo. Major nititur regula Log. de definitione. Minor habet duo membra: Prius, quod scientia latior sit; probatur, quia physica



fica & Matheſis etiam ſunt ſcientiæ; Alterum, quòd ſit etiam proximum, probatur inde, quia nec intelligentia, nec ſapientia, nec prudentia, nec ars dat ipſi proximum genus; Ergò relinquitur, quòd ſcientia id præſtet; quinque enim habitus intellectu-ales tantùm dantur. Remotionem reliquorum quatuor vide in controverſiis.

*Seç. 2.* Obiectum dicimus eſſe *Ens*. *Intellectus* noſ er in ſeſe non determinatus eſt ad *certum* aliquod, ſicut *gustus* ad *saporem*; ſed *potentiam* habet ad *omnia* intelligibilia. Ne ergò ex *multitudine* cognoscendorum inordinata oriatur *confuſio*, certa *congeries* cognatarum apprehenſionum ad *unum* obiectum reducatuſ neceſſe eſt; ſcilicet cognitiones *naturalium* rerum ad *corpus naturale*; obſervationes *commenſurationum*, *proportionum*, *figurarum*, ad *quantitatem* &c. ita etiam conceptus de variis modis *eſſendi*, *ſubſiſtendi*, *inharendi*, &c. ad evitandam *confuſionem*, ad *unum* obiectum ſunt reducendi, quod jam dudum *Ens* dictum eſt. *Conditio* verò *objecti* inter alias *hæc* eſt, prout accuratè pronunciat Zabarella, ut *mente* *representet* *unum certum conceptum*, *non æquivocum*, *nec aggregatum*, *nec concretum*; ſed *vel univocum vel analogum*. Si ergò *unum certum conceptum* menti ſiſtere

sistere debet *objectum*, exponendæ hæc occasione sunt primum *equivocationes*, seu *nominales* distinctiones *Entis*, & deinde ex iis *verum* *objectum* eligendum est.

*Seçt. 3. (1.) Ens latissime sumtum est vel complexum, vel incomplexum: Complexum est, quod plures complectitur conceptus; incomplexum, quod unum tantum.*

*Complexum & incomplexum autem datur vel in terminis, vel in rebus.*

*Complexum termini (alias Logicon) præcipuè est enunciatio, opus secundæ operationis mentis. Incomplexum termini est unus simplex terminus, è primâ mentis operatione natus, qui tamen sæpè plures involvit res, ut: audiunt, sapiens, &c.*

*Complexum rei (alias Physicum vel Metaphysicum) est, in quo plures res connectuntur, quod fit vel in aggregatis tam ordinatis, quale exercitus est; quàm inordinatis; quale acervus lapidum; vel in concretis, quæ constant subiecto & adjuncto, ut sunt e.g. doctus, pater; Rex, scribo &c. Incomplexum rei est, quod unam rem præcise exhibet: Coincidit certo modo cum abstracto, quod distinguui solet in ultimum, quod ulteriorem abstractionem non patitur, ut humanitas, albedineitas: Et non ultimum, quod ulteriorem abstractionem admittit, ut: homo, albedo.*

(2) *Ens aliud est per se, aliud per accidens:* quæ distinctio præcedenti cognata est.

*Per se* alias etiam opponitur *vsq[ue] per aliud*. Sic Sol est lucidus *per se*, Luna *per aliud*, Sed in hac oppositione, *per se* formaliter hîc non habet locum.

*Ens per se & per accidens* verò in tres modos potissimum dispescitur: Nam utrumq[ue] dicitur *primo respectu causæ*, & ita ens *per se* vocatur, quod productum est à *causa p[ro]p[ri]a* (de quâ infra) ut homo, canis: *Ens per accidens*, ut monitrum, hoc enim præter intentionem generantis producitur.

*Secundo respectu subjecti*, ita ens *per accidens* dicitur, quod non *necessario*, sed *contingenter* comperit subjecto, vel per *inhæssionem*, ut artes homini; vel per *adhæssionem*, ut albedo parieti, divitiæ agricolæ; vel per *circumjacentiam*, ut vestimenta homini; vel per *externam denominationem*, ut laus militi: Contrà, ens *per se*, resp. *subjecti* vocatur, quod dictis modis *necessario* comperit subjecto, ut resibilitas homini, locus corpori, putamina nuci, appetibilitas bono.

*Tertio, respectu unionis*, sic ens *per se* vocatur, quod remotis omnibus extra essentialibus *unam* tantum dicit *essentiam*, five simplicem, five compositam; five completam, five incompletam, ut Angelus, leo, homo, ani-

anima : Sed Ens per accidens est, in quo plura completa extræssentialiter sunt unita, vel per *concretionem*, ut homo eruditus; vel per *aggregationem*, ut Philosophia; vel per *consociationem*, s. *convulsionem*, ut ferrum ignitum. Hic tertius modus proprie est hujus loci.

(3.) *Ens est vel positivum, vel negativum. Positivum est, quod ponit veram entitatem in rerum natura, ut visus; Negativum, quod entitatem aliquam tollit.*

Tollit verò eam vel absolute, & sic dicitur ens *purè negativum*, ut non visus; vel *in aliquo*, scil. in subjecto capaci, in quo naturaliter ante *fuit*; vel *inesse debuit*, ut cœcitas, & dicitur *ens privativum*. Privatio enim propriè sumpta describitur quod sit *absentia* alienius perfectionis naturalis s. internæ in subjecto ad illam habendam apto, in quo vel jam ante *fuit*, vel *inesse debuit*. Differt ergo *omni modo* negatio à *privatione* in eo, quod illa dicit absentiam rei *absolutam*, non habito respectu ad certum subjectum, hoc verò talem, quæ in sua natura involvit ordinem ad subjectum aptum.

Porro, quatenus *privatio* plus, vel minus è subjecto tollit, eatenus vel *totalis* dicitur vel *partialis*. *Totalis* malignior est, tollit enim bonum aliquod internum è subjecto *simpliciter*, sc. quoad *potentiam & actum*,  
ut

ut quando plane periit visus. Partialis tantum *secundum quid*, sc. quoad actum, vel quem *gradum*, ut quando quis oculos claudit dormiens, vel luscus est.

(4.) *Ens est vel rationis, vel reale. Ens rationis est, quod objectivè à ratione fingitur ut res, licet non reverà detur extra mentem. Ens reale est, quod non est fictum, sed reverà datur, etiam nullo hominum attendente.*

Ens reale hic non opponitur *essentiali*, nec *intentionali*, nec *vocali*, nec *modali*: Preter fictionem mentis enim in rerum natura dantr, e. g. humanitas, lumen, vox, dependentia; Sed tantum illi, quod suum esse unice habet per fictionem intellectus, unde etiam ens *rationis* dicitur:

Sumitur vero *ens rationis*, quatenus reali opponitur non *intransitivè*, quomodo ipse intellectus dicitur *ens rationis*, non 2. *subjectivè*, pro eo, quod est in mente, tanquam in *subjecto*: ut physica, Metaphysica, &c. non 3. *effectivè*, pro eo, quod à ratione effectum est: ut meditatio, arte facta, &c. non 4. *objectivè realiter* (additur vox *realiter* ad distinctionem à seq.) pro eo, quod præter *esse objectivum*, quo ad intellectum refertur, etiam *esse reale* habet, vel reverà datur; ut cum contemplamur lunam, vel ejus eclipsin (*privatio hæc præter fictionem*  
men-

mentis datur reverà) Talia enim omnia hæc in oppositione ad ens reale pertinent.

Sed 5. *Ens rationis* fumitur vel *objective absolute*, pro eo, quod, præterquam quod *objicitur* iutellektui, *nihil est*, & ad quod *fingendum* nulla iutellektui ex re suppeditatur occasio, ut Cerberus, purgatorium &c. vel 6. *objective consequenter*, pro tali, quod quidem in se *nihil* habet præter esse *objectivum*, rei tamen alicujus cognitionem *consequitur*, quæ ansam dedit menti, tale quid fingendi. Talia sunt *relationes*, *notiones secundæ*, *technica* vocabula, &c. De hac quinta & sexta significatione vero notandum est, quod in his contineatur natura entis rationis quoad conceptum *objectivum* tantum. Conceptus enim *formalis* in mente semper est ens reale, licet fiat de ente rationis.

(5.) *Ens est vel actu vel potentia. Ens actu est, quod revera existit in rerum natura, sive jam è causis suis prodierit*, ut natus infans; *sive nullas agnoscat causas*, ut Deus. *Ens potentia sic in potentia est, quod nondum existit; à virtute agentis alicujus tamen produci non repugnat.*

Nonnullis alia poteutia dicitur *ad essendum & non essendum*; alia *ad operandum*. Nos hic non intelligimus potentiam *ad operandum*, quæ omnino verum ens est; nec po-

potentiam ad non *essendam*, quæ itidem reale quid dicit in subiecto corruptibili; sed tantum potentiam ad *essendam*, quæ id, quod nondum *actu* est, esse *potest*. Hæ sunt præcipuæ distinctiones nominales seu æquivocata entis, (quibus alii addunt distinctionem entis in *possibile* & *impossibile*: in *reale* & *modale*, &c.) quæ latissimè se per omne genus disciplinarum diffundunt, & propter innumeram eorum varietatem spinosissimas pariunt difficultates, quæ hîc ob constitutionem objecti Metaphysicæ prætermitti non potuerunt.

in Sect. 4. Non participat autem de objecto Metaphysicæ i. *Ens complexum*; quia plures simul menti representat conceptus, quod naturæ objecti repugnat; illud enim tantum unum certum conceptum debet menti offerre, non vero eam hinc inde distrahere.

2. *Ens per accidens*: Nam quod tale est respectu causæ, est ens casuale & fortuitum. Talia verò sub scientiam non cadunt; quia scire est rem per causam certam & necessariam cognoscere. Ens per accidens respectu subiecti non præbet simplicem conceptum, sed involvit subiectum adjunctum & respectum inter hæc: Ens per acc. respectu unionis etiam plura aggregat, & ita non est ens, sed entia plura.



3. *Ens negativum*; quia tollit entitatem, & formaliter dicitur *non ens*; Objectum vero est *reale quid*.

4. *Ens rationis*. Fingitur enim tantum esse; ergo in se non habet essentiam.

5. *Ens in potentia*. Nam (1.) in se non habet essentiam propriam: Quam autem in *causis* putatur habere, illa est potentia *causae*, quam ens *reale* esse statuimus; illa verò non constituit *intrinsecè* essentiam ejus quod adhuc est producendum. (2.) Destituitur *affectuibus*, quas omne *objectum* necessariè habet. Quis enim diceret, ens in *potentia* esse e.g. *causam* vel *causatum*. Nam *causa* non est, quia ita *esset* & *non esset* simul: *Effet*, quia *influeret* ad esse *causati*: non *esset* quia adhuc *producendum* est. Nihil potest agere, antequam existat. Non est *causatum*, cum nondum *emergerit* è suis *causis*. Sic quomodo quadraret, si ens diceretur in *potentia* bonum, verum, permanens. (3.) Per *modos*, vel *species* non contrahi potest. Ens in *potentia* enim nec *substantia* est, quia sic *per se* subsisteret antequam *esset* in mundo, quod contradictorium est; neque *accidens* est. Quod enim *inexistit* existit etiam. Ens in *potentia* vero nondum existit.

6. *Ens modale* (modus *abstractivè* consideratus) quia non habet essentiam, sed afficit  
tan-



tantum essentiam. Aliàs si *essentiam* haberet, iterum suos haberet *modos*, in infinitum. Quod igitur non habet *essentiam*, non est *ens*, & consequenter non est *objectum* Metaphysicæ. Deindè *modus* nec *substantia* est, nec *accidens*; ideò *ens* non est. *Unio* est *modus* in compositis, sed *substantia* non est, non enim *per se* subsistit; nec *accidens*, quia omne *accidens* cum suo *subiecto* per *unionem* conjungitur: Sic ergò *unio* iterum per aliam *unionem* cum *subiecto* conjungeretur, & sic in infinitum. Non verò propterea planè *ejicitur* ex Metaphysica, nec per *accidens* in eà tractatur, sed *objectum* modò non est, *contemplationis* scilicet.

*Seç. 5.* Relinquitur ergo quod *objectum* Metaphysicæ sit *ens incomplexum per se, positivum, actuale, & reale*.

*Seç. 6.* Ut vero in omni *objecto*, ita & in hoc duo sunt consideranda, *materiale*, & *formale*: seu *res*, & *modus* considerandi. *Materiale est ens*: Hoc habet Metaphysica commune cum aliis disciplinis. Nam & Logica versatur circa *ens*, sed alio modo, quatenus sc. subsistat notionibus secundis. *Formale objecti* Metaphysicæ est: *quatenus ens est*. Particula *quatenus* hic sumitur tam reduplicativè, quàm specificativè. *Reduplicativè*, quia indicat, cur *ens* sit *subiectum* Metaphysicæ, quia

quia sc. habet propriam & intrinsecam essentiam, quam ea, quæ in Metaphysica tractantur, requirunt. *Specificativè*, quia determinat objectum aliàs reliquis *commune*; quod non debeat accipi quidditate *particulari*, sed *universali*. Duo ergo officia sunt restrictionis hujus *quatenus ens est*: ut ponat, & removeat. *Ponit* & specificat illud, quod in objecto considerandum venit, scil ipsam internam essentiam, ejus affectiones & modos contrahentes, *subsistentiam* scil. & *inhærentiam*. Non ergo vi harum vocum: *quatenus ens est*, prohibetur, quo minus Metaphysica consideret substantiam, quatenus substantia est, sicut in Physica per verba: *quatenus corpus naturale est*, non prohibetur, quo minus consideret hominem quatenus homo est; Sed hoc docetur, quod Metaphysica in istis, quæ sub *subjecto* continentur, non debet *externa* considerare, sed *internam* & *propriam* essentiam, e. g. non debet contemplari ens, quatenus subsistat notionibus *secundis*, quatenus *numerabile*, &c. *Removet* ergo dicta restrictio primo *externas affectiones*, *enti intrinsecè*, & *per essentiam non convenientes*, ut non consideretur e. g. accidens, quatenus, scibile est, sicut Physica non considerat hominem, quatenus beandus est. Deinde etiam *quidditatem specialius determinatam*,

ne consideretur ens quatenus rationale, animatum, mixtum, &c. est. Continet enim se Metaphysica in *abstractione* secundum *indifferentiam*.

II. Dividitur Metaphysica in partem *generalem* & *specialem*.

Duobus enim modis se objectum menti repræsentat; scilicet in *genere*, & in *specie*; unde tot prodeunt partes. Quando vero Metaphysica accipit partem *specialem*, non putandum est, quod desinat esse *generalis* disciplina, sed una pars est tantum universalius alterâ.

III. *Generalis* pars est, quæ contemplatur in *summâ* abstractione, quoad naturam & communissimas *affectiones* quæ per se infunt tam substantiæ, quam accidenti.

IV. *Specialis* pars est, quæ agit de ente in abstractione minori, quâ per *subsistentiam* & *inherentiam* contrahitur.

## SECT. II. ELENCHTICA.

I. *An Metaphysicæ Genus sit Ars, vel prudentia, vel Intelligentia, vel sapientia?*

Neg. *Ars* non est ejus genus, quia definitur habitus cum recta ratione *effectivus*. L.6. Eth. c.4. Hæc definitio vero longissime abest

abest a natura Metaphysicæ, quippe quæ nunquam se ad *effectiorem* aliquam demittit.

*Prudentia* itidem non est ejus generis, nam hæc etiam habitus *practicus* est. At differentia *opposita* non potest tribui rei, quæ participat de altera *opposita* differentia. Hinc sequitur, quodd, sicut *rationalis* non potest tribui *irrationali*, & per consequens etiam non *cani* vel *leoni*; ita etiam *practicum* non possit tribui *Theoretica* Philosophia, & consequenter etiam non *Metaphysicæ*, quæ ultimare subsistit in *nudi* cognitione, atque hinc non est *Practica*, sed *Theoretica* disciplina.

Nec *Intelligentia* Metaphysicæ genus est, ea enim est habitus *priorum principiorum*, Metaphysica quidem etiam circa *principia prima* est occupata; fit verò hoc diverso modo. *Intelligentia* agit de iis in *actu exercito*, & conclusiones exinde format.

*Sapientiam* esse Metaphysicam non negamus, quia ex primis principiis *conclusiones* format. Quod verò *Sapientia* Metaphysicæ genus sit, hoc negamus. Nam non omne, quod de re aliqua dicitur, ejus genus est. e.g. Homo est microcosmus, virtus est vitium fugere &c. Arg. Quodcunque non pluribus disciplinis *Theoreticis* competit, non est Metaphysicæ genus. *Sapientia* non competit pluribus disciplinis *Theoreticis*. Ergò non est

est Metaph. genus. Sapiencia & Metaphysica sunt Synonyma gram. & *aquipollentia*, quæ se invicem non definiunt : Æque recte dico : Sapiencia est *Metaphysica*, quam Metaphysica est *Sapiencia* ; sicut dico : Ens est *res*, & *res* est *ens*. Non ergo Sapiencia est genus, sed species *specialissima*.

*II. An Metaphysicæ genus sit Scientia. Aff.*

*Scientia* enim proximè latior est *habitu* contemplari *e ens*, quatenus *ens* est, & simul est de ejus *essentia*, quia ex *principiis* demonstrativis deducit *conclusiones* infallibiles.

*Formalitas Scientiæ*, si rectè eruitur, & nudè menti repræsentatur, est *cognitio infallibilis conclusionis ex principiis demonstrativis* (sive sint *prima*, sive *orta*, sive *proxima*, sive *remota*.) *Conditiones materiales* autem non debent in *formale* seu in ultimum *conceptum* scientiæ inferri.

Quod *Scientia* sit *latior* Metaphysicâ, inde patet, quia competit *Physicæ* quoque, *Mathesi*, & *Pneumaticæ*. Et Proximè ipsi competit, quia non potest *proprius* genus dari. *Scientia* ergo *latior* est sapientiâ, & hoc modo tanquam *genus* in *species* per *differentias* contrahitur : *Scientia* est vel *prima*, vel *secunda*. *Prima* est Sapiencia vel Metaphysica, quæ addit scientiæ ut sic sump-

tæ *primitatem*, scil. principiorum *primorum*, unde etiam absque dubio *prima* Philosophia dicitur. *Secunda* considerat vel corpus, ut *Physica*, vel spiritum, ut *Pneumatica*; vel quantitatem, ut *Mathesis*.

*III. Qua abstractione utatur Metaphysica in ponendis suis limitibus?*

Resp. *Abstractio* est illa operatio mentis, quæ rem è statu *singularitatis* in statum *universalem* deducit. Et hunc habet usum accidentalem, ut sub notione *materiæ* limites disciplinarum indicet, & designet, quæ ad quamvis pertineant, quæ non. Est autem quadruplex: *Abstractio* alia abstrahit à materia *secundum indifferentiam*, & istos sibi vendicat *conceptus*, qui *materiatis* & *immateriatis* indifferenter communes sunt, licet in sua formalitate nullam *materiam* implicent. Alias dicitur *Abstractio Metaphysica*, quia termini *Metaphysici* ita sunt *abstracti*.

2. Alia abstrahit à materia *secundum essentiam*, srem, & illos sibi tantum vendicat *conceptus*, qui *materiam* plane respuunt, & *abstractio Pneumatica* dicitur.

3. Alia abstrahit à materia *signata* seu *singulari* tantum: Hæc tales format *conceptus*, qui quidem rebus *materiatis* competunt tantum, non verò *individualibus*. Dicitur hæc *abstractio Physica*.

4. De-

4. Denique alia abstrahit à *materia singulari simul & universali*. Hæc versatur quidem circa res, quæ semper in *materia* existunt, sed non considerat eas *quatenus* sunt in *materia*. Dicitur alias *abstractio Mathematica*.

Potest & adhuc aliter distinguere *abstractio*, scilicet in eam, quæ est *secundum rem*, & quæ *secundum rationem*. Secundum *rem* abstrahit secundo loca posita, quæ aliàs vocatur *secundum essentiam*. Secundum *rationem* abstrahit prima, tertia, & quarta, licet non uno modo.

Ex hisce 4. *abstractionis* speciebus prima competit *Metaphysicæ*, quæ abstrahit *secundum indifferentiam*. e.g. veritas, unitas &c. *indifferenter* se habent ad res *materiatas* & *immateriatas*. Æque homo est unus ac Angelus.

#### IV. Quenam scientificè in Metaphysica tractantur?

Quæ *scientificè* tractantur, ea coërcet *ens quatenus ens*, & *abstractio secundum indifferentiam*. Traduntur autem hæc vel *directè*, ut entis natura; vel *in ordine ad directum*, ut *affectiones* entis, ejus *species*, & *principia demonstrationis*.

Quæ non *scientificè* à Metaphysica cognoscuntur, illa in ea habentur vel *planè per accidens*, cum scilicet aut *homonymia* aliqua tollitur, ut in distinctionibus *nominalibus* entis;

entis; aut alias per remotionem indicatur hoc vel istud ad Metaphysicam non *pertinere*, ut explicationes lineæ, anguli, figurarum, &c. in *quantitate*; aut ad eam *trahuntur signatè*, quæ alias in *particularibus* disciplinis usitatoribus locum non inveniunt, ut doctrina de *abstractione*, de *liberatione* termini ab *imperfectiōe*, de *analogia* &c. quæ per se in *Intelligentia* (disciplinâ adhuc rariori) traduntur; aut, cum *occasionaliter* per digressionem *commentarii* loco aliquid adducitur, ad *declaranda* alia, quod tamen *abstractionem* Metaphysicam excedit, ut *materia* & *forma* ad declarandum naturam *actus* & *potentiæ passivæ*; vel ob *aliqualem necessitatem*, cum sc. aut objecta *reliquarum* disciplinarum præcognoscit per *quædam*, non *σοειαν*) illaque illis elaboranda tradit; aut *summa genera* complet, ut per *quantitatem*, *situm*, & *habitum*; aut *exempli causa* particularia adducit, ut ostendat, universalia à *particularibus* suam habere veritatem.

*V. Quânam demonstratione utitur Metaphysica?*

*Resp.* Metaphysicam definimus per *scientiam*, ergo *demonstratione* utitur; nam *scientia* est effectus *demonstrationis*. Est vero demonstratio vel *directa*, s. *ostensiva*, vel per



*impossibile*. Utramque adhibet Metaphysica.

In *ostensiva* duplici utitur principio.

Primum est ipsa *essentia*. Ex hoc principio ita demonstrat:

Quicquid habet *essentiam* realem, illud est *verum*.

Sed *ens* habet *essentiam* realem.

Ergo *ens* est *verum*.

Secundum est *affectio* prius demonstrata, e.g.

Quodcumq; est *creatū*, illud est *dependens*.

Quoddam *ens* est *creatum*.

E. Quoddam *ens* est *dependens*.

Hæc quidem principia non sunt *strictè* sic dictæ causæ, secundum rem distinctæ ab effectu; Tales enim non possunt in Metaphysica haberi, aliàs etiam Deo convenirent veræ causæ, si enti, quatenus *ens* est, competere: sunt tamen *causæ virtuales* eorum, quæ demonstrantur & tales sufficiunt ad scientiam in ultima formalitate spectatam, uti accuratè hoc deducit Suarez, Disp. i. Metaph. §. i. n. 27.

In demonstratione *per impossibile*, s. ad *absurdum*, utitur primo hoc principio: *impossibile est idem simul esse & non esse*, quod fusc explicat Arist. 3. Met. c. 3, & 4. Et ita demonstrat.

Si non omne *reale* est *actu*, utiq; quoddam *ens jam* est, quod *aliquando futurum* est de-  
muni. Sed

Sed *consequens* est *absurdum*, quia sic *esset* & non *esset* simul : *esset*, quia *ens reale* *esset*. *Non esset* quia *futurum* *esset*. Ergò & *an-*  
*tecedens* non minus *absurdum*.

*VI. Utrum doctrina de ente rectè vocetur  
Metaphysica ?*

Sunt, qui putant, quòd rectius vocetur *ὀντολογία* ab *objecto* suo, ad *analogiam* discipli-  
narum ferè omnium, quæ *nomen* habent ab  
*objecto* petita. Nos quidem simpliciter il-  
lam appellationem non rejicimus ; publicè  
verò eam introducendam esse negamus.  
Termini *artium* temerè non sunt *mutandi*,  
sed *juvandi* explicatione, aliàs posterì no-  
stri hospites erunt in libris antiquorum, in  
quibus occurrunt isti termini : Dandum  
aliquid consuetudini.

*VII. An enti in potentia possint rectè tri-  
bui realia prædicata ?*

*Aff.* Cùm distinct. Attributa *denominan-*  
*tia extrinsecè* possunt illi, quod *futurum* est,  
notione temporis *præsens* tribui, ut : Cre-  
do resurrectionem mortuorum ; Sed *intrin-*  
*secè denominantia* tantùm sub notione *futuri*  
tribuuntur *futuro*, ut : *resurrectio* mortuo-  
rum *animas* corporibus rursus *uniet*.

## SECT. III. AXIOMATICA.

I. Metaphysica est scientia *necessaria*, *nobilissima* & *utilissima*.

*Necessaria*, quia aliàs terminorum *communissimorum* turpis repetitio in omnibus disciplinis *signatè* esset instituenda. *Nobilissima*; quia *reliquis* disciplinis *objecta* præscribit, & omnia revocat ad *prima* principia, ex quibus tanquam *Regina* tam solidam sententiam pronunciat, cui nemo amplius *contradicere* aufit. *Utilissima*, explicat enim *distinctiones* & *terminos* in omnibus *aliis* disciplinis occurrentes: eruit eorum formale, ut alibi tutò adhiberi possint: facit ad controversiarum nodum ritè secandum, &c.

II. *Res* antequam existit, *nihil* est.

Si enim esset *aliquid*, esset antequam *esset*, cum *esse* nihil aliud sit quam *existere*. Distinguendum autem inter *nihil simpliciter* acceptum, & *secundum quid*. Hoc non datur quidem *in esse reali*, datur verò sæpè *in esse cognito*, tanquam existat, e. g. dies extremus, eclipsis, &c.

III. Pri-

III. *Privatio præsupponit habitum.*

Si non semper *de facto*, tamen *de jure*. Privatio enim non tantum ejus *absentiam* dicit, quod *fuit* in subiecto, Sed ejus quoque, quod *inesse debuit*, licet nunquam adfuerit. *Surdus* à nativitate nunquam habuit *auditum*, & tamen rectè dicitur eo *privatus* esse. *Posterii* Adami nunquam habuerunt *concreatam rectitudinem*, & tamen eà sunt *privati*.

IV. A *privatione* ad *habitum* non datur *regressus*.

Scilicet à *totali* non datur *regr. naturaliter*. *Supernaturali* modo omnino datur; quod resurrectio mortuorum manifestum facit.

V. Quod *æquivocè* ens est, *æquivocè* habet *affectiones* entis.

Hinc peccata non habent *causam efficientem* sed *deficientem*.

## PARS GENERALIS.

EJUSQUE

LIBER I.

De Contemplatione entis absoluta ab attributis.

## CAPUT I.

*De natura Entis, ejusque conceptu.*

## PRÆCEPTA.

I. Ens est, quod in se, & per se, habet essentiam realem & positivam.

*In descriptione data explicanda seq.*

I. **H***Abere essentiam.* Hæc phrasis non ita est accipienda, quasi reale discrimen detur inter ens *habens*, & essentiam *habitam*. Ens enim est conceptus *simplicissimus*, ut Deo etiam tribui possit, qui omnis *compositionis & divisionis* expers est; sed desumitur à *nostri* intellectus *imbecillitate*, & concipiendi modo.

2. *In se.* Hæc particula vult, ut non putemus illud statim ens esse, quod est in *esse cognito*. Hoc enim non est ab *interna* constitutu-

stitutione rei, sed ab *extra* ipsi accedit.

3. *Per se*. Hæc particula removet ens per *accidens*, de quo vide supra.

4. *Essentia realis*. Hac voce excludimus ens *rationis*, & *modale*, de quibus supra egimus. Hæc enim non verè sed æquivoce tantùm entia sunt.

5. *Essentia positiva*. Hac voce excludimus *privationes*, & *negationes*; ut intelligamus illud duntaxat ens, quod *reipso* & *actu* verā entitatem *ponit* in rerum natura; non verò istud, quod *entitatem* aliquam è natura *auferit*. Cæterùm quia in ente, non tantùm *entitas*, sed etiam *scibilitas* est consideranda, idcò hîc etiam de ejus *conceptu* agendum est.

II. Conceptus entis est *noema*, quo ens *intellectui* representatur.

Denominatio *conceptus* ex rebus naturalibus (sicut multæ aliæ) est desumpta. Sicut enim ex *conjunctione* animalium foetus concipitur, ita ex *conjunctione* rei & intellectus *nascitur noema*. Nam ut aliquid *intelligatur*, requiritur, ut cum *intellectu* jungatur. Hoc verò non potest fieri secundum *reale* esse; aliàs intelligentes *equum* ipsam *corpoream* substantiam in *animâ* gestaremus, pervestigando *naturam* Diaboli *obsessi* essemus; sed fit secundum esse *inten-*

*tionale*, ita ut per imaginem suam res menti  
sistatur.

III. Conceptus entis est duplex. *forma-  
lis* & *objectivus*.

IV. Conceptus entis *objectivus* est *ab-  
stracta* natura entis, quam intellectus  
*extra* se quasi in *prospectu* collocat, ut  
suum sit *objectum*, & per *formalem*  
conceptum sibi repræsentetur.

Omnia *individualia* entia, quæ in rerum  
natura habent reale, actuale & positivum  
esse, in aliquo *conveniunt*. Hæc *convenien-  
tia* tam *universalis* est, ut *Deus* ipse ad eam  
quoque pertineat; tam *indifferens* est, ut  
tàm *creatori* quàm *creaturis* competat. *Deus*  
enim, sicut non *planè* sibi *simile* producere  
potuit, ita nec potuit aliquid à *se* omni ra-  
tione *diversum* efficere: Hoc enim *non ens*  
esset, quod non habet rationem *factibilitatis*.  
Id verò, in quo *Deus* & omnia *reliqua* *con-  
veniunt*, *ens* est; omnia enim suum *esse* ha-  
bent. Licet autem hæc res cum *ista*, *illa* cum  
*illa*, *illa* cum *alia*, omnis cum omni in indi-  
viduo quoad *essendi* rationem *conveniat*, ta-  
men ita res nondum sunt *objectum* intel-  
lectus; est enim illa *convenientia* *individuis*  
immerfa, quæ quoniam *nobis infinita* sunt,  
ab *intellectu nostro* omnia (ut satiatur) ex-  
hau-

hauriri non possunt. Requiritur ergò, ut mediante *abstractione* convenientia illa è statu *singularitatis* in statum *universalitatis* deducatur. Hoc quando fit, nascitur conceptus *determinatus*, omnibus quidem entibus singularibus *communis*, ab omnibus tamen etiam ope mentis *abstractus* & *præcisus*. Hunc, licèt tantùm in mente detur, ad modum tamen cognitionis singularium, *intellectus* quasi *extra* se in prospectu ponit, sicuti *visus* coloratum corpus, & uia in omnibus *operationibus* ipsi mediante *specie intelligibili* obijcitur, *conceptus objectivus* dicitur.

V. Conceptus entis *formalis* est species *intelligibilis*, de Conceptu *objectiva* formata, qua ens *idealiter* præsens immediatè menti sistitur ad contemplationem.

*Objectum intellectus* hoc in negotio est *Conceptus objectivus*, ut antea dictum. Hunc contemplatur mens adhibita *specie intelligibili*, quæ est qualitas *intentionalis* à mente producta, & in mente hærens, instar *imaginis* repræsentans *objectum*, & tamdiu durans, quamdiu intellectus in actuali consideratione objecti perseverat. Dicitur *formalis*, quia instar *formæ accidentariæ* menti inhæret, vel quia rem in *abstracta formalitate* menti repræsentat.



*Differentiæ conceptus formalis & objectivi.*

1. *Conceptus formalis semper qualitas est: objectivus ex omnibus prædicamentis constituitur.*

2. *Formalis semper ens est singulare, licet de universali fiat: objectivus nunc singulare, nunc universale.*

3. *Formalis semper est ens reale, licet etiam de ente rationis fiat: objectivus tam ens rationis, quam reale.*

4. *Formalis ab inferioribus realiter & exclusivè est abstractus; novâ enim specie opus est intellectui ad concipiendam substantiam, quæ realiter diversa est ab ea, quæ concipit ens in communi: Objectivus verò non re, sed ratione est abstractus ab inferioribus; non exclusivè, sed præcisivè. Intimè enim ab omnibus inferioribus inbibitur, licet determinatæ quidditates non simul apprehendantur.*

5. *Formalis ab alio formali realiter discrepat, ubi inter hunc & istum conceptum objectivum sæpè nulla realis distinctio intercedit. Ut verò doctrina de conceptu plenius percipiatur, notanda sequentia.*

VI. *Ens quatenus refertur ad nostrum intellectum, est in quadruplici statu; fundamentalis, idealis, universalis, & formalis, qui status tamen intellectui non proponunt diversa objecta, sed unum idemque*

que distinctè concipi posse indicant.

1. *Status objectivus fundamentalis est, secundum quem existit, & in individuis radicatur.* Hoc modo Johannes est ens, Casparus est ens, hic canis, hæc rana, hæc justitia Aristidis, & omnia reliqua individua sunt entia. Hic status reliquis supponitur unde & *fundamentalis* dicitur: est causa radicalis omnium veritatum, quæ de ente habentur, quia omnes in se continet, (ut Scotus loquitur) sc. virtualiter.

2. *Status objectivus idealis entis est, quando ens per ideam seu imaginem non solum consideratur, prout radicatum est in individuis, sed in sua natura per præcisionem ab omnibus individuis abstracta quoque concipitur.* Ex hoc statu fuit conceptus *objectivus* entis, & *objecti* Metaphysicæ constitutio, ut & entis definitio.

3. *Status universalis entis est quando ens in individuis fundatum & à conditionibus individuuantibus abstractum porro accipit conceptum aptitudinis essendi in multis, ut per modos possit contrahi, & inferioribus applicari.* Hoc in statu ens aptum natum est dici de *substantia*, (substantia est ens) de *accidente*, de *corpore*, (corpus est ens) de *spiritu*, de hac *quantitate*, de *ista qualitate*, &c.

4. *Status formalis entis est, quando ens vel in statu fundamentalis, vel idealis, vel universalis*

*sumptum per speciem intelligibilem menti representatur.* Intellectus enim nullum obiectum, quatenus est obiectum, immediate cognoscit, sed semper per speciem & ideam, quæ sæpè iterum ab alia idea fit, sicut imago in speculo, de se producit imaginem. Ex hoc statu fluit conceptus formalis, de quo in præcedentibus actum est.

### PROBLEMAT A.

*I. An e s in abstractissima natura consideratum habeat principia essendi?*

*N.* Principia sunt *essendi*, vel *cognoscendi*. *Essendi* principia dant rei essentiam, ut materia & forma corpori. *Cognoscendi* principia dant tantum homini cognitionem de re aliqua. *Hæc* quidem habentur de ente, & exhibentur in axiomatibus Metaphysicis, quæ sparguntur per totum Metaphysicæ campum. *Illa* verò negantur. Rationes.

1. Si Ens in abstractissima natura spectarum haberet principia essendi; Deus etiam ea haberet, quod absurdum.

2. Si ens haberet principium *essendi*, sui ipsius principium esset, quia tale principium esset vel *ens*, vel *modus* entis, vel *nihil*. *Nihil* non potest esse principium *essendi*. Quod *entitatem* non habet, illud eam dare non potest. *Modus* ordine naturæ sequitur *ens*, ergo non

potest esse ejus *principium*, ergò esset ens. Ens verò in abstractissimo conceptu non est *duplex*, sed *unum* tantum. Ergò ens esset entis (id est, *sui ipsius*) *principium*. Hoc vero est absurdum, quia nihil fit à seipso.

3. Falsa foret assertio Metaphysicorum: *Omne ens est vel principium vel principiatum*: si enti, ut sic sumpto, principia essendi ascriberentur, ut *principiato*.

III. *An conceptus entis objectivus sit unus?*

*Aff.* In conceptu enī *objectivo* entis datur *abstractio* sine *distractive* mentis ad *plura*. Est omnino itaque *unum*, quod non est *divisum*.

Ipse experientia testatur, quod quando audimus vocem *entis*, mens nostra non simul recipiat *plura*, ad quæ *distrabitur*, ita ut feratur eo ipso vel ad entitatem *substantiæ*, vel *accidentis*, vel concipiat *creatum* vel *increatum*; sed subsistit in *aliquo* tali, quod omnibus ejusmodi *expressioribus* essendi rationibus commune est.

III. *An conceptus entis formalis sit unus?*

*Aff.* Est enim *certum* accidens in *hoc* vel *illo* intellectu hærens, & determinatur per *hoc* aliquid *alicubi* & *nunc*.

IV. *An de conceptu formali in intellectu ali-*  
*us formari possit conceptus formalis?*

*Aff.* Est enim quid reale; Ergò potest  
per

per aliquem conceptum formalem menti repræsentari.

## AXIOMATA.

I. Conceptus objectivus *mensuratur à re; formalis ab objectivo.*

Omnis conceptus est *verus* per repræsentationem, & habet suam *restitutionem* ab eo, quod *repræsentat*, sicut *imago* in speculo a *facie* hominis, non vero à *speculo*. Quando ergo à re *abstrahitur* conceptus *objectivus*, non pro *hijitu* est formandus, sed secundum normam rei. *Objectivus*, cum per *formalem* repræsentatur, iterum fit ejus norma. Omnis imago æstimatur ab eo cujus est imago.

II. Ens est *generalissimum, supremum, & primum* cognitum.

Platonici *unitatem* ente *priorem* fecerunt. Sed *unitas* nullibi est nisi in *ente*, est enim ejus *affectio*; ergo potius sequitur *simplicissimum* entis conceptum, qui in *summo* absolutus est ab *affectioibus*. *Generalissimum*, quia omnia in eo conveniunt. *Supremum* est, quia aliàs fieret progressus in infinitum, e.g. Quid est Metaphysica? est scientia. Quid est scientia? Est habitus intell. Quid est habitus intell. Est qualitas. Quid qualitas? Est ens. Quid ens? Resp. Hic subsistendum. *Primum cognitum* est, quia quando aliquid nescimus defi-

definire vel nominare, primum quod nobis succurrit, hoc est, *Est ens*. Mens nostra enim in scrutinio rerum *initium* facit à *communissimis*, per cognitionem *confusam*. Deinde magis magisque ad *penitior*em & *distinctio-*  
*rem* cognitionem descendit.

III. Inter *ens* & *non ens* est infinita distantia.

Intellige distantiam, *non positivam*, qualis est inter rem & rem, e.g. inter Deum & hominem; sed *negativam*, quia in *nullo* habent *convenientiam*. Non nemo ex hoc axioma probat, animas brutorum à corpore separatas manere ad extremum diem, quia infinitum intervallum inter *ens* & *non ens* non possit expleri nisi ab infinito. Verum male applicat regulam. Non enim ex ea hoc fluit, quòd naturaliter ex aliquo non possit fieri nihil, (species intelligibilis, dies hesternus, iris præterita, &c. omnino in nihil abeunt naturaliter) sed hoc tantum intendit, quòd *ens* & *non ens* in *nullo* convenient. Vide sis hanc controversiam fusiùs deductam in meo Coll. Phys. Disp. 1. Theor. 7.

*Error Philosophorum hac in parte nimium vulgaris ne Subtilissimo aliqui imposuerit Authori, haud immerito subveretur Editor: Ens enim à non Ente neutiquam distare posse videtur, nisi per Essentiam, per quam est Ens:*  
*Ens*

*Ens igitur infinitum, scil. Deus per essentiam suam Infinitam infinitè sane distat à Non Ente: Ens autem Finitum, omnis scil. Creatura, per essentiam suam Finitam, finitè solum à Non Ente videtur distare: Quinimo si infinitè distaret, nullo pacto, ut mihi videtur, vel dari potuit Ens Creatum; cum juxta Aristotelis Maximam optimâ etiam Ratione nitentem, Infinitum transiri nequeat, nec à Potentia finita, nec quidem Infinita. Ad hæc; Si Ens ut s<sup>i</sup> infinitè distaret à Non Ente, unum Ens Creatum non magis distaret à non Ente quam aliud quodvis (puta, Augustissimus ex Angelorum choro, quam minutissima Formica) imo nec ipsum quidem Ens increatum, quam Ens quodvis Creatum, à Non Ente simpliciter magis distaret; cum Distantia Infinitæ nullos omnino admittat Gradus.*

IV. Ens importat excellentiam, non defectum.

*Ens negativum & privativum dicit quidem defectum & absentiam alicujus entitatis, ut supra dictum; Sed tale quid æquivoce tantum dicitur ens. Quod propriè ens est, illud sub ratione essendi simul involvit præstantiam aliquam. Hoc manifestum facit comparatio cum non ente, & modo. Summum defectum importat non ens, quia nihil habet realitatis. Modus quidem habet diminutionem quan-*

quandam *Entitatem*, quam quidam *realitatem* appellant, sed ad entis statum non accedit; *Afficit* ens, non *est* ipsum ens. Est *aliquid* rei, non *ipsa* res. Ens ergo, quia ab his imperfectionibus longissimè recedit, omnino nobilitatem involvit. Infert autem ens excellentiam quoad essentiam *intrinsecam*, & *per se* consideratum, non quoad *statum* aliquem *accidentalem*. Per accidens enim fieri potest, ut superveniente summa miseria, Præstet planè *non esse*, quam *tali* vel *tali* modo *esse*.

*Authorem intelligo de Miseria non naturalisolum, sed & morali; alioqui nec miseria certe Summa, nec Assertio forte vera esset.*

## CAPUT II.

### De Synonymis Entis.

I. Synonyma entis sunt termini, qui *eandem* cum ente habent *significationem*, vel *simpliciter*, vel cum *connotatione* alicujus respectûs.

Intelligenda sunt hic non *Synonyma Logica*, sed *Synonyma Grammatica*, quæ sunt voces planè idem significantes, quales coacervat Plautus, dum dicit: Stulti, stolidi, fatui, fungi, bardi, blenni, buccones, &c.



II. Dividuntur in duas classes; nam quædam per *omnia & simpliciter* enti æquipollent: Quædam vero ad *significationem* entis addunt *respectum* aliquem ex usu loquendi *Philosophico*, vel vi vocis *grammaticæ* defuntum.

III. Synonyma primæ classis sunt *Essentia*, *res*, & *aliquid*.

*Essentia* plane idem est, quod *ens*: Quidam ponunt differentiam, eo quod *ens* se habeat ad *essentiam* uti *concretum* ad *abstractum*. Verum *ens* in *Metaphysicis* sumitur *nominatim* atque in *abstractissimo* conceptu; non *participialiter*, ut *rationem* aliquam *adjectivi* & ita *concretionem* subinferat. Nata procul dubio est illa sententia ex conceptu vocum *Grammatico*, qui iudicat *essentiam* *abstractiorem* ente. In sensu autem *Philosophico* nullo modo admittitur; Ita enim est *ipsissimum* *ens*.

*Res* etiam *simpliciter* cum ente recurrit. Nihil enim involvit *ens*, quod *res* non habeat, & contra.

*Aliquid* non minus quam *res* & *essentia* est *Synonymum entis*. Allusio, qua *aliquid* putatur esse *aliud quid*, & ita potius referendum censetur ad affectionem *diversitatis*, quàm ad *Synonyma entis*, non habet in usu *Philosophico* fundamentum, sed *aliquid* idem valet

valet atque habens *quidditatem aliquam*, in qua significatione ab *ente* non, nisi solo nomine, discrepat: Concludimus Theorema hoc ratiocinio.

Si huic principio primo, *Impossibile est idem simul esse & non esse*, æquipollent sequentes locutiones. Impossibile est idem simul habere *essentiam*, & non habere *essentiam*: Impossibile est idem simul esse *rem*, & esse *non rem*: Impossibile est idem simul esse *aliquid* & *nihil*; utique etiam *esse. tia*, *res*, & *aliquid* æquipollent enti.

Sed verum est prius. Ergo & posterius.

IV. Synonyma secundæ classis sunt *Existencia*, *Quidditas*, *Natura*, *Forma*.

*Hæc* quidem idem significant, quod *ens*, addunt tamen in usu *Philosophico* respectum aliquem, qui simul, dū voces hæc audimus intellectui nostro subnascitur. Nimirum,

*Existencia* ad significationem *entis* vi vocis addit respectum ad *causas* rei, *extra* quas res per *existentiam* (tanquam *extra-existentiam*) sistitur, sive è *causis* suis *positivè* proderit, sive *negativè* omnem respuat causam.

*Quidditas* dicit *ens* cum respectu ad cognitionem nostram; scilicet involvit simul cum *entitate* *scibilitatem*, quatenus id quod in se revera est, fit *accidentaliter* objectum nostri intellectus.

*Na-*

*Natura* dicitur *ens* cum respectu ad *operationes & proprietates*, quæ acceptio proculdubio nata est ex descriptione Aristotelis, quæ *naturam* dicit *principium motus*, &c. Notandum hic, quod in *Metaphysica* *natura* aliter sumatur, quam in *Physica*: In hac enim *strictè* loquendo notat *principia* corporis naturalis *interna*, & sic ad *materiata* tantum spectat; in illa verò ampliatur & abstrahitur, ut indifferenter se ad *materiata & immateriata* habeat.

*Forma* etiam æquipollet *enti*; nam quodvis *ens*, sicut per *essentiam*, ita per *formam* est id quod est. Involvit autem hic terminus hunc respectum, ut frequentius à Philosophis usurpetur in applicatione ad *particulares & determinatas* quidditates, quam in *communi*. Hinc nati sunt termini isti Scholastici, *humanitas*; *animalitas*, *præceptoritas*, *paternitas*, &c. quibus cujusque rei *propria* quidditas in *particulari* designatur. Forma hæc omni *enti* competit; idè est vel *substantialis*, vel *accidentalis*, prout illud, cujus est forma, in *alio* atque *alio* genere reperitur. Differt hæc forma *Metaphysica* à *Physica*, per modum *totius & partis*. Nam *Metaphysica* forma *totam* *essentiam* notat; *Physica* verò *alteram* tantum partem *essentialem*.

## PROBLEMAT A.

I. *An Metaphysicus teneatur semper purè loqui?*

Neg. Cùm per totam Metaphysicam & præsertim in hoc & sequenti capite multi termini occurrunt, qui *Tullianæ* elegantix candidatis frontem corrugare queant, cum scilicet audiunt *realitates, formæitates, entitates, quidditates, alietates, totalitates, partialitates, personalitates, supposititalitates, hæcceitates, identitates, individualitates*; & adverbia *formaliter, idealiter, substantialiter, essentialiter, personaliter, quidditative, signate, exercite, &c.* ideò placet hac occasione quædam de *Philosophi* stylo inferere. Summa discursus hæc erit, quod nullo jure possit cogi *Philosophus*, ut, dum *Philosophica* tractat, nullis aliis vocabulis & phrasibus utatur, quam quæ in *purioris* latinitatis autoribus (nam in hac lingua hodie *Philosophia* traditur) inveniuntur. Rationes sunt sequentes.

I. *A necessario*: Latini fanè multas *accuratoris* *Philosophiæ subtilitates* neglexerunt. Hinc factum, ut multis rebus nomina non imposuerint. Ideò *Philosophi* eas tractaturi *necessitate* quadam inducti sunt, ut signa articulata vocabula sc. facerent, quæ loco rerum in suis contemplationibus substituerent,

rent, secundùm illud Arist. lib. Categ. Philosopho licet *ἰσχυράλατοις*: Hac de re Gutkius intel. f. 55. ita censet: Quando neglecta est ab autoribus *ἀκριβεια*, vel eadem ob sublimitatem objecti apprehendi non quivit, & posteaquam à nobis animadvertitur, tùm multiplicatis *rebus* etiam *termini* multiplicari possunt. Scilicet 1. quando *urgens* aliqua *ratio* in propatulo est. 2. quando multiplicatio ista fundatur in *re*. Hoc privilegium est supra Rege & Imperatores, dicit D. J. Mart. l. 3. Inf. Loc. c. 1.

2. *Ab incommodo*. Postquam igitur à *priscis* Philosophis *termini* multi, licet *non latini* introducti sunt, illos iterum *eliminare* & *novos* substituere, aut ex *pura* latinitate *circumlocutiones* conquirere salus reipublicæ *literariæ* vetat. *Terminorum* mutatio cum magno *discentium* damno conjuncta est.

3. *Ab inhonesto*. Qui *vanas* contentiones de *verbis*, *phrasibus*, &c. in *Philosophia* movent, illi suam hoc ipso produnt *inscitiam*. Omnes enim *artes* sua habent *vocabula*, quæ sicut non nisi ab *artifice* intelligi, ita non nisi ab eo *dijudicari* possunt; Quomodo enim iste de *artibus* rectè judicabit, qui *artes* ignorat: Ita enim *Metaphysica* habet suos *terminos*, qui non intelliguntur nisi à rerum *Meta-*  
*physi-*

*physicarum* perito. Istos carpere *intempestiva* sapientia est, quæ plerisque est tædio & ludibrio.

4. *Ab honesto.* Vergit hoc ad disciplinæ præstantiam: quod *tales* terminos habet, quos *omnes* non intelligunt.

Non fanè contemnuntur ideò artes *manu-ariae*, quia *certa* sibi vendicant *vocabula*, quæ *vulgus* latent; sed potiùs *admirationem* injiciunt hominum animis. Non exigua delectatio est cum *pharmacopæo* posse cuncta *pondera*, *instrumenta distillatoria*, &c. cum *automatario* omnes *rotulas*, *claviculas*, *aciculas*: cum *musico organico* signa *tabulaturæ*, ordines *fistularum*, &c. proprio & *artificibus* usitato nomine appellare: Quidni etiam *Metaphysicæ* hoc augeat *dignitatem*, quod nolit nisi à *cultoribus* suis intelligi.

II. *An termini Metaphysici minus latini sint barbari?*

Neg. *Fuerunt* barbari, antequam *usus* frequens eos *confirmavit*. Postquam hoc factum est, valent ut *nummi*; nam creberrimo *usu* à barbarie vindicati & *latinitate* donati sunt l. i. Et cur hoc *barbarum* dicatur, quo *accurata* ingenia imprimis delectantur, quæ non attendunt, quam *ornate*, sed quàm *proprie*, quàm *ratundè*, quàm *significanter*, quàm *acutè* quodlibet dicatur.

III.

III. *An existentia sit affectio entis?*

Neg. Sunt, qui hoc affirmant, & putant quod *existentia* addat *enti modum*. Ita autem inferunt: Sicut *simplicitas* est *modus*, quo coarctatur entis *indifferentia*, quàm habet ad ens *actu* & *potentiâ*, ad *modum* essendi *actualiter*, qui significatur per *existentiam*. Verùm nititur hæc sententia nondum *probata* hypothefi, quod *ens*, quatenus est *objectum* Metaphysicæ, tam *latè* sit extendendum, ut sub se comprehendat & ens in *actu*, & ens in *potentia*, de qua quid sentiendum sit, suprà diximus.

## A X I O M A T A.

I. *Essentia est indivisibilis.*

Accipiendum verò est cum distinctione *prædicati*, quod scilicet aliquid dicatur indivisibile vel *absolutè*, quod nullo modo possit dividi, uti *punctum* mathematicum; vel *secundum quid*, quod non possit dividi, ut maneat id quod *ante* divisionem est, uti *mensura* indivisibilitatem sibi tanquam *propriam* vendicat; si enim vel *minimum*, e.g. ab *ulna* auferatur, non manet *integra* ulna. Hoc, non illo modo *essentiæ* sunt *indivisibiles*. Hinc limitatur regula: *Essentia*, ut est *essentia*, est indivisibilis in *alias*, & sibi *æquales* essentias.

II. *Essentia non recipit magis & minus.*

Sci-

Scilicet *adverbialiter per se, & absolute*. Goliathus non fuit *magis* homo quàm David. Essentia enim humana non admittit *gradus*, sed posita est quasi in *puncto*. *Qualitates* quidem recipiunt *magis & minus*, verùm non *per se, ratione essentiae*, quæ uno semper modo in definitione explicatur; sed *per accidens, ratione subiecti*, cui inhæret. Sed dices: *Increatum* ens quando cum *creato* confertur distat ab eo *infinito* intervallo; quiani ergò *magis* ens sit? Resp. Quod in absoluta entis theoria adhuc versetur, quæ non respicit *expressiores* rationes essendi, quibus *attributa* disjunguntur. *Comparete* concedimus, quod *Deus* sit *magis* ens quam *creatura*; sed *absolute & in se si* consideratur *essentia Dei & essentia creaturarum*, conveniunt in *definitione* entis quam *omnia* sub definito contenta *æque* participant.

III. Unius rei una tantum est essentia & existentia.

Intelligenda regula est de essentia *completa & absoluta* non verò de *incompleta & respectiva*. Nam alioquin *unum* ens *plures* in se continet essentias. Homo est *unum* ens, & *unam* habet essentiam, *quatenus* homo est. Interim dividitur in *animam & corpus*, tanquam *partes* essentiales, quarum utraque  
etiam



42      *De Entis & Syn. Cognatis.*

etiam *peculiarem* & *propriam* habet *existentiam* & *essentiam*, *incompletam* tamen. Deinde *multæ* unius rei sunt *existentiæ respectivæ*.

---

CAPUT III.

• *De Cognatis Entis, & Synonymorum Entis.*

Non inutilis labor est eorum, qui in duobus præcedentibus capitibus explicati sunt, terminorum *cognata* excutere. Nam licet *ens*, *natura*, *aliquid*, *essentia*, *res*, &c. Inter se sint *Synonyma*, tamen *conjugata* & *cognata* eorundem non perinde *coincidunt*. *Æquipollentia* sunt *res* & *essentia*; non verò *realiter* & *essentialiter*, nec *reale* & *essentiale*. Non *æquipollent* *ens* & *entitas*, *res* & *realitas*, *forma* & *formalitas*. *Synonyma* sunt *natura* & *forma*: *formaliter* & *naturaliter* non item. Quia ergo & in hisce *differentiis* dantur *quædam*, in quibus se *Metaphysicum* exerceat ingenium, idcirco tùm *entis*, tùm *Synonymorum* utriusque classis *cognata* ordine pertractabimus, eorumque ambiguitates evolvemus.

PRÆ-

## PRÆCEPTA.

I. Entis cognata sunt : *est, esse, & entitas.*

T<sup>o</sup> *est* in *Logica* est communissimum illud, quod in omni *enunciatione* reperitur. Omnis enim *enunciatio* continet verbum substantivum *Est*, non quidem semper *explicitè*, ut: homo dormit, id est, *homo est dormiens*; homo non hinnit, id est, *homo non est hinniens*.

Interdum *æquipollet* *est* significat, & adhibetur in *explicationibus*.

*Esse* dicitur variis modis. 1. Est vel genericum, vel specificum, vel individuale. 2. Est vel reale, vel possibile, (quomodo Scotus *diminutum* vocat) prout res vel in actu est, vel in potentia. 3. Est vel reale, quod præter mentis operationem datur, vel cognitum feu *objectivum* (Thomistis esse *diminutum* dictum) quod res habet in intellectu, quatenus ab eo cognoscitur. 4. Est vel *Essentia*; quod est ipsa *essentia* rei; vel *existentia*; quod rem ponit extra causas; vel *subsistentia*, quod *suppositis* tribuitur: vel *inexistentia*, quod *accidentibus* competit peculiariter. 5. Est vel *Naturale*; quod res habet extra *Intellectum*; vel *intentionale*, quod est imago rei vel in intellectu, ut species intelligibilis, vel extra intellectum, ut lumen; vel *propositionale*, quod in veritate *propositio-*

44 *De Entis & Syn. Cognatis.*

*nis* consistit, five res, de qua *sermo* est, sit ens reale five non; ut *cæcitas* est *privatio*. Addi potest *Esse* vel *quidditativum*, quod de re verificat *essentialia* & *necessaria* prædicata, licet *actu* non existat; Sic dicitur in hyeme; *uva* est fructus *vitis*; Vel *positivum*, quod ipso *actu* veram in natura ponit *entitatem*,

*Entitas* interdum sumitur pro ipsa rei *essentia*, sæpiùs verò dicit *diminutam* rationem *essendi*, quomodo affectiones entis dicuntur entitates. Nota: *Entitas*, *formalitas*, & *reitas* ferè non differunt. Conveniunt enim in eo, quod dicant diminutam *essendi* rationem. In eo leviter discrepant, quod *entitas* & *realitas* magis materiales dicuntur; *Formalitas* vero magis *formalis* plerumque habetur. Nam graduum *essentialium* complementum ultimum est *forma*. Isti vero gradus *formalitas* dicuntur.

II. *Essentiæ cognata* sunt *Essentiale*, & *Essentialiter*. Huic revocari possunt termini; *esse per essentiam*, *de essentia*, & *extra essentiam*.

*Essentiale* est, quod ad *essentiam* rei spectat. Estque vel *essentiale absolute*, quod rei *ut sic* tribuitur, ut risibilitas homini; vel *respective* quod rei tribuitur in *hoc* vel *illo* statu; Sic *doctrina* est *essentialis homini* docto.

Utrumq;

Utrumque est vel *constitutivum* sive à priori, quod rem in *esse* constituit, ipsa scil. *essentia* (licet rarius) sive *per essentialis*. Sic *essentialis* est anima *rationalis* homini; Vel *consecutivum* vel à posteriori, quod ex *essentia* rei per se fluit. Sic *essentialis* est *risibilitas* homini.

*Essentialiter* dicitur vel ratione *convenientiae*, vel ratione *dependentiae*. *Convenit* autem aliquid alteri *essentialiter*, vel 1. *Constitutive*, vel 2. *Consecutive*, (de quibus paulo ante) vel 3. *Subjective* cum aliquid ad *esse* alterius tanquam *subjectum* necessario desideratur. Sic dicimus, accidentis *esse* est *in-esse*, sc. *subjective*, quia non potest *existere* in mundo nisi in aliquo sit *subjecto*; non verò *constitutive*, nam *subjectum* nec est *essentia* ipsa accidentis, nec pars *essentialis*, sed accidens *propriam* suam *essentiam* intrinsecè habet, quam *subjecto* superaddit. *Subjective* etiam *proprio* *essentialiter* competit *in-esse* uni & soli *subjecto*. Vel 4. *Definitive*, sine quo *essentia* alicujus non potest *definiri*, atque *cognitioni* nostræ repræsentari. (Hoc minimo modo *essentialiter* rei competit) Sic *instrumentum* absque mentione *finis* & *usus*: *Habitus* absque *objecto* vel *datum* absque *correlato*, &c. nequid *perfectè* intelligi. *Dependere* quomodo aliquid ab altero dicatur *es-*

*sentialiter*, vide in capite *De dependente & independente*.

*Per essentiam esse* dicitur aliquid vel *independenter*, sic Deus est *bonus* per *essentiam*, creaturæ per *participationem*; vel *constitutive*, quomodo homo per *essentiam* est *rationalis*, quia *ratio* facit, ut *homo* sit *homo*.

*De essentia* dicitur esse aliquid uel *latè*: ita tam *latè* patet, quàm terminus *essentialiter*; sumiturque omnibus quatuor modis sub eo in ratione convenientiæ recensitis; vel *strictè*; Ita *de essentia* esse dicitur tùm *pars essentialis*, ut *forma* est de *corporis* *essentia*; tùm *prædicatum essentialiale* seu *Synonymicum*, ut *differentia specifica* hominis est de ejus *essentia*.

*Extra essentiam*, five *extra essentialiale*, itidem dicitur aliquid esse vel *latè*, quod res nec *absolutè*, nec *respectivè*, nec *constitutive*, nec *consecutivè* est *essentialiale*, ut *nobilitas* patri (*Videatur terminus essentialiale*) vel *strictè*, quod non est alicujus *essentialiale constitutum* vel *absolutè*, vel *respectivè*: Sic *docilitas* est *extra hominis*, & *lectio* *extra hominis docti* *essentiam*.

III. *Rei cognata sunt reale, realiter & realitas.*

*Reale* sumitur vel *generaliter*, vel *specialiter*.

*liter. Generaliter* reale dicitur, quod verè datur in rerum *natura* extra fictionem mentis, five sit ens *positivum*, five modus entis, five *absentia* quædam entis per *privationem* vel negationem, Sic *bonitas* entis est *realis*: *realis*, non *simulata* cœcitas erat in oculis Bartimæi: *realis* est *negatio* visus in lapide quia verè removetur, non *fictæ* tantum. *Spécialiter* reale dicitur, quod habet *realem* & *positivam* essentiam in rerum natura.

*Realiter* suas significationes accipit ex variis *oppositionibus*. Opponitur enim 1. *πρὸς* *essentialiter*: Ita ferrum cum igne unitur *realiter*, non *essentialiter*, quia *ferrum* ad *ignis* essentiam non pertinet. 2. *πρὸς* *Virtualiter*, ita herba purgans à capra comesta, si lac capræ datur nutrici, tandem ad infantem pervenit, non *realiter*, quia *substantiam* herbæ non accipit infans; sed *virtualiter*, per *virtutem* scil. purgantem. 3. *πρὸς* *verbaliter*, quomodo titulus *mariti* competit *uxori*, non *realiter*, sed *verbaliter*. 4. *πρὸς* *intentionaliter*, sic Sol de se spargit lumen, non partem *substantiæ* cum luce quaquaversum diffundens, sed *intentionaliter*, scil. per *imaginem* lucis, quæ lumen est. 5. *πρὸς* *idealiter*: Sic mundus ab æterno fuit, non *realiter*, sed *idealiter*, in mente scil. Dei.

*Realiter* denotat aliquid minus re. Acci-

42 De Entis & Syn. Cognatis.

etiam *peculiarem* & *propriam* habet *existentiam* & *essentiam*, *incompletam* tamen. Deinde *multæ* unius rei sunt *existentiæ* *respective*.

---

CAPUT III.

• De Cognatis Entis, & Synonymorum  
Entis.

Non inutilis labor est eorum, qui in duobus præcedentibus capitibus explicati sunt, terminorum *cognata* excutere. Nam licet *ens*, *natura*, *aliquid*, *essentia*, *res*, &c. Inter se sint *Synonyma*, tamen *conjugata* & *cognata* eorundem non perinde *coincidunt*. *Æquipollentia* sunt *res* & *essentia*; non verò *realiter* & *essentialiter*, nec *reale* & *essentiale*. Non *æquipollent* *ens* & *entitas*, *res* & *realitas*, *forma* & *formalitas*. *Synonyma* sunt *natura* & *forma*: *formaliter* & *naturaliter* non item. Quia ergò & in hisce *differentiis* dantur *quædam*, in quibus se *Metaphysicum* exerceat ingenium, idcirco tùm *entis*, tùm *Synonymorum* utriusque classis *cognata* ordine pertractabimus, eorumque ambiguitates evolvemus.

PRÆ-

## PRÆCEPTA.

I. Entis cognata sunt : *est, esse, & entitas.*

*Id est* in *Logica* est *communissimum* illud, quod in omni *enunciatione* reperitur. Omnis enim *enunciatio* continet verbum substantivum *Est*, non quidem semper *explicitè*, ut: homo dormit, id est, *homo est dormiens*; homo non hinnit, id est, *homo non est hinniens*.

Interdum *æquipollet*  $\pi$  *significat*, & adhibetur in *explicationibus*.

*Esse* dicitur variis modis. 1. Est vel genericum, vel specificum, vel individuale. 2. Est vel reale, vel possibile, (quomodo Scotus *diminutum* vocat) prout res vel in *actu* est, vel in *potentia*. 3. Est vel reale, quod præter mentis operationem datur, vel *cognitum* feu *objectivum* (Thomistis esse *diminutum* dictum) quod res habet in *intellectu*, quatenus ab eo cognoscitur. 4. Est vel *Essentia*; quod est ipsa *essentia* rei; vel *existentia*; quod rem ponit *extra causas*; vel *subsistentia*, quod *suppositis* tribuitur: vel *inexistentia*, quod *accidentibus* competit peculiariter. 5. Est vel *Naturale*; quod res habet *extra Intellectum*; vel *intentionale*, quod est imago rei vel in *intellectu*, ut species intelligibilis, vel *extra intellectum*, ut lumen; vel *propositionale*, quod in *veritate propositionis*



44      *De Entis & Syn. Cognatis.*

*nis* consistit, five res, de qua *sermo* est, sit ens *reale* five *non*; ut *cæcitas est privatio*. Addi potest *Esse* vel *quidditativum*, quod de re verificat *essentialia & necessaria* prædicata, licet *actu* non existat; Sic dicitur in hyeme; *uva* est fructus *vitis*; Vel *positivum*, quod ipso *actu* veram in natura ponit *entitatem*,

*Entitas* interdum sumitur pro ipsa rei *essentia*, sæpius verò dicit *diminutam* rationem *essendi*, quomodo affectiones entis dicuntur entitates. Nota: *Entitas, formalitas, & realitas* ferè non differunt. Conveniunt enim in eo, quod dicant *diminutam essendi* rationem. In eo leviter discrepant, quod *entitas & realitas* magis materiales dicuntur; *Formalitas* vero magis *formalis* plerumque habetur. Nam graduum *essentialium* complementum ultimum est *forma*. Isti vero gradus *formalitas* dicuntur.

II. *Essentiæ cognata* sunt *Essentiale, & Essentialiter*. Huic revocari possunt termini; *esse per essentiam, de essentia, & extra essentiam*.

*Essentiale* est, quod ad *essentiam* rei spectat. Estque vel *essentiale absolute*, quod rei ut sic tribuitur, ut risibilitas homini; vel *respectivè* quod rei tribuitur in *hoc* vel *illo* statu; Sic *doctrina* est *essentialis homini* docto.

Utrumq;

Utrumque est vel *constitutivum* sive à priori, quod rem in esse constituit, ipsa scil. *essentia* (licet rarius) sive *per essentialis*. Sic *essentialis* est anima *rationalis* homini; Vel *consecutivum* vel à posteriori, quod ex *essentia* rei per se fluit. Sic *essentialis* est *risibilitas* homini.

*Essentialiter* dicitur vel ratione *convenientie*, vel ratione *dependentie*. *Convenit* ad; tem aliquid alteri *essentialiter*, vel 1. *Constitutive*, vel 2. *Consecutive*, (de quibus paulo ante) vel 3. *Subjective* cum aliquid ad esse alterius tanquam *subjectum* necessario *des*deratur. Sic dicimus, *accidentis esse* est *in-esse*, sc. *subjective*, quio non potest *existere* in mundo nisi in aliquo sit *subjecto*; non verò *constitutive*, nam *subjectum* nec est *essentia* ipsa *accidentis*, nec pars *essentialis*, sed *accidens propriam* suam *essentiam* *intrinsecè* habet, quam *subjecto* superaddit. *Subjective* etiam *proprio* *essentialiter* competit *in-esse* uni & *soli* *subjecto*. Vel 4. *Definitive*, sine quo *essentia* alicujus non potest *definiri*, atque *cognitioni* nostræ *repræsentari*. (Hoc minimo modo *essentialiter* rei competit) Sic *instrumentum* absque mentione *finis* & *usus*: *Habitus* absque *objecto* *relatum* absque *correlato*, &c. nequid *perfectè* intelligi. *Dependere* quomodo aliquid ab altero dicatur *es-*

*sentialiter*, vide in capite De *dependente & independente*.

*Per essentiam esse* dicitur aliquid vel *independenter*, sic Deus est bonus per *essentiam*, creaturæ per *participationem*; vel *constitutive*, quomodo homo per *essentiam* est *rationalis*, quia *ratio* facit, ut *homo* fit *homo*.

*De essentia* dicitur esse aliquid uel *latè*: *ita* tam *latè* patet, quàm terminus *essentialiter*; sumiturque omnibus quatuor modis sub eo in *ratione convenientiæ* recensitis; vel *strictè*. Ita de *essentia* esse dicitur tùm *pars essentialis*, ut *forma* est de *corporis* *essentia*; tùm *prædicatum essentialiale* seu *Synonymicum*, ut *differentia specifica* hominis est de ejus *essentia*.

*Extra essentiam*, sive *extra essentialiale*, *itidem* dicitur aliquid esse vel *latè*, quod res nec *absolutè*, nec *respectivè*, nec *constitutive*, nec *consecutivè* est *essentialiale*, ut *nobilitas* patri (*Videatur terminus essentialiale*) vel *strictè*, quod non est alicujus *essentialiale constitutum* vel *absolutè*, vel *respectivè*: Sic *docilitas* est *extra hominis*, & *lectio* *extra hominis docti* *essentiam*.

III. Rei cognata sunt *reale*, *realiter* & *realitas*.

*Reale* sumitur vel *generaliter*, vel *specialiter*.

*liter.* Generaliter reale dicitur, quod verè datur in rerum *natura* extra fictionem mentis, five sit ens *positivum*, five modus entis, five *absentia* quædam entis per *privationem* vel negationem, Sic *bonitas* entis est *realis*: *realis*, non *simulata* cœcitas erat in oculis Bartimæi: *realis* est *negatio* visus in lapide quia verè removetur, non *fictæ* tantum. *Specialiter* reale dicitur, quod habet *realem* & *positivam* essentiam in rerum *natura*.

*Realiter* suas significationes accipit ex variis *oppositionibus*. Opponitur enim 1. *πρὸς* *essentialiter*: Ita ferrum cum igne unitur *realiter*, non *essentialiter*, quia *ferrum* ad *ignis* essentiam non pertinet. 2. *πρὸς* *Virtualiter*, ita herba purgans à capra comesta, si lac capræ datur nutrici, tandem ad infantem pervenit, non *realiter*, quia *substantiam* herbæ non accipit infans; sed *virtualiter*, per *virtutem* scil. purgantem. 3. *πρὸς* *verbaliter*, quomodo titulus *mariti* competit *uxori*, non *realiter*, sed *verbaliter*. 4. *πρὸς* *intentionaliter*, sic Sol de se spargit lumen, non partem *substantiæ* cum luce quaquaversum diffundens, sed *intentionaliter*, scil. per *imaginem* lucis, quæ lumen est. 5. *πρὸς* *idealiter*: Sic mundus ab æterno fuit, non *realiter*, sed *idealiter*, in mente scil. Dei.

*Realiter* denotat aliquid minus *re*. Accipit

48      *De Entis & Syn. Cognatis.*

pitur enim præcipuè, vel pro gradibus *essentialibus*, qui & *formalitates* dicuntur, & dicitur *realitas formalis*, ut in *temperantia* datur conceptus *virtutis*; *habitus*, *qualitatis*, *accidentis*: vel pro *modis contrahentibus*, quomodo ens per *subsistentiam* & *inhærentiam* contrahitur; vel pro *affectionibus*, Sic realitates entis dicuntur *unitas*, *veritas*, *bonitas*. Vel denique pro *esse cognito* in intellectu, & dicitur *realitas objectiva*. Sic eruditio acq̃renda habet *realitatem* in mente, quæ eam intendit.

IV. *τὶ* aliquid cognatum est aliquis.

*Aliquis* plerumque notat *individuum* vagum, & *essentiæ*, quæ per aliquid denotatur, addit rationem individui: ut, *aliquis equus* necessarius est ad equitandum.

V. *Existentiæ* cognatum est *inexistentia*, quæ ad *existentiam* addit *respectum* ad *subjectum*, & est *accidentibus* propria.

VI. *Quidditatis* cognata sunt *quidditativum* & *quidditativè*.

*Quidditativum* variè sumitur. 1. *Constitutive*, ut *forma*. 2. *Consecutive*, ut *risibilitas hominis*. 3. *Predicative*, quod *essentialiter* prædicatur, ut *animal de homine*. 4. *Representa-*

*sentative*, quod intellectui *repræsentat* quidditatem aliquam, ut species *intelligibilis* & *sensibilis*.

*Quidditative* solet contradistingui *positive* & *actualiter*, cum scil. de aliquo dicuntur *essentia* & *necessaria* prædicata, licet *positive* & *actu* non existat. Sic dicimus Plato est homo. Hæc propositio vera est *quidditative*, etiam nostro tempore licet Plato jam non *amplius* existat. Aliàs enim contradictoria esset vera, Plato non est homo. Ex hac acceptione fluit ista etiam distinctio, qua quidam distinguunt *ens actuale* illud, quod *quidditative* tale est, de quo semper valent prædicata *æternæ veritatis*, ac si semper actu existerent; & illud, quod *positive* tale est, ad quod semper requiritur *actualis existentia*.

VII. *Naturæ* cognata sunt *naturale*, *naturaliter*.

Hæc tot modis sumuntur, vide in capite de *Naturali* & *artificiali*.

VIII. *Formæ* cognata sunt *formale* seu *formalis ratio*, de *formali*, *formaliter*, & *formalitas*.

*Formalitas* seu *formalis ratio* significat ul-

*timatam rei quidditatem, quæ ab omnibus conditionibus materialibus est abstracta. (Materiale seu materialis ratio est, quæ rei tribuitur, quatenus in tali, vel tali spectatur subiecto. Sic formale unitatis est indivisio: Formale quantitatis est extensio: formale relationis est esse ad,&c. Formalis hæc ratio ubique sollicitè eruenda est. Huc spectant etiam alia, quæ, in aliquo esse habent rationem formæ. Sed differentia specifica in toto essentiali Metaphysico habet rationem formæ, & respondet formæ Physicæ: genus vero habet rationem materiæ.*

*De formali in usu loqui Philosophico à formali ratione ferè sola vocis flexione discrepat, in significatione enim vix differentia reperietur. In nonnullis tamen exemplis, quorum formale distinctas formalitates continet, si unam tantum nominamus, dicimus eam esse de formali: e. g. Corporis formalis ratio hæc est: Esse substantiam creatam materia & forma constantem. In hac si mentem ad solam materiam dirigimus, dicimus eam esse de formali corporis, per hanc enim ex parte Spiritui opponitur.*

*πδ formaliter varias sustinet significationes, propter aliam atque aliam oppositionem. Opponitur enim i. πδ eminenter. Hinc dicuntur perfectiones creaturarum etiam esse*

esse in *Deo* ; scilicet non *formaliter* ; alias etiam accidentia caderent in Deum, sed *eminenter*. 2.  $\pi\delta$  *accidentaliter*, & sic idem significat, quod *quidditative*, ut homo *quidditative* consideratus est *rationalis*, *accidentaliter* est doctus. 3.  $\pi\delta$  *virtualiter*, & sic notat *formam* seu *qualitatem* in aliquo *subjecto* actualiter *inherentem*. Sic ignis *formaliter* est calidus, Sol *virtualiter*. Non enim calor est in Sole, tanquam *qualitas* vel *forma accidentalis*, quæ inde promanare possit. 4.  $\pi\delta$  *materialiter*. Hic terminus respicit *vel alteram partem essentialem* corporis naturalis, *materiam* scilicet. Sic *materialiter* dicitur e. g. leoni competere *corruptio*. Contra *formaliter* tribuitur *visus*, *auditus*, *rugitus* ; *Vel communem aliquem conceptum*. Sic corpus *materialiter* est substantia creata : *formaliter* uerò substantia ex *materia* & *forma* constans ; *Vel subjectum operationis*, in quod forma *artificialis* vel *analogum* aliquod introducit. Sic domus sæpe *bona* est *materialiter*, quia ligna, cæmenta, calx, &c. rectè se habent ; non *formaliter*, quia nullam *proportionem* habet in *figura* externa. Sic Syllogismus sæpe est bonus *materialiter*, quia *propositiones* sunt *veræ* ; non *formaliter*, quia non rectè *coherent* ; *Vel materialem rationalem* (vide paulò antè) seu *conditionem specialem*



*Contractam* alicujus termini quæ rationi *formali* seu *abstractæ* contra distinguitur. Sic conjunctio distincti sexus competit *generationi* materialiter, quatenus scilicet spectatur in animalibus; non *formaliter*, quia non datur in omni generatione, ne *naturali* quidem. *Arbor* enim *generat* non tamen ut causa *socia*. Vid.

*Formalitas* interdum denotat totum *conceptum essentialis*, & sumitur pro ipsa forma *Metaphysica*, ut *caninitas*: frequentius verò *gradus tantum essentialis* significat, ut *animalitas*, *corporeitas*, *substantialitas*, &c. in cane, & sic à *forma* differt ut *pars à toto*. In una re *una* tantum est *forma*, sed *multæ formalitates*.

## PROBLEMAT A.

*I. An omne quod rei verè competit, ipsi tribuatur vel essentialiter, vel accidentaliter?*  
Neg.

Multa rei verè competunt, quæ non essentialiter ei tribuuntur, nec tamen statim accidentaliter & inhæsiue. Vere Deus est creator mundi, sed nec *essentialiter*, nec *accidentaliter* per inhæsionem.

Vere renatus est justus. Justitia verò aliunde ipsi imputatur. Ita ergo dicendum.

Quic.

Quicquid rei vere competit, illud competit ipsi vel essentialiter: vel non essentialiter & extra essentialiter.

Hoc modo habemus immediatam oppositionem.

*II. An omne, cui competit essentialiter, dicatur etiam essentialiter?*

Neg. *Forma & materia, si in unione sunt constitutæ, sunt unum essentialiter, hoc est, constituunt ambæ in unione unum essentialiter, quia sunt unius essentialiter partes essentialiter; non vero sunt unum essentialiter, quia forma non est materia, nec materia est forma.*

## AXIOMATA.

I. Impossibile est idem simul esse & non esse.

Hoc axioma est *principium* cognoscendi omnium *primum*, cui fidem adhibet quivis, licet non doctus sit illud, quia nobiscum natum est. Intelligendum verò est, non tantum de *esse & non esse* præcisè in summâ abstractione, sed & de *hoc* vel *illo* esse determinatè. Sicut enim rectè dico: Impossibile est *ens* esse & non esse simul; ita rectè quoque dico: Impossibile est *hominem* simul esse & non esse; & impossibile est idem simul *in-esse*

54      *De Entis & Syn. Cognatis.*

*esse & idem & non esse.* Ad hoc principium debent reduci, aut saltem reduci possunt omnes conclusiones & omnia axiomata, quæ in Metaphysicis habentur. Omne enim, per quod conclusio aliqua probatur, si non est *primum* principium, (quod est indemonstrabile,) per *prius* aliquod iterum probari potest: istud iterum per aliud, donec ad *primum* deveniamus, in quo *subsistendum*. In illis enim *terminatur* demonstratio, ne detur *processus* in infinitum.

II. Non omne reale est simul essentiale.

*Reale* enim, ut supradictum, in generali significatione tantum denotat *veritatem competentiae*; Essentiale verò ad veritatem competentiae addit ejus *specialem* modum, ut competat aliquid rei *necessario*. Sed tribui aliquid rei *verè* potest, quod non hoc aut illo *veritatis* modo tribuitur. *Realis* unio est cultri & ignis, quando culter est ignitus; non vero *essentialis*, quia *terminus* unionis non est *nova essentia*, sed *unum per accidens*. *Realis* attributio est, cum homo *Metaphysicus* dicitur, non *essentialis*.

*Essentiale respectivè* non statim est *essentiale absolute*.

Quid hoc & istud sit, diximus sub præcepto

pto secundo, unde apparet, quod ab *illo* ad hoc non liceat argumentari. Homini, *quatenus pater* est, *essentiale* est, habere filium; non vcrò *quatenus homo* est, aliàs infans non esset homo.

IV. Quod est de *materiali* rei vel termini, non est in *formale* ejus inferendum.

In omni conceptu considerandum est, quod de *formali* importat, nec de *termino* judicandum, quatenus in hac vel illa *specie* repetitur, sed ex eo, quod in modo *abstractionis* infert. Ratio axiomatis hæc est, quia, dum *materiales conditiones* inferuntur in *formale*, fit confusio *accidentalis* cum *essentiali*.

---

Par-

---

# Parris Generalis.

## LIBER II.

De Contemplatione Entis expressiore in attributis.

DOCTRINA GENERALIS.

---

### CAPUT I.

De Attributis seu Affectionibus Entis in genere.

**M**etaphysicam esse scientiam, demonstravimus in Proœmio. Scientia verò per demonstrationem acquiritur. Demonstratio autem in affectionibus infallibiliter probandis est occupata. Ergo & Metaphysica habebit affectiones, quas de Ente demonstret, modo scilicet, quem p. 26. descripsimus. Absoluta ergo simplici Entis contemplatione, quâ consideravimus primum essendi momentum, quod præscindit ab omni attributo, pergimus ad contemplationem Entis quodammodo expressiorem & strictiorem, qua considerabimus Ens in secundo essendi

*sendi momento, quod exhibet ens cum aliquo attributo & in alio statu.*

## P R Æ C E P T A.

I. *Affectiones* Entis sunt *conceptus* generalissimi, qui ex *Ente* per se fluunt, de eo *paronymicè* & *convertibiliter* prædicantur, illudque in alio atque alio *statu* repræsentat.

§. I. *Affectiones* entis fortiuntur varias appellationes. Communissimo vocabulo vocantur *affectiones*, quia *Metaphysica scientia* est, cujus natura requirit, ut *demonstrat* aliquid de *objecto*, quod *afficit* illud. Nec obstat, quod *affectio Realiter* tanquam *peculiare* ens debeat esse *distincta* ab eo, cujus est *affectio*. Hæc enim *conditio* tantum *materialis* est, & non requiritur ad affectionem *absolutè*, sed ad *talem*, nempe *prædicamentalem*. *Affectiones* corporis, *qualitas*, *quantitas*, &c. *realiter* differunt à *corpore*, ut *res* à *re*: Non ita *affectiones entis*. Idèd cautè hîc distinguendum est inter affectiones *prædicamentales* & *transcendentales*. Et licet olim terminus *affectio* tantum *prædicamentali*bus applicatus & ita *contractius* usurpatus fuerit; tamen, quia jam habemus conceptus, qui omnia prædicamenta *transcendunt*, & tamen non minùs quam *prædicamentales* affectiones  
sub

58 De Affect. Entis in genere.

subjectum aliquod afficiunt, illudque proxime à posteriori παρῳύτως, & reciproce denominant, (in quo ratio formalis affectionis consistit) ampliandus est terminus, ut & hi sub eo comprehendi queant.

§. 2. Aristoteles 1 Rhet. & alibi passim vocat πάθη seu *passiones*, quæ rei adsunt extra ejus *essentiam*. Hinc Metaphysici *Entis* quoque *affectiones* ita sæpè appellant.

§. 3. Alii affectiones vocant *proprietates*, appellatione ex *Logica* desumpta, quæ prædicata *Extra essentialia*, necessario subjecto competentia, *propria* appellat. Hic terminus tamen, cum in *Metaphysica* adhibetur, iterum non ad angustias *Physicæ proprietatis* redigendus est, cum *propria Entis non ut accidens* aliquod *subjecto* inhæreant, sed ad modò dictum modum ampliandus est.

§. 4. Quidam *affectiones* etiam vocant *conceptus transcendentis secundarios*, quia æquè ac *ens* omnia prædicamentorum genera *transcendant*, verum non æquè *primo*. *Entis enim conceptus primum* terminat *intellectum nostrum*: *affectiones* verò non *primò* à nobis apprehenduntur, sed *consequuntur* demum *primum & summum* conceptum, qui ipsis loco *fundamenti* est.

§. 5. Usitata est etiam appellatio *affectionum*, quæ dicuntur *modi*. Hæc vox ambigua est,

est, quod in Exercitationibus deduximns.

Hic accipitur quatuor in communissimâ attributione *καταρῶμος* eas afficit. Sic veritas afficit omne *Ens* tanquam aliquod *extra-essentiale*. Sic *necessarium* & *contingens*, sic *causa* & *causatum*, &c. afficiunt *Ens* *καταρῶμος*, in communissima tamen attributione, quia de omni Ente dicitur, quod sit *causa* vel *causatum*, *necessarium* vel *contingens*, &c.

§. 6. Tandem *affectiones* etiam alio nomine vocantur *attributa*, & ita rectius eas dici statuunt nonnulli, veriti forsan, non per vocem *affectionis* enti *essentiam* aliquam *negare* superaddant. Verum, si *affectio* debito modo ampliatur, hoc periculum non subest termino. Et sic penetrantius dicuntur *affectiones*, quàm *attributa*, quia hæc interdum denominant *extrinsecè*.

§. 7. Ab *appellatione* transimus ad illud, quod generis vicem sustinet in data affectionum *descriptione*. Id dicimus esse *conceptum generalissimum*. Nam cum *Ente* æquè latè patent *affectiones*, cum nullum possit *Ens* inveniri, cui non vel *simpliciter*, vel sub *distinctione* aliqua conveniant.

§. 8. *Differentiam* quasi in *descriptione* dant reliqua. Dicimus enim primò, quod *affectiones ex ente per se fluant*. Habent enim se ad *ens*, ut *essentialia consecutiva*. Unde simul



simul patet, quod competant Enti à *posteriori*, scilicet in ordine *cognoscendi & concipiendi*, quod sufficit ad naturam *affectiōis*. Prius cognoscimus *Ens* quam *unitatem* ejus. Nam antequam de aliquo aliquid dicimus, illud quodammodo scimus. *Ignotum* non movet *intellectum*.

§. 9. Dicimus porrò, quod *paronymicè* de ente *prædicantur affectiōes*. Hoc ipso innuatur differentia inter *affectiōes* entis & *species* entis, quæ ad partem specialem *Metaphysicæ* pertinent. *Species* respiciunt *ens*, *synonymicè & in abstracto*. *Affectiōes* verò respiciunt *ens paronymicè & in concreto*. De *substantia* dicitur in *abstracto*, *substantia* est *ens*, non ita de *bonitate*, *bonitas* est *ens*, quia tantum est *modus*; sed in *concreto* valet: *bonum* est *ens*.

§. 10. Nec prætereundum est, quod in descriptione dicitur, *affectiōes prædicari de ente convertibiliter*, id est, posse cum ente *reciprocari & converti*. Nam quemadmodum dicimus, omne *ens* est *unum*, ita *reciprocè*, omne *unum* est *ens*; & ita porrò in reliquis.

§. 11. Tandem *affectiōes* etiam distinctos *status*, seu *rationes conceptibiles* in ente repræsentant. Una *res* est *ens*, & multis gaudet *modis*, quas quia mens nostra *unico adequate* conceptu non potest *omnes* apprehen-

hendere, idè *essentiam* jam sub hoc, jam sub alio modo concipit, unde distincti entis *status* oriuntur. Sic cum ens dicitur *unum*, repræsentatur in statu *indivisionis*: cum dicitur *perfectum*, in statu *indefectionis*, cum dicitur *verum*, in statu *conformitatis* ad *intellectum* præsertim *Dei* repræsentatur.

II. Affectiones entis dividuntur in *unitas* & *disiunctas*.

III. *Unitæ* sunt, quæ *simpliciter* & *solitarie* de ente prædicantur, & absque *conjunctione* cum eo recipiuntur. e. g. *verum*, *bonum*.

IV. *Disiunctæ* sunt, quæ sub *disiunctione* de ente prædicantur, & sub complexu utriusque disiunctionis membri cum eo recipiuntur, e. g. *Ens est vel necessarium vel contingens*, & *quicquid est vel necessarium vel contingens*, *Ens est*.

Fundamentum nostræ diuisionis præcepto secundo traditæ præbent ipsæ affectiones. Quædam enim ita se habent; ut singulæ in *sensu unito* de quouis ente dicantur, & *unitim* cum eo recurrant. De omni ente dicitur, quod sit *verum*, sit *bonum*, & *reciprocè*. Quædam verò non *simpliciter*, sed cum *disiunctione* de omni ente dicuntur, & in *sensu disiuncto* cum eo recurrunt. De omni ente non possum dicere quod sit *necessarium*, nec de

de omni, quod sit *contingens*, sed *quoddam ens est necessarium, quoddam est contingens*. Hæ duæ *particulares* tamen si *conjunguntur*, totam exhauriunt entis *latitudinem*, ut sub *disjunctione* liceat dicere: Omne ens est vel *necessarium* vel *contingens*, tertium non datur.

## PROBLEMAT A.

*I. An omnes affectiones respiciant ens paronymice & in concreto? Aff.*

Prædicantur enim de suo subiecto, *ente* scilicet *extra essentialiter*, quæ est natura *paronymorum*. Quod *in concreto* respiciat ens, hoc probat usus loquendi philosophicus, itidem natura *paronymorum*. Non dicimus: ens est *unitas*, sed est *unum*.

*II. In quo statu competant enti affectiones?*

Quadruplicem *statum* entis consideravimus supra; quo scilicet sit vel *fundamentalis*, vel *idealis*, vel *universalis*, vel *formalis*. Ex his *enti*, quatenus *affectiones* suas respicit, maximè competit *universalis & fundamentalis*. Hic propterea, quia toti doctrinæ affectionum *fundamentum*. Nisi enim ens, quatenus in *individuis* radicatur, haberet  
affe-

*affectiones*, non posset in genere de ente dici, quod istis sit præditum. Nisi hoc & istud & illud, &c. ens esset *unum*, non possem dicere in genere *ens est unum*. Ille verò ideò enti convenit, quia non *semper*, nec *primario* (ubi *species* dantur) tractamus *individua*, sed plerumque *speciem* consideramus, quatenus *ens* est, licet possit descensus fieri ad *individua*. Sic dicimus, *homo*, quatenus *ens* est, (nam quatenus homo est, est *risibilis*) est e. g. *dependens*, licet possit hoc ipsum quoque dici de *Paulo* & *Johanne*.

### III. *An affectiones differant ab ente realiter?*

Quidam statuunt affectiones ab ente *realiter* differre, scilicet secundum *analogiam*. Quidam hoc ipsum aliis nominibus efferrunt, & dicunt, quod differant *modaliter*, scil. *ex natura rei*. Alii quod *formaliter*, scil. *secundum rationem tantum* distinguuntur: & horum nonnulli in suis scriptis fluctuant, ut non possis scire quid sentiant. Nos breviter ita hanc controversiam decidemus, quod quædam *formaliter*, ut *unitas* unius indivisibilis, *bonitas*, *dependentia*, &c.. quædam verò *realiter* ab ente differant, quæ non *mutuâ* separatione præsertim cognoscuntur, ut *unitas* unius indivisibilis: e. g. *anima*

*anima & corpus in vita sunt unita, in morte perit unio. Sic compositio se habet, e. g. elementa in corpore misto sunt in statu compositionis, cum corumpitur mistum, perit illa compositio. Ita enim se habet communicatio, e. g. anima quamdiu in corpore habitat, corpori communicat suas facultates; postquam recessit, cessat communicatio.*

*IV. An affectiones inter se differant realiter?*

*Distinguendum inter modos tantum distinctos, & simul oppositos. Illi inter se differunt formaliter, ut unitas, bonitas, &c. sunt distinctæ, non oppositæ affect. Isti verò distant realiter, ut causa realiter differt à causato, dependens ab independente, &c. propter oppositionem, quæ eodem respectu simul non potest esse in uno subjecto.*

A X I O M A T A.

*I. Affectiones entis competunt, non entis modis.*

*Dux hic distinctiones sunt observandæ; 1. Modus sumitur vel abstractè, quatenus præscinditur ab essentia, & in suâ formali ratione consideratur. Ita valet regula; vel concretè, quatenus simul implicat essentiam.*

*Ita*

Ita non valet regula, quia *essentie*, quæ sub tali modo *concretè* latitarat, omninò conveniunt *affectiones*. Rectè dico, omne *dependens* est *finitum*. 2. Competit aliquid alii *primariò*, alii verò *secundariò* & secundum *analogiam*. *Affectiones primariò* competunt *enti*, *secundariò* & *analog.* etiam *affectionibus*. Sic *unum* dicitur vel *simplex* vel *compositum*. *Absolutum* & *respectivum* in omnibus ferè occurrit: *affectionibus* distinctio *realis* secundum *analogiam* competit *modis* quoque *oppositis*, &c.

## II. *Affectiones enti* non addunt aliquid *positivi*.

Omne enim *positivum* specialiter dictum *ens* est, & omne *ens* habet *affectiones*. Ita *affectio* iterum haberet *affectiones*, quia *ens* esset; ipsius *affectiones* iterum *aliàs*, quia *vicissim ens* essent, & sic in *infinitum*. Istud, quod addunt, est cujusvis affectionis *propria conceptibilitas*, quam à conceptum *essentie* distinctam habet. Ista verò conceptibilitas consistit vel *negatione*, ut conceptus *unitatis* in *idivisibilitate*; vel in *respectu*; in conceptus *causati* respectum involvit ad *causam*; vel in *peculiari statu*: quomodo *elementum alio in statu* est, antequam *mistum* intrat, quia tum est *completum*, & vicissim  
in

in alio, quando *mistum* cum aliis constituit, sic enim est *incompletum*.

III. Affectio non *exterminat* ens, sed *determinat*.

*Modis* sequitur *rem*, & accommodat se ad indolem *entis*, non verò ipsi *opponitur*. Sed posset objici, *corruptibilitas* est *affectio* entis; ista verò *destruit* rem, cujus est affectio. Resp. Verus sensus axiomatis hic est: *Nulla affectio est contradictoria suo subiecto*. Quando ergò dico, *creatura est corruptibilis*, nulla inest propositioni *contradictio*: prædicatum non *repugnat* creaturæ, sed ejus *naturam* arguit, quod non sit *immutabilis*, quia alias *Deus* esset.

---

---

Do-

P  
P  
c  
i  
p  
e  
g  
I  
c

## Doctrina Specialis.

DE

*Affectiōibus in Specie.*

TRACTATUS PRIOR:

*De Affectiōibus Unitis.*

## CAPUT II.

*De Affectiōibus Unitis in genere.*

## PRÆCEPTA.

I. Affectiōes unitæ sunt vel *primariæ*,  
vel *secundariæ*.

Distinctio hæc *unitarum* affectiōum inde pronascitur, quia *quædam* eorum, quæ *simpliciter* de ente prædicantur, magis *intrinsecè* cum *essentia* ejus sunt *connexa*, adeoque ipsam *essentiam penetrantius* sub sua *conceptibilitate* exprimunt: quædam verò non *extrinsecus* *essentiam* rei implicant, & magis *fines* essendi, quam ipsum *esse* involvunt. *Istæ* dicimus affect. *primarias*; hæc vero *secundarias*.

D

II.



II. Affectiones unitæ primariæ sunt tres:  
*unitas, veritas, bonitas.*

Hæc inter se *differunt* ut absolutum, respectivum, & indifferens. Nam *unitas* est affectio entis *absoluta*, quæ absque ullo respectu simpliciter essentiam sub indivisione denominat. *Veritas* est *proprietas respectiva*, quæ in sua conceptibilitate subinfert relationem ad intellectum, eamque enti essentiali a posteriori. *Bonitas* verò *indifferenter* se habet ad absolutum & respectivum. Primum enim dicitur aliquid vel *in se*, vel *in respectu ad aliud*. Bonum *in se* alio nomine *perfectum* dicitur: Bonum *ad aliud* peculiari nomine caret, & generis sui appellationem retinet, ita ut bonum in specie dicatur.

III. Secundariæ sunt: Duratio, ubiætas, & cognoscibilitas.

### PROBLEMA.

I. *An perfectio transcendentalis sit entis affectio; & si affectio?*

II. *An pertineat ad disjunctas, an verò ad unitas; & si ad unitas?*

III. *An peculiaris sit affectio?*

IV. *An verò ad bonitatem sit referenda?*

Deliberandum diu, quod statuendum semel.

mel. De *perfectiōe transcendentali* magnæ apud Metaphysicos inveniuntur dissentiones. Alii eam planè è Metaphysicis affectiōibus exterminant. Alii, licet eam admittant, locum tamen competentem ipsi non assignant. Ad quatuor autem potissimum sententias revocari possunt diversa Philosophorum iudicia.

I. Sunt, qui contendunt, *perfectiōem transcendentalem* non esse *affectiōem* entis, sed *ipsam ejus essentiā*, alio tantum nomine expressam, & ideo potius ad *Synonymā* esse reducendam, uti res, aliquid, natura, &c. Rationem dant hanc, quia nihil addit enti. Resp. *Positivum* quid *rigorose* dictum non debet addere enti *affectio*. Propriam autem *conceptibilitatem* quod non addat, falso putatur. Omnino superaddit enti *negationem defectus in esse*, id est, dicit nihil eorum *abesse*, quæ ad *essentiā* rei requiruntur. Sed dicunt, sine *perfectiōe essentiali* non potest ens concipi, ergo non habet *propriam conceptibilitatem* à conceptu *entis* distinctam. At quidni possit? Cum concipimus *essentiā præcisè*, concipimus quidem rem *perfectam*, interim tamen non simul intellectus noster *distincto & expresso* conceptu in-tuetur ipsam *indefectibilitatem*, etsi ipsa *im-plicetur* sub voce *essentiæ* ( uti Dn. Scher-  
D 2 hlerus

blerus loquitur ) Quemadmodum, cum *essentiam* apprehendimus, ita tamen, ut non simul *distinctè* & *expressè* penetremus *indivisibilitatem*. Ergo *perfectio* habet *propriam conceptibilitatem*, & per consequens *formaliter* ab *ente* distinguitur. Contra hanc primam sententiam facit & hoc, quod *perfectio* de *ente* non *συνορῶντως*, ut ipsam *essentiam* exprimat, sed tantum *παρὰ τὸν ὄντως* dicatur, quod *affectuum* indolem arguit (cæteris paribus) Rectè dicimus, *ens est perfectum*: *perperam*, *is est perfectio*, sic enim recepto usui *inquendi Philosophico* vis infertur.

2. Statuunt non pauci, eam numerandam esse *inter disjunctas*, ut dicatur: omne ens est vel *perfectum*, vel *imperfectum*, etiam tum, quando de perfectione *essentiali* res est. Ad illud obtinendum *hoc* atque *illud* ens imperfectum producant, utpote *dispositionem* ad habitum, quantitatem *crescentem*, *infirmam* fidem, *motum*, &c. Nos imperfectionem *accidentalem* in plerisque horum & similibus dari facilè damus; sed à *Metaphysico essentialis*, quæ *transcendentaliter* ens denominet, & in ipsa *essentia defectum* esse dicat, postulatur. Hanc nullo modo dari, neque allegatis exemplis inesse affirmamus. Primum & invictum principium est: *Impossibile est idem simul esse & non esse.*

Ergo

Ergo impossibile etiam est, quoddam, quod est, non habere omnia, quæ ad *esse* requiruntur; *esset* enim & *non esset* simul. *Esset*, quia *ens* vocatur, *non esset*, quia non omnia haberet ad *essentiam* necessaria, quæ tamen in *indivisibili* consistit, adeo, ut vel tota *adsit* vel tota *absit*.

3. Dantur etiam, qui statuunt, quod *perfectio* constituat *peculiarem* inter *unitas* primarias *affectionem*. Ratio eorum hæc est, quia datur adhuc aliquod *prædicatum*, quod ab ente *positivo reali actuali* formaliter differt, illud *adequate & reciprocè* denominat & modificat, & tamen ad nullam reliquarum *unitarum* referri potest. Illud vocant *perfectiorem*, cujus *propriam conceptibilitatem* dicunt esse *negationem defectionis*. Verum *termini* præter *necessitatem* multiplicandi non sunt. Non sine gravi causa deferenda est veneranda antiquitas, juvandi potius sunt, quam de ponte deijciendi fenes. Nos putamus, quod possit commode ad *bonitatem* referri.

4. Quarta ergo sententia de *perfectione*, quæ mediam viam tenet, nostra est, quod scilicet *perfectio* ad *bonitatem* referenda sit. Fundamentum nostræ sententiæ positum est in notissima illa distinctione, qua *bonum* dicitur vel *absolute*, vel *respective*. *Bonum*

*absolute* sic dictum est ipsum *perfectum* formaliter. *Bonum respective* dictum est illud, quod communiter hoc nomine venit. Plenior deductionem ad caput de Bonitate reservamus.

---

## CAPUT III.

## De Unitate.

## P R Æ C E P T A.

*Aequivocationis evolutio.*

I. *Unitas* est vel per *se*, vel per *accidens*. *Unitas per se* est, quæ sine complexione *plurium* entium *completorum* exhibet *ens* per *se*, quatenus illud est *indivisum* in sua *essentia* vel *hypothesi*. *Unitas per accidens* est, quæ *plura* entia *completa* per *extra-essentialem* conjunctionem redigit ad *aliquam* indivisionem, & ita *ens* per *accidens* exhibet. Fit hæc vel per *concretionem*, vel *aggregationem*, vel *consociationem*.

§. 1. *Unitas per se* mox pluribus explicabitur Theor. 3.

§. 2. *Unitas per accidens* non uno, sed pluribus entibus absolvitur, quod descriptio nostra expresse indicat. Quæ enim *unum* per

per *accidens* dare debent, non possunt inter se *essentialiter* idem esse.

§. 3. Porro *plura* illa *entia*, ex quibus *unum* per *accidens* constituitur, *completa* sint oportet, cum *incompleta* ordinentur ad *indivisum* aliquod per se constituendum. E. G. Quando *materia* & *forma* uniuntur, licet *plura* sint, tamen *unum* per se inde resultat, sunt enim duo *incompleta* entia, quæ per modum *ἐνταλξίας* & *δυναμῶς* se respiciunt. Hoc modo ad se invicem se non habent entia *completa*. Ferrum, sive cum igne, sive cum auro, vel quacunque alia re conjungatur, non aliud nisi *unum* per *accidens* cum eo constituit. Hinc nata est regula Philosophica: Ex *duobis completis* non fit *unum per se*.

§. 4. Requiritur etiam ad *unum* per *accidens* *conjunctio extra-essentialis* deprompta ab aliqua *ἔσσει*, quæ enti ipsi, *quatenus* ens est, *intrinsece* non competit; qualis *habitus* est, cum propter unitatem *loci*, aut *temporis*, aut *alius* cujusdam conditionis *extrinsecæ* quibusdam actu *divisis* entibus tribuitur aliqua *unitas*: ut cum *multi* homines sunt in *uno* templo, *multi* simul *eodem* tempore vivunt: *multi* simul *unam* constituunt rem publicam, &c.

§. 5. *Terminus* conjunctionis *plurium* eo-

rumque *completorum* entium est aliqua *indivisio*. Quæcunque enim de *unitate* aliquo modo participant, illa quodammodo etiam ad *indivisionem* tendunt. Qualiscunque *unitas* qualemcunque infert *indivisionem*. Cum autem plures dentur gradus *divisionum* qui *unitati* obstant, non *universos* negat hæc *indivisio*, sed per certi gradus remotionem *unum* tale per *accidens* constituit. Sic exercitus *indivisio* negat *divisionem* respectus ad *diversos* duces. Sic *indivisio* aquæ falsæ negat *divisionem* localem. Unde & hoc patet, quod *unum* per *accidens* recipiat *magis* & *minus*. *Magis unum* per *accidens* est, quod admittit *distantiam localem* (*expressissimum* istum *divisionis* gradum) ut exercitus; quam quod sine *hac* distantia *unum* est, aqua falsa, ferrum ignitum, &c. quia illud *magis* ab *uno* per *se* ejusque natura recedit: hoc vero propius ad ejus indolem accedit.

\* §. 6. *Unitas* per *accidens* fit vel per *concretionem*, quando scil. *accidens* cum suo *subjecto* (ut in *homine dicto*) vel etiam *accidens* cum *alio subjecto* conjungitur, & quasi con-crefcit, ut *Mathesis* & *Medicina* in *Medico-Mathematico*; Vel per *aggregationem*, qua *plures* res per *se* divisæ, five *cum*, five *sine* aliquo ordine per conjunctionem aliquam accidentalem *indivisionem* fortiuntur. Cum

ordine aggregatum est e.g. respublica, & dicitur *ordinatum*: sine ordine, e.g. strues lignorum, & dicitur *inordinatum*; Vel per *consociationem*, quæ plerumque inter contactum *localem*, quo res vel *leviter coherent*; & per externam *appositionem* sibi junguntur, ut per gluten, futuram, &c. vel suo modo *intrinsecus se permeant*, (licet citra unionem essentialem, quæ constituat unum per se) ut fit in aqua calida.

II. Unitas est vel *rei* vel *rationis*. Unitas *rei* est, quæ citra omnem *intellectu* operationem enti *intrinsece* in statu *singulari* a. i. s. competit. Unitas *rationis* est natura aliqua *communis*, per operationem *intellectus* à multis *abstracta*, & aptitudinem habens *essendi* in multis.

§. 1. Hanc *distinctionem* quidam referunt ad *disiunctas* entis *affectiones*, ut vi istius dicatur: omne ens est vel *universale* vel *singulare*. Verum *affectiones* sunt *reales*, & competunt enti præter *mentis* nostræ operationem *intrinsece*. Ergo illam ad *distinctiones* unitatis referimus, easque non *reales*, sed *nominales* tantum, quia nuda unitatis *equivocatio* per istam insinuat.

§. 2. *Universalitas* vero seu unitas *rationis* fumitur vel *materialiter*, pro *convenientia* multorum *singularium* in *aliquo esse*, &



fic dicitur universalitas *in multis*, ut homo videt, leo videt, equus videt, ergo visus universaliter iis inest. Vel, *formaliter*, pro natura *abstracta* à singularibus, & *præcise* sub unitate repræsentata, quæ *divisim* in pluribus multiplicari potest; & sic dicitur universalitas *post multa*. Sic ab homine & bruto *abstrahitur* animalitas.

§. 3. Porro universale est vel in *causando*, scilicet *causa* universalis: Vid. cap. 16. vel in *prædicando* scil. *propositio* universalis: vel in *essen.* id ad quod (ut ex præcedentibus patet.) requiritur *realis* multiplicitas & *mentalis* unitas: vel in *cognoscendo*, scil. *signum* aliquod sive *in* animo sive *extra* animum, quod plura repræsentat.

§. 4. Unitas *rationis* seu universalitas per se non spectat ad contemplationem *unitatis*, quia *re* non datur, qualem tamen hîc quærimus, sed tanquam *extrinseca* enti ex operatione *intellectus* nascitur.

§. 5. Sed nec unitatem *quantitativam*, quæ per sui collectionem *numerum* efficit, hic investigamus, verum *entitativam*.

### *Formalis ratio.*

III. Unitas est *indivisio* entis (i.e. *negatio* divisionis *essentiæ*, ut illa à seipsa non sit *divisa*.)

§. 1. Remota unitate per *accidens* & unitate *rationis* ad unitatem *rei* & per *se* nostram designamus mentem. Hujus *formalem* rationem dicimus esse *indivisionem*, quod indicatur *tum ex opposito* unius, quod est *multa*; nam *multa* dicimus, quæ à se invicem *divisa* sunt, ergo *unum* erit, quod non est *divisum* à se; *tum ex modo apprehendendi* nostro; nam simulac *unitatem* audimus, mens sibi talem format conceptum, quo res non *divisa*, non *separata* à seipſa ſiſtitur. Unde quidam dicunt, quod *indivisio* poſſ<sup>t</sup> vocari *indiscrepantia* entis à seipſo.

§. 2. Exprimimus autem unitatem per *actum* potius, quam per *potentiam*, & dicimus eam conſiſtere in *indivisione*, non in *indivisibilitate*. Mens enim noſtra, cum unitatem *formaliter* apprehendit, non simul attendit, an ſit *diviſibilis*, an *indiviſibilis*, ſed abſtrahit à *diviſibilitate* (ſeu capacitate ad ſolvendam unitatem) & *indiviſibilitate*. Dicit ergo *unitas* negationem *diviſionis*, non *diviſibilitatis* quia datur etiam unum per ſe *diviſibile*.

IV. Unitas eſt vel *indiviſibilis* vel *diviſibilis*. *Indiviſibilis* eſt, juxta quam ens ita *indivisum* exiſtit, ut neget plura *realiter* diſtincta, in quæ reſolvi poſſit. *Dicitur etiam unitas ſimplex & ſimplicitas*.

§. 1. Mens noſtra cum unitatem *abſtracte*

con-

considerat sub *actu* indivisionis, non sollicita est, an illud quod *actu* indivisum est, *potentia* sit divisibile. Cum vero *particularia* intuetur, *distinctionem* animadvertit.

§. 2. Dividitur autem unitas *indivisibilis* in eam, quæ *absolute* talis est, & quæ *secundum quid*. Unitas *absolute* indivisibilis competit *soli Deo*, & distinguitur in eo ab ista, quæ *secundum quid* dicitur, quod *independenter*, citra participationem *extrinsecam* ab alio *essentialiter* priore *indivisibilis* est.

§. 3. Unitas *divisibilis* est, juxta quam ens ita *divisum* existit, ut contineat in se *plura realiter* distincta, in quæ *resolvi* possit. Dicitur etiam unitas *composita* seu *compositio*.

In hac Unitate *plures* res concurrunt, & sic unum *indivisum* constituunt. Sic e.g. Homo est unus, non unitate *indivisibili*, quia continet in se duo *realiter* distincta principia, in quæ *resolvi* potest, scilicet *animam* & *corpus*.

IV. *Unio* est concursus *plurium* ad unum aliquod *indivisum*.

§. 1. Unitatis *divisibilis* modo explicatæ principium est *Unio*, propterea & ista hîc deducenda. Sumitur vero *unio* vel in *actu*, & sic idem est, quod unitio, scil. *actio* conjungens; vel in *statu*, & ita denotat *conditionem* rerum.

rerum ad *indivisionem* aliquam reductarum. Nos hac vice considerabimus eam in *statu*, misso *actu*, qui transitorius est.

§. 2. Unio est vel *verbalis*, in nuda *vocum* convenientia; vel *realis* in *concurso* plurium distinctorum *entium* ad *unum* aliquod *indivisum* constituendum, consistens. Realis est vel *per se*, quæ analogice iterum dividitur in *Essentialem* & *Personalem*; vel per *accidens*, & dicitur unio *accidentalis*.

§. 3. *Essentialis* est, qua plura *incompleta* ad se invicem ordinata in *intrinseca* communi-  
one ad *unum* *indivisum* *essentiale* con-  
runt. Sic *essentialiter* uniuntur *forma* &  
*materia* in corpore. Atque hæc unio non  
tantum est in composito *essentiali*, sed etiam  
*integrali*, quia & in hoc *una* per se *essentia*  
(licet *partialiter* respectu *materiæ*) resultat.  
Sic *elementa* in mixtis *unita* sunt *essentiali*  
*unione*. *Analogice* autem unio *essentialis* est  
inter *partes integrantes*.

§. 4. Unio *personalis* est, qua *duæ naturæ* ita  
uniuntur, ut constituent *unam personam*. Hu-  
jus exemplum præter *Salvatorem* non datur.

§. 5. Unio *accidentalis* est, qua *res plures* ac-  
cidentaliter *conjunguntur* ad *unum* per *acci-*  
*dens* constituendum. Hæc datur vel inter *ac-*  
*cidens* & *substantiam*, ut in docto: vel inter  
*accidens* & *accidens*, ut in pomo *sapor* &  
odor:

odor: vel inter *substantiam & substantiam*, quæ concurrunt vel per *confusionem*, ut in decoctis medicis; vel per *aggregationem*, ut in acervo tritici; vel per *assistentiam*, tam in *contiguis*, quam *continuis*. Unio accidentalis distinguitur etiam in *interiorem*, & *exteriorem*.

### PROBLEMAT A.

*I. An divisio ab alio sit essentielle requisitum unitatis.*

Quidam hoc affirmant & ideo talem *unius* descriptionem dant: unum est, quod in se *indivisum* est, & *divisum* à quolibet alio. Verum *divisio ab alio* relationem infert *ad aliud*. Unitas vero est affectio *absoluta*, proinde *absolutam* postulat *formalem* rationem, *Multitudinis* potius *essentiale* requisitum est *divisio*, secundum vulgatam descriptionem: *Multitudo est rerum divisio, per quam entia multiplicantur & inter se divisa sunt*; proinde non potest simul implicari in essentia *unitatis*, quæ *multa* opponitur. Potest etiam sine *divisione* ab alio *unitas* esse citra ullam imperfectionem, quia Deus omnino *unus* esset, & quidam *perfectissime* si omnes suas creaturas (quod per *absolutam* potentiam potest) destrueret, sicuti *perfectissime* unus fuit antequam eas creavit. E.

*II. An unum & multa indicent disjunctionem entis affectionem?*

Neg. Vox *multa* duplicem potest habere significationem. Primo enim notare potest *multas partes* unius entis, ut ens dicatur *multa* quod *multas* habet *partes*. Hoc modo affirmari posset thesis, quia sic divisio entis in *unum & multa* æquipollet divisioni i. *simplex & compositum*. Sed hæc acceptio minus conveniens est. Secundo vox *multa*, quando de *ente* (non *entibus*) dicitur, potest accipi pro *uno per accidens*, quod *multa* in se continet, & ita distinctio entis in *unum & multa* coincidit cum distinctione inter *unum per se & per accidens*. Verum hæc distinctio est tantum *nominalis & equivoca*; *Disjunctæ* vero affectiones dicunt *distinctiones* in inferiora *paronymica*. *Unum & multa* in nudo nomine conveniunt; nam *multa* non sunt *ens*, sed *entia*: *Disjunctivæ* vero affectiones in aliquo conceptu *reali* conveniunt.

*III. Quenam inter unitatem & multitudinem intercedit oppositio?*

Resp. *Multitudo* variis modis *unitatem* respicit, & propterea etiam aliter atque aliter ei opponitur. Primo multitudo est rerum potentia *divisarum*, id est, à se invicem, *divisibilem*,

*bilium*, quales sunt partes *integrantes* in toto. *Hæc* multitudo si comparatur ad *istum* unum, quod omnes partes continet; tum quatenus *omnes* partes *simul* sumuntur, multitudo *unitati* plane non opponitur, & ita non *re*, sed *ratione* tantum ab ea discrepat. Si vero *una* pars confertur cum *reliquis* e g. cor cum omnibus aliis corporis partibus, *istius unitas* harum *multitudini* per *contradictionem* implicitam opponitur. Multum enim involvit *non unum*; & unum negat *divisionem* quam ponit *multitudo*. *Sec.* <sup>2</sup> datur etiam multitudo *rerum actu divisarum & separatarum*, ut cum multi homines congregati in foro. *Istæ res vel non spectant ad unum aliquam communem essentiam*, ut homo, leo, equus, canis, &c. Horum unum si cum reliquis sub conceptu unius & multi *formaliter* confertur, *oppositio* itidem est *contradictoria* scil. implicita, *Vel unam essentiam antea constituerunt aut constituere debuerunt*, partes integrantes separatae. *Talium* multitudo quando comparatur ad *istam* unitatem, quam res omnes antea *habuerunt* vel habere *debuerunt*, opponitur illi *privative*: talis enim multitudo *defectum* notat. *Hæc* quæ jam dicta sunt, eo tendunt, ut ostendatur, quomodo *unitas & multitudo* sibi opponantur in *formali*, quod in *indivisione & divi-*

visione consistit. Nam quoad *materiale* opponuntur etiam *relative* & *contrarie*. Numerus definitur *multitudo* ex *unitatibus* collecta. Quatenus ergo multitudo *numerica* componitur ex *unitate*, quæ est *principium* numeri, eatenus exsurgit oppositio *relativa*; nam *numerus* respicit *unitatem* tanquam *partem* sui *aliquotam*, & absque ea intelligi non potest; & *unitas* (*arithmetica* scil.) respicit *numerum*, eumque in conceptu suo implicat. *Contrarie* etiam sibi opponuntur *unitas* & *multitudo*; quando, misso illi respectu, *unum*, & *multa* considerantur, tanquam duo *positivi* termini, ex quibus cognosci solet *contrarietas*.

#### IV. Quid unitas enti superaddit?

Scinduntur in hac controversia *Metaphysici* in varias sententias. Quidam *negationem*, quidam *positivi* quid, quidam *privationem* putant superaddi ab *unitate*. Nos singulas examinabimus, ut veram inveniamus.

1. Ad *positivum* quod attinet, tale quod non superaddat *unitas*, ita probamus: Si *unitas* est in se ens *reale*, & omne ens *reale* *unitatem* pro *affectione* habet, sequitur, quod etiam *ipsa unitas* tanquam ens pro *affectione* habeat *aliam unitatem*. Consequens est absurdum, quia ista *unitas* iterum *aliam*, & hæc  
aliam



aliam haberet, usque in infinitum. Ergo & antecedens.

2. Sunt, qui *privationem* enti per *unitatem* superaddi putant, non quidem *strictè* sic dictam, in *similitudine* tamen ipsi respondentem. Ratio ipforum hæc est, quia *unitas* semper adhæreat enti *reali*, sicut *privatio*. Verum *privatio* dicit *absentiam* ejus quod *ordinarie* solet *inesse*. Sequeretur ergo, quod *multitudo* (cui opponitur *unitas*) *ordinaria* esset *affectio* entis, & potiori quidem jure, quam *unitas*, cum tamen per *multitudinem* non *eas* denominetur, sed *entia*.

3. Quia ergo *unitas* non superaddit enti aliquid *positivi*, vel *privativi*, relinquitur, quod addat *negationem* scil. *divisionis*, una voce *indivisionem*. Hæc competit enti *reali*, non quasi ipsi *adhæreat* (ut loquuntur) instar *privationis*, sed quia de ente *reali* aliquid negat.

V. *An unitas consistat in indivisibilitate?*

Neg. 1. Quia *formalis* ratio cujusque *affectio* *abstractissimum* ejus debet sistere *conceptum*, qui dicat, *qualis* in se sit, non *quomodo* in tali vel tali specie se habeat. *Indivisibilitas* naturam *unitatis* *indivisibilis* exprimit, quæ *species* unitatis est, non *unitas* *abstracte* sumpta, quam *mens* apprehendit  
in

in uno, antequam, an *indivisibile* sit, an *indivisibile* cogitet.

2. Quia (quod ex prima ratione fluit) datur etiam unitas *divisibilis*. Equus sane unum quid est, & nihilominus potest dividi in animam & corpus, Sol unum est, & tamen ex materia & forma constat, quæ realiter à se invicem distinctæ sunt.

Quicquid ergo repugnat *speciei* unitatis (*divisibilis* unitas simul non potest esse *indivisibilis*) illud non est *formalis* ratio ejus, quia nulla *formalis* ratio repugnat *speciebus* ejus, cujus est *formalis* ratio. *Quantitative* *continuae* *formalis* ratio est *extensio*. Ea sane est in *linea*, *superficie* & corpore. Nulla species eam respuit.

VI. *Utrum ad complendum unitatis conceptum, seu ad formalem rationem concipiendam indivisioni adjungenda quoque sit incommunicabilitas, ut res simul ut singularis apprehendatur.*

Neg. 1. Quia, si alia *transcendentia* ad suam *formalem* rationem unum tantum conceptum admittunt, probabile est, *unitatem* multo magis uno conceptu contentam esse.

2. Quia *incommunicabilitas* illa *quidditativa* non est *adequata* unitati proprie dictæ, sed *latius* patet; determinat quidem unitatem

tem rei & excludit unitatem *rationis*, quæ universalibus cōvenit; Interim tamen non circumscribit unitatem *per se*, sed etiam ei, quæ *per accidens* dicitur, communis est. Hoc & istud ens *per accidens* (e.g. mundus) in plura ejusdem naturæ divisibile non est, ergo *quidditative* est *incommunicabile*.

3. Quia consistere potest cum eo, quod unitatem *per se* tollit ac destruit, scil. cum ente *per accidens*, quod *intrinsece* divisum est in plura entia *completa*, qua divisione data, tollitur: idivisio unitatis *per se*.

II. *An universalitas & singularitas sit disjuncta entis affectio?*

Neg. Multi hoc statuunt, sed non adeo commode. Universale enim in *essendo*, quod proprie hic intelligunt, non est *reale* quid, nec citra *mentis* operationem in rerum natura datur. At *affectiones* entis sunt *reales*, & rei competunt, etiam nullo hominum cogitante. Alterum ergo membrum cum cadat, non exsurget inde *disjuncta affectio*. Sed quid de *singularitate* statuendum est? Resp. Ea pertinet ad unitatem, est enim ipsa *unitas rei*, de qua supra egimus.

VIII. *An universalia circa mentis operationem dentur in rebus?*

Neg. Universalia *formaliter* non dantur  
in

in rebus citra mentis operationem. Abstrahuntur enim à multis singularibus, quod ope intellectus fit. *Fundamentaliter & materialiter* ea dari in rebus qui dicit, ille multa singularia, quatenus singularia sunt, dicit universalia.

IX. *An unio realis recte dividatur in essentialem, suppositalem & accidentalem?*

Neg. Membra *dividentia* non debent sibi invicem esse *subordinata*. Contra hanc regulam peccat ista *divisio*, quia pleraque exempla suppositalis unionis sunt accidentalis etiam Exempla; quod de ferro ignito, & falsa, elementis in misto, &c. clarum est. Sed opponitur: Sufficit si *formaliter* sint opposita, licet *materialiter* se contineant. Verum *Suppositalis & accidentalis* non sunt *formaliter* oppositæ. Nam de unione suppositali *formaliter* considerata in plerisque exemplis potest dici oppositus terminus secundum *formale*, scilicet unio accidentalis, e.g. ferum ignitum, &c.

*Formaliter* autem opponi dicuntur ea, quorum *formales rationes* opponuntur. Propter hanc ergo difficultatem nos supra *accidentali* unioni opponimus non *suppositalem absolute* & in tota sua latitudine sumptam, sed *talem*, scilicet *personalem* Salvatoris nostri; Hæc enim non constituit unum per  
acci-

*accidens*; nec tamen in *unam essentiam* per eam coaluerunt *duæ* in Christo *naturæ*, ut *essentialis* dici possit.

X. *Utrum unio personalis constituet unum per se vel per accidens?*

Resp. Dat unum *per se*. Ubi tamen adhibenda est distinctio (quæ applicatur etiam *distinctioni reali*, quando personæ SS. Trinitatis dicuntur *realiter distingui*) inter unum *per se stricte* ita dictum & *secundum analogiam*. Illud dat *essentialis*, hoc vero *personalis* unio. Ratio, cur Christus sit unum *per se*, hæc est, quia humana natura non est nec fuit unquam (secus ac ignis in ferro, &c) *per se completa ratione subsistendi*, sed ad divinam naturam se habet per similitudinem *potestatis ad actum*; ita ut hoc modo hîc valeat simile Athanasii in Symbolo: sicut anima rationalis & caro *unus* (*per se*) est *homo*: ita Deus & homo *unus* est *Christus*. Illustrabo rem alio adhuc simili: In mistis corporibus sunt principia chymica: illa una cum elementis & forma specifica constituunt unum *per se* (non *per accidens*) non quod non sint completa in *essendo*, sed quia non sunt nec unquam fuerunt completa in *subsistendo*.

### AXIOMATA.

I. Omne ens est unum.

Uni- rei

*Unitas* enim est *adequata* affectio entis, non *latissime* sumpti, sed quod subiectum *Metaphysicæ* positum est. Hinc *unitas* æque late patet, ac ipsum *ens*, ut liceat dicere: Quod non est *unum*, illud ne est quidem. Ratio regulæ hæc est, quia, quod non est *unum*, illud est *multa*. Multa autem non sunt *ens*, sed *entia*; &, si *multa* non ab *uno* sustentantur, *nihil* sunt. Objicitur vero ex Scaligero Ex. 95. f. 3. alicujus rei essentiam esse, non esse unum, scil. *numeri*; quia nempe numerus constat *multis unitatibus*. Verū n. verus non est *unitas transcendentalis*, sed *multi.* sub scil. aggregatum ordinatum, adeoque ens *per accidens*, quod *unitati transcendentali*, quæ ens *per se* arguit, opponitur. Numerus ergo sub subiecto nostræ thesæos non continetur, quia ens *per accidens* est, unde oppositio nulla est.

II. Omne quod est, eo ipso quia est, *singulare* est.

Loquitur regula de ente *reali*, objecto *Metaphysicæ*: non de ente *rationis*, quale est universale. Quod ergo de objecto non participat, illud per axiomata ab objecto promanantia dijudicari nequit. Omne ergo ens *reale* habet *unitatem rei*, hoc est, est *singulare*, & quidem ideo quia *est*: nam ipsa *essentia* rei est principium *individuationis*. III.

III. Unitas per se non arguit entis perfectionem.

Quia scil. jam ante *perfectum* est. Ponamus in comparatione hominem & solem. Uterque *unum* quid est: Uterque habet *unitatem divisibilem*; & solis quidem unitas videtur esse major, quàm hominis, quia sol *simplicior* est homine. Si ergò ex unitate *perfectio* esset æstimanda, sol esset *perfectior* homine. *Unitas* ergò per se tantùm dicit rei vel *perfectiōis* vel *imperfectiōis* indivisionem. Interim non negamus, quod *unitas* in *re* etiam sit *comes perfectiōis*, & tanquam externum indicium eam ab *imperfectiōe* distinguat, quod Vallesius in sacra Philosophia c. 46. p. 163. asserit, dum dicit: cum multi sunt viventium *gradus*, qui *perfectiōe* & *imperfectiōe* distinguuntur, quo quidquam est *perfectius*, eo *partes* ejus majorem habent *unitatem*, minùsq; vivere possunt, nisi in toto. Plantarum partes dissectæ vivunt & germinant, si seorsim in terram infiguntur. Reptilia dissecta in multa partes vivunt, &c. Sed hæc nota *perfectiōis* est tantùm particularis.

IV. In unitate indivisibili non datur unio.

Diximus supra, quod *unio* sit principium *unitatis divisibilis*, ut intelligeretur eam ab  
indi-

*indivisibili* excludi. Ubi enim non dantur *plura* realiter distincta, quæ *uniri* possint, ibi non datur *unio*. At in unitate *indivisibili* non dantur *plura* realiter distincta, E. in ea non datur *unio*. Unde patet, quod quando Theologi dicunt, unionem dari personarum SS. Trinitatis, eos non loqui *strictè* & in rigore de unitate, sed latè.

## CAPUT IV.

### *De Veritate.*

#### PRÆCEPTA.

##### *Equivocationis evolutio.*

I. Veritas est vel Metaphysica, vel Logica, vel Ethica.

II. Veritas *Metaphysica* est conformitas rei cum intellectu divino.

III. Veritas *Logica* est conformitas conceptus, vel orationis cum re ipsa.

IV. Veritas *Ethica* est conformitas verborum, gestuum, & actionum cum corde.

Natura veritatis *Metaphysicæ* Theorem.  
12. excutietur Veritas *Logica* conspici-  
tur præcipuè in *enunciationibus* veris, qua-  
les sunt, quæ cum *norma* sua, rebus ipsis scil.



uti in natura sunt, consentiunt. *Ethicè* verax est, in quo *mens*, *cor* & *os* consentiunt, qui loquitur, quod sentit, & talem præ se fert, qualis est. Ad hanc veritatem non requiritur præcisè, ut res se ita habeat, uti recensetur, modo is, qui loquitur, rem aliter non sciat. Hinc asserere non dubitamus, posse aliquem simul in una eademque re veracem esse, & mendacium dicere: mendacem esse & veritatem dicere.

V. Alio modo veritas alia est vel in *essendo*, vel in *significando*, vel in *cognoscendo*.

VI. Veritas in *essendo* est conformitas *essentiae* cum *intellectu Dei*.

VII. Veritas in *significando* est conformitas *signi* cum *re signata*.

VIII. Veritas in *cognoscendo* est conformitas *potentiae cognoscentis* cum *re cognita*.

§. 1. Ut rectè intelligatur, quid sit veritas in *essendo*, propter quam primario hæc contemplatio suscipitur, primùm explicanda est veritas in *significando* & *cognoscendo*.

§. 2. Veritas in *significando* est, quando *signum* potentiae cognoscenti verè *representat* id, quod *significare* debet; (nam *signum* est, quod potentiae cognoscenti aliquid *representat*; uti ex capite de *signo* & *signato* infra patebit.) Hinc uti *signa* vel sunt *naturalia* vel *artificialia*, ita eorum veritas etiam alio  
atque

atque alio modo se habet. Sic veritas est in *vocabulis*, quando ita pronuntiantur vel scribuntur, ut res ea, cujus loco substituuntur, intelligatur: in *picturis*, e.g. illustrium virorum, quando verè eos *representant*, in *sermone*, cum id *loquimur*, quod *sentimus*: In *conceptu*, quando, ut res est, *concepitur*. Imò in ipso vultu datur hæc veritas, quando talis est, ut verè inde animus cognoscatur.

§. 3. Ex adverso, falsitas in *significando* est, quando *signum* non verè representat id, quod significare debet. Sic qui non ita loquitur vel *gestus* componit, uti *animus* <sup>et</sup> *sens* affectus est, is *falsitatem* hanc committit.

§. 4. Veritatem in *cognoscendo* dicimus esse conformitatem *facultatis cognoscentis* cum *re cognita*. Per facultatem cognoscentem intelligimus tam *intellectum*, quam *sensum*: nam & sensu fit cognitio, quæ dicitur sensu-  
alis. *Conformitatem* verò hîc non *univocam* statuimus, quæ e. g. est inter duas qualitates ejusdem speciei; sed *analogicam*, quæ est inter rem & imaginem ejus. Nam species intelligibilis ut & sensibilis est rei imago.

IX. Veritas in cognoscendo est vel *apprehensiva*, vel *judicativa*.

X. *Apprehensiva* est, qua res, uti est, apprehenditur.

Hæc iterum est duplex: vel *incomplexa*

vel *complexa*: *Incomplexa* veritas datur in terminis *simplicibus*, quando rem simpliciter extra omnem compositionem in sua essentia apprehendimus primâ operatione mentis, ut esse Angelos, dari Æthiopes, &c. *Complexa* veritas est in *propositionibus*, quibus sub *compositione* vel *divisione* res cognoscimus, affirmando scil. aliquid aut negando, quod est opus secundæ operationis mentis, ut, hominem generare, diabolum non generare.

XI. *Judicativa* veritas est, quæ de jam ante *ipprehensa* veritate iudicium format, &, quod vera sit, probat.

Hæc cadit sub tertiam mentis operationem, quæ per discursum & Syllogismum suam functionem peragit.

*Formalis ratio.*

XII. Veritas (*Metaphysica* scil. & quæ dicitur in *essendo*) est conformitas *rei* cum intellectu *divino*.

§. I. Remotis æquivocationibus, genuinam jam veritatis transcendentalis faciem contemplabimur: istius *formalem rationem* dicimus esse conformitatem *rei* cum intellectu, non quovis, sed *divino*. Potest quidem respectus etiam haberi ad *humanum* intellectum, sed inde non exsurgit veritas *transcenden-*

*scendentalis*, quia hic respectus rei tantum competit *accidentaliter* & consequenter, non quatenus res per se *vera est*, sed quatenus *ut vera* cognoscitur.

§. 2. Alii formalem rationem veritatis putant in *negatione* consistere, nimirum in *negatione fictionis*, & apparentiæ. Sed hæc explicatio nimis popularis, & vulgaris est. Vulgus dicit: *verum* id est, quod non est *factum* vel *falsum*: Virtus est, vitium fugere, &c. Accuratè in naturam veritatis si penetratur, per relationem exprimitur, non quidem *prædicamentalem*, sed *transcendentem*...

§. 3. In *formali* autem *ratione* non est tanta difficultas, cum omnes accuratiores Metaphysici in eo consentiant, quod veritas dicat *relationem* & *congruentiam* ad *intellectum*: in explicatione verò hujus *formalis* non exiguus oritur scrupulus. Alii enim (ut rem ad summam redigam) *conformitatem* illam ad *intellectum* explicant per modum *cognoscentis* & *cogniti*: Alii verò per modum *mensuræ* & *mensurati*. Nos statuimus, quod intellectus hic sumendus sit *indifferenter* & *indeterminate*, prout præscindit ab istis modis determinatioribus *cognoscendi* & *normandi*.

### DIVISIO.

XIII. Veritas est vel *creata* vel *increata*.

E 3

XIV.

XIV. Veritas *increata* est, per quam essentia *divina* refertur ad intellectum *divinum* per modum *identitatis* absque *constitutione*.

XV. Veritas *creata* est, per quam essentia *creata* conformis est menti *divinae* *constituenti*.

§. 1. Veritas diversimodè se habet in *creatore* & *creaturis*. Non negandum est, Deum seipsum intelligere, & cognitionem divinam super ipsam essentiam divinam ferri; Interim tamen hoc fit per *simplicem* tantum cognitionem absque aut ulla *productione*, aut proprie dicta *mensuratione*.

§. 2. In *creaturis* verò, licet etiam essentia earum intellectui divino objiciatur, ut cognoscenti, ita tamen hoc fit, ut cognitio Divina sit earum mensura, ut Potentia Divina earum causa.

## PROBLEMAT A.

I. *An veritas transcendentalis formaliter tantum judicanda sit ex conformitate cum intellectu divino?* Neg.

Aff. Sunt qui *indifferenter* sumendam esse dicunt *conformitatem* eam ad intellectum, sive sit *divinus*, sive *humanus*, modò *divinus* primariò intelligatur. Verùm relatio *intrinseca* & *essentialis*, quæ *veritati* dat esse suum,

suum, res tantum trahit ad *divinum* intellectum; Ille enim rerum *veritatem* terminat. Referuntur quidem res etiam ad *creatum* intellectum, quatenus movetur iste, ut *cognoscendo* eas ipsis fiat *conformis*. Sed hæc *relatio* est tantum *accidentalis* & *extrinseca*, & non facit, ut res *sit vere*, sed potius, ut *verè cognoscatur*. *Creatus* enim intellectus, qui *falli* potest, *terminatur* à rebus: non res à *creato* intellectu. Ergò ex *relatione* ad *talem* intellectum oritur non *veritas in essendo*, sed tantum in *cognoscendo*, quæ *equivocè* tantum in *Metaphysica* dicitur *veritas*, & propriè ad *Gnostologiam* pertinet. Sed objicitur, res *artificiales* tamen referendæ sunt ad intellectum *humanum*, qui ipsarum *norma* est. Resp. Res *artificiales* sunt entia *per accidens*, quia semper *duo* involvunt, scilicet opus *naturæ* & opus *artis*. Ita ergò sumptæ non participant de *objecto Metaphysicæ*: & propterea etiam à participatione *affectio- num ejus* excluduntur. Quamvis verò in sua *simplicia* resolvantur, nihilominus tamen ultimo ad intellectum *Dei* referuntur. *Immediate* quidem ad intellectum *artificis* habent respectum: *Mediate* verò ad *Dei* etiam intellectum referuntur, tum quia omnis *ars Dei* donum est, tum etiam quia homines res *artis* efficiunt per imitationem aliarum

XIV. Veritas *increata* est, per quam essentia *divina* refertur ad intellectum *divinum* per modum *identitatis* absque *constitutione*.

XV. Veritas *creata* est, per quam essentia *creata* conformis est menti *divinae* *constituenti*.

§. 1. Veritas diversimodè se habet in *creatore* & *creaturis*. Non negandum est, Deum seipsum intelligere, & cognitionem divinam super ipsam essentiam divinam ferri; Interim tamen hoc fit per *simplicem* tantum cognitionem absque aut ulla *productione*, aut proprie dicta *mensuratione*.

§. 2. In *creaturis* verò, licet etiam essentia earum intellectui divino objiciatur, ut cognoscenti, ita tamen hoc fit, ut cognitio Divina sit earum mensura, ut Potentia Divina earum causa.

## PROBLEMAT A.

I. *An veritas transcendentalis formaliter tantum judicanda sit ex conformitate cum intellectu divino?* Neg.

Aff. Sunt qui *indifferenter* sumendam esse dicunt *conformitatem* eam ad *intellectum*, sive sit *divinus*, sive *humanus*, modò *divinus* primariò intelligatur. Verùm relatio *intrinseca* & *essentialis*, quæ *veritati* dat esse suum,

suum, res tantum trahit ad *divinum* intellectum; Ille enim rerum *veritatem* terminat. Referuntur quidem res etiam ad *creatum* intellectum, quatenus movetur iste, ut *cognoscendo* eas ipsis fiat *conformis*. Sed hæc *relatio* est tantum *accidentalis & extrinseca*, & non facit, ut res *sit vere*, sed potius, ut *verè cognoscatur*. *Creatus* enim intellectus, qui *falli* potest, *terminatur* à rebus: non res à *creato* intellectu. Ergò ex *relatione* ad *talem* intellectum oritur non *veritas in essendo*, sed tantum in *cognoscendo*, quæ æquivocè tantum in *Metaphysica* dicitur *veritas*, & propriè ad *Gnostologiam* pertinet. Sed obijci-  
tur, res *artificiales* tamen referendæ sunt ad intellectum *humanum*, qui ipsarum *norma* est. Resp. Res *artificiales* sunt entia *per accidens*, quia semper *duo* involvunt, scil. opus *naturæ* & opus *artis*. Ita ergò sumptæ non participant de *objecto Metaphysicæ*: & propterea etiam à participatione *affectionum ejus* excluduntur. Quamvis verò in sua *simplicia* resolvantur, nihilominus tamen ultimo ad intellectum *Dei* referuntur. *Immediatè* quidem ad intellectum *artificis* habent respectum: *Mediatè* verò ad *Dei* etiam intellectum referuntur, tum quia omnis ars *Dei* donum est, tum etiam quia homines res *artis* efficiunt per imitationem aliarum



rerum à Deo productarum. Nam omne *artificiale* refert aliquam imitationem à rebus aliis desumptam. Causa verò cur *artificialia* ad *Dei* etiam intellectum referantur, cum veritas eorum *entitativa* indaganda est, hæc datur, quia *humanus* intellectus non est *per se, & absolute* infallibilis in ulla re, ne in eâ quidem, quam ipse producit. Dependens in *essendo* est etiam dependens in *operando*: & omne *positivum* est à Deo. Ergo totum negotium *artis* (aberrationes excludo, quæ veritatem *entitativam* non habent) in examinatione *veritatis* ad Deum devolvitur.

II. *Anduplex unius rei detur veritas?* Neg.

Quæritur in hoc problemate, non, an duplex vel multiplex *diversarum* rerum sit veritas, id enim nemo negat, cum omnino e. g. aliam & distinctam obtineat veritatem equus, aliam lapis, aliam aurum, &c. Sed an *unius* ejusdemque rei *duplex & opposita* unius generis sit veritas, quod antehac nonnulli statuere non sunt veriti, dicentes; quod unum idemque in *Philosophia* possit esse verum, & in *Theologia* falsum. Ita verò intellectam quæstionem constanter negamus, & dicimus, quod unius rei sit tantum una veritas, tam in *essendo* quam etiam in *cognoscendo*. Res vera esse dicitur, quando *conformis* est intellectui *divino*. Aut ergo *conformis*,  
mis,

mis, & sic vera; aut *difformis*, & ita *falsa* est. Impossibile enim est, ut aliquid Dei intellectui simul sit *conforme* & *difforme* eodem respectu. Omne enim, quod Deo *non conforme* est, *defectum* dicit in suo *esse*. At omnis *defectus* in *essentia* implicat *non ens*. Si ergo esset aliquid ei simul *conforme* & *difforme*, simul *esset* & *non esset*, quod absurdum est. Una etiam est tantum *veritas* in *cognoscendo*, quæ, quia juxta tres mentis operationes triplex est, de singulis nostrum assertum probabimus. Veritas *appræhensiva* *simplex* non potest esse *duplex*, quia *objectum* ejus à quo *mensuratur*, non potest simul *esse* & *non esse*. E. G. Si vera hæc est assertio: *Dantur angeli*, non poterit esse vera ejus *opposita*, *non dantur Angeli*. *Composita*, quæ in *enunciationibus* conspicitur, itidem tantum *una* est, propter rationem modo datam. *Vera* enim *propositio* ita de re aliquid *affirmat* vel *negat*, uti *res in se est* vel *non est*. Si ergo illa *propositio* est *vera*, quæ rebus *conformis* est, *opposita* erit *falsa*, quia alias idem rei simul *competeret* & *non competeret*. Veritas *judicativa*, quæ in *ratiocinio* consistit, propterea *una* est, quia *principiorum*, unde ea fluit, Veritas tantum *una* est. Principia ergo si non habent, *duplicem* veritatem, unde illam habebit *Syllogismus*.

### III. An Philosophia contradicat veritatibus Theologicis?

Neg. Problema hoc est speciale quæsitum præcedentis quæstionis. Statuminatur autem negativa hoc fundamento, quia intellectus *divinus* æque principiorum ex *natura* fluentium, quam ex *revelatione* depromptorum, norma est. Ut ergo intellectus *Dei* à seipso non *difformis*, sibi que, *contradictorius* est: Ita etiam *principia* ab eo dependentia per patefactionem *generalem* & *specialem* revelationem non sibiipsis contradicunt. Caute verò hîc distinguendum est 1. inter *Philosophiam* & *Philosophum*. Illa non contradicit Theologiæ, contradicit vero sæpe Philosophus. 2. Inter *veritatem* principiorum Philosophicorum & eorum *applicacionem*. Illa non parit *contradictiones* adversus Theologiam: *Hæc* vero, si vitiosa sit, earum causa est.

### IV. An veritas consistat in conformitate cum intellectu divino?

Aff. Variæ sunt Metaphysicorum sententiæ de *formali* veritatis. *Hic* in *propriorum* essentia *signorum* *possessione* ponit formale: *iste* in *segregatione* ab alio: *ille* in *proprietate* esse, ut *verum* id dicatur, quod *est*, uti esse debet: Verum hæ & similes sententiæ vel  
plane

*plane* non, vel saltem non *plene formale* veritatis exprimunt. Nostra ergo sententia de problemate hæc est, quod veritas consistat in *conformitate* cum intellectu *divino*, quod jam ante explicatum est.

V. *An veritas detur in rebus?*

Aff. Nam veritas *nostri* intellectus dependet à *rebus* à quibus *mensuratur*; ergo iis primum insit veritas, necesse est. Non enim ideo e. g. ignis calidus est, quia homo quidam hoc *dicit*, sed ideo qui hoc dicit *verum* dicit, quoniam ignis in se vere est calidus.

VI. *Utrum falsitas detur in rebus?*

Neg. *Improprie* res dicuntur interdum *falsæ*; *proprie* vero hæc denominatio in ipsas non quadrat. Ratio hæc est, quia illa *falsitas*, uti ex definitione *veritatis* colligitur, esset *difformitas* rei cum intellectu *divino*. At nullum ens, *quatenus* ens, est *difforme* cum intellectu *divino*. Omne enim *positivum* est à Deo. Deus autem omnia, quæ ab ipso dependent, ita constituit in *essentia*, ut concordent cum *mensura* intellectus sui. Ergo nullum ens in *essentia* sua potest *discordare* ab ea. Nec obstant *monstra*, quæ aberrant à *norma* ista, quam Deus in prima creatione specierum propagationi ex intellectu suo præscripsit.

scripsit. Quatenus enim aberrant, eatenus *defectum* innuunt. *Defectus* non est *ens*, sed *absentia* entitatis alicujus. Ergo *falsitas* illa, uti putatur, in *re* non erit.

*VII. An falsitas in cognoscendo etiam datur in prima mentis operatione ?*

Aff. *Veritatem* in cognoscendo dari in omnibus *tribus* mentis operationibus statuimus supra. Jam de opposita *falsitate* cognitionis, quæ proprie falsitas dicitur, quoque hoc in runcto disquiremus. Hanc quidem dari in *secundæ* mentis operatione, concedunt omnes saniores : cum inde nata sit distinctio propositionis in *veram* & *falsam*. Dari eam quoque in *tertia* operatione mentis, facile largiuntur, qui Syllogifimos *Sophisticos* invenire norunt. Sed an in *prima* quoque detur hæc falsitas, quidam *dubitant*, quidam diserte *negant*. Nos *affirmamus*, quia in *prima* etiam mentis operatione datur *disformitas* potentiæ cognoscentis & objecti cognoscendi. Dantur enim homines, qui hanc vel istam rem putant revera dari, & essentiam *realem* in mundo habere, cum tamen sit tantum *facta* & præter esse *objectivum* in se nihil habet. Cognoscere autem (*apprehendere potius videtur dicendum*) aliquid, quod *factum* est, sub opinione *realis* existentiae, omnino

nino infert *difformitatem* intellectus & ob-  
jecti. E. G. Pontificii credunt, dari *purgato-*  
*rium* extra *fictionem* mentis, cum tamen *fig-*  
*mentum* sit. Ergo intellectus eorum errat,  
qui objectum hoc suum cognoscit (*vel apprehen-*  
*dit*) sub *esse reali*, quod tamen *esse obje-*  
*ctivum* in intellectu habet & præterea *nihil*.  
Contra inveniuntur homines, qui aliqua,  
quæ *reale* esse habent ex *figmento* introducta  
esse putant. *Epicuræi* e.g. sibi persuadent,  
non dari *Diabolos*, sed *finxi* tantum à conci-  
onatoribus, ut homines in honesta vitæ con-  
tineant. Horum intellectus sane *diffor-*  
*matus* est objecto, quod putatur esse ens *rationis*,  
cum tamen sit ens *reale*.

*VIII. Unde oriatur difficultas investigandi  
veritatem.*

Sagacissimos & in omni genere eruditio-  
nis exercitatissimos Philosophos legimus in  
eruditione rerum difficilium usurpare  
communes illas sententias: *Maximum eo-*  
*rum, quæ scimus, est numium eorum, quæ ne-*  
*scimus*: *Sapientiæ humanæ pars est, quædam*  
*æquo animo nescire velle*: *Nos in luce rerum*  
*tenui caligamus, in mediocri cæcutimus, in*  
*maxima insanimus, &c.* Unde patet, quod  
difficilis inventu sit veritas, & quod *Demo-*  
*critu.* non sine causa hanc usurpavit quere-  
lam,

lam, *veritatem in profundo puteo latere*. Propterea merito quæritur, cur adeo difficilis sit investigatio veritatis? *Heraclitus* difficultatem hanc *rebus ipsis* tribuit, quia non idoneas species ad cognitionem necessarias possint intellectui imprimere. Sed verior est illa sententia, quæ intellectui ipsi ascribit causam difficultatis, qui corruptus & per lapsum lumine suo privatus est. Quædam etiam homo integer difficulter cognovit, tum propter suam nobilitatem, ut *Deum*; tum propter suam tenuitatem, ut *peccatum*, in *Diæoliis* conspicuum. De reliquis vero, quæ nostræ cognitioni in statu innocentie fuissent *adequata*, dico, quod, quando jam ad ea indaganda nos accingimus, nihil difficultatis lateat in ipsis *rebus*, sed quod totum impedimentum in nostro intellectu situm sit. *Lumen* in intellectu debile est, & *tenebrarum* fere nomen meretur: *Organa* sunt imbecilla & inepta: *Temperamentum* jam *melancholicæ* nebula aciem mentis obfuscet, obtundit, torpescit: *Vitia* quoque hominum, ut sint *philautia*, *arrogantia*, *socordia*, *inconstantia*, &c. multum faciunt ad hominum *stupiditatem*. Quemadmodum ergo non accusandus *So* est, cum non possumus eum *recta* intueri, sed *oculorum* imbecillitas: ita cum non omni possumus intelligere, *res ipsæ* non sunt cupandæ sed *nostrer intellectus*.

## AXIOMATA.

I. Omne ens est *verum*, & omne *verum* est *ens*.

Quicquid *conforme* est intellectui *divino*, illud *verum* est. Atqui omne ens (sc. reale) *conforme* est intellectui *divino*. E. omne ens *verum*. Rursus, quicquid habet *essentiam*, illud est *ens*. Atqui omne *verum* (proprie dictum) habet *essentiam*. Ergo omne *verum* est *ens*.

II. Antiquissimum quodque verissimum.

Hæc regula aliqua quidem ratione potest de veritate *in essendo* intelligi, ut *Deus* ipse, qui *antiquissimam* omnino *essentiam* habet, denotetur; Verum in usu philosophico de veritate *in cognoscendo* præfertim usurpatur, ut *verissima* judicentur illa *principia cognoscendi*, quæ sunt *antiquissima*. Accipiendum tamen est *subiectum* regulæ cum hac *limitatione*, quod sc. intelligendum sit *id est* sive *absolute* antiquissimum, non vero *secundum quid*. *Veritas* absolute *antiquior* est *falsitate*: secundum *quid*, scil. in genere *falsitatum*, *fraus Diaboli*, qua decipiebat *Evam*, est *antiquissima*. Addenda vero est ad *prædicatum* quoque *limitatio*, quod scilicet *antiq. verissimum* sit, quoad *veritatem ipsam*, quamvis  
non



non semper quoad veritatis *manifestationem*. Fieri enim potest, ut *falsum* citius *divulgetur* quam *verum*. Ex hac limitatione solvitur quoque illa objectio ex *jure*: Lex *nova* derogat *veteri*, ergo interdum etiam *novissimum* est *verissimum*. Nam si *vera* est *nova* lex, congruit cum lege *naturæ* homini iam prima creatione *implantata*, atque sic in se satis *antiqua* est, licet *noviter* sit *manifestata* & *promulgata*.

## CAPUT V.

## De Bonitate.

## P R Æ C E P T A.

*Formalis ratio.*

I. Bonitas est *convenientia* entis.

§. 1. Sunt, qui *formalem* rationem bonitatis ponunt in *conformitate rei & voluntatis*. Verum ista *conformitas* non dicit naturam *bonitatis* in *abstractissima* natura, quatenus *bonitas* est, sumptæ, sed talis *bonitatis*, ejus sc. quæ *respective* dicitur. In inquisitione vero *formalis rationis* non judicandum est de *termino*, prout in hac vel illa *specie* se habet, sed uti in *abstractissima* natura ab omnibus inferioribus *præcisa* jacet.

§. 2. Alii *formale* bonitatis in appetibilitate litum esse putant, quæ sententia cum priore ex parte convenit. Verum *appetibilitas* potius est *consequens* bonitatis: ideo enim aliquid *appetitur*, quia *bonum* est, non ideo *bonum* est quia *appetitur*, cum *malum* sæpe etiam, licet sub *ratione* boni, *appetatur*.

§. 3. Dantur etiam, qui *formalem* boni rationem in *perfectiōe* collocant; quorsum spectant istæ definitiones vulgatæ: *Bonitas est perfectiō rei denotans convenientiam. Bonitas est perfectiō enti conveniens: Ponitas est convenientia perfectiōis ad rem ipsam, &c.* Verum idem, quod de prima sententia diximus, hic repetimus quod scilicet *perfectiō* non exprimat naturam bonitatis *abstractissime* sumptæ, sed *talis* bonitatis, ejus scil. quæ in se spectatur.

§. 4. Nostra sententia hæc est, quod *formalis* ratio *bonitatis* consistat in *convenientia* rei, & quidem *tali*, quæ *indifferenter* se habet ad eam, qua aliquid *sibi ipsi* est conveniens, & eam, qua quid *alteri* convenit.

### DIVISIO.

II. Bonitas dividitur in eam, qua aliquid est bonum *in se*, & eam, qua aliquid est bonum *in respectu ad aliud*.

Fundamentum divisionis hujus hoc est, quia *convenientia* entis, in qua *formalis* ratio boni-

bonitatis in *genere* sumptæ consistit, dicitur vel *respectu sui ipsius*, quomodo ens *sibi ipsi* conveniens est; vel *respectu alterius*, qua ratione ens est conveniens *alteri*.

III. Bonitas, qua ens est bonum *in se*, alias dicitur *perfectio*.

De *perfectione* quidam dicunt, quod non sit *affectio*, sed ipsa *essentia*: Quidam, quod una cum *imperfectione* constituat *disjunctionem* affectionem: Alii, quod faciat *peculiaritatem* inter *unitas* affectionem. Nos ab hisce tribus sententiis discedimus, propter rationes supra c. 2. adductas, & *perfectiorem* ad *bonitatem* referimus, cujus *species* est. Evolvenda vero primum perfectionis *equivocatio* est, antequam *naturam* ejus genuinam explanemus.

*Equivocationis evolutio.*

IV. Perfectio est vel *essentialis* vel *accidental*.

V. Perfectio essentialis est, *qua rei nihil deest in essentia*.

VI. Perfectio accidentalis est, *qua rei non desunt accidentia, quæ in eam cadere solent*.

Hæc pro varietate istorum accidentium varia est: nempe vel *naturalis*, quia rei *nihil deest*

deest eorum, quæ *naturaliter* (*extraessentialiter* tamen) ei competunt, vel *acquisita*, eaque vel *intellectualis* (quam alii *artificialem* vocant) quæ intellectum virtutibus *intellectualibus*; vel *moralis*, quæ voluntatem virtutibus *moralibus* perficit; vel *infusa*, quæ non *labore*, sed *Dei* singulari operatione producitur, ut *fides*, *spes*, & alia bona opera; vel *imputata*, quando *Salvatoris* perfectio per fidem *nostra* fit.

VII. Perfectio sumitur vel *absolute* vel *comparete*.

*Absolute* omne ens perfectum est, quatenus ipsi in *essentia* nihil deest. *Comparete* hoc est *perfectius* illo (Deus perfectior creaturis, homo planta) quia *inequalis* est participatio perfectionis in *determinata* ratione essendi.

VIII. Perfectio est vel *partium* vel *graduum*.

*Ille* nullam *partem* debitam, *hæc* nullum *gradum* debitæ excellentiæ *abesse* dicit.

IX. Perfectio sumitur vel *effective*, vel *possessive*.

*Illo* modo notat *actum* effectivum *perficientis*: *Hoc* vero *statum* rei jam *perfectæ*.

For-

*Formalis ratio.*

X. Perfectio est convenientia entis, quæ dicit *indefectionem in essentia*.

*Formale* perfectionis consistit in *indefectione*, quæ *negationem defectus* infert, ejus scilicet, qui dicit aliquid *abesse* eorum, quæ ad *essentiam* requiruntur; nam licet desit aliquid, quod ad statum rei *accidentalem* & conditionem *extraessentialem* spectat, non tamen statim tollitur perfectio *transcendentis*. *Monoculus* homo etiam est perfectus in *essentia* homo.

## D I V I S I O.

XI. Perfectio est vel *summa & absolute* sic dicta, quæ solius *Dei* est; vel *restricta* & in *certo* genere sumpta, quæ *creaturis* competit.

XII. Bonitas, qua ens est bonum in respectu ad *aliud*, dicitur bonitas in *specie*.

*Equivocationis evolutio.*

XIII. Bonitas est vel *vera* vel *apparens*.

*Illa* in se *res est bona*, ut *virtus*: *Hac vero* à *prava opinione* tantum ita *putatur esse bona*, cum tamen *intrinsece mala* sit. Sic multi  
putant

putant bonum esse *otium*, bonum esse *vindictam* privatam, &c.

XIV. Bonitas est vel *Metaphysica*, vel *Physica*, vel *Ethica*.

*Illa* est conformitas rei cum voluntate divina. *Ista* est convenientia rei extraessentialis ad ejus naturam determinata. *Hæc* est convenientia cum lege naturæ, & significat ipsam virtutem moralem.

*Formalis ratio.*

XV. Bonitas in specie dicta est convenientia entis, quæ dicit *conformitatem* cum *voluntate divina*.

Hujus *formalis* ratio consistit in *relatione*, qua in parte cum *veritate* congruit. *Relatio* illa fertur ad voluntatem, non *humanam*, quæ interdum malum vult pro bono; sed *divinam*.

*DIVISIO.*

XVI. Bonitas alia est *per essentiam* & est solius *Dei*, alia *per participationem*, quæ est *creaturarum*.

Deus est *summum* illud *bonum*, à quo omnia *dependent*, quæ *boni* rationem habent. Propter istud bonum omnia bona dicuntur, quæ *communicationem* istam, qua se diffundit, participant.

XVII.

XVII. Malum est *privatio boni*, & est vel *culpæ* vel *pænæ*.

## PROBLEMAT A.

*I. An bonitas sub se comprehendat perfectionem seu speciem?*

Affirmatur. Pleri; Metaphysici in *definitione* bonitatis *perfectionem* includunt, quod in Exercitationibus Met. deduximus. Patet ergo *perfectionem* aliquo modo ad *bonitatem* pertinere. Sed quomodo istuc pertineat, diverse inveniuntur sententiæ. Nos missis reliquis statuimus, quod perfectio sit bonitatis *abstractissime* sumptæ *species*, quia divisio bonitatis *in se & in respectu ad aliud* est legitima (non æquivoca) & quia *alterum* membrum hujus divisionis, bonum scilicet *in se* est ipsa *perfectio*. Vide Exercitationes p. 162.

*II. An formalis ratio bonitatis consistat in convenientia?*

Aff. De *formali* ratione bonitatis diversæ inveniuntur sententiæ, quas vide supra Theorem. 1. Nos eam statuimus consistere in *convenientia*; Nam quæ est ratio *appetibilitatis*, ea quoque est ratio *formalis bonitatis*. Sed *Convenientia* est ratio *appetibilitatis*.

tatis. Ideo enim appetimus, quia nobis convenit. E.

### III. Quid enti addat perfectio?

Resp. Non addit ipsi novam *essentiam*, quia tantum *modus* est *essentiae*. Et si perfectio *abstracte* sumpta esset in se *essentia* aliqua, iterum haberet aliam *perfectiorem*, quia omne *ens* est *perfectum*, & nullum patitur in *essentia* defectum. Ita uero fieret progressus in infinitum. 2. Neque addit enti *relationem* aliquam *rationis*. Uti enim ex praecedentibus patet, perfectio est bonitas *in se* spectata, quae non terminatur aliorum, sed quasi in sinu suo se continet. 3. Sed *negationem* enti superaddit, negationem scil. defectus *entitativi*, quae *nihil* eorum *abesse* dicit, quae ad *essentiam* requiruntur, uti supra Theor. X. id fuerit assertum.

### IV. Utrum perfectionis formalis ratio sit indefectibilitas?

Neg. Sunt, qui hoc statuunt. Verum nobis placet ab iis dissentire. Ratio est, *indefectibilitas* non tam dicit enti *nihil deesse*, quam ei *nihil posse deesse*; exprimitur enim per modum *potentiae*, non *actus*. Sicut *unitas* consistit in *indivisione*, non in *indivisibilitate*, sed potius in *indefectione* consistit, quia



quia mens nostra, cum rem perfectam esse cogitat, non sollicita est, an deficere aliquando *possit*, sed hoc intendit, rem *ipso actu* nullum in essentia *pati* defectum. Adde quod entia *corruptibilia* non sint *indefectibilia*, & tamen *perfecta*.

*V. Num detur imperfectio transcendentalis?*

Neg. *Perfectioni* opponitur quidem *imperfectio*, sed non *omni*. *Perfectio accidental* habet *contrarium*. Puer non potest generare sibi simile, propterea *naturaliter imperfectus* est. Qui incipit operam dare virtutibus, & tamen nondum potest plane affectus regere, is *imperfectiorem* sentit *mora-*  
*lem*. Tyro in disciplinis philosophicis de *imperfecti*one *intellectuali* conqueritur. *Essentialis* vero *perfectio*, quæ alias *transcendentalis* vocatur, non habet contrarium; hoc enim esset *imperfectio essentialis*, & diceret aliquid de *essentia* abesse. Talis vero *essentia* non datur, quæ ex *parte* fit, & ex *parte* non fit; aut *tota* abest, aut *tota* adest. Si est *essentia*, habet omnia, quæ ad esse requiruntur: Ergo in *essentia* nulla datur *imperfectio*.

*VI. Utrum imperfectio negativa sit proprie imperfectio?*

Neg.

Neg. Imperfectio solet distingui in *privativam* & *negativam*. *Privativam* definiunt, quod sit carentia perfectionis *debitæ* inesse: ut homo est *cæcus*, *claudus*, *surdus*: *Negativam*, quod sit carentia perfectionis *non debitæ* inesse (huic cui denegatur.) Talis imperfectio in *homine* est, quod non potest *volare*: in *lapide*, quod non potest se loco *movere*: in *Sole*, quod non potest *sibi simile* *gignere*. Hanc dicimus non *proprie* esse imperfectiorem. Imperfectio enim stricte accepta *notat defectum*, quem perfectio *negat*. Defectus autem *proprie* dicit aliquid *abesse*, quod *deberet* adesse. Jam vero in lapide non *debet* esse facultas *loco motiva*, nec in sole facultas *procreatrix*, nec in homine potentia *volandi*. Ergo harum potentiarum negatio non infert *proprie* sic dictam imperfectiorem. Est ergo ante citata distinctio non *generis* in *species* vel univocas vel analogas, sed *æquivoci* in *æquivocata*.

VII. An omne bonum sit perfectum?

Aff. Species oppositæ in *concreto* possunt de se invicem dici: *Longitudo* & *crassities* sunt species oppositæ quantitatis, de quibus quidem non licet dicere: *longitudo* est *crassities*; recte interim dico: hoc corpus *longum* est *crassum*, imo omne corpus *longum* est

crassum. Recte ergo affirmatur problema, cum tam *bonitas*, quam *perfectio* competat *omni* enti, & sic fieri non possit, ut detur *aliquod bonum*, quod non *simul* sit *perfectum*, sicut non potest reperiri *unum*, quod non sit *verum*. Notandum vero, quod hic *bonitas* & *perfectio* intelligenda sit *essentialis*; Nam de *accidentali* non valet assertum universaliter. Rusticus *male* moratus possidet *bonitatem essentialem*, quia *homo* est: Ut plurimum quoque *naturalem*, quatenus *sanus* & *robustus* est; & tamen est imperfectus *moraliter*.

VIII. *Utrum detur malitia transcendentalis?*

Neg. Defineretur hæc (si daretur) *privatio conformitatis* cum *Divina* voluntate in ipsa *essentia*. Non datur autem *essentia*, quæ hac *conformitate* sit *privata*. Nam *omnis essentia* est à Deo. Si hoc, utique eam *produxit* ita, uti *voluit*. Si vero ita est *essentia* *omnis*, uti *Deus* eam *voluit* esse, nulla sane caret *conformitate* cum *divina* voluntate.

IX. *Utrum bonum sit causa mali?*

Dist. Si per bonum intelligatur *summum* bonum, *Deus* scilicet, & per malum, *morale* malum, simpliciter negamus quæsitum. *Deus* enim nequaquam est *author* ullius *peccati*.

Si

Si quæritur de malo *naturali*, ejus *causa* sæpe *Deus* est, sed sub ratione mali *pœnæ*. Propter peccata nostra *Deus* inmittit sterilitatem terræ & animalium, intemperiem aëris, imo monstra etiam: Quod innuit *Deus* Deut. 28. dum dicit: *Nisi observaveris mandata Dei tui, maledictus erit fructus ventris tui, fructus terræ, fœtus boum & ovium.* Vid. nostrum Colleg. Physic. Disp. 3. th. 6. Porro si quæritur, an *Diabolus* & *homo* (uterque in *essentia* bonus) sint causa mali *moralis* scil. peccati, distinguimus inter causam per se & per accidens, ut & inter causam *efficientem* & *deficientem*, & dicimus, quod sint causa peccati per accidens & quidem non *efficientis* quæ importat influxum ad esse causati (*realis*) sed *deficiens*; quod enim delinquitur, *defectus* est. *Naturalis* mali causa sunt quidem creaturæ in se bonæ, sed itidem per accidens & quatenus *deficiunt*.

X. Num solus *Deus* sit bonus per *essentiam*?

Supra Theor. xvi. assertum est quod bonitas per *essentiam* sit solius *Dei*, ea vero, quæ per *participationem* dicitur, competit creaturis. Verum posset quis obicere, quod omne ens sit *transcendentaliter* bonum per *essentiam*, quia præciso omni extraneo propter esse suum bonum est; Verum Resp. quod

cognatum hoc essentia per *essentiam*, dupliciter accipiatur. Dicitur enim aliquid esse per *essentiam* vel ratione *independentis possessionis*, vel ratione *intrinsecæ constitutionis*, quam distinctionem tradidi supra L. I. C. 3. n. 2. *Priori* modo solus *Deus*; *posteriori* omne ens per *essentiam* bonum est; quamvis formula hæc loquendi de creaturis sit rarior.

### A X I O M A T A.

I. Omne ens est *perfectum*.

Scilicet *transcendentaliter*. *Accidentaliter* quidem potest contingere imperfectio, cum ens deficit in ornamentis, in gradu *intensiore*, & aliis *extraessentialibus*. Fit quoque imperfectio *comparate*, quatenus hoc non habet tam *sublimem* perfectionem quam illud. Hinc Scaliger de creaturis cum Deo comparatis inquit Exerc. 140. §. I. Omnia hæc, non dico singula, sed omnia, inquā, atque etiam cuncta & conferta, ita ut ex iis unum fiat, si cum Deo conferantur, non solum mutila & manca, sed etiam nihil, imo, si liceat, si non liceat dicere, minus quam nihil sunt. *Essentialiter* vero imperfectum non datur. Sicut enim fieri non potest, ut *ens* maneat, sublata *essentia*: ita nec potest fieri, ut *essentia* maneat, *deficientibus* iis, quæ ad *essentiam* pertinent. Alias enim non esset, quod

quod est, & ita à seipsa aliena foret. Quando ergo obijcitur, hominem & diabolum *perfectionis* statu excidisse, reponimus, quod *Ethice* tantum defecerint, & *accidentaliter*, non *Metaphysice* & *transcendentaliter*. Diabolus adhuc habet eam essentiam, quam Deus creando ipsi dedit. Homo adhuc est animal rationale, adhuc animam humanam & corpus humanam habet, uti creatus est.

## II. Omne perfectum est ens.

Perfectum enim est terminus *complexus*, qui complicat *modum* cum *essentia*. Essentia autem est ens. Nihil aliud ergo dicitur in axiome, quam hoc : Omnis essentia, quæ non patitur defectum in esse, est ens.

## III. Quicquid perfectionis est in creaturis, illud etiam in Deo est.

Communis regula est : Nihil est in *effectu*, quod non fuerit in *causa*. Illa & hic valet. Unde enim *effectus* nancisceretur *perfectiones* nisi essent in *causa* ? Non vero uno modo continet Deus omnes perfectiones *creaturarum*, sed quasdam *formaliter*, quasdam *eminenter* & *virtualiter*. *Formaliter* in Deo sunt istæ creaturarum perfectiones, quæ in *abstracta* sua natura nullam inferunt *imperfectiorem*, ut *scientia*, *sapientia*, *intellectus*,

*etus, voluntas, &c.* Nec obstat, quod hæc in creaturis sint *accidentia*, quæ in Deum non cadant. Nam non est de *terminis* judicandum, prout in hac vel illa materia sunt, sed sicut in *abstractissima* natura apparent. Et licet in creaturis quasdam *imbecillitates* adjunctas habeant, illæ tamen, cum de Deo dicuntur, omnes *removendæ* sunt. *Eminenter* vero in Deo sunt istæ creaturarum perfectiones, quæ in *abstracta* natura implicant aliquam *imperfectiorem*, ut *auditus, locomotiva, visus, &c.* tales enim involvunt *commercium* cum materia; propterea in Deo non sunt *formaliter* & secundum *proprium* conceptum, sed *loco* earum Deus habet *perfectiones* longe *eminentiores*. Homo *audit*, *visu* videt: Hæc Deus *nobiliore* modo præstat per *omniscientiam*, *Locomotiva* facultate homo de loco in locum transit: Hæc Deus non indiget, quia jam ante *ubique* est.

#### IV. Omne ens est bonum.

Ens & bonum sunt *adequata*: unum tam late patet, quam alterum. Nulla datur *essentia*, quæ non *bona* sit. Nam à *summo bono* non potest aliquid *non bonum* vel *fieri* vel *conservari*, uti Scaliger dicit Ex. 249. f. 3. Nec obstat, I. Quod Diabolus & homo in bonitate concreata non permanferint; Nam sublata est

est tantum bonitas *moralis:transcendentalem* uterque adhuc habet: Adhuc *Diabolus* ipse est bonus in *essentia*, quapropter etiam adhuc Deus ipsum in esse *conservat*, quod non fieret, si nihil boni amplius in eo reperiretur. Nec obstat 2. Quod Christus dicit Luc. 18.v.19. *Nemo est bonus,nisi solus Deus*. Intelligitur enim ibi bonitas per *essentiam independentem*, quam nemo habet nisi solus *Deus*.

V. Omne *bonum* est ens.

Veritas Canonis statim patet,quando cogitamus in *bono* esse *duo*, scil. *essentiam,quæ* dicitur *bona*, & respectum ad *voluntatem* Dei, *propter quem* vocatur *bona*. Objicitur vero 1. quod entia *rationis* quoque dicantur *bona*, ut bonum *figmentum*. Resp. Sicut in iis est *ficta essentia*, ita etiam est *ficta bonitas*. 2. Quod etiam *non entia* sint *bona*, cum Christus dicat Matth. 26.v.24. de Juda: *καλδὲ bonum* s. melius esset ei, *non natum esse*. Verum resp. quod hic *bonitas* significet tantum *minus malum*: Est enim tantum *abusiva* comparatio, in qua tertium *comparationis* neutri inest. Quando ergo dicitur: *melius* esset Judæ *non natum esse*, quam *Dominum tradere*, ita *propositio* explicanda est: *non tam malum* esset, *non natum esse*.



*etus, voluntas, &c.* Nec obstat, quod hæc in creaturis sint *accidentia*, quæ in Deum non cadant. Nam non est de *terminis* judicandum, prout in *hac* vel *illa* materia sunt, sed sicut in *abstractissima* natura apparent. Et licet in creaturis quasdam *imbecillitates* adjunctas habeant, illæ tamen, cum de Deo dicuntur, omnes *removendæ* sunt. *Eminenter* vero in Deo sunt istæ creaturarum perfectiones, quæ in *abstracta* natura implicant aliquam *imperfectiorem*, ut *auditus, locomotiva, visus, &c.* tales enim involvunt *commercium* cum *materia*; propterea in Deo non sunt *formaliter* & secundum *proprium* conceptum, sed *loco* earum Deus habet *perfectiones* longe *eminentiores*. Homo *audire* audit, *visu* videt: Hæc Deus *nobiliore* modo præstat per *omniscientiam*, *Locomotiva* facultate homo de loco in locum transit: Hæc Deus non indiget, quia jam ante *ubique* est.

#### IV. Omne ens est bonum.

Ens & bonum sunt *adequata*: unum tam late patet, quam alterum. Nulla datur *essentia*, quæ non *bona* sit. Nam à *summo bono* non potest aliquid *non bonum* vel *fieri* vel *conservari*, uti Scaliger dicit Ex. 249. f. 3. Nec obstat, I. Quod Diabolus & homo in bonitate concreata non permanferint; Nam sublata est

est tantum bonitas *moralis: transcendentalem* uterque adhuc habet: Adhuc *Diabolus* ipse est bonus in *essentia*, quapropter etiam adhuc Deus ipsum in esse *conservat*, quod non fieret, si nihil boni amplius in eo reperiretur. Nec obstat 2. Quod Christus dicit Luc. 18.v.19. *Nemo est bonus, nisi solus Deus*. Intelligitur enim ibi bonitas per *essentiam independentem*, quam nemo habet nisi solus *Deus*.

#### V. Omne bonum est ens.

Veritas Canonis statim patet, quando cogitamus in bono esse duo, scil. *essentiam, quæ dicitur bona*, & respectum ad *voluntatem Dei, propter quem vocatur bona*. Objicitur vero 1. quod entia *rationis* quoque dicantur bona, ut bonum *figmentum*. Resp. Sicut in iis est *ficta essentia*, ita etiam est *ficta bonitas*. 2. Quod etiam *non entia* sint bona, cum Christus dicat Matth. 26.v.24. de Juda: *καλὸν bonum* s. melius esset ei, *non natum esse*. Verum resp. quod hic *bonitas* significet tantum *minus malum*: Est enim tantum abusiva comparatio, in qua tertium comparisonis neutri inest. Quando ergo dicitur: *melius esset Judæ non natum esse*, quam *Dominum tradere*, ita propositio explicanda est: *non tam malum esset, non natum esse*.

VI. Omne bonum est *communicativum* sui.

Notandæ de hac regula sunt sequentes limitationes 1. Quoddam bonum *necessario*, quoddam *libere* se communicat. 2. Bonum communicat se *quantum potest*. (*Limitanda est hæc, ut obtineat, Authoris (quam vocat) Limitatio ad Bonum scilicet necessario sui Communicativum: Libere enim communicativum sui bonum communicat se quantum vult, non quantum potest, ni quando, quantum possit, se & velit communicare.*) 3. Quantum *aptitudo* recipientis permittit. (*Hic etiam infra boni naturalis terminos sistendum; nam bonum supernaturale scilicet Deus ubi aptitudinem non invenit, quando vult, facit.*) 4. Quantum *deceat*. (*Intelligendo scilicet de bono libere sui communicativo utpote quid deceat, dedeceatve, dyjudicandi solummodo capace.*) 5. Quoad *usum*, non semper quoad *possessionem*.

VII. Omnis *malitia* est in bono.

*Malitia* enim est *privatio* bonitatis, scilicet *accidentalis*. (Nam non datur *malum*, quod opponatur bonitati *essentiali*.) *Privatio* vero semper habet *subjectum* aliquod, in quo dicit aliquid *abesse*. Illud *subjectum ens* est. Omne autem *ens* est *bonum*. Si ergo omnis *malitia* est in ente, est in bono.

## CAPUT VI.

## De Duratione.

## P R Æ C E P T A.

*Æquivocationis evolutio.*

I. Duratio est vel *imaginaria*, vel *realis*.

*Imaginaria* est, quæ tantum à nobis concipitur, revera autem non datur. Sic Pontificii quosdam diu, alios vero non diu dicunt in purgatorio permanere. Sic filius à *nativitate* patris sui dicitur fuisse in *potentia*. Sic cum durationem *Dei* concipimus per *plura momenta* sibi invicem *succedentia*, duratio *imaginaria* dicitur in respectu ad Deum. *Realis*, quæ vere in *rebus* est.

II. *Realis* est vel *extrinseca* vel *intrinseca*.

*Extrinseca* est comparatio durationis ad aliam rem, per modum *mensuræ*. Sic in *physicis* *tempus* (duratio in se continua) distinguitur juxta *motum* corporum *cœlestium* in *annos*, *mensēs*, *dies*, &c. Hæc *improprie* dicitur duratio. *Intrinseca* proprie est ea duratio, quam hic investigamus, qua omne ens in se habet *essentiæ permanentiam*.

III. Duratio sumitur vel *philologice*, vel *philosophice*.

*Isto modo vi vocis latinæ vulgo ea tantum durare dicuntur, in quæ cadit mora & tractus aliquis temporis, ita ut à duratione excludantur momentanea, quia mora carent. Hoc modo vero & accurate durat omne, quod veram & actualem essentiam habet, sive duratio ejus sit momentanea sive diuturna.*

*Formalis ratio.*

IV. Duratio est *essentiæ permanentia*.

§. 1. Elaborandum nobis sumimus *realem intrinsecam & philosophice sumptam durationem* homonymiis remotis.

§. 2. Hujus *formale* dicimus esse *permanentiam essentiæ*. Permanentiam vero hic non accipimus in *speciali* significatione, qua *successioni contradistinguitur*, quam infra in capite de *permanente & successivo* explicabimus; sed *generaliter & in media acceptione*, quæ tam *permanenti* quam *successivo* enti indifferenter accommodari possit.

DIVISIO.

V. Duratio dividitur primo in *permanentem & successivam*.

VI. Duratio *permanens* est, quæ absq; *fluxu & successione* partium sui subjecti *permanet*. Estque *entis permanentis*.

VII.

VII. Duratio *successiva* est, quæ non nisi per *fluxum* partium sui subiecti *permanet*. Estque *entis successivi*.

De hac divisione paucas hic ducimus lineas, quia ejus natura exactius ex capite de *permanente & successivo* innotescit, quorsum, quæ hic dicenda erant, reservamus.

VIII. Secundo dividitur duratio in *indefectibilem & defectibilem*.

*Indefectibilis* (à parte ante & à parte post) dicitur *æternitas*.

*Defectibilis* vel deficit à parte ante tantum, & dicitur *ævum*; vel à parte ante & à parte post, diciturque *tempus*.

Divisio hæc fundamentum in re habet, quia tres sunt modi, quibus entia in *esse* suo *permanent*. Nam quicquid est, vel plane est *infinitum*, & caret *principio & fine*, ut solus *Deus*; vel plane est *finitum*, & habet *principium & finem*, ut res corruptibiles, vel partim est *finitum*, partim (*suo* tamen modo) *infinitum*, & habet *principium*, caret vero *sine*, ut *Angeli*, & animæ nostræ.

IX. *Æternitas* est duratio, *simplicem* in essendo *interminabilitatem* cum *simplici* *continuitate* conjunctam inferens.

§. I. *Dari æternitatem* probatur inde, quia datur ens *infinitum*. Quod infinitum est

*Isto modo* vi vocis latinæ vulgo ea tantum *durare* dicuntur, in quæ cadit *mora* & *tractus* aliquis temporis, ita ut à duratione excludantur *momentanea*, quia *mora* carent. *Hoc modo* vero & accurate durat omne, quod *veram* & *actualem* essentiam habet, five duratio ejus sit *momentanea* five *diuturna*.

*Formalis ratio.*

IV. Duratio est *essentiæ permanentia*.

§. 1. Elaborandum nobis sumimus *realem intrinsecam* & *philosophice* sumptam *durationem* homonymiis remotis.

§. 2. Hujus *formale* dicimus esse *permanentiam essentiæ*. Permanentiam vero hic non accipimus in *speciali* significatione, qua *successioni* contradistinguitur, quam infra in capite de *permanente* & *successivo* explicabimus; sed *generaliter* & in *media* acceptione, quæ tam *permanenti* quam *successivo* enti indifferenter accommodari possit.

DIVISIO.

V. Duratio dividitur primo in *permanentem* & *successivam*.

VI. Duratio *permanens* est, quæ absq; *fluxu* & *successione* partium sui subjecti *permanet*. Estque *entis permanentis*.

VII.

VII. Duratio *successiva* est, quæ non nisi per *fluxum* partium sui subjecti *permanet*. Estque *entis successivi*.

De hac divisione paucas hic ducimus lineas, quia ejus natura exactius ex capite de *permanente & successivo* innotescit, quorsum, quæ hic dicenda erant, reservamus.

VIII. Secundo dividitur duratio in *indefectibilem & defectibilem*.

*Indefectibilis* (à parte ante & à parte post) dicitur *æternitas*.

*Defectibilis* vel deficit à parte ante tantum, & dicitur *ævum*; vel à parte ante & à parte post, diciturque *tempus*.

Divisio hæc fundamentum in re habet, quia tres sunt modi, quibus entia in *esse* suo *permanent*. Nam quicquid est, vel plane est *infininitum*, & caret *principio & fine*, ut solus *Deus*; vel plane est *finitum*, & habet *principium & finem*, ut res corruptibiles, vel partim est *finitum*, partim (*suo tamen modo*) *infininitum*, & habet *principium*, caret vero *sine*, ut *Angeli*, & animæ nostræ.

IX. *Æternitas* est duratio, *simplicem* in essendo *interminabilitatem* cum *simplici* *continuitate* conjunctam inferens.

§. I. *Dari æternitatem* probatur inde, quia datur ens *infininitum*. Quod *infininitum* est



est in *essentia*, infinitum etiam in *duratione* sit, necesse est. Dari vero ens *infinitum*, ex lumine *rationis* demonstratur ita: Quodlibet *finitum* finitur ab *alio*. Si hoc, tandem deveniendum est ad aliquod, quod omnia *finit*, & à nullo *finitur*.

§. 2. Ne vero *ambiguitas* alicui obfit, notandum est, quod interdum *tempus diuturnum* in Scripturis etiam dicatur *Æternum*; *Æternæ* etiam dicuntur *propositiones essentialis*, ut cum dico: *uva est fructus vitis*, dicitur esse propositio *æternæ* veritatis, quia tempore *brumali* etiam *vera* est, licet tum non *dentur* uvæ. Aliquando etiam *æternum* dicitur, quod caret termino à *parte posteriori*, ut *vita æterna*. Has ambiguitates *æternitatis* removemus, & *æternitatem* hic accipimus pro *tali* *duratione*, quæ nec à *parte ante*, nec à *parte post* terminum unquam *habuit* vel *habere potest*.

§. 3. *Formale* *æternitatis* exprimitur vocabulo *negativo*, dum dicitur simplex in *essendo* *interminabilitas*. Ubi tamen observandum, (uti hoc occurrit in plerisque attributis *divinis*) quod, licet *negative* se nostræ *menti* sistat, tamen in *se* dicat absolutissimam *perfectiorem*.

§. 4. Ad vocem *interminabilitatis* quod attinet, non negat tantum *durationis terminum*

num à parte ante & post *actualem*, sed etiam *possibilem*: non dicit tantum *actualem* initii & *finis defectum*, sed etiam *inhabilitatem* ad incipiendum & definendum. Vult ergo hæc vox, quod ens *æternum* per æternitatem non tantum *non deficiat*, sed quod ipsi etiam *repugnet* aliquando *deficere*.

§. 5. Dicimus porro, quod sit *interminabilitas in essendo*, ut intelligatur non denotari hic permanentiam alicujus *extranei*, sed ipsius *essentiæ*.

§. 6. Addimus etiam quod sit *simplex* interminabilitas. Hic *αἰὼς διαιεῖς* ideo additur, tum ut uterque *terminus* removeatur tam à parte *ante*, quam à parte *post*: tum ut denotetur, non *aliunde* eam fluere, sed *independenter* plane *Deo* competere.

§. 7. Quia vero quidam (Greg. de Val. Thom. & alii) etiam statuunt, quod *carere* principio & fine *accidentaliter* tantum æternitatem à tempore *discernat* (quod tamen ipsis nequaquam concedimus) addimus *simplicem* quoque *continuitatem*, ad conceptum æternitatis adhuc expressius sistendum. Continuitas ista (gr. *πρόχαια*) negat omnem *successionem* & *fluxum* prioris ad posterius, & ponit *fixum* & *stabile* *ἔν*, (quod differt à *πρὸς ἔν* *fluxu* temporis) quod durationem divinæ essentiæ *immobili* quasi *complexu* continet.

V. *Ævum* est duratio, in se *initialem* tantum *defectibilitatem* importans.

§. 1. *Æquivoca* vox hæc quoque est. Sumitur enim vel *improprie*, pro tempore, quomodo homo dicitur celeriter *ævum suum* traducere, aliisque hominibus esse *coævus*; vel *proprie* pro duratione ea, quam in *Tb.* descripsimus.

§. 2. *Formalem* ævi rationem in *initiali defectibilitate* ponimus. Defectibile est aliquid quoad durationem vel *simpliciter*, quod *utrinque* terminum admittit, & tam *initium* quam *finem* habet; vel *secundum quid*, quod ex altera parte tantum *deficit*. Ad modum posteriorem spectat *ævum*, quod quidem *initium* habet, *fine* autem caret. Est ergo in eo *defectibilitas* tantum *partialis*, scil. quoad partem *ante*. Ideo dicimus, quod consistat in *initiali* defectibilitate, quia ab *initio* terminum admittit.

§. 3. Addimus quoque determinationem *in se*, qua significatur, *intrinsece* in sua natura *ævum* ita se habere; nam *extrinsece* in respectu ad potentiam Dei *absolutam* res in *ævo* durantes quoque *finem* habere possunt. Conditio creationis, quod Deus produxerit in angelis & animabus nostris talem naturam, quæ cessare *non possit*, ad potentiam ejus *ordinariam* spectat.

§. 4. De *subjecto ævi* communis est sententia, quod *angeli* & animæ *rationales* tantum in eo durent. Verum salvo aliorum iudicio dico, quod etiam *accidentia* ista, quæ non habitura sunt finem, sint *æviterna*. In angelis & animabus nostris est *intellectus*, *voluntas*, &c. *Hæc* tam diu durabunt, quam diu *ipsa*, cui insunt, *essentia*, hoc est, in *æternum*.

XI. *Tempus* est duratio, *defectibilitatem* ab *initio* & *fine* importans.

§. 1. *Tempus* suum *subjectum* dicit *defectibile*, simpliciter scil. à parte *ante* & à parte *post*.

§. 2. Aliter autem (ad tollendam homonymiam) accipitur *tempus* in *Physica*, aliter in *Metaphysica*. Ibi respectum involvit ad *corpora cœlestia*, juxta quorum *motum* temporis *differentiæ* numerantur. Hic vero nude denotat durationem, *initium* & *finem* agnoscentem.

§. 3. Propterea *formalem* rationem posuimus in *defectibilitate*, quæ est ab *initio* & *fine*. Per hoc enim discriminatur *tempus* ab *ævo*, quod *initialem* tantum defectum admittit.

§. 4. *Subjectum* temporis *Metaphysice* loquendo non est tantum *corpus naturale* (cujus *affectionem* *tempus* esse *Physici* dicunt) sed

fed omne ens, quod initium & finem habet. In tempore sunt corporum quoque qualitates, eorum actiones, passiones, &c. omnium corruptibilium essentia & accidentia terminabilia: imo ipsæ etiam operationes spirituum finitorum, & si quid præterea est in ipsis, quod aliquando desinit.

## PROBLEMAT A.

*I. An creaturis quoque competat duratio permanens?*

Aff. Hæc duratio specialissimè & val' ègèr soli Deo tribuitur; quorsum spectat illud, ex Ps. 102. Cœli peribunt, tu autem permanes. Tam strictè vero h. l. non accipitur, sed in genere notat omnem durationem, absque fluxu partium permanentem. Vid. Th. VI. Talis verò duratio competit etiam creaturis, & plerisque quidem. Quamvis enim sine Dei continua conservatione durare non possint, non tamen idcirco statim omnes sunt entia successiva, quia totum suum esse semper simul habent pleræque, & per conservationem nihil essentia de novo accedit.

*II. An detur duratio instantanea?*

Aff. Exemplum esto generatio corpori naturalis, quæ in instanti fit, absque ullo temporis tractu. Quæritur an ea duret? Affirmamus.

namus. Licet vox *latina* in modo loquendi apud *latinos* auditores usitato hoc non patiatur, tamen ideò nihil decedit usui recepto *Philosophico*. Nam quicquid verè est, illud etiam verè *durat*, quia *essentia* & *duratio* nunquam possunt *separari*. Distinguendum tamen inter *durationem*, *simpliciter dictam* & *continuatam*. De *ista*, non de *hac* intelligimus assertionem.

### III. Quomodo duratio differat ab essentia?

Resp. Non *realiter* differunt. 1. Quia duratio nec superaddit essentiæ novam rem, nec ipsam tanquam *modus oppositus* vel *separabilis* respicit, quibus *notis* cognoscitur distinctio *reals*. 2. Quia, si per *additionem* novæ essentiæ differret ab *ea*, non jam esset *permanencia*, sed *augmentatio*, cum tamen *durare* nihil aliud sit, quam *permanenter existere*. Differt ergo duratio ab essentia *formaliter* & *modaliter*.

### IV. An æternitas possit ex lumine naturæ cognosci?

Affirmatur, quia etiam *Gentilibus* solo lumine *rationis* instructis aliquid de ea *innouit*, ubi *Thales* interrogatus, quod nā in tota rerum natura esset *vetustissimum*? respondit, *Deus*, quia nunquam esse cœpit. Arist.

II. Met. c. 7. ζῶν ἔστι αἰὼν συνεχὴς καὶ ἀδιάκοτος καὶ ἀπρόσ-  
 χοντος διῆ. Vita & ævum continuum & æter-  
 num Deo inest.

V. Num in æternitatem cadant temporis  
 differentia?

Neg. Theoremate IX. duo vocabula po-  
 fuimus, quibus æternitatis natura exprimi-  
 tur, scilicet *interminabilitatem* & *continui-  
 tatem*. Utrumque partem *negativam* con-  
 firmat. Nam quod per partium *fluxum*, quo  
 parti *abeunti* pars *nova* allabitur, *durat*, uti  
*tempus*, illud simpliciter *interminabile* non  
 est, sed aliquem terminum *initii* vel *finis*  
 intra essentia complexum admittit. In  
 quocunque etiam datur partium *successio*;  
 ita ut non totum *simul* sit, & uno stabili vñ  
 concludatur, illud non est αἰὼν. *Tempus*  
 vero ita se habet. Ergò *eius* natura non po-  
 test cadere in *æternitatem*. Deinde *æterni-  
 tas* est duratio *infinita*, tempus verò  *finita*,  
 quæ sanè non sunt confundenda.

VI. An sola æternitas sit duratio?

Neg. Dubium quod solet opponi, hoc est,  
 quod *tempus* & *ævum* videantur *per se*, non  
 esse *durationses* sed *partes* durationis, scil.  
*æternitatis*; idque ideò, quia *duæ* duratio-  
 nes non possint *simul* esse, nisi una sit pars  
 alte-

alterius. E. g. *dies* & *annus*, dicunt, possunt quidem *simul* esse, quia *dies* est *pars* anni, non verò duo *dies* & duo *anni* simul possunt existere. Respondetur negando adductam rationem. Possunt omnino *duæ* durationes *simul* esse & sibi invicem *coexistere*. Homo constat ex *anima* & *corpore*. Utrumque principium durationem *specie* ab alterius duratione *distinctam* possidet. *Corpus* durat in *tempore*, quia habuit *initium*, habebit *finem* (quoad statum *naturalem*.) *Anima* verò durat in *ævo*, quia essentia ejus est *incorruptibilis*, ita ut *finis* ipsi non metuendus sit. Rem declaro quodammodo ex hoc simili: sicut *spiritus*, cum intravit *corpus*, *simul* cum corpore est, citra *confusionem* naturam & absurditatem penetrationis *dimensionum*: ita *ævum* absque absurditate in uno etiam supposito *simul* cum *tempore* est, ita ut utrumq; *suam* retineat *naturam*. Breviter ita pro negativa concludimus: Si *æternitas* habet partes, etiam *Deus* habebit partes. Si *æternitatis* pars aliqua est *permanens*, pars alia *successiva*, etiam *Deus* erit ex parte ens *permanens*, & ex parte *successivum*. Ratio connexionis utriusque est, quia *æternitas* est ipse *Deus*. Sed consequens utriusque est absurdum. Ergo & antecedens.

VII. *An ævum sit duratio successiva?*

Neg.



Neg. Ut ritè verò controversiam decidamus, distinguendum primum est inter successionem *imaginariam* & *realem*. *Imaginaria* est, quæ ad modum successionis *realis* à nobis *cogitatur* & *fingitur* tantum. *Realis* est, in qua *revera* est partium ad invicem *fluxus* & *successio*, illo modo potest *successio* in *ævo* concedi. Verùm de eo non est status controversiæ; Quæritur enim, an *revera* detur in *ævo* *successio*: & hoc negamus, quia *ævi subjectum* (*angelus*, *anima nostra*, &c.) non est ens *successivum*.

*Duratio* autem dicitur *permanens* vel *successiva* ab *ente* *permanente* vel *successivo*, ejus est *duratio*.

VIII. *Utrum tempus & duratio successiva æquè latè pateant, ut tempus nihil aliud sit, quam duratio successiva.*

Neg. *Theor. XI. §. 2.* distinxiimus inter tempus *Physicè* & *Metaphysicè* sumptum: ista distinctio hic repetenda est. *Physicè* quando sumitur tempus, quia sic judicatur juxta respectum ad *motum* corporum *cælestium*; quoad *extrinsecam* hanc habitudinem *omne* tempus est *duratio successiva*. *Motus* enim est ens *successivum*, & ad eum examinatur *tempus* in *Physica*. Hinc communiter solent entis *successivi* exemplum dare inter  
alia

alia *tempus*. *Metaphysicè* verò si consideratur *tempus*, & quidem in *abstracta* sua natura, non *æque* latè patet cum *duratione* *successiva*, sed *latius* est & indifferenter se habet ad *permanentem* & *successivam*. Qualis enim est rei, quæ in tempore est, *essentia*; talis etiam est ejus *duratio*: Jam verò non omnium, quæ in tempore sunt, *essentia* est *successiva*. Corpora naturalia, propter *totalem defectibilitatem* in tempore sunt, non tamen *successiva* sed *permanencia* sunt entia. Ergò etiam non omnes hæ res *successivam* habent *durationem*, sed si *ens* est *permanens*, *tempus* etiam ejus erit *duratio* *permanens*: si *successivum* *successiva* quoque erit *tempus* *duratio*. Errant ergo, qui *formalem* *rationem* *temporis* in *successione* collocant.

## A X I O M A T A.

I. Omne ens *durat*.

Hæc regula patet ex *definitione* *durationis*, quia dicitur esse *essentiæ* *permanencia*. Quia ergò omne ens habet *essentiam*, & illa *essentia* (sive *brevi* sive *diu*) *permanet*, sequitur, quod omne ens *duret*? In contrarium solent opponi *partes* *motus*, quæ sunt *entia*, nec tamen *durant*. Nam pars ejus *præterita* non *amplius* est, ergò nec *durat*: pars  
futura

*futura nondum existit, ergo etiam non durat.*  
 Resp. Quævis, res *durat*, quando *est*. Ergo  
 pars *præterita*, quando *fuit*, *duravit*, & eo  
 tempore potuit dici : jam *durat* ; pars *fu-*  
*tura* durabit : quando *existet*, & tunc etiam  
 poterit dici : jam *durat*. Deinde, quale *ens*  
 est *motus*, talis etiam est ejus *duratio*. At  
 est *ens successivum*, cujus natura requirit,  
 ut quædam partes *effluxerint*, quædam *non-*  
*dum existant* : Ergo *successiva* etiam est ejus  
*duratio*.

## II. *Solus Deus est æternus.*

Quod Deus sit *æternus*, facile constat ex  
 ejus *infinitate*. Quicquid enim in *essentia*  
 infinitum est, illud quoque infinitum est in  
*duratione*. At Deus est *essentia* infinitus.  
 Ergo etiam infinitus est in *duratione*, & per  
 consequens est *æternus*. Ne verò quis in  
 dubium vocet minorem, fulcitur hac ra-  
 tione, quia necesse est ut omne *finitum* re-  
 ducatur ad aliquod *infinitum*, ut evitetur  
 processus in infinitum. *Infinitum* verò illud  
*Deum* esse extra controversiam est. Quod  
 vero præter Deum not sit aliquid, quod non  
 habeat divinam naturam, & æternum sit, id  
 probamus : quia *præter Deum nullum* ens  
 est *infinitum*; *infinitus* autem non potest esse  
 absque *æternitate*, nec *æternitas* absque *in-*  
*finitate*.

*fnitate.* Una ergo harum remota statim tollitur & altera. Quod verò præter *Deum* nihil sit *infinitum* probatur hoc dilemmate: Si præter *Deum* est quoddam *infinitum*, atque ita *plura* dantur *infinita*, sunt vel *coordinata* vel *subordinata*. Sed non possunt esse *coordinata*, quia se invicem *fnirent* & ita nullum esset *infinitum*. Nam necessario (si *plura* essent) *unum* *infinitum* *ultimatè* distingueretur ab *altero*. Illud, per quod distingueretur, esset *infinita* aliqua *perfectio*, quia in *infinitum* nihil *fniti* cadit. Hac *infinita* perfectione careret illud *infinitum*, à quo *distingueretur*, quia aliàs non differret ab eo. Quod verò caret *infinita* perfectione, illud non est *infinitum*, sed eo ipso *fnitur*. Hunc in modum omnibus *infinitis*, quotquot statuerentur, aliquid *infiniti* deesset, & sic nullum esset *infinitum*. Nec possunt esse *subordinata*, quia illud, cui reliqua *subordinarentur*, *subordinata* *fniret*. Esset enim aliqua *infinita* perfectio in *superiori*, propter quam reliqua ipsi *subordinarentur*, quæ non esset in *inferioribus*. Cui verò vel *minimum* perfectionis *infinitæ* deest, illud non est *infinitum*. Ergò non dantur *plura infinita*.

III. Contradictio est, potuisse *creari* aliquid *æternum*.

Multi

*futura nondum existit, ergo etiam non durat.*  
 Resp. Quævis, res durat, quando est. Ergo pars *præterita*, quando fuit, duravit, & eo tempore potuit dici : jam durat ; pars *futura* durabit : quando existet, & tunc etiam poterit dici : jam durat. Deinde, quale ens est motus, talis etiam est ejus duratio. At est ens *successivum*, cujus natura requirit, ut quædam partes *effluxerint*, quædam *nondum existant* : Ergo *successiva* etiam est ejus duratio.

## II. Solus Deus est æternus.

Quod Deus sit æternus, facile constat ex ejus *infinitate*. Quicquid enim in *essentia* infinitum est, illud quoque infinitum est in *duratione*. At Deus est *essentia* infinitus. Ergo etiam infinitus est in *duratione*, & per consequens est æternus. Ne verò quis in dubium vocet minorem, fulcitur hac ratione, quia necesse est ut omne *finitum* reducatur ad aliquod *infinitum*, ut evitetur processus in infinitum. *Infinitum* verò illud *Deum* esse extra controversiam est. Quod vero præter Deum not sit aliquid, quod non habeat divinam naturam, & æternum sit, id probamus : quia *præter Deum nullum* ens est *infinitum*; *infinitus* autem non potest esse absque *æternitate*, nec *æternitas* absque *infinitate*.

*finitate.* Una ergo harum remota statim tollitur & altera. Quod verò præter *Deum* nihil sit *infinitum* probatur hoc dilemmate: Si præter *Deum* est quoddam *infinitum*, atque ita *plura* dantur *infinita*, sunt vel *coordinata* vel *subordinata*. Sed non possunt esse *coordinata*, quia se invicem *finirent* & ita nullum esset *infinitum*. Nam necessario (si *plura* essent) *unum* *infinitum* *ultimatè* distingueretur ab *altero*. Illud, per quod distingueretur, esset *infinita* aliqua *perfectio*, quia in *infinitum* nihil *finiti* cadit. Hac *infinita* perfectione careret illud *infinitum*, à quo *distingueretur*, quia aliàs *non differret* ab eo. Quod verò caret *infinita* perfectione, illud non est *infinitum*, sed eo ipso *finitur*. Hunc in modum omnibus *infinitis*, quotquot statuerentur, aliquid *infiniti* deesset, & sic nullum esset *infinitum*. Nec possunt esse *subordinata*, quia illud, cui reliqua *subordinarentur*, *subordinata finiret*. Esset enim aliqua *infinita* perfectio in *superiori*, propter quam reliqua ipsi *subordinarentur*, quæ non esset in *inferioribus*. Cui verò vel *minimum* perfectionis *infinitæ* deest, illud non est *infinitum*. Ergò non dantur *plura infinita*.

III. Contradictio est, potuisse *creari* ali-  
quod *æternum*.

Multi

Multi *Scholasticorum* asserunt posse dari *participatam æternitatem*, quia possit vel potuerit Deus *creare* aliquid, quod careat *initio & fine*. Sic autem describunt *æternitatem*, quam fingunt, *participatam*: Accipitur, dicunt, pro re, quæ *actu* nec *principium* & *finis* non repugnat, ut si Deus *angelum* aliquem ab *æterno* produxisset, aut *aliam* creaturam, quæ nunquam esset *desitura*. Sed contradictionem implicat ista *participata æternitas*.

Nam quicquid *creatur*, illud *incipit* esse.

Atqui creatura *æterna* *creatur* (juxta ad-versarios)

Ergo creatura *æterna* *incipit* esse.

In conclusione est contradictio *implicita*. Dum enim dicitur, aliquod *æternum* habere *initium* sui esse, nil aliud dicitur quam *æternum* istud *non esse* *æternum*. Nam quod non *simpliciter* a parte *ante & post* est *interminabile*, illud non est *æternum*. Conclusio ergo cum sit absurda, absurda erit vel major vel minor. Non major;

Quicquid enim *creatur*, illud traducitur a *non esse* ad *esse* & ita *incipit* esse.

Ergo

Ergo *minor* erit falsa, quæ est advesario-  
rum, quod scil. creatura *æterna* possit  
*creari*.

IV. In æternitate non datur *prius*, nec  
*posterius*.

*Prius* vel *posterius* aliquid est vel ori-  
gine, vel ordine, vel *successione existentiae ad*  
*aliam existentiam* (qui modi hic sufficiunt.)  
Axioma non negat prioritatem & postero-  
ritatem *originis*; nec prioritatem *ordinis*;  
sed eam negat, quæ dicit successionem exi-  
stentiæ *unius* ad *aliam* existentiam, quia hæc  
evertit *indivisibile* vñr essentiæ *divinæ*. Exi-  
stentia enim *prior* non esset existentia *poste-  
rior* (aliàs non esset *prior*) & ita *simul* non  
essent, quod tamen requirit simplex æter-  
nitatis *οὐκ ἔστι*.

## CAPUT VII.

### *De Ubietate.*

#### PRÆCEPTA.

#### *Abiguitatis Evolutio.*

I. Ubietas sumitur vel in *contractâ*, vel  
in *abstractâ* naturâ.

*Contracta* ejus natura est, quando *specia-*  
*liter*



*liter* fumitur, & ad prædicamentum *ubi* restringitur. Olim enim crescente adhuc Philosophia omnis *ubitas* in prædicamento *ubi* putabatur locum habere. Quando ergo specialis ista *ubietas* fumitur pro *ubietate* in genere & in præcisione, improprie ita dicitur, quia non est quod dicitur. Nam idem est, ac si animal *rationale* fumerem pro animali in genere, quomodo sane improprie acciperetur. *Abstracta* natura *ubietatis* est, quando *generaliter* fumitur, & talem repræsentat conceptum, qui *communis* est omni *adessentia* modo cujuscunque entis. Ita proprie sub considerationem *transcendentalem* cadit.

*Formalis ratio.*

II. Ubietas est *adessentia* entis in *ubi*.

Quidam Metaphysici *ubietatem* vocant *præsentiam*, sed non adeò accuratè. *Præsentia* enim semper involvit aliquem terminum. Nihil est *præsens*, nisi detur aliquod, cui sit *præsens*. *Ubietas* vero istuc etiam se extendit, *ubi nihil* est. *Deus* cum dicitur esse *ubique*, non intelligitur tantum esse in omnibus hujus universi locis, sed etiam *extra mundum*. Idcirco retinemus nos terminum *ubietatis*. Hujus formale ponimus in *adessentia entis in ubi*. Porro quod ad terminum ad-

*adessentia* in nostra descriptione at tinet, illa non concipienda est; ac si inferat *formaliter coexistentiam alterius rei*, cui ens, quod dicitur esse in ubi, adsit. Deus enim habuit suam *adessentiam*, antequam quicquam factum est: adfuit enim & non fuit nusquam.

DIVISIO.

III. Ubietas est vel *finita* vel *infinita*.

IV. Ubietas *infinita* est *adessentia* in omnibus *ubi simpliciter interminabilis*, quæ uno nomine vocatur *ubiquitas*.

§. 1. Hæc soli Deo competit, & differt ab ubietate *finita*, quæ terminos admittit.

§. 2. Sicut autem interminabilitas *æternitatis* non negat tantum *durationis* terminum *actualem*, sed etiam *possibilem* c. 6. Th.

IX. §. 4. ita quoque interminabilitas *ubiquitatis* non negat tantum *adessentia* terminum *actualem*, sed etiam *possibilem*, ita ut, quod *ubique* est *essentialiter* non possit non esse in spatiis infinitis.

V. Ubietas *finita* est *adessentia determinata*.

Hæc spectat ad ens *finitum* & posset dici *alicubitas*.

VI. Estque duplex: vel *definitiva*, vel *circumscriptiva*.

VII. Alicubitas *definitiva* est, qua aliquid sine *circumscriptione* locali ita est *alicubi*, ut *alibi* non sit.

Hæc competit *Spiritibus*, formis *materia-libus* & *accidentibus*.

§. 1. *Definitiva* dicitur, quia *definitionem* hanc patitur: *ibi est, hic non est*.

§. 2. Sistit ergo ens *alicubi*, qua in parte differt ab *ubiquitate*, quæ occupat omne ubi. Determinatur verò istud *alicubi* per carentiam *circumscriptionis* localis, qua differt ab *alicubitate circumscriptiva*.

VIII. Alicubitas *circumscriptiva* est, qua aliquid per *circumscriptionem* localem est in *ubi*, quod specialiter dicitur *locus*.

Hæc soli & omni corpori competit.

*Locus* differt ab *ubi definitivo* per *circumscriptionem*, quæ datur in eo, in hoc negatur. Dicitur verò *alicubitas circumscriptiva*, non *passivè*, quasi ad *formale* ejus requiratur, ut necessariò alio corpore ambiente *circumscribatur*. Sed *circumscriptiva* dicitur *activè*, quod scilicet in *tali* subjecto sit, quod *spatium* suum occupare & occupando *circumscribere* possit.

#### PROBLEMAT A.

I. *An ubietas consistat formaliter in coexistentia alterius rei?*

Neg.

Neg. Nam 1. *affectiones* per se non fluunt ab aliquo *extraneo*, sed ex ipsius rei *essentia*.

2. Res in suo *ubi* est, licet omne *coexistens* tollatur. Deus si *absoluta* sua potentia omnes creaturas iterum in *nihilum*, unde *factæ* sunt, *redigeret*, nihilominus obtineret suam *ubietatem*, quia non esset *nullibi*.

II. *An ubietas in formalitate sua includat operationem?*

Neg. Nullum quidem *ens* invenitur, quod, licet non proprie *effectivam*, aliquam tamen *operationem* non habeat. Quia verò simul cum *operatione* ens est in suo *ubi*, sequitur quod *ubietati operatio* sit conjuncta. Sed *materiale* non est in *formale* inferendum. Ergo nec *operatio* ad *formale* *ubietatis* pertinet. Aliàs quod ad *præsentiam* Dei *modificatam* & *complexam* attinet, ad ejus plenam definitionem stylo biblico exprimendam utique *operatio* requiritur.

III. *Utrum Deus etiam sit extra mundum?*

Aff. Quia extra mundum potest *operari* & plures mundos creare.

A X I O M A.

*Ubietas* in omne ens cadit.

Quod *nullibi* est *nihil* est.

## TRACTATUS POSTERIOR.

## DE

*Affectioibus Disjunctis.*

## CAPUT VIII.

*De Affectioibus disjunctis in genere.*

**D**Efinitio affectionum *disjunctarum* ex L.II.C.I.Th.4. hic repetenda est, quod scilicet *sub disjunctione de ente prædicentur, & sub complexu utriusque distinctionis membri cum eo recipiuntur.* Hic tantum divisionem earum trademus.

## PRÆCEPTA.

- I. Affectiones *disjunctæ* sunt vel *primariæ* vel *secundariæ*.
- II. *Primariæ* sunt, quæ magis *intrinsecè* naturæ entis insunt.

Dantur quædam affectiones entis, ut *unitæ*, sic etiam *disjunctæ*, quæ magis *intrinsecâ* immeatione cum entis *essentia* sunt connectæ: Contra aliæ magis *extrinsece* ipsi competunt Magis *intrinsecum* sane homini est, esse

esse *ens compositum*, quam esse *subjectum accidentium*. Magis *intrinsecum* Deo est, esse *infini- tum*, quam esse *mensuram creaturarum*: esse *simplicissimum*, quam habere *respe- ctum* ad res creatas.

III. *Primariæ* sunt vel *immediatæ* vel *me- diatæ*.

IV. *Immediatæ* sunt, quæ *proxime* ex ente fluunt, & *immediate* in eo fundantur.

V. *Mediatæ* sunt, quæ *mediantibus unitis* ex ente resultant.

*Primariæ* deprehenduntur esse in duplici differentia. Quædam pro *fundamento* habent *immediate* ipsum ens, (in quod omni- nò omnes affectiones innituntur, licet non eodem modo) Hæ sunt *Necessitas* & *contingentia*: *Actus* & *potentia*: *Incorrupt.* & *corrupt.* *Independens* & *dependens*: *Increatum* & *creatum*: *Finitum* & *infini- tum*: *Principium* & *principiatum*: *Causa* & *causatum*: Quædam verò *mediate* in ente fundantur, & *immediatum* fundamentum agnoscunt aliam affectionem unitam. Ex unitate resultant *Simplex* & *compositum*, *Totum* & *pars*: *Idem* & *diversum*: *Communicabile* & *incommunicabile*, Ex veritate *naturale* & *arti- ficiale*: Ex bonitate *completum* & *incomple- tum*: Ex duratione *permanens* & *succe- ssivum*:

*vum*: Ex ubietate *indefinitum* & *definitum*.

VI. *Secundariæ* sunt, quæ magis *extrinsece* enti competunt.

Tales sunt. *Subiectum* & *adjunctum*: *Ab-solutum* & *respectivum*: *Mensura* & *mensuratum*: *Signum* & *signatum*.

VII. Ad divisionem affectionum disjunctarum refertur etiam hæc distinctio, quod aliæ tales sint, ut *unum* membrum conveniat huic, *alterum* alii enti: Aliæ verò tales, ut *utrumque* membrum suo modo *uni* enti competat.

*Ille* sunt e.g. *infinium* & *finitum*, *increatum* & *creatum*, *independens* & *dependens*, &c. *Hæ* verò e. g. *Idem* & *diversum*; quod enim hoc modo *idem* est, sub diversa consideratione est *diversum*: *Completum* & *incompletum*; Sæpe enim fit, ut aliquod sit completum in *essendo*, sed incompletum in *subsistendo*, &c.

## PROBLEMAT A.

I. *Quomodo differant affectiones disjunctæ à divisionibus entis in essentialiter inferiora.*

Resp. i. Affectiones disjunctæ afficiunt ens *παρὰ τὴν οὐσίαν* & *extraessentialiter*, dicuntque aliquid, quod *ex* essentia *per se* fluit: Divisiones verò *οὐσιώδεις* & *essentialiter*, & dicunt  
ipsam

*ipsam essentiam.* 2. De membris *divisionum* in *abstracto* prædicatur *ens*, ut *accidens* est *ens*; De Membris verò *affectionum* disjunct. plerumque in *concreto*, ut *unum* est *ens* (non *unitas*) &c. Dantur quidem exempla contraria, ut *causa* est *ens*, &c. sed propter defectum terminorum.

II. *An dentur disjunctæ affectiones, quarum membra differant realiter à se invicem, non verò ab essentia?*

Aff. Non intelligimus hic *realem* distinctionem in *rigore* sumptam, sed eam, quæ dicitur *secundum analogiam*, qualis etiam datur inter *modos oppositos*. Universaliter quidem non facile potest statui, quod in omni *disjuncta affectione* membra *realiter* differant à *se invicem*, & non *realiter* ab *essentia*: Interim tamen dantur multa exempla, quibus problematis affirmativam stabilire possumus. *Independens* & *dependens realiter* differunt à *se invicem*, quia *subiecta* *realiter* differunt. *Deus* enim est *independens*: *creatura* *dependens*. Interim tamen nec *independentia* à *Deo*, nec *dependentia* à *creatura* *realiter* differt. Sed tantum *formaliter*. Et sic in aliis. Potest hinc quodammodo illustrari, quomodo *oppositæ relationes* in *divinitate* à *se invicem*, non verò ab *essentia* *realiter* differant.



## CAPUT IX.

## De Necessitate &amp; contingentia.

## PRÆCEPTA.

*Aquivocationis evolutio.*

I. Necessitas est vel *indigentiae*, vel *coactionis*, vel *violentiae*, vel *expedientiae*, vel *immutabilitatis*.

Necessitas *indigentiae*, græcis *χρεια* dicta est, quæ indicat, in rerum *difficultatibus* *sublevandis* non esse cessandum, sed *suppeditanda* ea, quibus *indigemus*. Necessitas *coactionis* est, qua entia rationalia *contra voluntatem* ad aliquid *coguntur*. Ut fur cogitur ire ad patibulum. Hæc opponitur actionibus *liberis*. Necessitas *violentiae*; græcis *ἀνάγκη*, est, quæ rei *naturali* vim infert ab *extra*, contrahente eo, quod patitur. Ut lapis, qui *sua natura* deorsum tendit, *necessario* sursum fertur, per *vim* projicientis. Hæc opponitur actionibus *naturalibus*. Necessitas *expedientiae* est, quæ propter *utilitatem* hoc vel illud non debere *intermitti* postulat; ut lingua *latina* ad eruditionem acquirendam est *necessaria*. Necessitas *immutabilitatis*, uti dicitur (quæ propriè est hujus loci) est, qua ens non potest aliter se habere.

II. Necessitas est vel in *operando*, vel in *afficiendo*, vel *prædicando*, vel *essendo*.

Necessitas in *operando* est, qua causa ad unum *determinata* non potest non agere, vel *aliter* agere. Sic *Magnes* positus omnibus requiritis *necessario* trahit *ferrum*, non aurum vel aliud quid. Sic *Sol* non potest non illuminare nostrum hemisphærium, cum ortus est. Necessitas in *afficiendo* est, qua affectio *inseparabiliter* cum *subjecto* cohæret. Sic *quantitas* necessario afficit corpus: *ignis* necessario est *calidus*: homo necessario est *risibilis*. Necessitas in *prædicando* conspicitur in *propositionibus* necessariis, quæ vel sunt *absolute* necessariae, scil. vel necessitate *definitionis*, ut *temperantia* est *virtus*; vel necessitate *demonstrationis*, ut omne *rationale* est *docile*, vel necessitate *oppositionis*, ut corpus non est *spiritus*; vel *modaliter* per modum *necesse* expresse additum, ut, *necesse* est omne *risibile* esse *hominem*. Necessitas in *essendo* est, qua res non potest *aliter* esse. Hæc est hujus loci.

*Formalis ratio.*

III. Necessitas est, qua ens *tale* est, ut non possit *aliter* se habere.

*Formalem* rationem *necessitatis* non omnes

nes uno eodemque modo describunt. Quidam eam constituunt in *defectu respectus ad voluntatem nostram*, quando res non dependent à nostro arbitrio. Verum dantur quoque *contingentia*, quæ non à nostra voluntate dependent. E. G. Cum nascitur *monstrum*, istud fane *contingens* est, & tamen *præter intentionem* nostram fit. Alii formale collocant in *immutabilitate*. Verum ita formale *contingentiæ* esset ponendum in *mutabilitate*. Hoc verò non procedit, quia dantur *contingentia*, de quibus non commode dici potest *mutabilitas*. *Decreta* Dei suo modo sunt *contingentia*, non vero *mutabilia*. Sunt quoque, quibus formalem rationem necessitatis in *invariabilitate* ponere placet. Sed hi, dum *immutabilitatem* rejiciunt, eo ipso quoque *invariabilitatem* removent, quia *decreta* Dei sunt *invariabilia*, & tamen *contingentia*. Nos ergo retinemus generale *formale* Aristotelis 4. Met. c. 5. ubi dicit : τὸ μὴ ἐν δὲ χεῖρων ἄλλος ἔχει, ὡναγκάστον αὐτῷ, quod non potest aliter se habere, necessarium dicimus ; non descendentes ad determinationem vel immutabilitatis, vel invariabilitatis, &c.

### DIVISIO.

IV. Necessitas est vel absoluta, vel hypothetica.

V. Ne-

V. Necessitas *absoluta* est, qua ens in *se* & *sua natura* non potest *aliter* esse, atq; est.

*Absoluta* dicitur, quia *absolvitur* quasi ab *interna* variabilitate, & ab *hypothesi extrinsecæ* alicujus *circumstantiæ* vel *conditionis*, quæ necessitatem *conditionatam* facit, & ita necessitati *contingentiam* admiscet.

VI. Hæc est vel *simpliciter* *absoluta*, vel *secundum quid*.

VII. Necessitas *simpliciter* *absoluta* est, quæ *nullo* modo finit ens *aliter* se habere.

Hæc soli enti *independenti*, Deo scil. competit.

VIII. Necessitas *secundum quid* *absoluta* est, qua aliquid ex præscripto *creationis* & inde fluente *immota* causarum cohæ-  
sione non *aliter* se habet.

Hæc competit *creaturis*.

§. 1. *Simpliciter absolutam* necessitas potest dici absolutissima & plane *independens*, quia quod per hanc *necessarium* est, (Deus sc.) non tantum *omnimodam* & *summam* obtinet necessitatem, sed illam quoque à *se* & *per se* *independentem* habet.

§. 2. Ea vero, quæ *secundum quid* dicitur, longe minor est, & ens tantum in certo *gene-  
re* & *gradu* *necessarium* præstat. *Creaturæ*  
enim,

enim, quæ *hac* necessitate gaudent, non planè respuunt omnem modum *aliter* se habendi. Nam potuissent vel *non creatæ* vel *non generatæ* esse, si Deus *liberum* opus creationis *intermisisset*, vel causas ad generationem concurrentes *impedivisset*. Possent etiam *non amplius* esse, si Deus eas *destrueret*, vel *influxum conservativum* ad unum momentum saltem *retraheret*. Creaturæ etiam necessitatem, *quam* habent, non à *se* habent, sed à *simpliciter* necessario, unde etiam *dependens* necessitas à nonnullis vocatur.

IX. *Secundum* quid absoluta necessitas est vel *substantiarum*, earumque *spiritualium*, vel *corporearum*; vel *accidentium*.

§. 1. Necessitas *spirituum* scil. finitorum est, e. g. quod *necessario* existant *absque materia*, sint *incorruptibiles* & *indefectibiles* à parte *post*, &c.

§. 2. Necessitas *corporum*, quæ aliàs *necessitas Physica* dicitur, æstimatur ex necessario *influxu* & *cohæsione* causarum. Estque pro diversitate causarum vel ratione *efficientis*, vel *materiæ*, vel *formæ*. Nam necessitas *finis* ad *hypotheticam* pertinet.

§. 3. Necessitas ratione *efficientis* est, quando *positis* omnibus *requisitis* efficiens ita se habet, ut *necessario* producat *effectum*, ut  
ignis

ignis necessario urit stipulam vel stupam : equus necessario generat equum, leo leonem, &c. Hæc *necessitas* verò certa postulat *requisita*, ut sunt: *Habilitas* in patiente: *sufficiens virtus* in agente: *legitima* agentis ad patientem *approximatio*: *absentia impimenti*: *conveniens medii* (scil. quod interjacet) *dispositio*, &c.

§. 4. *Necessitas respectu materiae*, cum aliquid propter *materiam* non *aliter* se habet. Ut omne *corpus* necessario est *quantum* propter *materiam*, quam sequitur *quantitas*: Plumbum necessario est *fusile* propter *materiam*: Mista necessario *corrumpuntur* propter *materiam*.

§. 5. *Necessitas respectu formæ* est, cum aliquid *non variat* propter *formam*. Hæc *necessitas* iterum est duplex: vel *constitutionis*, quæ etiam *definitionis* dicitur, qua unicuique *corpori* certa inest *forma*, quæ illud in *determinato*, & ab aliis *distincto* esse constituit. Sic homo propter *formam* est homo: Cælum propter *formam* est cælum; vel *consecutionis*, aliàs etiam *demonstrationis* dicta, qua necessario rem comitantur, quæ *formam* sequuntur, ut *affectiones*, v.g. Sol necessario largitur inferioribus influxum, magnes necessario habet facultatem trahendi ferrum, ignis necessario est calidus, &c. propter *formam*.

*mam.* Hæc verò ad necessitatem in *essendo* non directè spectat.

§. 6. Necessitas *accidentium* est, quod *propriam* & ab aliis *distinctam necessario* habeant & retineant *essentiam*, ut e.g. *quantitas* non degeneret in *qualitatem*, ut *locus* non fiat *tempus*, & quod *propriam necessario* sibi vindicent *formalem rationem*, ut *quantitas extensionem*.

X. Necessitas *hypothetica* est, quæ aliquid non finit *aliter esse*, vel propter *actum existendi*, vel propter *extrinsecam* aliquam *conditionem* seu *circumstantiam*.

§. Hæc in *natura* sua admittam quidem habet *contingentiam*: dicitur verò *necessaria* tum propter *actum existendi*, quia omne, quod *est*, quando *est*, *necesse est esse*, licet in *se* sit *contingens*. E. g. Homo *contingenter* fit *doctus*: posito vero, quod jam sit *doctus*, *necessariò* est *doctus*; tum propter *aliam conditionem*, rei in *se* *contingenti extrinsecam*, quæ defumitur vel 1. à *causa efficiente*, eaque vel *morali*, quomodo *bona opera* sunt *necessaria* ob Dei *mandatum*, *impii* damnantur *necessariò* ob *incredulitatem*; vel *reali*, non quidem *naturali*, quæ ad *absolutam* spectat, uti ex Th. IX §. 3. patet, sed aut *supernaturali*, ut *necessariò* *furdi* & *cœci* sanantur, *ferrum* na-

tat,

rat, aqua, muri instar, stat erecta, &c. quia Deus vult, & miraculosè ista efficit; aut *præternaturali*, ut fur *necessario* ascendit furcam, quia à liCTORIBUS cogitur: cerevisia in tubulo doliari sursum movetur *necessario* propter extractum aerem & periculum vacui. Vel 2. à causa *finali*, cum aliquid *necessarium* dicitur ob certum *finem* obtinendum, vel *simpliciter*, sine quo non potest obtineri, ut labor *necessarius* est ad eruditionem, vocatur *necessitas exigentiæ*; vel *secundum quid*, quo finis *commodus* obtinetur; ut libri *necessarii* sunt ad eruditionem: Hæc dicitur *necessitas expedientiæ*.

§. 2. Distinctio inter necessitatem *consequentis* & *consequentis* à Metaphysicis in eodem sensu sumitur, quo antecedens, in *absolutam* & *conditionatam*: Sed accurate si eam ponderamus, potius agit de necessitate *complexa*, quapropter ad *Logicam*, unde desumpta, ableganda esset. Sed cum termini per usum valeant, ut nummi, maneat ipsi æquipollens vigor.

### *Ambiguitas.*

XI. Contingentia sumitur, vel nimis *strictè*, vel *adequate*.

*Illo modo* omne id dicitur *contingens*, quod fieri *potest*, & non est *impossibile*, quomodo  
multa



multa *necessaria* etiam essent *contingentia*. Iſto modo ſumitur in reſpectu ad *cauſam* per *accidens*, & eſt vel *fortuitum*, vel *caſuale*. Hoc modo verò iſtud dicitur *Contingens*, quod poteſt *aliter* ſe habere. In hac acceptione hic opponitur *necceſſario*. Quomodo differant *contingentia* in *eſſendo*, in *afficiendo*, & in *operando*, ex Th.II. patet.

*Formalis ratio.*

XII. *Contingentia* eſt, qua ens *aliter* ſe habere *poteſt*.

Retinemus, ſicut in *necceſſitate*, ita & hic Ariſtotelis *formale*, miſſis opinionibus aliorum de *mutabilitate*, *variabilitate* & reſpectu ad *voluntatem* noſtram. *Formale* verò hoc dicit ens in ſua *natura* (non habito reſpectu ad externam circumſtantiam ſæpe rem neceſſitantem) *tale* eſſe, ut, antequam eſt, *poſſit eſſe*, & *non eſſe*; *poſſit ita*, vel *aliter eſſe*.

*DIVISIO.*

XIII. *Contingentia* eſt vel *extrinſeca* vel *intrinſeca*.

XIV. *Extrinſeca* eſt, qua aliquid propter *externum* principium *aliter* ſe habere *poteſt*.

Hæc cadit in omnes *creaturas*.

XV. *Intrinsēca* est, qua aliud propter principium *internum* tale est, ut *agere* vel *non agere, ita* vel *aliter* agere possit.

Hæc tantum competit agentibus ex arbitrii *libertate*, sc. Deo, angelis & hominibus, & quidem ex parte *effectus* vel *actus*. Nam *causa*, quæ dicitur *libera*, non statim idē in *essendo* est *contingens*.

## PROBLEMAT A.

I. *An detur necessitas, & contingentia.*

Aff. §. 1. Duæ olim fuerunt opiniones contrariæ (quarum semina adhuc se movent) altera negavit *necessitatem*, & omnia *fortuito* accidere putavit, quam tribuunt *Epicuræis*: altera sustulit *contingentiam* & *fatalem* omnium, quæ fiunt, *necessitatem* obtinere contendit, quam *Stoicis* ascribunt. Utraq; falsa.

§. 2. *Necessitatem* probat rerum *uniformis* conditio & *necessarius* effecti cum causa *nexus*. Sol perpetuo *movetur*, & non nisi miraculo *quiescit*: cum *ortus* est, *necessario* efficit *diem*. Ignis *omni* tempore est *calidus*. Folia *betulæ*, *tiliæ*, *rutæ*, *pomi*, *pyri*, *cario-phyllorum*, *nasturtii*, *cochleariæ*, &c. eandem *quotannis* figuram, eundem colorem, odorem, saporem exhibent.

§. 3. *Contingentia* probatur *ex sensu*, quia,  
qui

qui cruciatur, posset non cruciari: *ex libertate voluntatis nostræ*; possumus enim loqui & non loqui, ambulare & quiescere, studere & non studere: *ex inopinis*; qui in viis suis occiditur, posset non occidi, quia alii incolumes evaserunt: *ex consultatione*; de inevitabilibus enim non consultamus: *ex legibus*, quæ otiosæ essent, si homo *necessario* delinqueret.

### II. Utrum contingentia detur necessario?

Distinguimus inter contingentiam in actu *signato*, & *exercito* sumptam. In *actu signato*, quatenus exhibet *communem* naturam omnium *particulariter* contingentium in idea, *necessario* datur, cum alias omnia secundum *Stoicos* essent *necessaria*. In *actu exercito*, quatenus *particulariter* est in hac vel illa re contingenter se habente, non datur *necessario*.

### III. An tria tantum sint agentia libera, Deus, Angelus & Homo.

Aff. Nam in hæc tria tantum cadit *intellectus* & *voluntas*, sine quibus non datur *liberum arbitrium*. Nec obstat 1. quod *bruta* quoq; habeant *indifferentiam* ad agendum, quia e.g. canis jam *prorsum* jam *rursum*, avis jam *sursum* jam *deorsum* prout placet, *moveatur*; hirundo nidum sub hac struat trabe,  
aliam

*alam* negligat, &c. Nam talia faciunt beneficio *phantasiæ*, quæ quia *discursu* caret, *neceſſario* ad unum fertur. Nec obſtant 2. *inanimata*, quod e. g. lapis è ſublimi in plateam decidens *indifferens* ſit, ut *hunc* vel *iſtum* lapidem ſtratæ viæ concutiat : Nam ſi plane ſibi relictus ſit, *neceſſario* tangit ipſum, qui inter ipſum & centrum terræ in linea recta interjacet.

*IV. Num contingentium nulla ſit ſcientia?*

Diſt. Datur eorum ſcientia in actu ſignato. Oportet Metaphyſicam de iis agere, ut naturam eorum declaret. Non datur ſcientia de ipſis in actu *exercito*, e. g. de Alexandri nuptiis, de Caſpari lapſu, de Margaretæ amiſſo ferto.

*V. An inter neceſſarium & contingens datur medium?*

Neg. Quia *contradictorie* ſibi opponuntur, poſſe & non poſſe aliter ſe habere. Quidam putant, quod *liberum* ſit medium, quia actus Dei ſunt liberi, & verò nec *neceſſarii*, (quod putant per ſe patere) nec *contingentes*, (quia *contingentia* dicat *imperfectionem*) poſſint vocari. Sed actus Dei *vel terminantur ad Deum*. (ut cum Deus *ſeipſum* cognoſcit, & amat) & ſic *neceſſarii* ſunt, quia ſunt ipſe Deus; vel *terminantur ad objectum aliquod*

*quod externum, (ut creatio mundi) ita sunt (quatenus terminatur aliorum) liberi & contingentes; Contingentia verò, hic non imperfectionem involvit, quia in se & sua natura spectata non statim dicit casuale, sed quod potest aliter esse. Contingentiam essendo, non operando, imperfectionem dicit.*

### AXIOMATA.

I. Omne ens est vel *necessarium* vel *contingens*, & quicquid est vel *necessarium* vel *contingens*, illud est *ens*.

Intelligitur *verum & reale ens, vera etiam necessitas & contingentia, scil. in essendo.*

II. Nullum datur *necessarium*, in quod non cadat *contingentia*.

*Deus*, licet ens *necessarium simpliciter* absolutum sit, tamen admittit *contingentiam*, eam quidem *extrinsecam*, quæ est ipsa arbitrii libertas. De *angelis, homine & reliquis creaturis* res clara est.

III. Omne quod est, quando est, *necesse* est esse.

Sc. Posito actu *essendi*: non quoad *statum antecedentem*.

IV. *Indifferentia ad bonum & ad malum* non est de *essentia libertatis*.

Sc.

Sc. ut *utrumque* possit eligere. *Dei* voluntas est libera, ad bonum tamen est determinata.

V. Ab uno necessitatis modo ad alterum non licet argumentari.

Quod ex *hypothesi* est necessario non statim *absolutè* est necessarium.

VI. *Dei præscentia* non infert rebus necessitatem.

Quia non est rerum causa.

## CAPUT X.

### De Actu & Potentia.

#### PRÆCEPTA.

##### Ambiguitas.

I. Potentia est vel *transcendentalis* vel *prædicamentabilis*.

*Illa* proprie est hujus loci, & appellationem suam obtinet ex *amplitudine*, quia omnia genera *transcendit*. *Hæc* verò strictior est, & ad *qualitatem* coarctatur, cujus species est, ut *potentia* ridendi, generandi, utrendi, ferrum trahendi, &c. *Illa* tantum dicit affectionem entis: *Hæc* vero peculiare ens est.

II.

II. Potentia *transcendentalis* sumitur vel *negative*, & dicit *non-repugnantiam* ad existendum: vel *positive*, & sic est aptitudo ad aliquid.

Restringimus hanc distinctionem ad *transcendentalem*, secus ac alii; quia *prædica- mentalis* potentia semper est *ens peculiare*, & ita semper *positive* accipienda est, cum omne ens sit *positivum*. Coincidit hæc distinctio fere cum ea, qua aliud est *esse in potentia* & aliud *potentia ipsa*: Nam quod adhuc *in potentia* est; id nondum est, sed potest aliquando esse, & sic duplex ei competit negatio, scil. *essentiæ*, quam nondum habet, & *repugantiæ*, quia non repugnat existere. E. G. Filius post aliquot annos generandus, est *in potentia*, scil. *negative*, quia *nondum existit* in mundo, interim tamen non *impossibile* est ut existat. Potentia ipsa vero cum dicitur de aliqua re, jam datur in mundo ea res, quam afficit *potentia*, & per eam potentiam res habet *aptitudinem* ad aliquid. Potentia vero *negative* sumta *improprè* dicitur potentia, quia non *afficit* ens reale, sed *negat* potius illud, & opponitur illi. Quapropter etiam ens *in potentia*, tanquam ens *æquivocè* tantum sic dictum, removimus ab *objecto* Metaphysicæ. *Propria* acceptio *potentiæ*,

*tentiae*, quæ hic valet, est cum *positive* sumitur. Ne verò aliquis objiciat, quod *affectio- nes* enti non addant aliquid *positivi*, notetur hic distinctio : Quod positivum accipiat vel *generaliter* vel *specialiter*. *Generaliter* positivum dicitur, quod revera datur citra *fictionem* mentis, sive sit ens, *proprie* dictum, sive sit ens *improprie* dictum, sive *modus* entis. *Specialiter* positivum est, quod *realem* habet *essentiam*. Ponit ergo positivum vel *affectio- nis* competentiam, vel *essentiam*.

III. Potentia est vel *objectiva* vel *subje- ctiva*.

*Objectiva* est, *secundum quam aliquid potest produci*. Hæc tribuitur rei nondum ex- istenti & ita vocatur, quia res, quæ ita dicitur esse in *potentia*, est objectum alicujus *poten- tiæ activæ*, quæ eam *producere* potest.

*Subjectiva* est, *secundum quam res aliquid potest*. Hæc tribuitur rei jam *existenti*, & id- eo dicitur *subjectiva*, quia res jam existens est *subjectum modi sui*. Hæc est hujus loci.

*Formalis ratio.*

IV. Potentia est id, secundum quod ens *potest* aliquid.

§. I. Remotâ potentia prædicamentali, *ne- gativâ* (in suo sensu) & *objectivâ*, definimus

H

hic



hic *transcendentalem, positivam, & subjectivam*. Ejus *formale* ponimus in *posse*, ita scilicet, ut *præscindat* ab omni eo, quod ens *posse* dicitur, scilicet ab *agere & pati*. Tam enim *potentia* dicitur ea, qua ens potest *agere*, ut cum Deus sua *potentia* conservat mundum: quam ista, qua aliquid potest *pati*, ut cum homo *potentiam* habere dicitur ad *eruditionem* ab aliis *addiscendam*.

§. 2. Sunt, qui ita *potentiam* definiunt: *Potentia est, quæ recipit actum, aut largitur actum*: Verum hæc definitio non potest omnibus *potentiis* applicari. Lumen in aëre habet *potentiam*, ut possit *annihilari* recedente Sole. Hæc *potentia* nec *recipit* actum, quia ipsa *essentia* perit, cui *affectio* deberet inniti: nec *largitur* actum, & tamen revera *potentia* est.

### DIVISIO.

V. *Potentia* dividitur in *activam & passivam*. *Activa* est secundum quam aliquid *agere potest*: *Passiva*, secundum quam aliquid *pati potest*.

§. 1. *Activum & passivum* hic non ex *predicamentis* explicandum est, quasi peculiare ens statim sit *activa* itemque *passiva* *potentia*, ne confundatur *potentia transc.* cum *potentia naturali*, quæ species *qualitatis* est, &

& itidem in *activam* & *passivam* dividitur; sed termini sunt in *ampliatione* iusta intelligendi & in natura *abstractissima* accipiendi.

§. 2. Aliqui ita definiunt: Activa est vis agendi in *aliud*: & vocem *aliud* accipiunt tam ample, ut possit quoque *non enti* attribui. Verum hæc acceptio fuit ex ea *hypothesi*, quod ens in *potentia* sit *verum* ens ( si hoc, potest omnino *aliud* dici,) quam tamen isti non concedunt. Ideoque nos illam vocem in defin. omisimus.

VI. Potentia passiva est vel *naturalis*, vel *obedientialis*.

Quidam hanc divisionem applicant ad potentiam *simpliciter* sumtam, quatenus præscindit ab *activa* & *passiva*. Hi comparant potentiam *obedientialem* ad *actum* istum, qui complet eam; & hunc non tantum *passivum*, sed etiam *activum* sæpe esse concedimus. Sic in asina est potentia obedientialis *activa* ad loquendum. Nos verò comparamus potentiam ad *agens superius*, cui *obeditur*, & sic potentia *obedientialis* non nisi *passiva* est. Idè hanc divisionem ad *passivam* restringimus.

VII. *Naturalis* est, qua ens à *natura* est *aptum* ad aliquid. Sic in *semine* equi est

*potentia Naturalis ad figuram equi recipiendam.*

*Obedientialis est, qua ens citra naturalem inclinationem non repugnando aptum est, ut obediat agenti superiori ad aliquid; ut potentia in aqua, ut vinum fiat.*

Hæc dicitur vel in ordine ad *Deum*, quomodo omnes res creatæ possunt fieri omne, quod non implicat *contradictionem* nullo modo conciliandam. Sic lapis potest fieri homo, aqua vinum, &c. vel in ordine ad *angelos*, à quibus *pulvis* potest in *corpus* humano simile *transformari* & ita *moveri*; vel in ordine ad *homines*, quomodo *argilla* potest recipere formam *lateris*, *æs* formam *campanæ*, &c. vel etiam in ordine ad *bruta*, quomodo *lutum* habet potentiam, ut exinde *hirundo nidum semicirculari* figurâ struat: *cera*, ut *apes* inde *sexangulas* cellulas forment.

VIII. Potentia activa est vel *infinita*, vel *finita*.

IX. Infinita solius *Dei* est: & distinguitur in *absolutam*, qua Deus omnia *simpliciter* possibilia potest: & *ordinatam*, qua ex *hypothesi* ea tantum potest, quæ *vult*.

§. I. *Objectum* potentiaæ *absolutæ* sunt omnia *possibilia*, quæ enim *non possunt* fieri, nequeunt

queunt esse *objectum* potentia. Addimus verò *simpliciter*, ut intelligatur, non ea tantum posse *Deum*, quæ nobis sunt possibilia, sed quæ *absolute* & absque ulla *restrictione* sunt possibilia, licet nobis etiam impossibilia videantur. *Simpliciter* verò possibilia sunt omnia, quæ non involvunt *contradictionem*, & talem quidem, quæ in *mente Dei* nullo modo potest *conciliari*. Non enim iudicium de vera *contradictione* hac in parte permitendum est *nostræ rationi*.

§. 2. *Ordinata* potentia dicitur vel *respectu ordinis in natura instituti*, & sic Deus aliquando agit juxta *absolutam* quoque *potentiam*, in *miraculis* scilicet: vel *respectu reliquorum attributorum*, præfertim *voluntatis*; Sic Deus non agit juxta *absolutam* potentiam, quia aliàs contra *decreta* sua ageret. Non autem desinit Deus omnia *posse*, quia non vult perficere, sed sicut nos sæpe ideo aliquid *non possumus*, quia ad istud intermittendum *libere* nos *obligavimus*: ita *ex hypothesis* non potest Deus, quod non *decrevit*, interim *absolute & simpliciter* etiam illa, quæ non *decrevit*, potest; quia alias non esset *omnipotens*.

X. Potentia finita est creaturarum.

XI. Aliter potentia dividitur in *rationa-*

*lem & irrationalem.* Illa gubernatur ab *intellectu.* Hæc non.

§. 1. Divisio hæc de triplici subiecto intelligitur, scil. vel *specialiter* de potentiis *hominis*, quarum quædam obediunt *rationi*, ut *sensus*; quædam non ut facultas *auctrix*: vel *generaliter* de potentiis animæ in *communi*, eodem sensu: vel *generalissime* de potentiis *cujuscunque* entis, ut sit *sensus*: omnis potentia est vel *rationalis* vel *irrationalis*. Et hoc modo nos eam intelligimus: *Rationalis* potentia est, quæ ab *intellectu* dirigitur, & cadit in *Deum*, (si *activa* sit) *Angelos & homines* (quamvis in homine etiam detur *irrationalis*.) De *Dei potentia* dubitant quidam, an sit *rationalis*, quia scil. non cum *discursu* conjuncta sit, quem *ratio* involvit. Sed *rationalis* hic sumitur in ordine ad *intellectum præcise*, qualiscunque etiam sit: *Intellectus* autem in *Deum* cadit. *Irrationalis* potentia intelligenda est sub negatione *infinita*, ut omnis illa dicatur *irrationalis*, quæ est *non rationalis*, ut *potentia* ad producendos *dentes* in homine, *potentia* mundum *illuminandi* in *Sole*, *potentia nutriendi* in pane, &c.

§. 2. Communiter hanc divisionem applicant tantum ad potentiam *activam*; sed non video, cur non possit trahi ad potentiam *simpliter*, ita ut dicatur etiam: omnis

potentia *passiva* est vel *rationalis* vel *irrationalis*. Hominis potentia *discendi* linguas ab alio, est *passiva*; & quia ab *intellectu* gubernatur est *rationalis*. Mixta quod possunt *corrumpi*, fit per potentiam *passivam irrationalem*.

*Distinct. Nominales.*

XII. 1. Actus est vel *transcendentalis* vel *prædicamentalis*.

*Transcendentalem*, qui hujus loci est, postea definiemus.

*Prædicamentalis* est ipsa *actio*, quæ *peculiare* prædicamentum constituit.

XIII. 2. Actus est vel *primus* vel *secundus*.

*Actus primus* est ipsa *essentia* cujusvis rei, quæ potest *agere* aut *pati*. Non verò ipsa *essentia nuda sumpta* est *actus primus*, quasi synonymum entis sit *actus*; sed *modificata*, quatenus sc. respicit *actionem* vel *passionem*.

*Actus secundus* est *actio*, vel *passio* ejus rei, quæ dicitur *actus primus*. Plerique putant, quod *actio* tantum sit *actus secundus*; verum sine dubio etiam *actus primus* est *posse*, (e.g.) *calefieri*, & *actus secundus*, de facto *calefieri*. Unde sequitur, quod *passio* etiam sit *actus secundus*. Breviter, omnis *potentia* (licet non sola) est *actus primus*, sive sit *activa*

sive *passiva*: Et omnis *actus* potentiae tali respondens est *actus secundus*. Hinc non nemo putat, quod distinctiones *synonymicae* sint *potentia* & *actus*, item *actus primus* & *actus secundus*. Nos verò statuimus, quod *actus primus* latius pateat quam *potentia*, quia id, quod per potentiam agit vel patitur, etiam est *actus primus*, *Formaliter* & *immediate* principium agendi vel patiendi est potentia: *Supposititaliter* verò & *mediate* illud, cujus est potentia.

XIV. 3. Actus est vel *signatus* vel *exercitus*.

*Signatus* est, cum res in *universali natura* representatur & *communi definitione* signatur. Sic *Metaphysica* signat & definit *durationem* in actu *signato* & *abstracta* natura.

*Exercitus* est, cum *natura universalis* in *particulari applicatur* & *quasi exercetur*. Sic *Pneumatica* etiam agit de *duratione* non ut sic, sed tali, scil. *ævo*, ad quod naturam *durationis communem* applicat.

XV. 4. Actus est vel *essentiae* vel *subsistentiae*.

*Actus essentiae* est ipsa *essentia*: *Actus subsistentiae* est, secundum quem res subsistit. Hic solis competit *substantiis*.

XVI. 5. Actus est vel *entitativus* vel *formalis*.

*Entitativus* est, per quem existunt ea, quæ *intrinsece* non habent formam.

*Formalis* est, per quem existunt ea, quæ ex *materia & forma* sunt composita. In distinctione hac *actus* sumitur pro *essentia*. Ergo hoc dicit distinctio: res alia per *essentiam*, alia per *formam* est, quod est.

*Formalis ratio.*

XVII. *Actus* est id, secundum quod ens (*quatenus actuale est*) absolvitur à *potentia*.

Sic ambulatio dicitur *actus*, quatenus non amplius *poteſt fieri*, sed jam de *facto fit*. Sic Deus est *actus* quatenus non *poteſt eſſe* Deus, sed *eſt* Deus. Non autem per *actum* de Deo planè negatur *potentia*, sed tantum in conceptu *reduplicationis*. E. G. Deus *actu* conservat mundum, ergo quatenus *actu* conservat, non *poteſt* eum *saltem* conservare, loquendo sc. de conceptu *reduplicationis*: aliàs *absolute* omnino *poteſt*. Sic ipsa *potentia* Dei, quatenus non *poteſt saltem eſſe*, sed jam est *potentia*, *actualis* dicitur.

### DIVISIO.

XVIII. Actus est vel *purus* vel *impurus*.



XIX. Actus purus est, cui non *conjuncta* est potentia *passiva*.

Hic *soli Deo* competit, (in quem nulla cadit potentia *passiva*) si *simpliciter talis* intelligatur. Nam *secundum quid*, purus iste quoque dicitur, qui non est *conjunctus materie*, & caret *potentia materiali*, quomodo Angelis & animabus separatis tribuitur *purus actus*.

XX. Actus impurus est, cui *passiva* potentia (*imprimis cum materia*) *juncta* est.

Hic omnibus *creaturis* convenit, modo tamen diverso. *Corporibus & corporeis* entibus actus *simpliciter* impurus: *Spiritibus & entibus spiritualibus* actus *secundum quid* impurus competit.

# PROBLEMA T A.

I. *An dentur potentiae, quae simul sint actus?*

Aff. Sed sub *diverso* respectu. Potentia *Dei* omninò est *actus*, quia non *poteest saltem* esse potentia, sed *jam est*. Alium verò respectum habet, cum *potentia* dicitur, quatenus scil. aliquid *agere poteest*. Obj. Si *uni* enti competat simul *actus & potentia*, non erit *disjuncta* affectio. Resp. *Disjunctae* vel sunt tales, ut *una* pars huic, *altera* alii enti tribuatur vel tales, ut *utraque* pars conveniat.

niat uni enti, sed sub *diversa* consideratione.  
Ad *has* spectat *actus & potentia*.

*II. Num actus & potentia ita faciant disjunctam affectionem, ut ens actu dicatur, quod existit, ens potentia, quod non existit, sed potest existere?*

Neg. Negationis autem *hæc* est *Ratio*, cujus distinctionis membrum unum tantum *enti*, alterum *non-enti* competit, illa non dat *disjunctam* affectionem *entis*. Sed *disjunctio actus & potentiae* dicto modo accepta est talis. E. *Major* probatur, quia *disjunctio* debet talis esse, ut *vera entitas* sub utroque membro reperiatur. *Minor*, quia *ens* in *potentia* non est *ens reale*, alias esset vel *increatum* vel *creatum*. Non illud, quod patet. Non hoc, quia *creatio* omnis terminatur ad *esse actuale*.

*III. An detur potentia objectiva?*

Neg. Quoniam quod *nondum est*, non potest habere potentiam. Vid. Th. III. Si vero est *ens*, non erit *objectiva*, sed *subjectiva* potentia.

*IV. Utrum potentia activa recte definatur principium transmutandi aliud?*

Neg. Quia nimis est *stricta*. Actiones *immanentes* Dei non mutant aliud. Ergo potentia

tentia *activa* ad istam *actionem* hac definitione non exprimitur. Amplianda ergò est.

*V. An potentia obedientialis sit propriè dicta potentia?*

Aff. Plerique eam *equivocam* vocant. Sed arg. Quodcunque ens propriè *fit* aliud, illud propriè *potest* illud fieri. Atqui aqua e. g. *propriè fit* vinum *Joh. 2. 9.* E. Major patet; si enim *impropriè solum posset* illud fieri, non *propriè posset* fieri. Aut est *propriè possibile*, aut *propriè impossibile*. Nec Deus, nec ulla creatura aliquid *propriè facit*, quod non est *propriè factibile & possibile*. Si *propriè fit possibile*, habet *potentiam* ad fieri *propriè* sic dictam: Sed dicis, *pot. obed.* est *negativa*, & consistit in *non-repugnando*. R. Non novum est *attributa* entis in *negatione* consistere, & tamen *propriè* de eo dici, quod de *unitate, perfectione, &c.* manifestum est.

*VI. An Deus possit contradictoria & impossibilia?*

Neg. Intelligenda verò sunt *simpliciter impossibilia*, ita ut Deus etiam nullum modum, quo fieri possint, invenire queat. Quæ sic sunt *impossibilia*, ea Deus *non potest*, quia objectum *potentiæ* aliquo modo oportet esse *possibile*. Aliàs, quæ nos non possumus, nec in-

intelligere possumus, quomodo à Deo præstari *queant*, ea non temere Dei potentia deneganda sunt. *Simpliciter contradictoria* etiam hic sunt intelligenda, id est talia, quæ ipse Deus omni sua sapientia nullo modo *conciliare* valet. *Talia* non potest. Ita in genere ad problema tuto responderi potest. In *particulari* autem, præsertim quoad *creaturas*, impossibile est *humano* intellectui semper determinare, *quænam* sint talia *impossibilia & contradictoria*; & forsan pauca exempla sunt (in respectu ad reliqua) in quibus tuto licet dicere: *Deus hoc non potest*. Ratio prægnans hæc est quia Deus potest facere *ὅτις μὴ ἔστιν ἀδύνατον* superabundanter ultra omnia, quæ intelligimus *Eph. 3. 20.* *Quæ vero simpliciter sunt possibilia dicendum potius ea non posse fieri, quam Deum ea non posse facere; maxima in Rebus impossibilitas haud minimam arguit in Deo impotentiam.*

### AXIOMATA.

I. Omne ens est vel *actuale*, vel *potentiale*.

Non est divisio in *res* diversas, sed *rationes* diversas, ita ut sub *alia* atque *alia* consideratione utroque membro possit *paronymicè* denominari *unum* ens. Per *Potentiale* autem

tem

tem hic non intelligendum est *ens in potentia*, quod *nondum* est (illud si ita dicitur, improprie & ex falsa hypothefi ita dicitur.) Sed *ens reale*, quatenus *agere* vel *pati* potest.

II. Potentia non *excedit* suum objectum *adæquatum*.

Hoc est, *Potentia* non potest circa *plura* exercere suum *actum*, quam quæ sub *objecto* continentur. Hinc nimirum non est, quod Deus non possit *impossibilia*, & homo non possit Deo *impossibilia determinare*; talia enim non sunt *objectum* potentiae utriusque. Nec tamen ita *potentiae* aliquid decedit. Non minuitur potentia *audiendi* eo, quod non possit audire *colorem*.

III. *Quodlibet* potest fieri *ex quolibet*.

Scil. per potentiam *obedientialem*. Sed quousque non involvitur *contradictio* irreconciliabilis, quam nos non semper scimus.

IV. Posito actu *secundo* necessario inferitur actus *primus*: sed posito *primo* non continuo inferitur *secundus*.

E G. Quicumque *ambulat*, necessario habet *animam*; sed non omnis statim *ambulat*, qui *animam* habet.

## CAPUT XI.

*De Corruptibilitate & Incorruptibilitate.*

## P R Æ C E P T A.

*Ambiguitas.*

I. Corruptibilitas dicitur vel *proprie* vel *improprie*.

*Proprie* dicta est ea, qua id, quod in mundo revera est, *potest* aliquando *non esse*. *Improprie* dicta ea est, qua *non ens*, quod *antea* aliquod ens *denominavit*, cessat istud *denominare*. Sic *morbis* dicitur *corrumpi*, cum homo restituitur *sanitati*.

*Formalis ratio.*

II. Corruptibilitas est *potentia ad non esse*.

*Potentia* hæc, qua natura *corruptibilitatis* exprimitur, non est *prædicamentalis* species ea *qualitatis*, quæ non ad *omne* corruptibile se extendit, sed *transcendentalis*, eaque non *activa*, sed *passiva*, & hæc quidem in eo sensu, quatenus præscindit à *naturali* & *obedientiali*. Quia ergo ita *corruptibilitatis* natura ex doctrina de *potentia* explicanda venit, immediate ei subjungenda fuit.

## DIVISIO.

III. Corruptibilitas alia est *ab intra* ratione principii *interni*; alia *ab extra* ratione principii *externi*.

IV. Corruptibilitas *ab intra* est, secundum quam ens *in se* continet principium interitum minans; quia scil. ex pluribus *contrariis* est *compositum*, in quæ *resolvi* potest, ut homo *post lapsum*, equus, arbor.

V. Corruptibilitas *ab extra* est, secundum quam ens *in se* quidem non habet principium interitum minans, propter *externum* aliquod tamen destrui potest, ut *Angelus*, *cælum*.

§. 1. Quidam aliter efferunt hos *terminos*, & corruptibile dicunt esse aliquid vel ratione *causæ*, vel ratione *subiecti*. Sed res eodem recidit. Corruptibilitas ratione *causæ* est ea, quam vocamus *ab extra*, quæ dicitur ratione *subiecti*, illa ipsa est, quam nos vocamus *ab intra*.

§. 2. *Corruptibilia ab intra sunt corpora mixta*, quia conflata sunt ex inimicis irreconciliabilibus. Aqua semper repugnat igni, ignis, aquæ, &c. Datur verò discrimen aliquod inter mixta: ut alia *citius*, alia *serius* corrumpantur, prout qualitates *contrariæ*

in temperamento vel *magis* vel *minus* sunt ad *aequalitatem reducta*. *Exactius* temperamentum habet *aurum*, quam *tilia*, propterea etiam *diutius* durat.

§. 3. *Corruptibilia ab extra sunt spiritus creati, corpora simplicia & accidentia*. Deus potest *angelos* etiam annihilare: destruet *cælum* die novissimo, quod alias nunquam interiret. Imo ampliando terminum pos- sunt corruptibilia ab extra etiam vocari *corpora mixta*, eo scilicet tempore, quo non- dum à principio interno imminet ipsis fatum corruptionis. Omnes enim *creaturæ* habent potentiam *obedientialem* quidvis à creatore quocunque tempore patiendi. *Accidentia* corrumpuntur, *vel, quando subiectum perit*; ut quantitas combusti ligni: *vel, cum causa desinit influere*, ut actiones, quæ ex continuo influxu agentis dependent, & illo cessante ne ad momentum quidem durare possunt. Sic *lumen* corrumpitur remota luce & corpore lucido: *imago* in speculo perit, cum *homo* recedit, &c.

*Formalis ratio.*

VI. Incorruptibilitas est *inhabilitas* ad non esse.



## DIVISIO.

VII. Est verò vel *simpliciter* talis, cui *omnis* corruptibilitas repugnat; Hæc soli Deo competit; vel talis *secundum quid*, cui tantum repugnat corruptibilitas *ab intra*. Sic *angeli* dicuntur *incorruptibiles*.

## PROBLEMA.

I. *An doctrina de corruptibilitate & incorruptibilitate spectet ad Metaphysicam?*

Aff. Quidam putant, quod tantum ad *Physicam* spectet, quia *corruptio* est affectio *corporis mixti*. Verum *Physicus* tantum hanc doctrinam in consideratione *contracta* restricta & particulari tractat, & docet saltem de corruptione *corporum*: *Corpus* autem non est *omne ens*. Ergo necesse est, ut alibi in natura *abstracta*, & universali evolvatur, quod in alia *disciplina* fieri non debet, quam in *Metaphysica*. Simile habemus in *qualitate*: ea etiam à *Physico* dicitur affectio *corporis naturalis*, sed in natura *contracta sumpta*. Quando enim objicitur: Quicquid præter corpus etiam *spiritui* competit, illud non potest esse *corporis* affectio sc. *proprium*. Atqui *qualitas* præter corpus etiam *spiritui* competit, quia *angelus* habet *intellectum*, *voluntatem*, &c. quæ omnino *qualitates* sunt. E.

Re-

Respondetur, quod qualitas *abstracte* & *absolute* sumpta non sit affectio corporis, sed *talis* scilicet, quæ *formam* sequitur. *Abstracta* consideratio nec *Physicæ*, nec *Pneumaticæ*, nec *aliis* disciplinis, sed soli *Metaphysicæ* convenit.

## II. Utrum Adamus ante lapsum fuerit corruptibilis?

Non fuit corruptibilis *ab intra*, uti nos jam sumus, sed *ab extra*, quomodo omnis creatura corruptibilis, probatur tum ab exactissima & absolutissima temperamenti æqualitate, tum ex absentia omnis causæ; quæ *ab intra* corruptionem potuisset inducere; tum etiam ex conditione creationis, qua Adam ita per *spiraculum vitæ* constitutus erat, ut *semper perdurasset*, & *indissolubiliter* anima corpori unita esset, si non peccasset.

## AXIOMATA.

I. Omne ens est vel corruptibile vel incorruptibile.

Quicquid enim est, vel ita est, ut non possit non esse, vel ita, ut possit non esse.

II. Omne dependens est corruptibile.

Deus enim, sicut omnia creata ex nihilo produxit, ita omnia in nihilum potest redigere. Omnis creatura habet potentiam obedi-

dien-

## DIVISIO.

VII. Est verò vel *simpliciter* talis, cui *omnis* corruptibilitas repugnat; Hæc soli Deo competit; vel talis *secundum quid*, cui tantum repugnat corruptibilitas *ab intra*. Sic *angeli* dicuntur *incorruptibiles*.

## PROBLEMA.

I. *An doctrina de corruptibilitate & incorruptibilitate spectet ad Metaphysicam?*

Aff. Quidam putant, quod tantum ad *Physicam* spectet, quia *corruptio* est affectio *corporis mixti*. Verum *Physicus* tantum hanc doctrinam in consideratione *contracta* restricta & particulari tractat, & docet saltem de corruptione *corporum*: *Corpus* autem non est *omne ens*. Ergo necesse est, ut alibi in natura *abstracta*, & universali evolvatur, quod in alia *disciplina* fieri non debet, quam in *Metaphysica*. Simile habemus in *qualitate*: ea etiam à *Physico* dicitur affectio *corporis naturalis*, sed in natura *contracta sumpta*. Quando enim objicitur: Quicquid præter corpus etiam *spiritui* competit, illud non potest esse *corporis* affectio sc. *proprium*. Atqui *qualitas* præter corpus etiam *spiritui* competit, quia *angelus* habet *intellectum*, *voluntatem*, &c. quæ omnino *qualitates* sunt. E.

Re-

Respondetur, quod qualitas *abstracte* & *absolute* sumpta non sit affectio corporis, sed *talis* scilicet, quæ *formam* sequitur. *Abstracta* consideratio nec *Physicæ*, nec *Pneumaticæ*, nec *aliis* disciplinis, sed soli *Metaphysicæ* convenit.

II. *Utrum Adamus ante lapsum fuerit corruptibilis?*

Non fuit corruptibilis *ab intra*, uti nos jam sumus, sed *ab extra*, quomodo omnis creatura corruptibilis, probatur tum *ab exactissima & absolutissima* temperamenti *æqualitate*, tum ex *absentia omnis causæ*; quæ *ab intra* corruptionem potuisset inducere; tum etiam ex *conditione* creationis, qua Adam ita per *spiraculum vitæ* constitutus erat, ut *semper perdurasset*, & *indissolubiliter* anima corpori unita esset, si non peccasset.

AXIOMATA.

I. Omne ens est vel *corruptibile* vel *incorruptibile*.

Quicquid enim est, vel ita est, ut non possit non esse, vel ita, ut possit non esse.

II. Omne *dependens* est *corruptibile*.

*Deus* enim, sicut omnia *creata* ex *nihilo* produxit, ita omnia *in nihilum* potest *reducere*. Omnis creatura habet potentiam *obedi-*

*dientialem, qua Deo ita volente vel in aliud vel in nihilum transire potest.*

III. Quod in *melius* mutatur, non corrumpitur, sed perficitur.

*Corruptio* præsupponit *mutabilitatem*: nihil enim corrumpitur, quandiu in eodem *statu* manet. Mutatio verò sit in *melius*, vel *deterius*. *Hæc* corruptionem: *ista* perfectionem infert.

## CAPUT XII.

### *De Dependētia & Independentia.*

#### PRÆCEPTA.

##### *Ambiguitas.*

I. Dependētia est vel *objectiva*, vel *subjectiva*, vel *fundamentalis*, vel *effectiva*.

*Objectiva* est, quā dependet aliquid à suo *objecto*, circa quod versatur. Sic *Physica* dependet à corpore *naturali*: visus à luce & colore; auditus à sono, &c. *Subjectiva* est, qua *ad-junctum* dependet à suo *subjecto*, ut intellectus ab *anima*. *Fundamentalis* sc. *relativa* est, qua *relationes* dependent à suo *fundamento proximo*. (Combachius dicit à termino) ut *dominium* à *potestate imperandi*: *paternitas* à *genera-*

*neratione.* His æquivocis posset addi dependentia *necessitatis*, qua aliquid quocunque modo ( qui in reliquis non continetur ) alia re indiget ad suum fieri, esse & operari. Sic homo dependet ab aëre, quia absque eo vivere non potest. *Effectiva*, quæ propriè est hujus loci, est, qua aliquid est ab alio, per influxum causalem, ut filius à patre, domus ab architecto, creatura à Deo.

*Formalis ratio.*

II. Dependencia est *præexigentia* alicujus, à quo aliquid *effectivè* suum esse habet.

Non quivis modus respiciendi alterum, tanquam prius, statim facit *dependentiam* propriè sic dictam, sed iste, quo aliquid respicit aliud, tanquam *causam*.

*Ambiguitas.*

III. Independentia etiam est quadruplex: *objectiva*, *subjectiva*, *fundamentalis* & *effectiva*.

Hi modi respondent quatuor modis dependentiæ in Th. I. unde facile explicari possunt. Independentia verò *effectiva* propriè est hujus loci.

*Formalis ratio.*

IV. Independentia est, qua aliquid non *præexigit* aliquod prius, à quo *effectivè* suum esse habeat.

§. I. Restrigitur iterum *formale* independentia.

pendentiæ ad *veram* causalitatem. Reliqui enim *modi* independentiæ, (quod scil. omnia entia præter *relationes* sint *independentia* ratione *fundamenti*, quod omnes substantiæ sint *independentes* ratione *subjecti*, &c) sunt *improprii*.

§. 2. Independens solet etiam dividi in *simpliciter* tale & *secundum quid*. Illud describunt quod prorsus *omnem* respuat *causam*, ut *Deus* : Hoc, quod *causam* quidem admittat, sed respectu alicujus *tertii*, à quo esse non accepit, rectè *independens* dici queat, quo sensu *angeli* independentes sunt, quia ex *materia* non constant. Sed hæc independen-  
tia est *impropria*, aliàs totus *mundus* esset *independens*, quia non dependet à *Diabolo*. Si describitur in respectu ad *subjectum* & *objectum*, æquivocationis arguitur ex Th. 3.

### PROBLEMA.

*An Filius Dei sit dependens, quia est à patre genitus?*

Neg. Quia non habet *essentiam numero distinctam* à patris *essentia*; Pater enim per *æternam generationem* ipsi communicat suam *eandem numero essentiam*, quæ sane *independens* est. *Necessarium* autem requisitum *dependentiæ* est, ut id, quod *dependet*, habeat *essentiam numero distinctam* ab *alio*, à quo *dependet*.

*pendet.* Obj. est tamen *Filius Dei* ab *alio* sc. à *patre*. Ergò *dependet*. Resp. illud dependens est, quod est ab *alio* *effective*, quod de *Filio Dei* negatur.

## A X I O M A T A.

I. Omne ens est vel *independens* vel *dependens*: vel à *se* vel ab *alio*.

II. Omne dependens habet *essentiam numero distinctam* ab eo, à quo dependet.

*Dependentia* est *modus essentiae* (non *cor-sarioris*.) Nulla *essentia* verò à *se ipsa* potest *effective* oriri. Ubi una *numero* *essentia* est, ibi *dependentia* locum non invenit, quia *ali-am* oportet esse *essentiam*, quæ dependet, & *aliam*, à qua dependet.

III. Nihil est à *seipso*.

Sc. *Positive*. Quia nihil *in se* influere potest, ut *sibiipso* det *essentiam*: esset enim, *antequam* esset. *Negative* verò *Deus* est à *seipso*, quatenus *non est factus ab alio*.

IV. *Æquipollentia* fere sunt *independens*, à *se*, *increatum*, *infinitum*: item *dependens*, ab *alio*, *creatum*, *finitum*.

In *materiali* enim hi termini *conveniunt*, & *se invicem* declarant. Quia verò *distinctas* adhuc quoad *formale* habent *conceptibilitates*, ideo in *distinctis* quoque capitibus sunt enucleandi.



## CAPUT XIII.

## De Creato &amp; Increato.

*Ambiguitas.*

I. Creatio sumitur vel *proprie*, vel *improprie*.

*Propriam* significationem mox subjungemus. *Improprie* sumitur pro *declaratione* etiam. Sic dicuntur *creari* Magistratus, Doctores, Magistri, Poetæ, Notarii, &c.

*Formale strictius.*

II. Creatio est *productio* entis ex *nulla* vel certa *inhabili* materia, ab *infinita* virtute sine *concurso* vel *interventu* alterius agentis facta.

§. 1. Aliter describunt creationem *Theologi*, aliter *Philosophi*. Theologi in definitione mentionem distinctam faciunt personarum *Sacro-Sanctæ Trinitatis*. Quia vero mysterium *Trinitatis* nullo modo *ex natura*, sed *ex sola revelatione* constat, Philosophi istius mentionem hic omittunt. Nostra ergo definitio est Philosophica, non Theologica.

§. 2.

§. 2, *Per ens* h. l. non intelligimus solum *immateriale & incorruptibile*, cum Pererio, nec solum *substantiam* cum Scaligero & multis aliis, sed *omne* in mundi primordiis à Deo *creatum ens*, five sit *substantia*, five *accidens*. Non rejicimus quidem *distinctionem* inter *creatum & concreatum*, sed h. l. non potest adhiberi, quia alias non esset immediata distinctio entis in *creatum & increatum*: quapropter hic *Concreatum* (accidēs sc.) etiam sub *creato* intelligendum venit.

§. 3, *Creata sunt entia ex nulla vel certe inhabili materia*. Creatio enim distinguitur in *mediatam & immediatam*. *Immediata* est, qua ex *nibilo* s. *nulla materia* aliquid producitur, ut chaos. *Mediata*, qua ex *inhabili materia* aliquid producitur. Sic ex chaos deinde reliqua sunt producta.

§. 4, Requiritur ad creationem *infinita virtus*, Dei scilicet, qui solus est *creator*, Et ita quidem, ut omne agens quod *concurrat vel intervēniat*, removeatur. Alias enim homo, cum in se producit virtutem ex nihilo, vel arcularius, cum facit mensam ex ligno natura inhabili, *creator* esset.

§. 5, Creationi secundum *formale* strictius descriptæ æquiparantur actiones *miraculosæ*, illæ scilicet, quibus vel ex *nulla* vel *inhabili materia aliquid* à Deo producitur:

ut productio mannae, productio pediculorum ex pulvere terrae.

*Formale latius.*

*III. Creatio est productio entis, quocunque modo ab ente increato facta.*

§. 1, Secundum hoc *formale* quivis Christianus ex 1 artic. Catechismi Lutheri dicit: Credo; quod Deus me *creavit* &c. Licet enim à parentibus *genitus* sit, nihilominus tamen ipsius *ortus* Deo ascribendus est, qui primis hominibus, quos secundum *prius formale* creavit, virtutem naturalem alios homines producendi concessit, & ad speciei humanæ propagationem (quæ quasi continuata creatio est) adhuc efficaciter concurrat. Huc pertinet quoque dictum Malach. 2. v, 10.

§. 2, Causa cur *formale duplex* ponamus, hæc est, quia alias darentur multa entia, quæ nec *creata* essent, nec *increata*, atque ita caderet assertio Metaphysicorum: Omne ens est vel *creatum* vel *increatum*. Equus qui jam nascitur, non certe est ex *nikilo* vel materia *inhabili* citra concursum alterius agentis à Deo productus, sed ex *semine* ad id à *natura* destinato, & quidem generandis aliis equis utriusque sexus. Ideo terminus *creationis* ampliandus fuit, ut  
con-

conveniat non tantum istis rebus omnibus, quæ cum primordiis mundi productæ sunt, sed istis etiam, quæ adhuc quotidie fiunt: Nam & hæ dicuntur creatæ.

§. 3. Ne verò quis putet, hanc acceptiorem *latiorem* esse *impropriam*, dicimus, quod in *Metaphysica* sit *propria*, quia omne ens *proprie* dicitur vel *creatum* vel *increatum*: An in *Theologia* sit *propria*? Theologi judicabunt.

§. 4. Juxta hoc ergo formale *latius* affectio hæc *disjuncta* explicanda est, ut omne ens dicatur *creatum*, quod ab increato ente effective pendet. *Increatum* quod secus.

IV. *Creatum* est, quod per *creationem* ab alio dependet, ut omnia  *finita entia*.

V. *Increatum* est, quod *non* per *creationem* ab alio dependet. Hoc est solus DEUS.

Ne quis hic objiciat, quod ita *creatum* & *increatum* plane non differant à *dependente* & *independente*, sciendum est, quod in *creato* & *increato* semper respectus habeatur ad *primam creationem ex nihilo* factam; In ea enim fundatur omnis productio, quomocunque fiat.. Quando ergo e. g. equus, qui jam vivit, *creatus* dicitur, hoc vult *terminus*, quod ejus *species* cum *primordiis* mundi a Deo per *creationem* ori-

ginem ceperit, & ejus *individuum* per *concursum* Dei cum causis *secundis* productum sit. Per hanc ergo *peculiarem conceptibilitatem* distinguitur *creatum* à *dependente*.

### PROBLEMAT A.

*An creatio ex lumine naturæ possit cognosci?*

Dist. Inter creationem *latè* sumptam pro *productione* rerum omnium *quocunque* modo, *quocunque* tempore ab aliquo *improducto* s. *increato* facta: & inter creationem *strictè* acceptam, pro *tali* productione, qua intra sex dies (hoc die illud, alio die aliud) primum materia *inhabilis*, & ex ista reliqua entia sunt producta.) *Creatio* *posteriori* modo sumpta ex sola *revelatione* cognosci potest: Et huc spectat, quod Hebr. XI. 3. dicitur: *fide intelligimus, constructa esse secula verbo Dei*. Sed creatio *priori* modo sumpta etiam ex ipsa *natura* indagari potest. Ex rebus *productis* enim colligit nostra ratio aliquod *improductum*, quia alias progressus fieret in infinitum.

### A X I O M A T A.

- I. Omne ens est vel *creatū* vel *increatum*.  
Opponuntur sibi invicem *contradictorie*.
- II. Omne *creatum* est ab *increato*.  
Nihil est à *seipso* sed quicquid est, ab *alio* est:

est: *Hoc* si iterum ab *alio*, & sic consequenter, donec deveniamus ad aliquod, quod non sit *creatum*.

## CAPUT. XIV.

## De Finito &amp; Infinito.

*Ambiguitas.*

- I. *Finitum* opponitur vel *fini*, vel *inchoato*, vel *infinito*.

Cum *fini* opponitur, est *causatum* finis, sicut *effectus* est *causatum* efficientis & *materiatum* est *causatum* materiae. Cum *inchoato* opponitur significat aliquid ad *finem* perductum. Quando vero *infinito* opponitur, *terminos* rei addit, quibus *infinitum* destitutum est. In hac oppositione consideratur vel secundum rei *quantitatem*; cum res quantæ *finiuntur* suis *terminis*, ut arbor suis extremitatibus: vel secundum ipsam rei *essentiam*, dum res habet *fines* essentiae; ita h. l. sumitur.

*Formale.*

- II. *Finitum* est, quod habet *terminos* essentiae.

Quod scil. aliquando *incepit* vel *incipit* esse,

esse, & aliquando *desinit* esse, vel saltem *definere potest*. Sic omnis *creatura* est ens *finitum*, tum quia aliquando à *non esse* ad *esse* traducta est, tum etiam, quia aliquando vel de *facto* non est, vel ad minimum non esse *potest*. Angeli & animæ nostræ nunquam *habebunt* finem, *possunt* tamen habere, si scil. Deus velit.

*Ambiguitas.*

III. Infinitum vel est in *se* tale, vel respectu *nostri* tantum.

Quod *in se* infinitum est, propriè huc pertinet: non id, quod tantum respectu *nostri*, quomodo stellarum, arenæ, specierum, individuorum numerus *infinitus* est, quia à nullo homine potest exacte sciri.

IV. Infinitum est vel *actu* vel *potentia*.

*Illud* omni caret termino; ut Deus. *Hic* habet quidem terminos, semper tamen augeri vel minui potest secundum Aristotelem: Hoc *impropriè* vocatur *infinitum*.

*Formale.*

V. *Infinitum* est, cui *repugnat* habere terminos essentiae

Hoc est solus Deus.

Quidam ita: quod *caret* terminis essentiae. Sed ita adhuc in dubio manet, an *possit* habere terminos, quod quia etiam negatur

negatur, penetrantius formale sistitur per *repugnantiam* habendi terminos.

## PROBLEMA.

I. *An plura possint esse infinita?*

Neg. *Unum* enim ultimate distinguere-  
tur ab *altero*. Illud, per quod distingueretur  
esset *infinita* perfectio. Hæc non esset in  
*altero* quia alias ab eo *non* differret. In om-  
nibus itaque aliquid *infiniti* abesset, & sic  
nullum esset *infinitum*.

II. *An produci possit infinitum?*

Neg. Nam si posset, vel à *seipso*, vel ab *a-*  
*lio* à non esse ad esse traduceretur. Non à  
*se* ipso, quia esset, antequam esset, quod ab-  
surdum; Neque ab *alio*; illud enim eo ipso,  
dum produceret, *finiret* ejus essentiam, quia  
per productionem *inciperet* esse: & sic *non*  
esset *infinitum*.

## AXIOMATA.

I. Omne ens est vel *finitum* vel *infinitum*.  
Medium non datur.

II. *Finitum* in *essentia*, est *finitum* in  
omnibus *attributis*.

Habet enim terminos in *potentia* & *ope-*  
*ratione*, ut non sit *omnipotens*: in *cognitione*  
ut non *omnia* sciat: in *duratione*. ut non  
sit *æternum*: in *adessentia*, ut non sit *ubi-*  
*que*, &c.



III. Infinitum in *essentia* est infinitum in omnibus *attributis*.

Est enim infinitæ *potentiæ*, infin. *scientiæ*, infin. *durationis*, infin. *ubietatis* &c.

IV. *Finiti* ad *infinitum* nulla est *proportio*.

Valet proprie de *quantis* (quæ hos terminos juxta primam impositionem sibi vendicant) & *proportione Mathematica*. Si ad omne ens applicatur, ita limitanda: *finiti ad infinitum nulla est exacta proportio*: Est tamen *proportio unionis, convenientiæ, analogici* conceptus.

V. *Finitum* non est capax *infiniti*.

Scil. Ut infinitum *comprehendat* & *localiter includat*: vel ut infinita *attributa* finito, tanquam *proprio* subjecto inhæreant.

## CAP. XV.

### De Principio, & Principiato.

#### PRÆCEPTA.

##### *Ambiguitas.*

1. Principium est vel *complexum*, vel *incomplexum*.

*Complexum* est *integra enuntiatio*, ex qua tanquam *notiori* dependent *conclusiones*. Hoc principium non proprie spectat ad *affectiones* entis, quia *affectiones* competunt enti, sub ratione conceptus *incomplexi*; sed ad

ad habitum *intelligentiæ*, qualem Gutkius conscripsit. *Incomplexum* est, unde aliquid est, vel *cognoscitur*. Hòc est hujus loci.

*Formale.*

II. *Principium* est, unde aliquid *procedit* quocunque modo.

§. 1. Variæ sunt definitiones *principii*. Nos hanc eligimus. Ut vero recte intelligatur, notandum est, quod vox *unde* notet hic quemcumque respectum unius ad alterum, secundum quem aliquid ad alterum verè *consequitur*, sive fiat per influxum, *causalem*, sive alio modo.

§. 2. Vox *Aliquid* hic non est tamen *stricte* accipienda, quasi illud, quod à principio *procedit*, semper *peculiarem* ab eo essentiam habeat, sed in ea *generalitate* est intelligenda, ut cuivis modo veræ *consecutionis* ad alterum possit applicari.

§. 3. Vox *processionis* hic non accipitur in significatione *Theologica*, qua *generationi* contradistinguitur, quomodo de Filio Dei negatur, quod à patre *procedat*: Sed notat hic usu *Philosophico* qualemcumque modum *consecutionis* unius ad alterum.

§. 4. *Requisita* principii sunt vel *spuria* vel *genuina*. *Spuria* sunt, quod i. principium debeat *essentialiter* à principato *distin-*

196 *De principio & principiato.*

*etum* esse. 2. quod *realiter* debeat ab eo *dis-*  
*ferre*. 3. quod debeat esse *prius tempore*.  
 4. Quod per *causalem* influxum debeat cum  
*principiato* connecti, &c. Talia vocamus *spu-*  
*ria* requisita, non quod plane non dentur  
*principia* ita se ad *principiatum* habentia,  
 sed quia non conveniunt *omni principio*,  
 quapropter in hac doctrina de *principio* in  
*genere* non inveniunt locum.

§. 5. *Genuina* principii *requisita* sunt 1.  
*Respectus* ad illud, cuius est *principium*. 2.  
*Prioritas*. Necesse enim est, ut *principium*  
 sit aliqua ratione *prius principiato*, ita ta-  
 men, ut intelligatur *prioritas* indifferenter  
 ad *omnia* genera *prioritatis*, quæ in particu-  
 lari pro varietate principiorum varia est.  
 Aliud enim prius est *duratione*, quatenus il-  
 lus existentia *hujus* existentiam *antecedit*,  
 ut vapor nivem, *artifex* opus, *arbor* pomum.  
 Hoc *genus* prioritatis aliàs vocatur *priori-*  
*tas temporis*. Quia verò applicatur etiam  
 istis, quæ non sunt in *tempore*, ut cum Deus  
 dicendus est *tempore* prior mundo, rectius  
 substituitur generalis terminus *durationis*.  
 Aliud prius est *naturâ*, quod (sive quoad *du-*  
*rationem* posterius sit, sive *simul*) in *naturali*  
*essendi ordine* *antecedit* alterum, ita ut, si hoc  
 non detur, nec alterum detur; quomodo cau-  
 sa est prior effectu; Causa prima prior se-  
 cunda.

*cunda* (si enim illa non concurreret, hæc non *causaret*,) *Subiectum* prius *adjuncto*. *Ens* prius *affectionibus* suis. *Universale* prius *inferioribus* (animal prius homine; si enim animal non esset, nec homo esset.) Aliud est prius *enumeratione & ordine*, quod prius *numeratur* vel propter rei *fundamentum*, (quomodo *Pater* est *prima* persona *Trinitatis*, vel propter hominum *arbitrium*,) quomodo in numeranda hominum copia vel *hunc* vel *istum* pro arbitrio facimus *primum*; Aliud prius est *dignitate*, quod est *nobilius & præstantius*, ut aurum, plumbo, eruditio divitiis, dux militibus præstat; Aliud *loco*, cujus locus antecedit locum alterius; Aliud *cognitione*, quod *notius* vel *facilius* est, vel secundum concipiendi modum imbecillioris nostri intellectus prius *apprehenditur*.

3. *Consecutio* sc. *connexio*. Non statim *principium* alterius est, quod prius est eo quocunque modo, sed oportet intercedere *consecutionem*, quia id, quod *principiatum* dicitur, verè à *principio* procedat. Falluntur ergo, qui putant, quod *formalis* ratio *principii* tantum consistat in respectu *prioritatis* ad posterius.

## D I V I S I O.

III. Principium est vel *essendi*, vel *cognoscendi*. IV.

198 *De principio & principiato.*

IV. Principium *essendi* est, quod dat *esse* alteri.

Principium *essendi* hic non sumitur *specialiter*, quatenus principio *fiendi* & *conservandi* opponitur, quomodo *essendi* principia sunt, ex quibus aliquid *intrinsece* constat: *fiendi*, à quibus aliquid *fit* & *producitur*, *conservandi*; à quibus aliquid in *esse* *conservatur*; Sed *generaliter* id dicitur hic principium *essendi*, quod dat *esse* alteri sive *quod* esse det originem, per *generationem*, *creationem* vel *alio* modo, sive *intrinsece* illud *constituat*, sive *conservet*. Sic hominis principia *essendi* sunt Deus, sol, parentes, materia & forma, alimentum, &c.

V. Principium *essendi* est vel *causale* vel *non causale*.

VI. Causale est origo alterius per *causalem* influxum.

Tale principium est architectus in respectu ad ædificium.

VII. Non causale est origo alterius *citra* causalem influxum.

Tale principium in *divinis* est Pater generans *Filium* ab æterno. Sic *unum* Dei attributum est principium alterius, quod exinde *demonstratur*. Sic *eius* est principium *affectionis*.

*fectionum* suarum, & *una* entis affectio principium *alterius*, quæ inde fluit.

VIII. Principium *cognoscendi* est quod dat *cognitionem* alterius.

Sic ex structura mundi invisibilem creatorem. Ro. 1. 20. ex fumo ignem, ex loquela hominem, ex bono artifice bonum opus cognoscimus.

IX. Estque vel *complexum*, vel *incomplexum*.

X. *Complexum* est *axioma* seu *canon*.

§. 1. Hoc quidem *proprie* est principium in *suo* loco, scil. in *intelligentia*; *improprie* verò huc spectat; quia, sicut *ens* ipsum, ita & *affectio* entis (quam principium refert,) in contemplatione *Metaphysica* debet esse ali- quod *incomplexum*. Hic ergo ejus fit mentio tantum propter distinctionem.

§. 2. Principia cognoscendi *complexa* sunt vel *prima*, quorum veritas tam *manifesta* est, ut quivis, qui *terminos* intelligit, iis *assen- sum* præbeat, & ita non opus sit *demonstratione*, ut *impossibile* est *simul* esse & non esse: *Totum* est *majus* *sua* parte, &c. De his principiis *primis* agit *intelligentia*; vel *secunda*, quæ ex *primis* fluunt, & ex iis *probari* possunt, ut, *omne materiatum est quantum*; *omne malum est in bono*, &c.

§. 2.

200 De principio & principiato.

§. 2. De omnibus verò principiis *complexis* seu *axiomatibus* notandum est, quod quidem rationem *regule* & *normæ* habeant, sed tum demum, quando *recte* intelliguntur & *legitime* applicantur.

XI. *Incomplexum* principium cognoscendi est *aliquod simplex*, quod in alterius cognitionem nos deducit.

§. 1. Vox *aliquod* hic non præcise *aliquod ens* denotat, sed *latius* sumenda est, quia *modi entis* etiam interdum sunt *principia cognoscendi*.

§. 2. Quidam statuunt, quod principia *cognoscendi* tantum sint *axiomata*. Verum hæc sententia fallit; nam 1. ex *causa* sæpe cognoscimus *effectum*. Scimus, quod *pomus* non *pyra*, sed *poma* tulerit, licet *poma* non viderimus. 2. Ex *effectu* cognoscimus *causam*: ex *operationibus* animæ *animam*, ex *ocisione* vim *veneni*. 3. Ex *ratione essendi* consequentia *essentiam*, *affectiones* scilicet; ut, si *ens* est, *unum verum* & *bonum* est: si *homo* est, *risibilis* est. 4. Ex *affectionibus* *ens ipsum*; ut, quod *bonum* est, illud *ens* est: quod *latrare* potest, illud *canis* est. 5. Ex *forma* scil. *formali ratione*, quale fit *formatum*; ut, quod est *extensum*, illud est *quantum*: quod est *indivisum*, illud est *unum*.

XII.

XII. *Principiatum* est, quod ab *alio* procedit *quocunque* modo.

Sive ab eo *creetur*, ut mundus à Deo: sive *generetur*, ut liberi à suis parentibus: sive per *artem* efficiatur, ut calceus à futurore: sive ab eo *emanet*, ut affectiones ab ente, propria à subjectis: sive ex eo *cognoscatur*, uti ex sermone in tenebris homo.

## PROBLEMA.

I. *An omnis prioritas consistat in relatione reali?*

Neg. *Realis* hic *intellectuali* opponitur & volvitur inter terminos *realiter distinctos*, præter *mentis* operationem. At prioritas debito modo *abstracta* non tam *arcte* constringi potest; Nam *genus* est prius *specie*, quamvis non *realiter* ab ea *differat*. Ergo collocanda est prioritas in *indifferentia* ad *realem* & *intellectualem* relationem.

II. *An principium cognoscendi semper sit axioma vel regula?*

Neg. Quia etiam ex *simplici* aliquid *cognoscimus*, ex causa effectum, ex effectu causam, &c. vide Th. XI. §. 2. Quando ergo interdum Philosophos per principium complexum in genere principium cognoscendi intelligere deprehendimus, per *synecdochen* istud fieri sciamus.

III.



202 *De principio & principiato.*

*III. Num propterea cadat oppositio inter principium essendi, & cognoscendi, quod essendi pr. interdum simul sit pr. cognoscendi?*

Neg. Sæpe quidem fit, ut ex causa, quæ principium essendi est, demonstretur & cognoscatur effectus. Verû ad species oppositas sufficit, si formaliter opponantur sibi, licet materialiter se invicem contineant. Licet una eademque anima rationalis sit pr. essendi hominis, & simul faciat ad cognitionem ipsius docilitatis, tamen, quatenus largitur cognitionem, non est principium essendi, & quatenus homini dat esse, non est pr. cognoscendi. Diverfus ergo respectus salvat oppositionem.

*V. Utrum quædam principia cognoscendi nobiscum nascantur?*

Aff. Nascuntur nobiscum tam theórica; quam practica principia, prima tamen, non secunda. Theoretica sunt e. g. *Impossibile est, idem simul esse & non esse: Totum est majus sua parte: Deus est, &c.* Practica: *Deus est colendus: Honestè vivendum est: Quod tibi non vis fieri, alteri ne feceris.* Hæc omnia quivis à natura scit.

*V. Num in divinis Pater sit principium Filii?*

Aff. Pater enim Filio per æternam generationem suam eandem numero essentiam

*communicavit.* Dextrè verò *abstrahendus & ampliandus* hic est terminus *principiū*, ut ab omni influxu *causali, dependentia, prioritate durationis, naturæ & dignitatis*, adeoque omni *imperfectiōe* liberetur, & nudè significet ordinem *originis & naturalis enumerationis* (ut vocant.)

VI. *Utrum ideo Filius sit principiatum Patris?*

Resp. Est non nemo inter accuratiores, qui non obscure innuit affirmativam, quia forsitan nullum periculum subesse videt, si terminus ab omni imperfectiōe liberetur, & secundum defin. Th. XII. traditam examinetur. Verum, quia orthodoxa antiquitas ab hac phrasi abstinuit, (proculdubio, quia terminus principiatum arctius imperfectiōibus, à quibus liberandus, implicatus est) nos etiam, qui cum Ecclesia *sentimus*, cum Ecclesia *loquimur*, & *Filiū* cum ea potius dicimus *principium à principio*.

### AXIOMATA.

I. Omne ens est vel *principium* vel *principiatum*.

II. Principium *prius* est principiato.

Non *determinata* prioritas, (vel *temporis* vel

202 *De principio & principiato.*

*III. Num propterea cadat oppositio inter principium essendi, & cognoscendi, quod essendi pr. interdum simul sit pr. cognoscendi?*

Neg. Sæpe quidem fit, ut ex causa, quæ principium essendi est, demonstretur & cognoscatur effectus. Verû ad species oppositas sufficit, si formaliter opponantur sibi, licet materialiter se invicem contineant. Licet una eademque anima rationalis sit pr. essendi hominis, & simul faciat ad cognitionem ipsius docilitatis, tamen, quatenus largitur cognitionem, non est principium essendi, & quatenus homini dat esse, non est pr. cognoscendi. Diverfus ergo respectus salvat oppositionem.

*V. Utrum quædam principia cognoscendi nobiscum nascentur?*

Aff. Nascentur nobiscum tam theórica; quam practica principia, prima tamen, non secunda. Theoretica sunt e. g. *Impossibile est, idem simul esse & non esse: Totum est majus sua parte: Deus est, &c.* Practica: *Deus est colendus: Honestè vivendum est: Quod tibi non vis fieri, alteri ne feceris.* Hæc omnia quivis à natura scit.

*V. Num in divinis Pater sit principium Filii?*

Aff. Pater enim Filio per æternam generationem suam eandem numero essentiam

*communicavit.* Dextrè verò *abstrahendus & ampliandus* hic est terminus *principii*, ut ab omni influxu *causali, dependentia, prioritate durationis, naturæ & dignitatis*, adeoque omni *imperfectione* liberetur, & nudè significet ordinem *originis & naturalis enumerationis* (ut vocant.)

VI. *Utrum ideo Filius sit principiatum Patris?*

Resp. Est non nemo inter accuratiores, qui non obscure innuit affirmativam, quia forsitan nullum periculum subesse videt, si terminus ab omni imperfectione liberetur, & secundum defin. Th. XII. traditam examinetur. Verum, quia orthodoxa antiquitas ab hac phrasi abstinuit, (proculdubio, quia terminus principiatum arctius imperfectionibus, à quibus liberandus, implicatus est) nos etiam, qui cum Ecclesia *sentimus*, cum Ecclesia *loquimur*, & *Filium* cum ea potius dicimus *principium à principio*.

AXIOMATA.

I. Omne ens est vel *principium* vel *principiatum*.

II. Principium *prius* est principiato.

Non *determinata* prioritas, (vel *temporis* vel

204 *De principio & principiato.*

vel *naturæ*, &c.) hic intelligatur, sed *indifferens* ad omnes speciales *prioritates*. Ita principium, *quatenus principium & uno eodemque modo & respectu* cum principiato sumptum, semper eo prius est.

III. Principium *cognoscendi* est bene *animadvertendum*, non leviter *prætereundū*.

Quia *noster* intellectus *mensura* rerum jam valde imperfecta principiis *cognoscendi* probe *perpensis* indiget.

IV. *Principium* latius patet, quam *causa*.

Omnis quidem *causa* est principium: non verò omne *principium* est *causa*, Aurora est principium diei, non *causa*.

V. Mutato *principio*, mutantur ea, quæ ex principiis *pendent*.

Si *falsum* pr. mutatur in *verum*, cadunt per se omnia *inconvenientia*, ex *falso* orta: Si *verum* in *falsum* mutatur, parvus error in *initio* magnus fit in *sine*.

VI. Contra negantem *principia* non est disputandum.

Intelligitur de principiis *cognoscendi* *complexis*.

Scilicet 1. *si sint principia*: Sæpe enim pro principio venditatur, quod nō est principium.

2. Si sint *prima*: nam *secunda* in respectu ad *prima* sunt *conclusiones*, quæ omnino ob-  
jectum

jectum disputationis sunt, quatenus sunt dubitabilia. Sint verò *genuina prima* principia, quæ *verissima* sunt & *notissima*; non *facta* & *supposititia*.

3. Si *in sensus* incurrant & *experientiâ* omnibus numeris absolutâ consent: Nam sæpe aliquis, non quod *videt*, sed quod *vult* videre, se videre *putat*; Sæpe etiam *experientiæ titulo* gloriatur, quod nondum secundum omnia requisita examinatum est, & per *contrariam* experientiam eluditur.

Qui talia principia negat, contra *eum* non est *disputandum à priori*, sed convincendus est ex *concessis*, quæcunque ea sint.

## CAPUT XVI.

## De Causa &amp; Causato.

## PRÆCEPTA.

*Ambiguitas.*

I. *Causa* aliter sumitur apud *Ictos*, aliter apud *Rhetores*, aliter apud *Metaphysicos*.

*Icti* causam dicunt illud, circa quod occupantur in officio. Germ. *Rechtsache*. *Rhetores* themata causas dicunt, dum certa genera

*nera* Causarum constituunt. *Metaphysici* fumunt hunc terminum vel *nimis late*, pro *principio* in genere, quam significationem intendunt Græci Patres, dum Patrem in SS. Trin. Filii causam dicunt; vel *nimis stricte*, pro sola causa *efficiente*, quæ *καὶ ἐξ ὧν* causa est, ut in illa regula: qualis *causa*, talis *effectus*; vel *adequatè*, pro eo, quod largitur *causalem influxum*. Ita h. l. sumitur.

II. Causa est vel *vere* sic dicta, vel *sine qua non*.

*Causa vere sic dicta* est, quæ per *veram* causalitatem influit in *esse* causati. *Causa sine qua non* est, quæ non exercet *causalitatem*, sed est tantum *conditio*, sine qua effectus fieri non potest. e.g. *Surrectio hominis* non est *causa* ambulationis, & tamen ambulatio fieri non potest, nisi primum de sedili furgat: Rectius dicitur *Conditio sine qua non*.

### *Formalis ratio.*

III. Causa est principium *influens* in *esse* causati.

§. 1. Principium est quasi genus in hac descriptione, quia *latius* est, & quia quævis *causa* est *origo* processionis alterius, quod *formale* est principii.

§. 2.

§. 2. Inflinere ad esse *causati* hic non accipitur pro *sola* actione *efficientis*; sed pro omni eo, quod *unaquæque* causa in suo genere ad esse *causati* confert, tam ratione *externæ* productionis, quam *internæ* constitutionis.

### DIVISIO.

*Ordinaria* est, quæ *ordine* in natura *consueto* suam exercet *causalitatem*. Sic per *ordinariam* causam aqua fluit.

*Extraordinaria* est, quæ non servat *usitatum* naturæ *ordinem*, sed influit *præter* vel *supra* naturam. Sic per causam *extraordinariam* aqua instar muri stat erecta. *Exod.* 14.

V. Causa est vel *universalis* vel *particularis*: Et illa vel *absolute* universalis vel *secundum quid*:

*Universalis* est, quæ ad *certum* causatum non est *determinata*. Estque vel *absolute Universalis*, ultra quam non datur *alia* in eo genere. Sic efficiens *absolute* universalis est *Deus*: finis *absolute* universalis gloria Dei. *Secundum quid* universalis est, quæ quidem non est *determinata*, *superiorem* tamen adhuc agnoscit. *Talis efficiens* sunt corpora cœlestia: finis, homo. *Particularis* est, quæ ad *certum* causatum *determinata* est.



VI. Causa est vel *remota* vel *proxima*.

*Remota*, quæ influit aliis causis *intervenientibus*; sic hominis *materia* constitutionis *remota* sunt 4. *elementa*: *materia* productionis, *sanguis* parentum: *proxima*, quæ *immediate* influit in *causatum*; sic hominis mat. *prox.* constit. est *corpus organicum*: product. *semen*. Estque vel *simpliciter* *proxima*, vel *secundum quid*.

VII. Causa est vel *prima* vel *secunda*.

*Prima* est, quæ non habet *priorem*, vel *simpliciter*, vel *secundum quid*. Sic *materia elementorum* est *materia prima*, juxta Dn. Scharffium Met. Ex L. II. c. 7. *Secunda*, quæ habet *priorem*, ut *materia hominis*.

VIII. Causa est vel *adequata* vel *inadequata*.

*Adequata* est, quæ *reciprocari* potest cum *causato*, ita ut *causa* posita ponatur quoque *causatum*, & posito *causato* ponatur *causa*. Sic *materia* est causa *adæquata quantitatis*, posita *materia* ponitur *quantitas*: Sic anima *leonina* leonis, posita enim anima *hac* ponitur *leo*, & posito *leone* ponitur *ejus anima*. *Inadequata* est, quæ non *reciprocari* potest cum suo *causato*, & qua posita non necessario ponitur *causatum*. Sic posito *architecto* non statim ponitur *domus*. Posito corpore

corpore organico non statim ponitur homo :  
positis libris non statim ponitur eruditus,  
quapropter talia sunt causæ *inadequatæ*.

IX. Causa est vel *interna*, quæ essentiam  
causati *ingreditur*; & est duplex : *Ma-*  
*teria & Forma* : vel *externa*, quæ ita  
influit, ut causati essentiam *non ingre-*  
*diatur*; estq; duplex : *Efficiens & Finis*.

*Internum & externum* hic non sumun-  
tur ratione *subjecti* tantum, quomodo etiam  
*accidentia* quædam sunt *interna*, ut calor in  
igne, sed plane ratione *essentia*, ut est in  
*definitionibus*. Hæc de causa in genere : nunc  
ordine de ejus quasi *speciebus* agemus.

## DE EFFICIENTE.

### *Formale.*

X. Efficiens est causa externa, à qua res  
est per *veram actionem*.

§. 1. Causalitas *efficientis*, per quam ulti-  
mato concipitur, est *vera actio* sive sit *tran-*  
*siens* sive *immanens*; sive *instantanea* sive  
*successiva*; sive *realis* sive *intentionalis*; sive  
per *transmutationem* sive per *emanationem*.

§. 2. Characteristica *efficientis* nota est  
par-

particula A. vel AB. Hæc licet interdum usurpetur ad *quemcunque* respectum unius ad alterum denotandum, in *nobiliori* tamen significatione causam *efficientem* significat.

*Distinct. nominales.*

XI. Efficiens est 1. vel *privativa* vel *positiva*. 2. vel *physica*, vel *moralis*.

Quidam huc referunt quoque distinctionem efficientis in *veram* & *sine qua non*, sed ea spectat ad causam in genere. *Privativam* dicunt esse *defectum*, cui aliquid, tanquam *cause* ascribitur; ut, quando defectus in pedibus *claudicationis* causa dicitur, (qui tamen *verum* influxum non largitur.) *Positiva* Th. X. definita est. *Physica* (alias *realis*) itidem eadem Th. X. definitur. *Moralis* (alias *dispositiva*, *imputativa*, *excitativa*, *consilians*) est, quæ quidem *vere* in effectum non influ- it, & tamen *causam* ad operandum movet *precibus*, *consilio*, *monendo*, *non impediendo*, *imperio*, *vocatione*, *instinctu*, *applicatione* & aliis modis. Sic *ignis* est causa *combustionis* domus *physica*: *incendiarius* est *moralis* causa.

*DIVISIONES.*

XII. Efficiens alia 1. est *principalis*, alia *instrumentalis*.

*Princi-*

*Principalis* est, quæ instrumentalem *dirigit*, ita ut hac *non agente* instrumentalis causa *nihil producat* ; ut faber respectu operis.

*Instrumentalis*, est, quæ *propria* causalitate *principali* ad actionem *insevit*, & ab ea *dirigitur* ; ut malleus.

XIII. 2. Alia est *primaria*, alia *secundaria*.

*Primaria* est, à qua tanquam prædominante *primario* dependet *effectus Secundaria* (quæ etiam *adjuvans* & *minus principalis* vocari solet) est, quæ *primariæ cooperatur*, sed ita, ut ab ea *secundario* dependeat effectus, *NB.* Hæc distinctio cum priori non coincidit, sed in ipsis *principalibus* agentibus alia est *primaria*, alia *secundaria*. Sic e. g. multi helciarum adverso amne fune ductorio (instr.) navem trahunt, sed *primus* est agens *primarium*, reliqui *secundaria*.

XIV. 3. Alia *prima*, alia *secunda*.

*Prima* est, à qua *primo* oritur *influxus* ad esse effectus : Estque *vel suprema*, quando à causis *descendimus* ad effecta, quæ virtutem *independentem habet* ; quomodo *Deus* semper est *prima* causa : vel *proxima*, quando ab effectu ad causas *ascendimus*. Sic *parentes* sunt *prima* causa *filii*. Hoc duplici modo posset etiam *secunda* dici, & in genere descri-

describi *talis*, quæ supponat influxum *præcedentis*, sed in usu tantum est acceptio juxta primum modum, unde definitur *talis*, quæ subordinatur *superiori*, & in causando ab ea *dependet*; ut omnis *creatura* à Deo.

XV. 4. Alia *per se*, alia *per accidens*.

*Efficiens per se* est, quæ in istud fluit, ad quod influxus *naturæ suæ* ordinatur. Sic præceptor informans puerum in latina lingua ejus cognitionis causa *per se* est. *Eff. per accidens* est, quæ in istud influit, ad quod influxus *sua natura* non ordinatur; ut si puella simul discat latinam linguam, præc. ejus cognitionis causa *per acc.* est.

XVI. 5. Alia *naturalis*, alia *voluntaria*.

*Naturalis* est, quæ solo *instinctu naturæ* sine *deliberatione* agit; ut stellæ, elementa, bruta, &c. *Voluntaria* est, quæ *libere* & cum *deliberatione* agit. NB. *Eadem res diverso respectu* est *voluntaria* & *naturalis* causa. E. g. Nostra anima respectu *virtutum* est *volunt.* respectu *augmentationis* est *nat.* causa.

XVII. 6. Alia *per transmutationem*, alia *per emanationem*.

*Eff. per transmut.* est, quæ cum *conatu* agit; ut cum homo generat hominem. *Per emanationem*, quæ *per naturalem resultantiam*

am citra conatum agit. Sic anima producit intellectum, vol. risib. &c.

XVIII. 7. Alia *solitaria*, alia *socia*.

*Solitaria* est, quæ *sine concursu* alterius similis influit; ut planta, cum generat. *Socia* est, quæ *concursum* similis & quidem *coordinatæ* causæ requirit, ut mas vel foemina in generatione.

XIX. 8. Alia *univoca*, alia *equivoca*.

*Univoca* est *eiusdem* essentiae cum *effectu*; ut cum leo gignit leonem. *Equivoca* habet essentiam ab effectu *diversam*; ut cum homo facit calceum, Deus mundum.

XX. 9. Alia *procreans*, alia *conservans*.

*Procreans* est, quæ rem facit *esse*. *Conservans*, quæ rem facit *porro* esse. Sic Deus est causa mundi procreans & conservans.

XXI. 10. Alia *externa*, alia *interna*.

*Externa* (in respectu ad *subjectum*) est, quæ agit per actionem *transeuntem*, & effectum *extra se* ponit; ut futor, cum calceum fabricat. *Interna*, quæ agit per actionem *immanentem*, & effectum *in se* recipit; ut cum anima est causa Intellectionis.

## DE FINE.

## Formale.

XXII. Finis est causa externa, *propter quam* agit efficiens.

§. 1. Finis hic non sumitur pro *termino*, quomodo mors dicitur finis ; sed pro *causa finali*.

§. 2. Characteristica nota *finis* est *propter* vel *cujus gratia*, si *specialiter* accipitur ; nam *generaliter* omni causæ tribuitur.

## DIVISIO.

XXIII. 1. Finis est vel *principalis* vel *minus principalis* s. *secundarius*.

*Principalis* est, qui *primario* ab agente intenditur. *Minus principalis*, qui *secundario*. Sic finis conjugii *principalis* est procreatio sobolis : *minus princ.* mutuum adiutorium.

XXIV. 2. Vel *ultimus* vel *intermedius*.

*Ultimus* est, qui ad nullum *alium* finem ordinatur ; idque vel *simpliciter*, ut sola gloria Dei : vel in *suo genere*, quomodo summum bonum in *Ethicis* dicitur *ultimus* finis. *Intermedius* est, qui ad *alium* superiorem finem ordinatur, ut virtus. Hic sub se *proximum*

*num* finem comprehendit. Ex hac divisione fines dicuntur *subordinati*.

*Distinctiones Nominales.*

XXV. 1. Finis est vel *cui* vel *cujus*.

*Finis cui* est ipsum *subjectum*, cui finis *cujus* acquiritur; ut homo, cui domus ædificatur. *Finis cujus* est, *cujus* *acquirendi* gratia efficiens agit; ut domus. De hoc pleræque distinctiones finis intelliguntur.

XXVI. 2. Vel *objectivus* vel *formalis*.

*Objectivus* (alias finis *qui*) est *objectum* illud; ad *quod* tendit efficiens; ut liberi (resp. conjugii.) *Formalis* (alias finis *quo*) est ipsa *objecti acquisitio* seu *habitus*; ut generatio liberorum.

XXVII. 3. Vel *efficiendus* vel *obtinendus*.

*Efficiendus* s. *producendus* est, qui *nondum* existit, sed per *actionem* efficientis *produci* tur; ut annulus (fabricandus.) *Obtinendus* est, qui jam *ante* existit, & ad quem efficiens tantum tendit, ut obtineatur, ut aurum.

XXVIII. 4. *Disciplinarum practicarum* finis est vel *internus* vel *externus*.

*Internus* est de disciplinæ *essentia*, ita ut ex eo *excidere* non possit. *Externus* est *extra* disciplinæ *constitutionem*, ita ut eo sæpe *exc* cidat.



*cidat. Sic Logicæ finis internus (principalis) est syllogismus, externus veritas.*

---

## DE FORMA.

### Formale.

XXIX. Forma est causa interna, *per quam res materialis est id, quod est.*

Characteristica ejus nota est particula *per*, quæ in significatione *famosiori* formæ appropriatur, licet aliquando etiam effic. *principali & instrumentali* tribuatur. Restrinximus autem *formam* ad res materiales, quia, quod non *proprie* habet materiam, illud nec *proprie* habet formam.

### Distinctiones nominales.

XXX. 1. Forma est vel *informans* vel *assistens*.

*Informans* th. 29. definitur. *Assistens* est, quæ operationes rei dirigit, ipsam verò *essentiam* ejus non ingreditur, ut naucerus respectu navis.

XXXI. 2. Vel *Metaphysica* vel *Physica*.

*Metaphysica* est ipsa rei *essentia*, ut humanitas: *Physica* est altera *pars compositi*: ut anima rationis.

XXXII.

XXXII. 3. Vel *totius* vel *partis*.

*Forma totius* est *forma totius compositi*, ut *forma animalis*. *Forma partis* est, quæ *aliqui parti* in toto competit, ut *forma terræ* in animali. Alio in sensu *forma totius* est *Metaphysica*, *forma partis*, *Physica*.

XXXIII. 4. Vel *essentialis* vel *accidentalis*.

*Essentialis* est, quæ rem in *esse constituit*. *Accidentalis*, quæ non pertinet ad *constitutionem rei*, sed *accidentaliter rem denominat*; ut *virtus in homine*.

XXXIV. 5. Vel *generica*, vel *specifica*, vel *numerica*.

*Generica* dat esse *genericum*, ut *forma animati* in homine. *Specifica* dat esse *specificum*; ut *anima rationalis* in homine. *Numerica* dat esse *singulare*, ut *hæc anima Johannis*.

DIVISIO.

XXXV. *Forma* est *materialis* vel *immaterialis*.

*Materialis* est, quæ *extra materiam* existere non potest: ut omnes formæ, excepta humana. *Immaterialis* est, quæ *extra materiam* existere potest: ut *anima rationalis*.

cidat. Sic Logicæ finis *internus* (principalis) est syllogismus, *externus* veritas.

## DE FORMA.

### Formale.

XXIX. Forma est causa interna, *per quam* res *materialis* est id, quod est.

Characteristica ejus nota est particula *per*, quæ in significatione *famosiori* formæ appropriatur, licet aliquando etiam effic. *principali & instrumentali* tribuatur. Restrungimus autem *formam* ad res *materiales*, quia, quod non *proprie* habet *materiam*, illud nec *proprie* habet *formam*.

### Distinctiones nominales.

XXX. 1. Forma est vel *informans* vel *assistens*.

*Informans* th. 29. definitur. *Assistens* est, quæ *operationes* rei dirigit, ipsam verò *essentiam* ejus non ingreditur, ut naucerus respectu navis.

XXXI. 2. Vel *Metaphysica* vel *Physica*.

*Metaphysica* est ipsa rei *essentia*, ut humanitas: *Physica* est altera *pars* compositi: ut anima rationis.

XXXII.

XXXII. 3. Vel *totius* vel *partis*.

*Forma totius* est *forma totius compositi*, ut *forma animalis*. *Forma partis* est, quæ *aliqui parti* in toto competit, ut *forma terræ* in animali. Alio in sensu *forma totius* est *Metaphysica*, *forma partis*, *Physica*.

XXXIII. 4. Vel *essentialis* vel *accidentalis*.

*Essentialis* est, quæ rem in *esse constituit*. *Accidentalis*, quæ non pertinet ad *constitutionem rei*, sed *accidentaliter rem denominat*; ut *virtus* in homine.

XXXIV. 5. Vel *generica*, vel *specifica*, vel *numerica*.

*Generica* dat esse *genericum*, ut *forma animati* in homine. *Specifica* dat esse *specificum*, ut *anima rationalis* in homine. *Numerica* dat esse *singulare*, ut *hæc anima Johannis*.

## D I V I S I O.

XXXV. *Forma* est *materialis* vel *immaterialis*.

*Materialis* est, quæ *extra materiam* existere non potest: ut omnes formæ, excepta humana. *Immaterialis* est, quæ *extra materiam* existere potest: ut *anima rationalis*.

## D E M A T E R I A.

## Formale.

XXXVI. Materia est causa interna, ex qua aliquid constituitur, ita ut hæc ei insit & actum formalem recipiat.

§. 1. Non sumitur hic materia pro *subiecto*, quod *materia in qua* dici solet; quomodo *charta* est materia *albedinis*: Nec pro *objecto*, quod alias etiam dicitur materia *circa quam*, quomodo *sonus* est materia *auditus*; sed pro *causa interna* rem per modum *potentie passivæ*, intrinsece constituyente, quæ alias materia *ex qua* vocari solet.

§. 2. Characteristica materiæ nota ergo est *E.* vel *EX.* Licet enim nonnunquam causam *formalem & efficientem*, item principium *non causale* significet, in significato tamen *strictiori* materiæ, à Philosophis appropriatur.

## D I V I S I O.

XXXVII. Materia est vel *permanens* vel *transiens*.

*Transiens* est, quæ ita inest *composito*, ut antea ex suo esse *transierit* in aliud esse; ut *costa* respectu *Eæ*, ovum respectu pulli. *Permanens*

*nens est, quæ non transit in aliud esse, sed secundum eandem rationem manet in composito; ut stannum respectu canthari.*

## DE CAUSATO.

XXXVIII. Causatum est *principiatum*, quod à *causis* suum esse habet.

Hactenus egimus de *causis* in genere & in specie. Causæ verò contradistinguitur *causatum*, quod, prout ab efficiente, *sine*, *forma* vel *materia* dependet, est *effectum*, *finitum*, *formatum*, vel *materiatum*.

### PROBLEMAT.

I. *An in Metaphysica de causis sit agendum, ut causis objecti?*

Neg. Quia ita Metaphysica non esset *universalis* disciplina; ageret enim de ente *causato* tantum, non de omni ente, quia ens *causans* etiam est ens.

II. *An efficiens per accidens sit vera causa?*

Aff. Quia vere *influit* in esse *causati*. Non enim *per accidens* causare idem est, ac non *causare*: *per accidens* duplicem literam pingere idem, ac non pingere; sed utraque, tam *causa per se*, quam *per acc.* habet *verum influxum*: differunt tantum in *ordinatione* in-

fluxus. Verè ergo licet ἀναλόγως causa est.

III. Num efficiens per emanationem sit verè efficiens?

Aff. Quia aliàs multa fierent, quæ causa efficiente carerent, quæ scilicet per emanationem producuntur, ut calor ab igne, lux à Sole, odor a moscho.

IV. Utrum causa conservans proprie sit efficiens?

Aff. Quia proprie ipsi convenit actio, quæ est efficientis causalitas. Medicamenta & alimenta omnino in corpus nostrum agunt, dum conservant illud.

V. An actio sit vera causalitas efficientis?

Aff. Quia actio potentiam causandi proxime deducit in actum. Sed objicitur: Actio est effectus; ergo non est causalitas efficientis. Resp. Effectus dicitur quandoque id, quod per actionem producitur, & est quasi actionis terminus, quomodo annulus est effectus aurifabri. Hoc modo actio non est effectus. Aliquando verò effectus generalius sumitur pro omni eo, quod à causa effective pendet; sic autem Actio, licet sit ipsa causalitas, est effectus etiam efficientis; non tamen per aliam à se distinctam actionem quia sic fieret progressus in infinitum; sed ipsa

ipsa immediate ab efficiente prodit pendet-  
que. In *reliquis* causis etiam *causalitates*  
primo sunt ab *ipsis*, & postea sunt *via* ad  
*causata*.

*VI. Num exemplar sit peculiaris causa?*

Neg. Plane non est *causa*, quia non impor-  
tat *influxum*. Ad *efficientem* quidem perti-  
net, sed non ut *species* ejus, verum ut *conditio*  
ipso ad agendum necessaria. Est ergo *princi-*  
*pium*, scil. quatenus illud præscindit à *causa-*  
*li* & *non-causali*.

*VII. An causa corrumpens in respectu ad  
terminum corruptionis proprie sit causa?*

Neg. Quia non influit in *esse* rei, sed in *non*  
*esse*. *Non esse* vero non potest esse *effe-*  
*ctus*, cum utrumque membrum affectionis  
(*caus. causat.*) *reali enti* competat. In respectu  
quidem ad *actum* corruptivum aliquando  
*proprie* est causa, ad *terminum* corruptionis  
nunquam.

*VIII. An omnia media sint instrumenta-  
les causæ?*

Neg. Quia non omnia *media* habent pro-  
prias *causalitates* in ordine ad *effectum*. Su-  
daria & collaria Pauli ad morbos & Dæmo-  
nes arcendos adhibita Act. 19. v. 20. *media*  
quidem, non verò *instrumenta* fuerunt.



IX. *An instrumentalis causa in omni sua actione instrumentalis sit?*

Neg. Sæpe *duplex* conspicitur in instrumentis *actio*: una, quam absque *principali* causa potest exercere: *altera*, quæ ex *directione principalis* dependet. E.g. Malleus *per se* deorsum tendit propter *gravitatem*, & propter *duritiem* minus dura) vitrum, ollam, &c.) confringit. Hoc si præstet absque *directione*, non *instrumentalis* causa dicitur, sed tum demum, quando *directio superioris agentis* accedit.

X. *Utrum finis sit vera causa?*

Aff. Quia habet *influxum* ad *causatum*, dum influit in *efficientem*, eamque *movel* ad agendum. Obj. 1. *Finis* agit *Metaphoricè*. ergo non *verè*. Resp. *Agere* sumitur vel *rigorose*, & sic *efficienti* tantum competit: vel *generaliter* pro omni *influxu*, quomodo ad omnem *causam* pertinet. *Finis* cum dicitur agere *Metaphorice*, non *posteriori*, sed *priori* modo intelligitur, id est non per *metaphoram* *causat*, sed per *metaphoram* *efficit*, quia *influxus finis* *similis* est *influxui efficientis*. Obj. 2. *Finis quatenus finis* non existit, ergo non est *vera* causa. Quicquid enim *non-dum est*, quomodo *causare* potest. Resp. (1.) Posset dici, quod quidam *finis* etiam *existat*,  
qui

qui scilicet dicitur finis *obtinendus*, ut cum hostis invadit urbem, ut eam occupet. Verum accurate loquendo res ea, quæ *obtinetur*, non est finis, sed possessio, fructio sc. *habitio* istius rei, nam *causalitas* finis non est in *terminando*, sed in *movendo*. Quapropter etiam *finem obtinendum* ad dist. *nominales* retulimus. Ergo (2.) dicimus, quod finis habeat hoc peculiare præ reliquis *causis*, ut possit *causalitatem suam* exercere, quando *nondum* est in *esse reali*. Causalitas enim ejus præcipue est, ut *excitet* desiderium sui in *efficiente*. *Desiderari* autem *vere* potest, quod *nondum* est, si modo *cognitum sit*; quomodo pii in veteri Testamento *desiderarunt* adventum *Messiae*, antequam *factus* est. Ne verò quis putet, nos ita *affectionem* tribuere *non-enti*, vel *enti in potentia*, notandum est, quod circa *causalitatem* finis distinguendus sit terminus à quo à termino *ad quem*. Quoad terminum à quo finis tribuitur non enti; sed ita non exercet *causalitatem*, verum eam erit quoad terminum *ad quem*, qui est *efficiens*, quam *excitat* finis. *Efficiens* verò *ens* est. Ergo finis *formaliter* tribuitur *enti* non verò *non enti*.

XI. *Utrum omnis efficiens agat propter finem?*

Aff.

Aff. Nisi enim excitaretur à *fine* non ageret *efficiens*. Sed objicitur : Quicquid agit *propter finem*, illud *cognoscit finem*. (*Ignoti nulla cupido.*) Quædam agentia non *cognoscunt finem*. E. Quædam agentia non agunt *propter finem*. Minor probatur multis exemplis. Potentia activa agit, non tamen *cognoscit* semper finem. Potentia purgandi in rhabarbaro, potētia aperiendi venas in aloe, pot. sulphuris in confortandis pulmonibus, &c. *agunt* certe, sed fines non *cognoscunt*. Globus è bombarda missus transfodit lignum, & sic *agit* : Radius Solis illuminat mufæum : Lux Solis illuminat mundum, &c. *finem* verò non *cognoscunt*. Resp. Negando majorem. *Cognitio finis* non est necessaria ex parte *cujusvis concurrentis*, sed satis est, si ad omnem actionem *concurrat* aliquid, quod *cognoscat finem*, alias etiam necessario mal-leus *cognosceret finem fabri*, quem *intendit*, dum cudit.

XII. In quo consistat causalitas finis?

Resp. Præcipue consistit in *excitatione efficientis ad agendum*, dum *amorem* sui in ea *movet*. Deinde vero etiam consistit in *ordinatione & mensuratione* mediorum, quibus *efficiens* ad acquisitionem finis utitur.

## A X I O M A T A.

I. Omne ens est vel *causa* vel *causatum*. Sed observandum hic est, quod membra affectionum *disjunctarum* non nisi ad *præsens* objectum restringantur. Valet ergo regula tantum de *statu* mundi post *creationem*.

II Omnis causa agit.

Agere sumitur vel *generaliter* vel *specialiter*. *Generaliter* significat *influer* in *causatum*, sive hoc fiat *actione*, sive *passione*, sive alio modo. Ita accipitur *agere* in regula. *Specialiter* sumptum competit *soli efficienti*, & fit per *veram actionem*, quæ est *causalitas efficientis*. Sic regula non valet, sed particulariter est vera de *sola efficiente*.

III. Nihil est causa sui ipsius.

*Esset* enim, *antequam* esset, quod absurdum. *Esset*, quia *in se influeret*: *Nō esset*, quia *producendum* esset. Intelligitur verò regula.

1. *positivè*, ut sit sensus: Nihil *positive* influit in suum esse. Deus est a seipso, sed *negativè*, id est, non est ab aliqua causa. 2. *Simpliciter*, ut sit sensus: Nihil est sui ipsius causa *simpliciter*, licet possit esse sua causa *secundum quid*, ut cum quis se facit *virtuosum*, non dat sibi esse *simpliciter*, quia illud jam ante habet. 3. *Secundum idem esse* sc. vel *reale* vel *intens-*

*intentionale*. Nam alias finis, quatenus est in *esse intentionali*, est sui ipsius causa, ut sit deinde in *esse reali*; quia movet *efficientem*, à quâ producitur *effectus*, qui antea erat *finis*.

#### IV. Causa est prior causato.

Prioritate scilicet *naturæ*. Nam de prioritate *temporis* non semper vera est regula. Anima nostra & ejus intellectus *tempore* simul sunt, & tamen *anima* intellectus *causa* est. Intelligitur vero in Axiomate res, quæ causa est, in *particulari*; non causa in natura *abstractissima*: Nam hoc modo *causa* & *causatum* sunt *simul natura*, quia neutrum absque mentione alterius potest definiri, & de utroque valet reciproca essendi consequentia: Si causa non esset, nec causatum esset: Si causatum non esset, nec causa esset.

#### V. Posita causa, ponitur, causatum.

De causa *efficiente* ita valet: *Posita efficiente adequata in esse causæ*, id est in actu causandi & non impedita, ponitur *effectus in esse effectus*, hoc est, in fieri. (Nam in esse *absoluto* tum demum ponitur *effectus*, quando *absoluta* est actio efficientis.) Dico *adequata*, quia e. g. *scœmina* solas non potest gignere, nec *malleus* cudere.

De causis *internis* valet regula, si ponatur

*in unione.* Sic non valet anima est in *cælo*, & corpus in *terra*, Ergo est homo.

# VI. Negata causa, negatur causatum.

De causa *efficiente*, si effectus tantum ab ea dependet in *fieri*, ita valet regula: *Si efficiens non datur, vel non influit, nullus sequitur effectus illius causæ in fieri.* Si non datur architectus, vel si non operatur, nulla datur ædificatio. Si vero effectus continuò à causa in *esse* etiam dependet, ita valet regula: *Sublatâ causâ necesse est perire effectum.* Sic, si Deus destrueret *Solem*, periret lux ejus. De causis *internis* ita valet: *Negatis vel sublati materia & forma, & harum unione, negatur vel tollitur earum causatum.* Sic, si non est anima & corpus, vel, si non amplius sunt in *unione*, tollitur homo. Valet etiam de *fine*, ita scilicet: *Si nullus finis excitat efficientem, vel si finis desinit movere efficientem, nullus ab ea procedit effectus propter finem suscepta.*

# VII. Causa est nobilior causato.

Valet in duplici sensu: 1. Si per causam complexè omnes omnium generum causæ simul sumptæ intelliguntur. 2. Si causa sumatur in *esse causæ*, id est, in *influendo*, & causatum in *esse causati*, id est, in *fieri*.

# VIII. Causa causæ est etiam causa causati.

Sunt,

Sunt, qui hanc regulam usurpant de *finali* etiam & *materiali* causa, ut & de causis *diversi generis*. Verum quia ita premitur multis difficultatibus, nos eam ad causam *efficientem* restringimus, & de causis *eiusdem generis* (ut *utraque* sit *efficiens*) intelligimus. Ita intellecta hunc habet sensum: *Cum causa efficiens producit effectum, & ille effectus iterum producit alium effectum, tum prior efficiens est etiā causa posterioris effectus*. Valet autem regula tantum in efficientibus *per se* & *essentialiter subordinatis* (non vero in *subordinatis accidentaliter*.) Sunt vero efficientes *essentialiter subord.* ita comparatæ, ut altera ex *natura sua* dependeat ab altera *in causando*. Comparantur enim inter se duæ causæ *subordinatæ*, quatenus ab iis unum *causatum* dependet.

### IX. Qualis causa, talis effectus.

Hanc regulam etiam restringimus ad efficientem, eamq; *univocam*, & secundum *attributa essentialia* (tam *constitutiva* quam *consecutiva*) considerata, ut sit sensus: *Qualia attributa essentialia habet causa univoca, talia etiam habet effectus illius causæ*. Pater est risibilis, ergo & filius. Non valet ergo in attributis *personalibus notionalibus*, &c. nec de causa *æquivoca*, *moralis*, &c. In talibus si  
quan-

quandoque detur, ex hac regula consequentia illa *contingens* tantum est, & per *accidens* infert.

X. *Posito effectu ponitur causa.*

Valet de efficiente *adequata*, hoc sensu: *Posito effectu, necesse est efficientem ejus adequatam esse vel fuisse.* Ut, Petrus homo est: ergo Parentes habuit.

XI. *Nullum efficiens agit in seipsum.*

Scilicet *eodem* respectu. Nam *diverso* respectu unum idemque *suppositum*, imo una eademque *pars* suppositi in *seipsam* agit. E. G. *Anima* movet *corpus* in eodem supposito: Una eademque anima rationalis secundum potentiam *activam* producit intellectum, & secundum potentiam *passivam* eundem in se *recipit*.

XII. Quod efficiens non *habet*, non potest effectui *dare*.

Habere dicitur efficiens aliquid vel *formaliter*, ut ignis calorem habet; vel *eminenter* s. *virtualiter*, quomodo Sol habet calorem; vel *secundum naturalem convenientiam*, quomodo pater pedibus carens gignit filium pedes habentem. Hic ergo est sensus regulæ: *quod efficiens nec formaliter, nec virtualiter, nec secundum naturalem convenientiam habet, illud effectui dare non potest.*

XIII.



XIII. Efficiens dans *formam*, dat etiam *consequentia* formæ.

Intellige *propria*, non verò *actiones* & *effectus*. Pater dat filio *risibil.* non verò *risum actualem*.

XIV. Efficiens *naturale* manens *idem* semper agit *idem*.

Id est, agit semper *uno eodemq; modo*. Sol liquefacit & indurat, *uno tamē modo* agendi.

XV. Actiones sunt suppositorum.

Lim. Vera est regula 1<sup>o</sup> de principio actionis *quod*, non de principio *quo*. Nam & *ignis* calefacit, & *calor* calefacit, atque ita uterque agit; calor verò non est *suppositum*. 2<sup>o</sup> Si principium actionis *quo* sit in supposito. Anima à corpore *separata* intellectu suo *intelligit*, & ita agit. De hac actione non valet regula; quia intellectus iste (princ. *quo*) non est in supposito) Anima enim non est suppositum.

XVI. Omne actio est propter finem.

Excipiuntur 1. *actiones Dei immanentes*: quia sunt ipsa *essentia divina*, quæ non habet causas. 2. Istæ actiones (secundum Aristotelem, in quibus est *summum bonum*. 3. Actionis efficientis *per accidens*, quatenus fiunt *per accidens*. Nam *una eademq; actio* diverso  
respe-

respectu interdum fit *per se* & *per accidens*.

XVII. *Propter quod* unumquodque *tale* est, *illud* magis est *tale*.

Valet hæc regula de *fine* & *efficiente*. In *causa finali*, hunc habet sensum: *Propter quod aliud* intenditur, *illud* magis intenditur. E. G. Studiosus *intendit* proficisci *Wittenbergam* propter *eruditionem*, ergo *eruditionem* magis intendit. In *causa efficiente* hunc sensum infert: propter quod attributum alteri *idem* attributum formaliter inest, tanquam effectus *per se* & *adequatus*, *illud* est præstantius, si admittat magis & minus. E.g. Luna est lucida propter Solem; Ergo Sol magis est lucidus. Creatura est bona propter Deum: Ergo Deus magis est bonus. Requiritur ergo 1. ut unum attributum *utrique* in sit. 2. ut *formaliter* in sit. 3. ut, quod huic inest, sit *numero* diversum ab eo, quod illis inest. 4. ut unum sit *causa* alterius. 5. ut recipiat *magis* & *minus*.

XVIII. *Finis* & *bonum* sunt *idem*.

Non *Formaliter*, sed *materialiter*; hoc est, ea res, quæ rationem *finis* habet, etiam est *bona* vel *vere* vel *apparenter*. Nihil enim consideratur, nisi sub ratione boni.

XIX. Qui vult *finem*, vult etiam *media* ad finem.

232      *De simplici & composito.*

Loquitur regula 1. *de jure*, non *de facto*  
 2. *De mediis necessario cum fine connexis*, &  
*per se*, (non *per accidens*) ad *finem* ducenti-  
 bus. Hunc ergo habet sensum: Qui vult *fi-*  
*nem* (*serio*), ille *merito* etiam vult *media ne-*  
*cessaria & per se* ad *finem* ducentia.

---

CAPUT XVII.

*De Simplicitate & Compositione.*

Haftenus ex primariis disjunctis affecti-  
 onibus consideravimus *immediatas*, se-  
 quuntur *mediatae*, quarum prima est *simpli-*  
*citas & compositio*.

P R A E C E P T A.

*Ambiguitas.*

I. *Simplex* opponitur 1. *doloso*. 2. *pruden-*  
*ti*: 3. *ornato*: 4. *mixto*: 5. *composito*.

Ultima acceptio est hujus loci, & dicitur  
 esse quasi *sine plica* plurium, s. non *compli-*  
*catum* ex pluribus.

II. *Simplicitas* est *unitas indivisibilis*.

*Simplicitas & compositio* constituunt affe-  
 ctionem

*ctionem entis disjunctam mediatam, quæ ex unitate resultat. Unitas ergo ejus fundamentum est, & indivisione sua ejus naturam exprimit, ita ut membra unitatis in re sint ipsa membra hujus disjunctæ affectionis. Quapropter etiam in definitione simplic. unitatem facimus quasi genus, & indivisibile quasi differentiam.*

### DIVISIO.

III. Estque vel *absoluta*, vel *restricta*.

*Absoluta* simplicitas est, qua ens *independenter* est indivisibile. Hæc solius Dei est. Simplicitas *restricta* (in certo genere, *entis* scilicet, non *corporum*) est, qua ens ita est *indivisibile*, ut indivisibilitas *aliunde* dependeat. Hæc competit *spiritibus creatis & essentialibus accidentium*.

### Ambiguitas.

IV. Compositio notat vel *actum componentis*, vel *statum compositi*.

*Illo* modo significat *influxum* illius, quod per *actum effectivum externum* aliud componit; ut cum architectus componit domum. *Hoc* modo designat *internam rei conditionem*, qua Res ipsa intrinsece est compositum. Ita h. l. accipitur.

V. Compositio est vel *essentialis*, vel *accidental*.

*essen-*

234 De simplici & composito.

*Essentialis* est, qua plura entia componuntur in una *essentia*, & dant unum *per se*. Hæc est hujus loci. *Accidentalis* est, qua plura entia componuntur *extraessentialiter*, & unum *per accidens* exhibent. Hæc quidem in se spectata proprie est *compositio*: Quando enim plures *essentie* verè uniuntur, propriè fit *compositio*. Hoc in loco tamen *impropria* dicitur; quia hic quærimus affectiones, non entis *per accidens*, sed entis *per se*.

Modi *compositionis accidentalis* sunt tres  
 1. *Inter substantiam & substantiam*, qualis est in aqua falsa, ferro ignito, &c. 2. *Inter substantiam & accidens*, ut compositio ex homine & iustitia, Sole & luce, igne & calore. 3. *Inter accidens & accidens*, ut compositio ex colore & sapore in pomo.

VI. *Compositio* est vel *realis*, vel *rationalis*.

*Realis* est, in qua termini componentes *realiter* differunt. Ad hanc per *analogiam* spectat *compositio* ex *natura* & *supposito* in ente finito. Hi enī termini *realiter* differunt, quia possunt separari; *Rationalis* est, in qua termini componentes non nisi *ratione* distinguuntur. Talis est 1. *compos. ex natura & supposito* in ente infinito (NB. Hæc compos. dicit conjunctionem *essentie* & *modi subsistendi* ulti-

*ultimati*, qui *suppositalitas* dicitur, uti hoc in parte *speciali* fufius declarabitur, *Suppositalitas* verò, quia à Deo plane *inseparabilis* & cum essentia simplicissima plane *idem* est, compositionem *rationis* tantum parit.)

2. Compositio *ex genere & differentia*, vel *differentia & differentia*, Hæc ideo pertinet ad compositionem *rationis*, quia *genus* non datur, nisi per *intellectus* operationem. Nam à *parte rei* *genus* & *differentia* sunt *unum* & *idem*. 4. Compositio *ex esse & essentia*. Hæc etiam non nisi *rationalis* est. Nam si per *esse* intelligitur id, *quod* est (e.g. canis) per *essentiam* verò *quidditas*, seu totum illud, *quo* res est (e.g. canitas) quoad rem sane *illud* ab hoc non differt: Si verò per *esse* intelligitur *essentia actualis*, per *essentiam* verò *talis entitas*, quæ enti in *potentia* etiam competere possit, nec sic fit compositio *realis*, quia *essentia* in *potentia* *nihil* est; illa *essentia*, quæ est *aliquid*, ab *actuali existentia* plane non differt.

### Formale.

VII. Compositio est *unitas divisibilis*.

Quod sit *unitas divisibilis*, patet ex c. 3. Unde fluit, quod 2. sint *proprie compositionis* (de qua hic agimus) requisita. 1. Ut *plura* adsint entia *partialia realiter* distincta, &

236      *De simplici & composito.*  
à se invicem *separabilia*. 2. ut ex istis *unum*  
ens *per se* constat,

## DIVISIO.

VIII. Compositio est vel ex *materia* &  
*forma*, vel ex *partibus quantitativis*.

Utraque competit omnibus & solis *corporeis*, si rigorotè loquimur : *Illa* constituit  
*totum corpus* : *Hæc* partem corporis, *ma-*  
*teriam* scilicet, quam partes *quantitative*  
integrant. Huc quidam propter cognatio-  
nem reducunt Compositionem ex *partibus*  
*integrantibus analogis*, quo sensu *Metaphysi-*  
*ca* composita est ex parte *generali & speciali*.  
Sed hic *aliquid per accidens* involvitur..

---

## DE TOTO ET PARTE.

Doctrinæ de simplici & composito sub-  
jungimus doctrinam de *toto & parte*, & qui-  
dem ita, ut peculiare caput non constituat,  
quia in sua *disjunctione* non exhaurit *totam*  
*latitudinem* entis : *Deus* enim *proprie* nec  
*totum*, nec *pars* est. Refertur ergo huc pro-  
pter *cognitionem*. Compositum enim, quan-  
do opponitur *terminis componentibus*, tan-  
quam *partibus*, vocatur *totum*.

*Ambi-*

*Ambiguitas.*

IX. Totum est vel *perfectionale*, vel *potestativum*, vel *universale*, vel *numerale*, vel *essentiale*, vel *integrale*.

*Perfectionale* est, quod habet *totalitatem* omnium *perfectiorum*, ut Deus. *Potestativum* est, quod continet *plures potentias* s. facultates instar partium *unitas*. Sic anima nostra continet *intellectum*, *voluntatem*, pot. *videndi*, *audiendi*, &c. *Universale* est *conceptus*, qui *plura essentialiter inferiora* sub se continet; Sic animal sub se continet brutum & hominem tanquam partes. *Numerale* est, quod ex *pluribus unitatibus* constat. Hoc est numerus. *Essentiale* & *Integrale* paulo post describemus.

*Formale.*

X. Totum est, quod ex *partibus debito modo unitis* constituitur.

## D I V I S I O.

XI. Totum est *vulgare* vel *singulare*. *Vulgare* est vel *essentiale*. vel *integrale*. *Integrale* vel *homogeneum* vel *heterogeneum*.

*Vulgare* appellamus ideo, quia multa ejus in natura exempla occurrunt. *Essentiale* est, quod constat ex partibus, *essentiam to-*



238 *De simpl. & com. toto & parte*

*tam constituentibus ; ut homo, quatenus constat capite, ventre, pedibus, &c. Integrale homogeneum est quod eandem cum partibus habet naturam* (licet non semper eandem appellationem ; ) *ut aqua, quia quævis pars aquæ est aqua. Heterogeneum est, quod diversam à partibus habet naturam. Sic cor hominis non est homo. Singulare totum* (aliquibus etiam *Personale dictum*)  $\alpha\iota\upsilon\delta\pi\omega\tau\theta$ , qui persona  $\sigma\upsilon\delta\iota\theta$  à Theologis vocatur.

XII. Pars est, quæ totum constituit.

Partes proprie dictæ sunt tantum in toto *essentiali & integrali*, & dicuntur partes *essentiales & integrales*. Illæ constituunt *essentiam rei per unionem essentialem* : Hæ per *cohesionem continui*. Reliquarum æquivocè ita dictarum partium definitiones ex descriptionibus totius facile cognoscuntur.

PROBLEMAT A.

I. *An personæ SS. Trinitatis faciant compositionem in divina essentia ?*

Neg. Ad compositionem enim requiruntur *plura entia à se invicem separabilia*, Th. VII. quæ de *Deitate* dici non possunt.

II. *An omnis compositio realis proprie sit hujus loci ?*

Neg. *Accidentalis etiam est realis, quia mente*

mente non fingitur; huc tamen non spectat. Realis etiam suo modo est Comp. ex natura & supposito in creatis; hic tamen speciem propriæ compositionis non facit, quia suppositalitas non est ens, sed modus: Modus verò non componit.

III. Num Deo repugnet composito rationis?

Neg. Illa enim non Dei, sed Intellectus nostri imperfectionem arguit. Non ergo impium est, Deum & ejus attributa sibi in diversis conceptibus repræsentare.

An totum perfectionale, potestativum, universale & numerale propriè ad totum h. l. spectent?

Neg. Perfectionale non habet partes quoad rem; Perfectiones enim Dei sunt ipsa Dei essentia. Ergo propriè non est totum. Potestates spiritus finiti sunt ejus accidentia; Ergo ejus partes esse non possunt. Partes enim constituunt totum. At accidentia non constituunt substantiam. Ergo potestativum etiam non est propriè sic dictum totum. Universale ideo non est totum, quia inferiora, quæ debent esse partes, non sunt in ipso; nam ab inferioribus universale præscinditur. Partes autem debent esse in toto & illud constituere. Numerale est totum per accidens, idcirco non est h. l. propriè totum.

240 De simpl. & comp. toto & parte.

V. An totum sit definiendum sine mentione partium?

Neg. Sunt qui affirmant, ut definitio generalis sit, cum totum *perfectionale* non habeat *partes*, & tamen sit *totum*. Sed hoc tantum *equivocè* dicitur *totum*, non *proprie*.

AXIOMATA.

I. Omne ens est vel *simplex*, vel *compositum*.

II. Simplex est *prius* composito.

Sc. isto quod ex illo *simplici* constat. Est autem *prius* non *tempore* semper, sed *natura*. Intelligitur autem non tantum *simplex absolute*, sed *respective* sic dictum, quod est *minus compositum*. Materia arboris est composita ex 4. elementis, simplex tamen dicitur respectu totius arboris, & sic ista quoque natura prior est.

III. Totum est *maius* qualibet sua parte.

Hoc *principium primum* quidam repugnare putant miraculis de 5. & 7. panibus, quia *plus* remanserit, quam ab *initio* adfuerat. Sed *fragmenta* relicta, non fuerunt *simpliciter* partes istorum panum, sed panum jam *miraculose* benedictorum. Quævis ergo *pars* cum *suo toto*, & non cum *alio* conferatur, & regula semper vera erit.

IV. Ubi

IV. Ubi *totum est*, ibi *necessariò omnes partes sunt*.

Valet regula de omni toto *proprie* sic dicto, scil. de *essentiali, integrali, & singulari*, ita tamen, ut in *integrali* intelligantur *partes principales*, non *minus principales*.

V. Quicquid *toti* tribuitur, (*materialiter, non formaliter*,) illud ei secundum aliquam *partem* ad minimum conveniat, necesse est.

Homo dicitur procerus. Non secundum *animam*, sed *corpus*.

VI. Pars *partis* est quoque pars *totius*.

Digitus est pars *pedis*. Ergo est quoque pars *hominis*.

VII. Quicquid prædicatur de *parte*, prædicatur etiam de *toto*.

Valet regula 1. de *entitate partis absoluta*, non de *esse formali*. 2. De istis, quæ non sunt peculiariter ad partem *determinata*. Sic non licet dicere; *anima* est spiritus, ergo & *homo* est spiritus. 3. De partibus *homogeneis*. De *Heterogeneis* tum tantum valet, quando non est *diversa ratio* in toto, cur ipsi *prædicarum* non competat. 4. De istis *prædicatis*, quæ toti non *repugnant*,

242 *De simpl. & comp. toto & parte.*  
*nant, ut anima intelligit; Ergo & homo,*  
VIII. Quæ est ratio *totius*, ea etiam est  
*partis*. Limitatur ex præcedenti Ca-  
none.

---

## CAPUT XVIII.

### *De Identitate & Diversitate.*

#### *Ambiguitas.*

#### I. Identitas est vel *rei*, vel *rationis*.

Identitas *rei* hujus loci est, & postea de-  
finietur. Identitas *rationis* est, quando ra-  
tio *figit* convenientiam aliquam, quæ in  
*re* non datur. Estque vel rationis *ratioci-*  
*nantis*, cum *unum* tantum datur *extremum*,  
quod ad *seipsum* refertur: ut, Petrus sibi  
ipsi idem est, vel rationis *ratiocinatæ*, cum  
ratio *figit* conceptum, in quo *plura realia*  
*extrema* conveniunt; ita tamen, ut a re-  
bus ansam figendi accipiat. Huc pertinet  
identitas *generica & specifica*. Homo & e-  
quus sunt *idem genere*, conveniunt enim  
in *animali*: Petrus & Johannes sunt *idem*  
*specie*, quia uterque est *homo*.

#### *Formale.*

#### II. Identitas est *plurium* in aliquo tertio convenientia.

Quæ

Quæ ergo in aliquo tertio conveniunt, illa respectu ejus dicuntur eadem.

### DIVISIO.

III. Identitas est vel *essentialis*, vel *extra-essentialis*. Hæc est vel *suppositalis*, vel *causalis*, vel *effectiva*, vel *subjectiva*, vel *accidentalis*.

Identitas *essentialis* est, quando *plura* conveniunt in aliquo *tertio essentiali*, ut, quando materia & forma conveniunt ad constituendam intrinsece essentiam corporis.

*Extra-essentialis* est, qua *plura* conveniunt in uno *tertio extraessentiali*. Hæc vero quintuplex precipue est.

*Suppositalis* est, qua plures *naturæ* conveniunt in uno *supposito* vel *persona*. Sic *suppositaliter* idem sunt aqua & sal ei permixtus.

*Causalis* (secundum *causas* scil. *externas*) est, qua *plura* conveniunt respectu *efficientis* & *finis*. Sic duo automata respectu ejusdem automatarii tanquam efficientis, duo competitores respectu ejusdem officii tanquam *finis* habent identitatem.

*Effectiva* est, qua *plura* conveniunt respectu *ejusdem effecti*. Hanc identitatem habent pater & mater respectu filii, multi Architecti respectu ejusdem domus.

*Subjectiva* est, qua plura conveniunt in eodem *subjecto*, ut justitia & temperantia in uno homine.

*Accidentalis* est, cum plura conveniunt in eodem *accidente*. Sic Metaphysica & in intellectu est, & in anima.

*Formale.*

IV. Diversitas est *plurium in aliquo tertio disconvenientia*.

Quæ ergo in aliquo tertio *non conveniunt*, ea respectu illius tertii *diversa* dicuntur. Ferrum & ignis (cum ferrum est ignitum) sunt *diversa* ratione *formæ*: sunt eadem ratione *suppositi*.

*Distinctiones nominales.*

V. Diversa sunt vel *primo diversa*, vel *diversa differentia*.

*Primo diversa* sunt, quæ in nullo genere conveniunt; ut decem summa genera, Deus & creaturæ.

*Diversa differentia* sunt, quæ habent *unum commune genus*, sub quo differunt ab aliis. Sic equus & canis conveniunt in animali, differunt per differentias suas específicas.

VI. Diversitas est vel *realis*, vel *rdtionis*.

§. I. *Realis* est eorum, quæ citra operationem

tionem *intellectus* distinguuntur. Hæc est hujus loci.

§. 2. *Rationis* est eorum, quæ citra operationem *intellectus* non distinguuntur. Hæc vocatur distinctio *rationis ratiocinata*, quando ratio nostra occasionem & ansam distinguendi à rebus accipit: (Hæc ipsa est, quæ aliàs distinctio *formalis* dicitur) *ratiocinantis*, quando occasione tali destituitur. Sic quia aliæ hominis actiones ipsi soli competunt, ut loqui, ridere, &c. aliæ etiam bestiis cum eo communes sunt, ut ambulare, audire, videre, &c. ratio nostra ansam inde sumit & fundamentum, ut *distinguat* inter esse *hominis* & *animalis*, cum tamen *una eademque* sit *essentia*, & nulla multitudo essentialium nobis exhibeatur. Sed quando in hac propositione identica, *Homo est homo*, distinctio fit inter hominem & hominem, quia mox ut subiectum, mox ut prædicatum propositionis consideratur, nullam ex re mens nostra accipit ansam, ideo dicitur distinctio *rationis puræ s. ratiocinantis*.

VII. Diversitas sc. distinctio *rationis ratiocinata* solet statui triplex: *Virtualis*, *formalis*, & *modalis*.

§. 1. *Virtualis* est, quando aliquod quoad rem planè *indistinctum* in efficacia sua se va-



rie exerit, ac si contineat *virtutum* diversitatem. Sic vis *indurativa* & *liquefactiva* in Sole est plane *una eademque*, & distinguitur tantum ex *objectis*.

§. 2. *Formalis* est, quando *unum, idemque* sub *distinctis formis* s. rationibus concipiendi in nostra mente repræsentatur. Sic *alius conceptus formalis* formatur de *hominē*, quatenus *homo*, & *alius*, quatenus *animal* est. Nota: aliquando omnis distinctio rationis *rationinata* vocatur distinctio *formalis* Th. VI. aliquando vero est ejus quasi species.

§. 3. *Modalis* est, quæ versatur inter *rem* & *modum* ejus *inseparabilem*, vel inter *modum* & *modum* minime sibi *oppositos*, ut inter *ens* & *ubietatem*: item inter *ubietatem* & *durationem*.

## DIVISIO.

VIII. Diversitas (*realis* sc.) est vel *distinctionis* vel *oppositionis*.

IX. *Distinctio* est diversitas (*realis*) sine *repugnantia*.

Diversitas est vel *cum pugna*, vel *sine pugna*, Quando est *cum pugna*, simul infert *oppositionem*, & quæ sic *diversa*, dicuntur *opposita*. Quando vero *sine pugna* est, tantum  
parit

parit *distinctionem* aliquam, & quæ sic *diversa* sunt, *distincta* vocari solent.

X. *Distinctio (realis)* est i. vel *strictè* vel *analogicè* dicta.

XI. *Strictè* dicta *distinctio* est inter *rem* & *rem*, & consistit in hoc, ut una res non sit alia res. Dicitur etiam *distinctio* *realitatis majoris*.

XII. *Distinctio analogicè* dicta est inter *reum* & *modum* ejus *separabilem*, vel inter *modum* & *modum*, qui sibi invicem sunt oppositi.

Dicitur etiam *dist. realitatis minoris*.

§. 1. *Affectio*nes *enti* competunt, non *entis modis*, nisi *secundariò*, & secundum *analogiam*. Sicut hoc valet de omnibus *affectio*nibus, ita etiam de *distinctione*. Hæc ergo si *modis* applicatur, fit hoc secundum *analogiam*. Non vero potest omnibus *modis* applicari *distinctio* (*realis* sc. quæ *proprie* est *distinctio*) sunt enim *modi* vel *separabiles*, vel *inseparabiles* ab *essentia*: vel tantum *distincti*, vel simul *oppositi*. Istis tantum potest *applicari distinctio (realis)*, qui possunt *separari* ab *essentia*, ut *compositio* à *corpore* & *anima*: *ratio causæ* ab *architecto*. Vel qui sunt *oppositi* sibi invicem, ut *causa* & *causatum*.

Nihil

Nihil enim *eodem* respectu potest esse *causa* & *causatum*. Si vero modi sint ab essentia *inseparabiles*, vel *distincti* à se invicem tantum, competit ipsis saltem distinctio *rationis*, Th. VII.

§. 2. Ad distinctionem (*realem*) analogicè dictam pertinet distinctio Personarum SS. Trinitatis, quæ *realiter* à se invicem *differre* cum orthodoxa antiquitate credimus, idque propter *oppositionem relativam* modorum subsistendi.

XIII. 2. Distinctio (*realis*) est vel *realis tantum*, vel *simul essentialis*.

XIV. *Realis tantum* est, quæ in una essentia *numerica* repetitur.

Sic Personæ SS. Trinitatis distinguuntur *tantum realiter*, quia sunt ejusdem *numericæ* essentiæ, & tamen quoad *modum* subsistendi sibi mutuo sunt *incomunicabiles*.

XV. *Essentialis* est, quæ inter *diversas numero essentias* reperitur.

Talis distinctio est inter hominem, virtutem, intellectum, scientiam: inter ignem & calorem, &c.

XVI. Oppositio est *diversitas (realis)* cum aliqua *repugnantia*.

§. 1. Non intelligimus hic oppositionem  
com-

*complexam*, qua *propositiones* sibi invicem *repugnant*, quæ à Logicis traditur; sed *incomplexam*, qua *res* seorsim spectatæ, pugnam exercent inter se.

§. 2. Quia tam in definitione *distinctionis* quam *oppositionis* mentio fit *repugnantiae*, explicanda ea est. Non intelligimus autem hic directè *logicam* repugnantiam, qua *termini* sic de se *negantur*, ut non possint de se *affirmari*: Sed talem, qua *res* ita *dissentiunt*, ut communi naturæ cursu non coeant ad *unum*.

§. 3. *Veræ* autem *repugnantiae* conditiones sunt 5. quod sc. propter eam opposita non possint tribui 1. *eidem* sc. *subjecto*, vel *rei*, (non opp. calor in igne, & frigus in aqua,) 2. *secundum idem*, i. e. secundum *eandem* *subjecti partem*. (Non opp. albedo *dentium*, & nigredo *cutis* in *Æthiope*) 3. *ad idem* i. e. ad eundem *respectum*. (Non opp. Pius & justus coram *hominibus*, non justus coram *Deo*.) 4. *eodem tempore & momento* temporis. 5. *in excellenti gradu*.

XVII. Oppositio sumitur vel *generaliter*, vel *specialiter*.

*Hoc* modo restringitur ad 4. vulgares modos: *Illo* modo latius patet, & complectitur etiam istam repugnantiam, qua extra illos

4. modos res inter se *pugnant*. Omnino *opponuntur* sibi homo, aurum, cœlum, &c. quia non possunt *conjugi* ad unum, & tamen nec *relativè*, nec *contrariè*, nec *privativè*, nec *contradictoriè* opponuntur. Ergo ampliandus est terminus *oppositionis*, ut hæc & alia *pugnantia* etiam comprehendat. Quæ ergo revera pugnant, & ad quatuor vulgares modos non possunt referri, ea spectant ad *oppositionem generaliter dictam*.

XVIII. *Oppositio specialiter dicta* vulgo est quadruplex: *Relativa, Contraria, Privativa, & Contradictoria*.

§. 1. Hujus divisionis rotunditas ita probatur: *Oppositorum* vel utrumque membrum est *positivum*, vel alterutrum *negativum*. Si membra sunt positiva, sunt vel *absoluta*, vel *respectiva*. Si sunt absoluta, fit *oppositio contraria*: Si respectiva, oritur *relativa*. Si alterum est *negativum*, negat & tollit aliquid vel *absolutè*, vel in determinato & capaci subjecto. Si illud, est *contradictio*. Si hoc, *privativa* salutatur.

§. 2. *Oppositio relativa* est pugna inter *relata*, quorum unum *eodem* respectu non est *alterum*, ut pater non est filius. Hæc est *oppositio debilissima*.

§. 3. *Contraria* est pugna entium *positivorum*

*rum absolutorum*, quæ è regione & sub eodem genere five proximo five remoto distant. Sic opponuntur virtus & vitium, albedo & nigredo, homo & brutum, &c. Contraria sunt vel mediata, vel immediata.

§. 4. *Privativa* est pugna inter habitum & privationem ejus, ut inter sanitatem & morbum: aptitudinem videndi in oculo, & cæcitatem.

§. 5. *Contradictoria* est pugna inter ea, quæ se habent ut ens & non ens negativum, ut inter hominem & non hominem, canem & non canem, &c. Est verò Contradictio vel explicita, vel implicita. Illa, cum opposito termino expressa negatio præfigitur, ut cælum, non-cælum. Hæc, cum primo intuitu uterq; terminus videtur esse positivus absq; pugna, alter tamen negationem involvit; ut, stramen marmoreum, cerevisia lignea, &c. Dicitur aliàs *contradictio* in adjecto.

## PROBLEMA.

I. *An unum & idem differant?*

Aff. Quia unitas est aliquod absolutum, identitas respectivum.

II. *An distinctio rationis sit propriè sic dicta diversitas?*

Resp. In *Metaphysica* non est propriè diversitas,

*versitas*, quia *affectiones* competunt *enti* præter *mentis* nostræ operationem, unde etiam eam Th. VI. ad distinctiones *nominales* scil. æquivocas retulimus. In *Gnostologia* verò, quin propria dicatur *diversitas*, nil impedit.

*III. Quænam sint genuinæ notæ diversitatis seu distinctionis realis?*

R. Realiter differunt 1. quæ habent *diversas essentias*. 2. quæ *separari possunt* ab invicem (sive *ordinarie*, sive *extraordinarie*: sive *mutua*, sive *non mutua* separatione.) 3. quæ sunt *opposita*. 4. quæ se habent, ut *producens & productum*. 5. quorum *subjecta* sunt *realiter distincta*. Hæc sunt certissima indicia.

*IV. An modalis distinctio sit contradistincta reali & rationali?*

Neg. Quia omnis *modalis* commodè referri potest vel ad *realem*, vel ad *ratiunculalem*. Th. vii. & xii.

*V. An ex natura extremorum, an verò ex eorum latitudine ad se invicem distinctio realis & rationis judicanda sit?*

Aff. Posterius. Nam distinctio *rationis* datur etiam in ente *reali*, e. g. inter *omnipotentiam & omniscientiam Dei*. Distinctio *realis* datur etiam inter *rem & modum*, *modum & modum*. Th. xii.

*VI. Num individua unius speciei differant realiter tantum?*

Ita non nemo sentit. Sed nos negamus. Nam quæ habent *diver. essen.* inter ea datur distinctio *essentialis*. Sed individua, &c. E.

*VII. An, quæ essentialiter idem sunt, statim semper idem sint realiter?*

Neg. Realis distinctio potest dari in essentiali identitate Th. xiv. Personæ SS. Trin. sunt essentialiter idem, realiter tamen distinguuntur.

*VIII. An in creatis suppositalitas realiter à natura differat?*

Aff. Quia *separari* potest ab ea si non semper *ordinarie*, sultem potentia Dei *extraordinaria*. Ut humana Christi natura non humana suppositalitas, sed divina subsistit.

*IX. Num substantiæ, ut tales, sibi invicem possint contrarie opponi?*

Resp. Re accurate pensitata affirmo quæsitum, quia omnes *genuinæ notæ contrarietatis* iis possunt applicari e. g. Homo & bestia sunt *contraria*, quia 1. *unum* uni opponitur, 2. sunt sub *eodem genere* sc. animali. 3. *maxime* à se *distant*, quatenus talia. 4. uterque terminus est *positivus absolutus*. 5. *Expellunt* se *è communi subiecto*, non quidem per *expulsionem*



fionem *effectivam*, quasi *antea insint* in sub-  
 jecto, & postea per vim se *ejiciant*, (quæ e-  
 tiam in notis contrarietatis non intelli-  
 gitur) sed per *formalem*, quæ non permittit  
*duo* conjungi ad *unum* subjectum; vel, quia  
*unum* in subjecto ponit *impossibilitatem*, ut  
 ibi sit *alterum*; Breviter, quia *termini* ad *u-*  
*num* susceptivum sunt *impossibiles*.

### A X I O M A T A.

I. Omne ens est vel *idem*, vel *diversum*.

II. Quorum *unum* potest esse sine *altero*,  
 ea non sunt *simpliciter idem*.

*Separabilitas* enim est nota distinctionis  
*realis*.

III. Quæ in uno *tertio* sunt *eadem*, inter se  
 sunt *eadem*.

Sc. respectu illius tertii, in quo conveniunt.

IV. *Simile* vel *æquale* non est *idem*.

Sc. Identitate *rationis*. De identitate *rei*  
 non valet. Nam pater & mater quoad virtu-  
 tem procreatricæ sunt similes, & tamen quo-  
 ad filium sunt *idem*, identitate *effectiva*.

V. Distinctio, quæ non habet *fundamen-*  
*tum* in re, *nulla* est.

Valet tantum de distinctione *reali*, hoc sen-  
 su: nulla est, nisi præter *mentis* operatio-  
 nem ejus termini distinguantur.

VI. Quot modis sumitur *unum* oppositorum modis & *alterum* (sc. plerumque.)

Valet regula præcipuè de vocibus *plura* significantibus, & quidem hoc sensu : Cum scire volumus, quot significationes *terminus* aliquis habeat, colligere plerumque illud possumus ex significationibus *oppositi* termini. e. g. *Pater* dicitur vel ratione *generationis*, vel ratione *adoptionis*. Tot modis etiam dicitur *filius*.

VII. Oppositorum *eadem* est ratio & *disciplina*.

*Eadem* ratio, quatenus sc. 1. habent in uno atque altero *eandem* rationem s. *convenientiam*, ut *brutum* sentit; E & homo; vel quatenus 2. ex cognitione *unius* oppositi *alterum* intelligitur, ut *morbus* consistit in humorum *intemperie*. Ergo sanitas in *temperie*. *Eadem* disciplina, quatenus aliunde non est impedimentum, quod *duo* oppos. in eadem disc. considerare prohibeat. Sic *Physica* quidem agit de corpore *simplici* & *misto*, non vero de *spiritu*, qui est objectum *Pneumaticæ*.

VIII. Oppositorum *opposita* est ratio, seu *consequentia*,

*Ratio* enim hic sumitur pro *consequentia*

*tia.* Valet regula 1. quando *attributa* sunt *convertibilia* cum *subiecto*, & *neceſſario* cum ipſo *cohærent*, 2. Quando *opposita*, ad quæ ſequantur *alia* *opposita*, ſunt *paria*. 3 In iſtis *attributis*, quorum reſpectu *opposita* vocantur & in quibus ſit *oppositio*. 4. De *jure*, non ſemper de *facto*.

IX. *Posito uno* *oppositorum*, *negatur al-  
terum*.

Valet 1. de *immediate* *oppositis* 2. In *ſummo gradu*.

X. *Negato uno* *oppositorum*, non ſtatim *ponitur alterum*.

*Niſi in contradiſtoriis & immediatis*.

## CAPUT XIX.

*De Communicabilitate & Incommu-  
nicabilitate.*

### PRÆCEPTA.

I. *Communicabilitas* eſt, qua ens *participare* poteſt.

*Formalis* ratio conſiſtit in *participatione*. Hæc tam *active* quam *paſſive* poteſt explicari vi *thematis* ſui. Nam *participare* eſt vel *participem fieri*, vel *participem facere*. *Com-  
mu-*

*municabilitatis* natura verò ut planior fiat *communicatio*, ejusque varii modi excutiendi sunt. Notetur ergo primum ejus

*Ambiguitas.*

II. *Communicatio* est vel *realis*, vel *non realis*.

Et hæc vel *verbalis*, vel *intellectualis*.

§. 1. *Realis* proprie huc pertinet, & Th. IV. definietur.

§. 2. *Verbalis* est, quæ nomine tenus tantum *communicat*, & nudum *signum* oralis vel scripti *vocabuli commune* facit. Fit autem vel per *equivocationem*, ut cum vox *cancris* significat jam *animal* terrestre, jam *sidus* coeleste, jam *morbum*; vel 2. per *tropum*, ut cum *cognitio* in mente dicitur *generari*; vel 2. *honoris causa*, ut cum *Uxor* Imperatoris dicitur *Imperatrix* ab officio *mariti*; vel 4. per *fictionem*, ut cum *purgatorium* dicitur a Pontificiis *articulus fidei*.

§. 3. *Intellectualis* est, quam *intellectus* sibi format inter illa extrema, quæ non *realiter*, sed *ratione tantum differunt*, ut quando *genus speciei*, *species individuo* omnia sua *prædicata essentialia* *communicat*.

*Formale.*

III. *Communicatio* est *participatio*, quæ infert *communitatem* unius ad aliud.

Cir-

Circa hanc descriptionem notentur.

1. *Extrema communicationis* ; Hæc non semper sunt entia *realia*, sed interdum *entiam modi*.

2. *Natura communicationis*. Illam dicimus in *participatione* consistere, quæ in debita *ampliatione* spectata tam *activam* quam *passivam* significationem *communicationi* tribuit.

3. *Fundamentum ejus*. Istud est *unic.* Nam nihil est capax *communicationis*, nisi accedat *unio*.

4. *Modus*. Communicatio fit vel quoad *possessionem*, vel quoad *usurpationem* tantum, qui duo *modi* sunt quasi *summa* *communicationis genera*.

5 *Objectum*. s. id quod communicatur.

## DIVISIO.

IV. Communicatio (*realis*) alia est *existenti* : alia alicui *ut sit*.

Hanc distinctionem habet Scotus in lib. 1. dist. 5. q. 2. p. 27. Sed dicat quis : quod *nondum est*. quomodo potest ipsi aliquid *communicari* ? R. Quidni ? Causa *efficiens* influit omnino in illud, quod *nondum est*, *ut sit*, & sic *communicat* ipsi *existentiam* ; unde *communicatio*, quæ fit alicui, *ut sit*, a-

lio-

lio nomine etiam dicitur *effectiva*, procul dubio eam ob causam, quia causa efficiens proxime & precipue talem largitur communicationem.

V. Communicatio, quæ fit *existenti* est vel *primaria* vel *secundaria*.

VI. *Primaria* est vel 1. inter *accidens* & *accidens*; vel 2. inter *substantiam* & *accidens*; vel 3. inter *substantiam* & *substantiam*.

VII. Communicatio inter *accidens* & *accidens* fit

1. Quando *plura* accidentia in *uno* subiecto *uniuntur*, ut in *uno* homine *Philosophia* & *Theologia*: in *una* anima *intellectus* & *voluntas*.

2. Quando *unum* accidens fit subiectum *quo*, alterius accidentis, ut, cum *scientia* est in *intellectu*, *virtus* in *voluntate*.

3. Quando *accidens* ab *accidente* perficitur. E. g. In homine est *naturalis potentia* ad *poësin*, *habitus* verò illi *superaddito* perficitur.

4. Quando *accidens* accidentis *fundamentum* est, ut *quantitas*, *qualitas* &c. *relationes*.

VIII. Communicatio inter *substantiam* & *accidens* fit, quando illud, quod *acci-*  
*dentis*

*denti per se inest, participat quoque substantia, cui inhæret accidens.*

Sic quantitas suam *formalem* rationem, *extensionem* scilicet, communicat *materiae*, ut ex *ista* sit *extensa*.

IX. Communicatio inter *substantiam* & *substantiam* (conjunctas) contingit vel inter substantias *incompletas*, vel *completas*.

§. 1. *Illa* conspicitur inter partes *essentiales*, v.g. *animam* & *corpus*; quia anima corpori *sensum*, *motum*, *vitam*, &c. communicat. Et *integrales*. e.g. cum *cerebrum* communicat *oculo* spiritus *animales*.

§. 2. In communicatione, quæ fit inter substantias *completas*, substantiæ vel *leviter coheret*, sc. per *nudum* contactum, ut cum res *odoratæ* *inodoratis* junctæ, *odorem* iplis communicant; item, cum vinum *vitro* quo continetur, *humiditatem* communicat: vel *intime se permeant*; ut *ignis* & *ferrum* in ferro ignito.

§. 3. Ex substantiis *incompletis* partes *essentiales*, & quædam *integrales*: Ex *completis* istæ, quæ *intimè se permeant*, *celebrem* illam sibi vendicant *communicationem*, quæ *καὶ ἐξ ὧν* dicitur fieri *καὶ ἐκ τῶν* vel *καὶ ἐκ τῶν*. Hæc quia præ reliquis com-

*municationum speciebus eminet, aliquanto altius ejus naturam examinabimus. Definitur autem ita:*

X. Communicatio *κατὰ συνύστασιν* est, qua propter *intimam* unionem proprium *unius* substantiæ alteri substantiæ, *essentialiter* quidem *distinctæ*, realiter tamen *conjunctæ*, verè & realiter communicatur, ad communem *possessionem*, *usurpationem* & *denominationem*, absque tamen sui *multiplicatione* aut *transfusione*.

In hac definitione quinque sunt ponderanda.

§. I. *Extrema* communicationis, inter quæ communicatio versatur, sunt *duæ substantiæ*, cum hac conditione, ut sint

1. *Essentialiter distinctæ*, id est, sint *diversæ* essentiæ, sive *completæ*, sive *incompletæ*, ut *sal & aqua*, *ferrum & ignis*, *corpus & anima*. Hac conditione *hæc* communicatio differt ab *intellectuali* (quæ alias communicatio *κατὰ μέγεθος* dicitur.) In *hac* enim extrema ne *realiter* quidem, nedum *essentialiter* differunt; exempli gratia, *corpus* communicat *animali* totam suam naturam; *hoc* tamen ab *illo* non *re*, sed sola *ratione* differt, in *majori* sc. & *minori* abstractione.

2. Sint *realiter conjunctæ*. Hac conditione



differt ab omni communicatione, quæ fit inter *separata*.

§. II. *Fundamentum* ergo hujus communicationis est *intima* extremorum *unio*. Unio autem sumitur vel in *statu*, vel in *actu* (unitivo sc. qui *unionem* significat.) *Hæc* respicit *unibilia*: illa verò *unita*. *Fundamentum* hujus commun. est quidem *unio* quoque in *actu* sumpta, sed *remotum*. *Proximum* ejus fundamentum est unio in *statu*, quæ unionem præsupponit.

§. III. *Objectum*, sc. id, quod communicatur, *proprium* est. *Proprium* autem, uti doctrina prædicabilium ostendit, juxta *Porphyrium* quatuor modis dicitur, ergo porro determinandum est. Nos præcipuè hic intelligimus *proprium quarti modi*, in quo omnia reliquorum modorum *verba* concurrunt, ut *uni, soli, & semper* conveniat, & cum *subiecto reciprocetur*.

§. IV. *Modus* describitur in definitione, cum dicitur, quod fiat

1. *Vere & realiter*. Hac particula opponitur hæc communicatio *verbali* & omnibus ejus *quasi speciebus*, de quibus Th. II. egimus. Non enim communicatur *proprium verbaliter, nomine tenus, & secundum predicationem tantum*, sed *realiter*, quia *vere & realiter* ipsa substantia, *cujus* est *proprium*,

communicatur, dum cum altera unitur.

2. *Absque sui multiplicatione.* Hac particulâ opponitur ei, quæ fit καὶ ἄλλοποιοῖσι. Non enim geminatur statim proprium, quia *geminum* adest *subjectum* certo modo; nam in uno *subjecto*, quod est αὐτὸν δὲ καὶ αὐτὸν, est *per se*; in altero vero *per aliud*.

3. *Sine transfusione.* Hac particulâ opponitur ei, quæ fit καὶ μεταβάσει Th. III. Non enim proprium in hac *comm.* deferit *suum subjectum*, & excurrit ad aliud; sed *inhæsiue* manet semper in *suo subjecto*, uti hoc *proprium natura* requirit: in altero tantum est *communicative*, cui una cum *suo subjecto* *communicatur*.

§. V. *Finis* communicationis exprimitur in definitione, cum dicitur, quo fiat

1. *Ad communem possessionem.* Hic notandum est, quod alia sit *possessio communis*, qua e. g. totus homo possidet suum calorem, alia *propria*, qua v. g. ignis in corpore humano calorem possidet. Cum ergo proprium *communicatur*, istud cui *communiscatur communi possessione* etiam illud *habet ac possidet*. Quicquid enim alterius *totam essentiam* habet, illud *omnia essentialia constitutiva* simul habet. Ad *propriam* verò *possessionem* nulla *propria* *communicantur*, sed manent in *suo subjecto*.

2. *Ad usurpationem.* *Possessio communis & usurpatio differunt in eo, quod possessio est universalis, omnia alterius substantiæ propria comprehendens. Dum enim ipsum subiectum priorum possidetur, necessario etiam mediante hoc subiecto ea possidentur omnia, quæ ab essentia ejus non possunt separari. Usurpatio vero est particularis, & restringitur ad propria (1) receptibilia, quæ altera sublt. immediate recipere potest, absque periculo veræ contradictionis. Hinc non communicatur corpori spiritualitas animæ. (2) Operativa, per quæ alterum subiectum operari potest: non quiescentia, quæ quasi in sinu sui subiecti manent. Hic ferro non communicatur levitas & raritas ab igne. (3) Ad finem unionis facienda, id est, quæ ad scopum istum conducunt, propter quem duæ istæ substantiæ sunt conjunctæ. Hic corpori ab anima non communicatur invisibilitas; anima enim ideo corpori juncta est, ut mutua sibi invicem præstent officia ad communes operationes obeundas, utpote auditionem, visionem, generationem, & ejusmodi plures, ad quas invisibilitas nihil confert.*

3. *Ad denominationem.* Hæc sequitur *usurpationem*, non verò *possessionem*. E. g. Quia corpus *usurpare* potest facultatem *sentiendi* ab anima communicatam, propterea ab ea etiam

etiam denominatur in definitione animalis, Animal est corpus vivum sentiens. Non verò denominatur ab *immaterialitate* animæ, *immateriale*, (licet *communi possessione* etiam illam habeat) quia eam *usurpare* nullo modo potest.

XI. *Secundaria* communicatio est vel 1. inter *rem & modum*, vel 2. inter *modum & modum*.

XII. Communicatio inter *rem & modum* est, quâ *modus separabilis* determinat & *modificat* rem præexistentem.

Sic *unitas* communicat formæ, *indivisionem* à materia, quamdiu ei *conjuncta* est.

XIII. Communicatio inter *modum & modum* est, quando *modi oppositi* unum numero ens *afficiunt*.

XIV. *Incommunicabilitas* est, qua ens *participare non potest*.

Hæc quot modis contingat, ex divisione communicationis facile intelligitur.

## PROBLEMA TA.

I. *An propria vere communicari possint?*

Aff. Quia communicatâ *essentiâ* communicantur *essentialia consequentia*, quæ ab *essentia* non possunt *separari*. Quamvis *quædam*

*dam essentialia consequentia communicantur tantum ad communem possessionem, unde non fit denominatio.*

*II. An communicato uno proprio communicentur omnia?*

*Dist. Omnia communicantur ad communem possessionem. Non communicantur omnia ad usurpationem & denominationem.*

*III. An singulare nullo modo sit communicabile?*

*Neg. Communicabile enim est effectivè, & οὐκ ἀπορίῃ, &c. & μὴ ἀπορίῃ, quidem non communicatur, ad modum universalium; Sed hæc communicatio est tantum intellectualis.*

*IV. An existentia & subsistentia sine essentia communicari possint?*

*Neg. Existentia enim est ipsa essentia. Subsistentia verò est modus, qui ne ad momentum quidem potest permanere, si a suâ essentia separetur.*

## AXIOMATA.

*I. Omne ens est vel communicabile vel incommunicabile.*

*II. Proprium cum communicatur, non desinit esse proprium.*

*Fit quidem κοινὸν ὑπὸ τοῦ, non vero κοινὸν. Communi-*

*communicatur quidem, non tamen per modum  
accidentis communis.*

III. Quæcunque *realiter idem* sunt, eorum  
*uno* communicato, communicatur & *al-*  
*terum.*

§. 1. Sensus huius regulæ limitatus hic  
est: Quando *duo* sunt *simpliciter idem*, &  
nulla plane adest *dispar* ratio, quam *mens*  
non *fingat*, tum communicato *uno* eorum  
communicatur & *alterum.*

## CAPUT XX.

### *De Naturali & Artificiali.*

Fuerunt hætenus *mediata* affectiones,  
quæ ex unitate resultant: sequitur jam ea,  
quæ ex *veritate* provenit, qua omne ens est  
vel *naturale*, vel *artificiale.*

## PRÆCEPTA.

### *Ambiguitas.*

I. *Naturale* opponitur 1. *supernaturali.*  
2. *fortuito.* 3. *violento.* 4. *voluntario.* 5.  
*artificiali.*

*Primo* modo significat illud, quod est se-  
cundum communem *naturæ* cursum à causis

*naturalibus. Secundo* quod frequenter & à causa *per se* fit. *Tertio* respicit *principium* motus *ab intra*, vel *ab extra* tale quid, quod *naturæ* *conveniens* est, eique vim non infert. *Quarto* innuit, aliquid non procedere ex *libero arbitrio*, sed inclinatione *soli* *naturæ*. *Quinto* notat tale, cujus *veritas* non ab *humano*, sed *divino* intellectu judicatur. In hac oppositione h. l. sumitur, licet reliquæ acceptiones hic etiam non simpliciter removeantur.

II. Aliter naturale sumitur 1. *Constitutive*. 2. *Consecutive*. 3. *Subjective*. 4. *Perfective*. 5. *Transitive*.

*Constitutive* sumptum significat illud, quod *naturæ* *dat esse*, ut *forma & materia*: *Consecutive*, quod ex essentia *per se* fluit, ut *risibilitas*: *Subjective*, quod *naturæ* *arctissime* est *infixum*, ut nonnullis *aversatio felis & casei*: *Perfective*, quod naturam *perficit*, *evocia*: *Transitive*, quod cum natura in alios *propagatur*, ut *genorofitas in liberos*. Ex his nulla acceptio h. l. est *adequata*. Prima & secunda sunt *nimis strictæ*. Nam *spiritus & accidentia com.* etiam hic ad *naturale* spectant. Reliquæ sunt *nimis laxæ*. Nam *subjective* etiam in *corpore* est *morbis*, qui *ens* non est, & propterea nec *naturale ens*. *Perfective* sæpe

sæpe *artificiale* etiam afficit *naturam*. Sic multi à *natura inclinantur* ad poësin, *arte* tamen *perficiuntur*. *Transitive* jam *propagatur* etiam peccatum *originis*, quod itidem non est *ens*.

III. Prodest sic evolvere etiam ambiguitatem *naturæ*.

*Natura* sumitur 1. pro *ente*, quatenus est *synonymum* ejus. 2. pro *Deo*, & dicitur *natura naturans*, quia Deus omnia *naturavit*, i. e. fecit. 3. Pro omni *creatura*, & dicitur *natura naturata*. 4. Pro omni eo, quod *describi* potest, ut cùm explicamus etiam *naturam privationis, morbi, entis rationis, &c.* 5. Pro *proprieta*te & *inclinatione*. 6. Pro *temperamento*. 7. Pro *substantia*. 8. Pro *essentia ex materia & forma composita*. 9. Pro eo, quod à *nativitate inest*. 10. Pro *ultima differentia*. 11. Pro *essentia personalitati contradistincta*; quomodo credimus, in Christo esse *duas naturas, & unam personam*. Ex his acceptionibus etiam nulla hic ad nostrum scopum est *adequata*.

IV. Distinguendi hic quoque sunt *termini* à *natura* derivati: *A, secundum, præter, contra, & supra naturam* esse.

*A natura* esse dicitur, quod *natura* vel statim *cum ortu*, vel *successu temporis* dat, vel ad quod.



270 *De naturali & artificiali.*

quod *potentiam* aut *inclinationem* largitur.

*Secundum naturam* est, quod secundum *seriem* causarum *naturalium*, & *communem* naturæ *cursum* se habet, vel in quo servatur iste *modus*, qui naturæ *conveniens* est.

*Præter naturam* est, quod quidem *alio modo* se habet, quàm *natura* requirit, non tamen *simpliciter* cum natura *pugnat*.

*Contra naturam* est, quod naturæ *repugnat*.

*Supra naturam* est, quod *Deus* efficit in *creaturis*, præter *consuetum* naturæ *ordinem*, absque *creaturarum* tamen *repugnantia*. Harum *acceptationum* etiam nulla nostro *instituto* est *adequata*.

*Formale.*

V. *Naturale* est, cuius *veritas* *immediate* æstimatur ex *intellectu Dei*.

*Veritatis* hîc ideo fit *mentio*, quia hæc *affectio* ex *veritate* resultat. Ex hac *descriptione* patet, quod h. l. non tantum *corpora* sint entia *naturalia*, sed etiam *spiritus* & *accidentia*, quia & eorum *veritas* iudicatur ex *congruentia* cum *intellectu divino*. Imo ipse *Deus* hic est ens *naturale*, quia omnino suam *veram* *essentiam* *intelligit*.

*Ambiguitas.*

VI. *Artificiale* sumitur variis modis.

I. *Con-*

1. *Concretè*, quatenus notat tam *formam* artificialem, quam *subjectum*, in quod *forma* ea introducta est. Hoc modo est ens *per accidens*. 2. *Abstractè*, pro sola *forma* artificiali. 3. *Materialiter*, pro solo *subjecto* in quo agit ars, vel cui aliquid ab arte inductum est. 4. *Abusive*, pro testimonio, quod in Logicis dicitur *argumentum inartificiale*. Secunda acceptio est hujus loci.

*Formale.*

VII. *Artificiale* est, cujus veritas immediate æstimatur ex intellectu *artificis*.

*Artificiale* refertur ad intellectum *artificis*, non quod non judicanda sit veritas ejus secundum *Dei* intellectum, qui solus est infallibilis, sed quia *proxime* respicit ideam in mente artificis existentem, licet *ultimo* ad intellectum *Dei* referatur. *Mediatum* ergo & *immediatum* in hac materia hoc vult, ut 1. *idea artificis* ad divinum intellectum examinata, vera sit, & 2. *res artificialis* huic *ideæ* exactè congruat.

P R O B L E M A.

*Quo sensu notitia Dei naturalis dicatur naturalis?*

Resp. Non *constitutive*, nec *consecutive*, sed *subjective*, *perfective*, & præcipuè *transitive*,  
quia

272 *De completo & incompleto.*

quia cum natura à parentibus in liberos propagatur.

AXIOMATA.

I. Omne ens est vel *naturale*, vel *artificiale*.

II. *Ars* imitatur naturam.

Intellectus enim *humani* similis cupit esse quodammodo *divino*, propterea homines res artificiales efficiunt ad imitationem aliarum rerum à Deo productarum, & quo magis *ars naturam* habet pro fundamento, eo felicius operatur.

---

CAPUT XXI.

*De Completo & Incompleto.*

Hoc attributum disjunctum ex *bonitate* derivatur.

PRÆCEPTA.

*Ambiguitas.*

I. Completum sumitur vel *nominaliter*, vel *participialiter*.

*Hoc* modo significat illud, quod à complente aliquo *completur*: illo notat omne, quod habet essentiam in se terminatam, ita h. l. sumitur.

II. Completi synonyma interdum habentur *consummatum, perfectum, & totum*.

Sed istæ acceptiones hîc sunt improprie. Nam Deus est ens *completum*, non verò *consummatum*, nec *totum*; Forma est ens *perfectum*, non verè *completum*.

*Formale.*

III. Completum est, quod habet essentiam *in se terminatam*, & per se non ordinatur ad alterius *perfectionem*.

Descriptio duo habet membra: illa ipsa sunt duo *completi* requisita, unum *affirmativum*, alterum *negativum*. Esse *in se terminatum* non idem hic est, ut esse *finitum*: nam Dei essentia etiam est in se terminata, non tamen finita; sed significat esse absolutum à necessaria *essentiæ destinatione*, qua ordinatur ad aliud perficiendum.

IV. *Incompletum* est, quod non habet essentiam *in se terminatam*, & quod per se ordinatur ad alterius *perfectionem*.

Sic incompletum ens est omnis pars integralis in toto, & omnis pars essentialis sive in, sive extra totum.

PROBLEMAT A.

I. *An λόγ & sit ens incompletum.*

Neg.

Neg. Quia non *per se* & *essentialiter* ordinatur ad humanam naturam.

*II. An Deus sit ens completum?*

Aff. Quia Deus habet essentiam in se terminatam, & essentialiter non destinatur ad perfectionem alterius.

*III. An anima separata sit ens completum?*

Neg. Quia naturali destinatione ordinatur ad esse corporis.

#### A X I O M A.

Ex duobus completis non fit *unum per se*.

Lim. 1. Si sint *diversae naturae*. 2. Si sint completa etiam in *subsistendo*. 3. Si maneant in statu *completo*, nec induant habitum in *completi*.

### C A P U T XXII.

#### *De Permanente & Successivo.*

##### *Ambiguitas.*

I. Permanens sumitur vel *generaliter*, vel *specialiter*, vel *specialissime*.

*Generaliter* sumptum formalem rationem *durationis* insinuat, & omni enti competit (tam *successivo* quam *permanenti*) quia omne ens durat; *Specialiter* acceptum notat istud, quod

quod totum suum esse *simul* habet, & sic successivo opponitur. Ita hoc loco sumitur. *Specialissimè* accipitur pro prorsus *immutabili*, & *cap. 6. §. 4. v. 4.* soli Deo tribuitur, quo sensu Psal. 102. v. 27. de ipso dicitur: Cœli peribunt, tu autem permanes.

*Formale.*

II. *Permanens* est, quod non habet partes sui esse *fluentes*.

§. I. Alii definiunt *affirmative*: quod habet totum suum esse, vel omnes partes sui esse, vel omnia, quæ ad esse requiruntur, *simul*. Verum feliciter *negative* (uti etiam explicant) describitur, quia e. g. Deus etiam est ens permanens sensu *Metaphysico*, ipsi verò nec *totum*, nec *pars*, propriè competunt, nec possunt plura de eo statui, quæ ad esse ipsius requirantur.

*Ambiguitas.*

III. *Successio* est 1. vel *imaginaria*, vel *realis*. 2. vel in *ordine naturæ*, vel in *ordine temporis*. 3. *positiva*, vel *privativa*. *Positiva*, vel *discretiva*, vel *continua* est.

*Imaginaria* concipitur per coexistentiam ad tempus. *Realis*, quæ non mente fingitur, sed revera datur. Quæ in *ordine naturæ* est, dicit prius & posterius naturâ. Quæ in *ordine*

## 276 De perman. &amp; success.

dine temporis est, dicit prius & posterius tempore. Fit autem sæpe, ut, quæ tempore *simul sunt*, succedant sibi invicem *ordine naturæ*, ut homo & risibilitas. *Positiva*, in qua omnia ea, intra quæ volvitur successio, sunt positiva. *Privativa* (rectius *negativa*) in qua sequuntur se invicem & non esse. *Discreta*, in qua ea, quæ succedunt sibi invicem, sunt entia totalia; ut cum homines in deductione funeris ordine *succedunt*. *Continua*, quæ datur inter partes ejusdem entis continuè coherentes. In hac ambiguitate ad hoc caput propriè pertinet successio *realis* (licet non omnis) ea, quæ est in *ordine temporis*; & *positiva, continua*.

*Formale.*

IV. Successivum est, quod habet partes sui esse in *fluxu*.

§. 1. Intelligitur hic talis *fluxus*, qui dicit aliquid rei jam *esse*, aliquid *fuisse*, & aliquid *futurum esse*: item, qui ad esse rei fluentis spectat, ut cessante fluxu ens etiam esse cesset, qualis est fluxus *temporis & motus*. Aqua fluit intra ripas, sanguis fluit in venis, vinum effluit ex dolio, &c. Sed hic *fluxus* ad esse rerum harum non spectat, quia aqua, sanguis, vinum manent, quod sunt, etiam cessante fluxu. Sunt ergo entia *permanen-*  
tia,

tia, quia totum suum esse quovis momento *simul* habent, & *fluxus* ipsorum ad essentiam non spectat.

§. 2. Genuina requisita *entis successivi*, sunt 1. ut habeant *partes*, quæ certo modo *partes essentielles* possunt vocari. Sic temporis partes sunt momenta. 2. ut partes omnes *continue* sibi invicem succedant, non contiguè. 3. ut partes omnes non existant *simul eodem momento*. 4. ut *succedant* sibi invicem *prioritate & posterioritate* temporis.

## PROBLEMA TA.

*I. An permanens sit describendum ex diuturnitate?*

Neg. Nam multa non diu *durant*, & tamen *permanentia* sunt, sensu Philosophico. Dicimus ergo, quod termini philosophici non sunt definiendi ex usu philologico & vulgari.

*II. An ens successivum coexistat solum præsentì?*

Aff. Sed non quoad omnes partes *simul*. Quædam enim *fuerunt*, quædam *sunt*, quædam *futuræ sunt*. Ens successivum existit quoad *partes*, quæ *præsentes* sunt, ita tamen, ut hæ indivisim copulentur à priori & posteriori cum reliquis partibus, quæ etiam ali-



aliquando præsentes fuerunt vel erunt. Sed dixerit aliquis: *Ens actu* est objectum Metaphysicæ. Ast, quod fuit vel erit, non est *actu*. R. *Ens successivum* est *ens actu*, licet non quoad partes præteritas & futuras, si modo pars *præsens* semper adsit, quæ est pars quasi *formalis*, quia *priores* cum *posterioribus* copulat. Possit hæc res quodammodo adumbrari in rota, juxta quam auriga ambulat. *Aequali* motu *præsens* semper est rota pedibus aurigæ, sed non quoad omnes partes simul. Quoties pes terram calcit, toties rota illam quoque premit, sed jam hac, jam illa abside, ita ut semper quædam recesserint quædam immineant, quæ per *vices* tamen & *successive* omnes aliquando pedibus præsentes sunt: ita *ens successivum* semper coexistit *præsenti*, sed non quoad omnes partes *simul*, licet omnes partes *distinctis vicibus* præsenti respondeant.

III. *An motus sit ens successivum?*

Aff. Sed non omnis. Communiter sex species *motus* statuuntur: *Generatio*, *Corruptio*, *Augmentatio*, *Diminutio*, *Alteratio*, & *Latitudo* seu *motus localis*. Ex his 4 ultimi *motus* sunt *successivi*, (si sc. *alteratio* ad qualitates reales restringatur.) *Generatio* & *corruptio* enim fiunt in *instanti*, nec propriè *motus* dicuntur.

IV. *Utrum tempus sit ens successivum?*

Resp. Sunt duæ quæstiones. Primò quæritur, an *tempus* sit ens? Neg. Est tantum entis *affectio & modus*, à quo jam *extrinsece* (uti in *Physica*,) jam *intrinsece*, (ut in *Metaphysica*) denominatur. Secundò: an *modus* hic sit *successivus*? Aff. Si sc. intelligatur *tempus physicum*, quod judicatur ex coexistentia ad motum cœlestium corporum. Quia enim iste motus est ens *successivum*, ideo etiam duratio istius motus, à qua extrinsecè res naturales *mensurantur & denominantur*, est *successiva*. *Metaphysicum* vero *tempus* (quod est talis duratio, quæ *initium & finem* importat) præscindit à *permanente & successivo*, & ad utrumque indifferenter se habet. Quoddam ergò *tempus Metaphysicum* est *permanens*, ut duratio essentiae hominis, leonis, folis, &c. Quoddam verò est *successivum*, ut duratio motus hominis, leonis, folis, &c.

V. *Num actio & passio sint entia successiva?*

Aff. Sed *particulariter*. Generatio est actio, sit tamen in instanti: illuminatio respectu ejus, quod illuminatur, est passio, absq; successione tamen fit. Proinde distinguendum est inter *actiones & passiones*, quæ fiunt cum  
motu,

*motu*, & quidem *successivo*; & quæ fiunt sine *motu*. Omnes istæ actiones & passiones sunt *successivæ*, quæ fiunt cum *motu successivo*.

### AXIOMATA.

I. Omne ens est vel *permanens*, vel *successivum*.

II. Ens *successivum* reperitur tantum in prædicamento *actionis* & *passionis*.

Reliqua prædicamenta mera continent *permanentia*. Non putandū autem, quod omne, quod in prædicamento *actionis* & *passionis* locum habet, sit ens *successivum*, nam dantur etiam actiones & passiones *permanentes*, uti ex præcedentibus patet.

III. Ad actualem existentiam entis *successivi* satis est, si pars præsens *actu* existat.

Reliquæ partes non debent *actu* simul adesse, quia alias esset ens *permanens*.

## CAPUT XXIII.

### De Indefinito & Definito.

#### PRÆCEPTA.

##### *Ambiguitas.*

I. Definitum vel respicit *definitionem*, vel *ubietatem*.

Illo modo ens dicitur *definitum*, cuius essentia *oratione definita explicatur*. Sed hæc acceptio est Logica. *Hoc modo definitum est, quod non est ubique.*

II. *Definitum (quatenus respicit ubietatem) fumitur vel generaliter vel specialiter.*

*Generaliter* definitum esse dicitur, quicquid ita est alicubi, ut non sit *alibi*, quomodocunque etiam hoc fiat, sive per *localem circumscriptionem*, sive sine ea. Hæc acceptio est huius loci. *Specialiter* definitum si fumitur, opponitur *circumscripto*, & sic excludit *localem circumscriptionem*.

*Formale.*

III. *Definitum est, quod habet ubietatem finitam.*

Quid sit *ubietas finita*, explicatur supra, ubi describitur per adessentiam *determinatam*. Quicquid ergo ita est alicubi, ut *alibi* per naturam suam non sit, (uti omnis creatura) illud h. l. est *definitum*.

### DIVISIO.

IV. *Definitum est vel definitum in specie, vel circumscriptum.*

Hi termini explicantur in capite de *Ubietate*, in quo per enumerationem specierum via præparatur ad hanc affectionem disjunctionem.

ctam. Nota, quidam Metaphysici disjunctas affectiones *mediatas* statim addunt *unitis* istis, unde originem trahunt: e. g. *Unitati* statim subjungunt doctrinam de *simplici & composito, eodem & diverso, toto & parte, &c.* Nos vero melioris doctrinæ ergo disjunctas peculiari tractatu tradimus, ad memoriam juvandam & confusionem evitandam.

*Ambiguitas.*

V. Indefinitum sumitur vel *complexè* vel *incomplexè*.

*Complexè* sumptum notat propositionem, cui non est additum *signum quantitatis*, de qua Logici. *Incomplexè* notat ens, quod non ad certum ubi est determinatum.

*Formale.*

VI. Indefinitum est, quod habet obiectam *infinitam*.

Tale ens est solus Deus. Hujus enim ad essentiam est *interminabilis*, non tantum quoad *terminum actuale*, quod non sit terminata, sed etiam *potentiale*, qui nullo modo potest terminari.

PROBLEMATUM.

I. *An humana Christi natura sit ens indefinitum?*

Neg.

Neg. Ens enim verè indefinitum ita est *ubique*, ut non possit non esse *ubique*, & quidem *naturâ suâ & essentialiter*. Humanitas Christi vero *naturâ suâ & essentialiter* non est *ubique*.

II. *An ens definitum possit fieri indefinitum?*

Neg. Nam *indefinitum* notat solum Deum. Nulla autem *creatura* potest essentialiter fieri *Deus*.

### A X I O M A.

Omne ens est vel *definitum* vel *indefinitum*.

Immediatè enim sibi opponuntur adessentia in *ubi* determinabilis & indeterminabilis (seu non determinabilis.)

## CAPUT. XXIV.

### *De Subiecto & Adjuncto.*

Absolutæ hæcenus sunt affectiones entis disjunctæ *primariæ*, tum *immediatæ*, tum *mediatæ*; Sequuntur jam *secundariæ*, utpote *Subiectum & Adjunctum, Absolutum & Respectivum, Mensura & Mensuratum, Signum & Signatum*. Sint ergo de *Subiecto & Adjuncto*

## P R Æ C E P T A.

*Ambiguitas.*

I. Subjectum sumitur vel *philologicè* vel *philosophicè*, & hoc modo sumptum opponitur vel *prædicato*, vel *adjuncto*, vel ei, quod *circa aliquid occupatur*.

*Philologicè* sumptum notat *subditum*, quomodo Oratores & Poëtæ hunc terminum usurpant. Quando *prædicato* opponitur, est juxta ordinem Logicorum *pars propositionis prior*, & dicitur subjectum *prædicationis*. Cum *adjuncto* opponitur, denotat ens, quod præter suam essentiam aliquid in se recipit, & dicitur subjectum *attributionis*. Ita accipitur h. l. Cum verò opponitur ei, quod *circa aliquid occupatur*, notat objectum, quod alio nomine dicitur subjectum *occupationis*, *considerationis*, vel *transactionis*.

II. Subjectum occupationis seu objectum est, circa quod *occupatur* aliquid.

*Objectum* quidem æquivocè tantum huc spectat; attamen, ut paucis ejus doctrinam hic explicemus, ratio hæc est: Quia commodior locus in receptis hætenus affectionibus non occurrit. Necessarium omnino est *objecti* naturam scire, quia multoties in philosophia ejus fit mentio: Ergo in aliqua disciplina

sciplina de eo ex professio agendum est. Dices: agit de eo Intelligentia & Gnostologia. Resp. Ibi agitur tantum de *objecto* disciplinarum & nostræ cognitionis; Dantur verò alia adhuc *objecta*: *lux* & *calor* sunt objectum visus, etiam in brutis: *ferrum* est objectum magnetis: *terra* est objectum Solis illuminantis: *succus* certus est objectum plantæ attrahentis, *centrum* terræ est objectum gravium, &c. Ergo generalior tractatio alicubi instituenda est. Dices: Eset introducenda peculiaris *affectio disjuncta*, qua omne ens diceretur aliquo modo *occupabile*, alio modo *inoccupabile*, vel aliter. Resp. Hoc non est de nihilo. Quia alii vero Metaphysici in hoc capite de *objecto* agunt, & de innovatione, licet proficuâ, non æquè omnes judicent, nos hic etiam naturam *objecti* paucis explicamus. Definitio jam data est: sequitur divisio.

### III. Objectum est vel *adequatum* vel *inadequatum*.

Illud est, quod *æque* late patet cum occupante: Hoc, quod *angustius* vel *latius* est suo occupante: i. e. eo, quod circa illud versatur.

*Adequatum* objectum solet etiam dici *totale* & *proprium*: *Inadequatum* *partiale*.



## 286 De subiecto & adjuncto.

& commune. Sic totale & adequ. objectum physicæ est corpus naturale: *partiale* cœlum, homo, aër, &c. Huc pertinet distinctio objecti in objectum *adequationis* & *perfectionis*. *Adequationis* jam descriptum est. *Perfectionis* est nobilissimum in objecto totali. Sic homo est objectum *physicæ perfectionis*, quia inter corpora summam obtinet nobilitatem. Sic Deus est objectum *perfectionis Pneumaticæ*, quia inter spiritus infinitis modis eminet.

### IV. Objectum est vel *per se*, vel *per accidens*.

Illud est, circa quod occupans *per se* verifatur. Hoc, circa quod *per accidens* aliquid occupatur. Sic objectum voluntatis *per se* est bonum, *per accidens* malum. Objectum plantæ *per se* est succus naturæ ipsius conveniens, *per accidens* disconveniens. Cum enim non invenit idoneum nutrimentum; attrahit interim nocivum, licet tandem exinde arefcat.

### *Formale subiecti.*

V. Subiectum est ens, cui aliquid junctum est, quod non ingreditur ejus essentiam.

§. 1. *Subiectum est ens*. Non ens, sicut fingitur esse, ita etiam aliquando fingitur esse *subiectum*; In re verò non est *subiectum*.

§. 2.

§. 2. Non restringimus *subjectum* ad *substantiam*, quia *accidens* etiam interdum est *subjectum*; ut, *Intellectus* est *accidens* animæ, est autem *subjectum* scientiæ. *Subjectum* ergo potest esse tam *substantia*, quam *accidens*.

§. 3. Per *aliquid* hic non strictè peculiare ens intelligitur, sed *latior conceptus*, qui tam enti, quam entis modis competere potest. Sive ergo sit *substantia*, (ut concionator respectu cathedræ) sive *accidens*, tam extrinsecus quam intrinsecus *subjectum* afficiens, (ut intellectus & habitus respectu hominis) sive *modus* (ut unitas respectu entis) *adjuncti* nomine venire potest. Sed dices: hæc ampla acceptio ñ *aliquid* est impropria, quia *aliquid* est synonymum entis p. 34, 35. *Modus* autem non est ens. R. Sicut *ens* improprie ampliatur, ut denotet ens *reale* & *modale* p. 9, 10. ita etiam ejus synonymum *aliquid*, idque propter defectum vocabulorum.

## DIVISIO.

VI. 1. *Subjectum* est vel *quo*, vel *quod*.

VII. *Subjectum quo*, est, quo interveniente *adjunctum* jungitur *subjecto* Quod s. *fundamentali*. Et est interdum vel *mediatum* vel *immediatum*.

Dicitur aliàs Subiectum *partiale*, & in plerisq; exemplis subiectum *informationis*.

VIII. Subiectum *quod* est, quod *ultimatè* & *fundamentaliter* sustinet adjunctum.

Dicitur alias subiectum *totale*: item *denominationis*, quia hoc præcipue ab adjuncto *denominatur*. Exempla: Johannes est subiectum *quod* vestimenti: superficies corporis est sub. *Quo*. Socrates est subiectum *Quod* sapientiæ, iste enim à sapientiâ suâ *denominatur* sapiens: anima ejus est subiectum *quo*, *mediatum*: intellectus subiectum *quo*, *immediatum*.

IX. 2. Subiectum est vel *adequatum* vel *inadequatum*.

§. 1. *Adequatum* est, quod cum adjuncto *reciprocatur* & æque late patet. Dicitur etiam subj. *proprium universale*, *ἰδιότροπον* & *ἰδιότροπον*; ut homo respectu risibilitatis, ens respectu unitatis, ver. bon. &c. Corpus ratione quantitatis.

§. 2. *Inadequatum* est, quod non æque late patet, sed est *angustius* adjuncto. Dicitur etiam *commune, particulare*, ut cælum respectu quantitatis: homo respectu sensus.

§. 3. Porro inadæquatum est vel *primarium*, cui primariò & *πρῶτον ἐξ ὅχου* adjunctum convenit; Vel *secundarium*. Sic Deus est pri-

primarium subiectum veritatis, sapientiæ, bonitatis, &c. Creatura secundarium.

X. 3. Subiectum est vel *absolutum*, vel *limitatum*.

*Absolutum*, quod *simpliciter* absque ulla restrictione à suo adjuncto denominatur; ut corpus respectu quantitatis. *Limitatum*, quod cum *restrictione* ab adjuncto appellatur, ut homo respectu immortalitatis, quæ ei post lapsum tantum *secundum animam* competit.

XI. 4. Subiectum est vel *per se*, vel *per accidens*.

Sic homo *per se* est subiectum virtutum, *per accidens* verò vitiorum.

*Formale adjuncti.*

XII. *Adjunctum* est, quod alicui ita additum est, ut non ingrediatur ejus essentiam.

Hæc definitio intelligitur satis ex iis, quæ circa def. Subiecti dicta sunt.

### DIVISIO.

XIII. 1. Adjunctum est vel ex *substantiarum*, vel *accidentium*, vel *modorum* genere. Th. 5. §. 3.

Ex genere substantiarum etiam dantur

adjuncta. Talia sunt, e. g. aurum in poculo deaurato : ligna respectu portantis : &c.

XIV. Adjuncta ex accidentium & modorum genere sunt vel *propria*, vel *communia*. Et illa vel *simplicia*, vel *conjuncta*.

*Proprium* adjunctum est, quod ordinariè *omni* (individuo,) *soli* (speciei) & *semper* additum est, & ita quidem, ut conveniat ipsi *primo*, (non secundariò, uti calor aquæ,) *per se* & *necessariò*, (non per aliud, nec per accedens & contingenter) & *adequatè* (ut cum subjecto recipiari possit) e. g. calor est proprium ignis, risibilitas hominis, (actus ridendi potius est effectus, quam prop. adj. hominis) æternitas Dei, duratio entis, quantitas corporis, &c.

§. 2. Particulæ illæ : *omni individuo*, & *soli speciei*, intelligendæ sunt de istis subjectis, quorum plura individua dant *speciem*, vel quasi *speciem*. Nam Deus etiam est subjectum suorum *propriorum*, non tamen plures Dii dant unam speciem.

§. 3. *Proprium* est vel *simplex*, quod *simpliciter* subjecto competit ; ut calor in igne ; vel *conjunctum*, quod *conjunctim* subjecto universali adjungitur & disjunctim ad inferiora distribuitur, quomodo ens est vel finitum vel infinitum.

§. 4. *Commune* est, quod cum subiecto non recipitur, & quod *pluribus* subiectis specie, vel quasi specie, diversis *equaliter* junctum est, ita scilicet, ut non uni *primò* & *per se*, alteri *secundariò* & *per aliud* afficit. Sic adjuncta communia sunt: albedo, eruditio, nobilitas, &c. ex accidentium genere: Contractio, ex porrectio (manus, pedis, frontis, cervicis, &c.) ex modorum genere.

XV. 2. Adjunctum (in genere) est vel *separabile*, quod naturaliter re ipsâ à subiecto *separari* potest: Vel *inseparabile*, quod naturaliter re ipsa à subiecto *non potest separari*.

§. 1. Porphyrius Instit. c. 5. tantum accidens commune distinguit in *separabile* & *inseparabile*. Nos verò hanc distinctionem tribuimus omni adjuncto in genere, sive sit *substantia*, sive *accidens*, sive *modus*, sive adj. *proprium* sive *commune*: Quia Philosophia nostra à Porphyrii tempore crevit & ampliata est ex exemplorum ampliacione. Variatâ habitudine exemplorum varianda quoq; præcepta sunt, quæ ex exemplis fiunt.

§. 2. Hæc divisio verò non restringenda in suis membris est ad priorum divisionum membra, quasi e. g. *proprium* sit *inseparabile*, *commune* verò *separabile*, nam dantur etiam

*communia inseparabilia*, ut cavitates venarum & intestinorum, quantitas hominis, &c. Sed à summo iterum incipiendum, & adjunctum *in genere spectatum* de novo ad inferiora *confusè ja* entia est distribuendum: Sic omne adj. est vel *separ.* vel *inseparabile*. Similem modum habemus in divisione *potentie*, quæ primum dividitur in *activam* & *passivam*, & deinde de novo ab activa & passiva præcisa, in *rationalem* & *irrationalem*.

§. 3. Restringimus autem *separabile* & *inseparabile* ad *naturalem* rerum habitudinem; partim, quia *usus* hos terminos ita limitat, partim etiam, quia *recepta definitio* proprii hoc postulat. Licet enim propria quædam *potentia Dei absoluta* possint, à subiectis suis separari, tamen definitur proprium, quod *semper* adsit, hoc est *inseparabiliter*, secundum *naturalem constitutionem* scilicet. Quamvis ergo quædam *extraordinarie* separari possint, *ordinarie* tamen nihilominus dicuntur *inseparabilia*.

§. 4. Dicuntur etiam, quod *re ipsa* debeant separari, vel non separari posse. Hac voce removemus *mentalem* separationem, quæ alias vocatur *abstractio*, & est consideratio unius relicto alio, quod ipsi de facto est conjunctum. Nam propterea res non statim separabilis dicenda est, quia *mens* separationem fingere potest.

PRO-

## PROBLEMAT A.

I. *An subjectum & adjunctum semper distinguantur realiter?*

Neg. Dantur enim adjuncta, quæ non differunt à subjectis suis, ut *res à re*, vel *modus separabilis à re*, unde sequitur, quod non differant *realiter*. Talia sunt affectiones entis absolutè inseparabiles, unitas, ver. bon. &c. Talia etiam sunt attributa Dei, quæ in re ipsa sunt ipse Deus. Non enim concedimus Photinianis, quod in *Deo* revera sint *accidentia*, ab essentia ejus *realiter* distincta. Ita attributa verò sunt *adjuncta* Dei secundum phrasin Scripturæ, non quidem *realiter*, quasi re ipsa Dei essentiæ aliquid additum sit, *conceptibiliter* tamen, & *formaliter*. Dicitur tamen à Justitia *justus*, à Misericordia *miseri-cors*, à Potentia *potens*, &c. Scriptura autem loquitur item eam ob causam, ut succurratur imbecillitati nostri intellectus, qui non omnia, quæ alias sunt ipsa simplicissima Dei essentia, potest uno conceptu adæquatè & distinctè apprehendere, sed distinguit more in creaturis usitato essentiam quasi ab istis, quæ secundum nostrum concipiendi modum *consequuntur* essentiam. Idcirco distinctum format conceptum de *subjecto*, & distinctum de *adjuncto*. Sed dicis: Ita peccatur-



294 *De subjecto & adjuncto.*

tur in naturam affectionum entis, quæ sunt reales, & competunt enti præter mentis nostræ operationem. Resp. 1. In genere, quod subjectum & adjunctum constituent affectionem disjunctam *secundariam*. Secundariæ verò non sunt ita puræ ab ope mentis, uti primariæ, sed interdum *denominatio* in iis magis fit à dispositione intellectus. 2. In specie, quod mens non plane *figat* hîc distinctionem inter subjectum & adjunctum, sed quod scriptura ei *fundamentum* præbeat, dum attributa varia per modum *adjunctorum* de Deo enunciat. Licet ergo non subsit fundamentum *rei* quia in Deo nil est, quod non sit Deus ipse; subest tamen fundamentum *revelationis* ad captum nostrum directæ, quod tantum realitatis omnino habet, ut possit dare affectionem realem *secundariam*.

*II. An propria possint à suis subjectis separari?*

Status controversiæ hic est: *An adjunctum proprium* (sive sit ex accidentium sive ex modorum genere) *ad modum actus primi consideratum*, (nam actus *secundus* effecti potius, quàm adjuncti rationem habet) *reali* (non mentali) *separatione* (sive sit mutua sive non mutua) *possit à suo subjecto separari*. Resp. per distinctiones. 1. Distinguendum est

est inter *propria* ea, quæ *realiter* à subjecto differunt, & ea, quæ *non realiter ab illo distinguuntur*. 2. Distinguendum est inter id, quod fieri potest per potentiam Dei *absolutam*, & illud, quod potest fieri juxta ordinem in *natura institutum*. His distinctionibus præsuppositis, dicimus, (1) quod *propria, quæ non realiter à subjectis distinguuntur nullo modo possunt à subjectis separari*. Ratio hæc est, quia talia propria in re sunt ipsum *subjectum*, quod sub inadæquato conceptu menti repræsentant. Nihil vero potest à seipso *separari*, & si posset aliquid à seipso *separari*, non esset sanè idem ipsum, sed *realiter* differret a seipso, quod planè contradictorium est, quia idem esset simul & non esset. (2) Ea vero *propria, quæ realiter à subjectis differunt, potentiâ Dei absolutâ ab istis possunt separari*, licet per *naturam* sejungi non possint, sed *necessario & semper* ipsis juncta sint. Quidni enim Deus possit influxum conservativum essentiæ *subjecti* largiri, eum verò retrahere & suspendere in ordine ad emanationem *proprii*. Sicut copulavit in creatione rerum adjuncta propria cum subjectis, ita nexum hunc iterum potest dissolvere.

### III. An substantiæ possint esse adjuncta?

Aff. Tinctus ligni, Gypsum parietis, aurum poculi deaurati, materia vestimenti,  
ho-

296      *De subjecto & adjuncto.*

hominis *adjunctum* est. Talia autem substantiæ sunt. Propterea Th. V. dictum est, quod *adjunctum* in debita sua amplitudine etiam *substantias* complectatur.

*IV. Num accidentia possint esse subjecta?*

Aff. Subjectum quod quidem juxta ordinem naturæ esse non possunt, (absolutâ Dei potentiâ fortasse possunt) sed subjectum quo frequenter sunt. Physica, Metaphysica, &c. non sunt in anima nostra *immediate*, sed *mediate* intellectu, qui in hoc negotio subjectum quo est.

A X I O M A T A.

I. Omne ens est vel *subjectum*, vel *adjunctum*.

II. Subjectum & adjunctum non *necessario* differunt *realiter*.

Deus e.g. est *subjectum* suorum attributorum, à quibus *realiter* non differt. Vid. Q. I.

III. *Proprium* unius non potest esse *proprium* alterius.

Nam *proprium uni soli* competit; Ergo non competit pluribus, hoc est, non *uni soli*.

IV. *Receptivum* non recipit ad modum *imprimentis*, sed ad modum *receptivitatis suæ*.

Sunt verba Scaligeri Exerc. 36. s. 2. Hoc autem

autem volunt: Cum subjectum aliquid *recipit*, secundum suam *aptitudinem* recipiendi recipit, adeo ut, licet agens omni conatu *imprimit*, non fiat *receptio*, nisi subjectum sit aptum recipere. Sic brutum non potest fieri eruditum, licet diligentissime institutur, quia non est docile.

V. Unum numero *accidens* non potest esse in diversis numero subjectis.

Regulæ sensus limitatus hic est: Unum *accidens* singulare *simplex* non potest esse *simul* in realiter diversis subjectis *non subordinatis*. Dico 1. *simplex*; nam si *accidens* sit *aggregatum* aliquod vel *compositum* ex diversis partibus, potest secundum aliquid sui in hoc, secundum aliquid in alio subjecto, conjuncto tamen, esse. Sic *fides* quoad notitiam & assensum est in *intellectu*, quoad fiduciam in *voluntate*. Dico 2. *simul*; nam *successive* unum numero *accidens* potest esse in diversis subjectis non subordinatis. E.g. Cum in literato per lucubrationes spiritus subinde absumuntur, & cibis somnóque reficiuntur, species in mente non toties de lentur, sed propagantur de spiritu in spiritum. Dico 3. *non subordinatis*; nam cum sunt subjecta *subordinata*, ita ut unum sit subj. Quod, alterum quo; unum *mediatum*, al-

298 *De absoluto & respectivo.*

alterum *immediatum*, potest unum numero accidens in diversis subj. esse simul, ut cum dicitur scientia esse in homine, in anima, & in intellectu.

CAPUT XXV.

*De Absoluto & Respectivo.*

PRÆCEPTA.

*Ambiguitas.*

I. Absolutum opponitur vel *inchoato*, vel *ꝑ secundum quid*, vel *respectivo*.

Quatenus *inchoato* opponitur, significat *consummatum* & ad finem ductum, ut cum domus tandem quoad exstructionem absolvitur. Quando *ꝑ secundum quid* opponitur, idem est, quod *simpliciter* tale, & cui nihil de opposito admistum est, quomodo Deus dicitur *absolute* & simpliciter incorruptibilis, angelus *secundum quid* incorruptibilis. Quando vero *respectivo* opponitur, denotat ens, quod non habet *respectum* aliorum. Ita h. l. accipitur.

II. Absolutum (*quatenus opponitur respectivo*) est vel *positive*, vel *negative* tale.

*Positive* sumptum contradistinguitur ei, quod

quod positivè est *respectivum*. Ita hoc loco sumitur, & denotat ens cum affectione scil. modo in expressiore statu. *Negative* absolutum dicitur ens in præcisione & summa abstractione, antequam distinguatur in absolutum (positivè) & respectivum; ita enim se indifferenter ad utrumque habet, & *ab* hac disjunctione quasi *solutum* est.

*Formale.*

III. Absolutum est aliquid, quatenus non habet *respectum* ad aliud.

*Absolutum* dicitur quasi *ab* alio *solutum*, quia liberum est respectu ad aliud, si non omni modo, saltem aliquâ ratione; quapropter etiam in descriptione addimus restrictivam particulam *quatenus*. Removetur autem per *absolutum* quivis respectus, sive sit prædicamentalis, sive transcendentalis, quia uterque rem aliòrsum trahit. Sic Deus est absolutus à causa, quia nihil ad ejus esse dedit influxum.

*DIVISIO.*

IV. Absolutum aliquid est vel *primariò*, vel *secundariò*.

*Primariò* absolutum est aliquid, quatenus non habet respectum *prædicamentalem* ad aliud. Sic potentia audiendi est ens absolutum

### 300 *De absoluto & respectivo.*

tum *primariò*, non, quod planè nullum admittat respectum, respicit enim relatione transcendentali actum audiendi, ut & sonum, tanquam suum objectum, unde etiam non est *secundariò* absolutum; Sed quia non habet respectum *prædicamentalem*, tanquam famosiores, cujus naturam in parte speciali declarabimus.

Secundariò absolutum aliquid est, quatenus non habet aliquem respectum *transcendentalem*. Sic quantitas est absoluta à respectu ad objectum. Deus (qui etiam primariò absolutus est) non admittit respectum ad causam, nec respectum totius & partis.

V. *Respectivum* aliquid est, quatenus habet respectum ad aliud.

Hæc definitio ut rectè intelligatur, evolvenda est natura respectus in abstracto.

#### *Formale.*

VI. Respectus est modus, quo res aliorum terminatur.

Synonyma sunt: *respectus*, *relatio*, & *res*  $\pi$ , seu *ad aliquid* si sc. *res*  $\pi$  abstracte sumatur, nam aliàs etiam concretè pro respectivo accipitur. Quocunque autem nomine respectus dicatur, semper terminum infert, quod clarè ostendit vox *ad aliquid*: nam *ad* respectum

um denotat, unde relatorum natura dicitur ESSE AD; *aliquid* verò *respectum* terminat. Sive autem illud, ad quod *respectus* terminatur, jam detur in rerum natura, sive nondum detur, perinde est; nam e.g. causa respicit etiam causatum futurum, potentia videndi respicit actum visionis, licet eo ipso non fiat: Mathematicus habet respectum ad Eclipsin post 10. annos demum futuram.

*Distinctiones Nominales.*

VII. *Respectus* seu relatio est vel *realis*, vel *rationis*. Item vel *secundum dici*, vel *secundum esse*.

*Realis* est, quando præter mentis *fictionem* revera inter quædam datur habitudo, quomodo potentia ad actum, adjunctum ad subj. refertur. *Respectus rationis* est, quando habitudo ad terminum per *fictionem* mentis exfurgit; ut cum idem eodem planè modo ad seipsum refertur, ut cum genus ad speciem, species ad individuum respectum habet, &c.

Relatio *secundum dici* est, quæ nec *realis* habitudo est, imo nec *realis* habitudinis similitudinem, sed ejus solum nomen habet, ut si dicatur, rem cognitam habere respectum ad cognoscentem. Relatio *secundum esse* est, quæ est, quod dicitur.



## D I V I S I O.

VIII. *Respectus (realis & secundum esse)* est vel *Subsistens*, vel *Transcendentalis*, vel *Prædicamentalis*.

*Respectus s. relatio subsistens* est inter Personas SS. Trinitatis, quæ modo planè singulari realem respectum ad se invicem habent. Dicitur alias *relatio substantialis*; *personalis*, & *infinita*. *Respectus s. relatio transcendentalis & prædicamentalis*, quomodo differant, & quid utraque formaliter sit, in parte speciali, cap. de relatione explicabo.

## P R O B L E M A T A.

I. *An sit relatio rationis, cum ratio per cognitionem ad aliquod ens respectum habet?*

Neg. Sicut enim istud non statim est ens *rationis*, quod *ratio* habet, & cuius subiectum est; quia ita disciplinæ etiam essentia *rationis*: ita etiam ista *relatio* non statim in usu loquendi Philosophico est *rationis*, quam *ratio* ad aliquid habet; sed requiritur, ut habitudo ad terminum planè à *ratione* ficta sit. Mentis autem relatio ad ens cognitum non est *ficta*, sed *vera*; vera enim in cognoscendo (dummodo rectè cognoscat) à re cognita *mensuratur*, ejusque *speciem* in se recipit.

II. Num ens respectivum indifferenter se habeat ad relata prædicamentalia & transcendentalia?

Aff. Quia respectus prædicamentalis & transcendentalis conveniunt (non quoad nomen tantum, sed etiam quoad rem) in præciso conceptu respectus ut sic sumpti. Respectus enim in abstractâ naturâ consideratus est *modus*, quò res aliorum terminatur, Th. VI. Hoc *formale* potest tam prædicamentali quàm transcendentali applicari, quia secundum utrumque ens aliorum refertur.

### AXIOMATA.

I. Omne ens est vel *absolutum*, vel *respectivum*.

II. Nullum ens datur, quod non aliquo modo sit *respectivum*.

Regulæ veritas statim elucescit, si modo unicam istam disjunctionem entium consideramus, qua segregantur in *creatum* & *increatum*. Omne creatum ad minimum habet respectum *effectus* ad suam *causam*, quia ab ente increato certo modo productum est. Ens increatum, Deus scilicet ad omnes suas creaturas habet respectum *causæ* ad *effectum*.

III. Respectus, qua talis, non componit.

Quia

Quia non est ens, sed tantum *modus* entis. Ad compositionem autem requiruntur plura entia. Hinc regula: Modus non *componit*, sed *distinguit*.

## CAPUT XXVI.

## De Signo &amp; Signato.

## P R Æ C E P T A.

*Ambiguitas.*

- I. *Signum* notat vel *constellationem*, vel *prodigium*, vel *vexillum militare*, vel *rem ipsam intransitive*, vel *indicium cognoscendi*.

*Constellationes* in Astronomia dicuntur *signa*, unde *Zodiacus signifer* dicitur, quia 12 *signa* obliquo suo ambitu complectitur. In sacra Scriptura *prodigia* quandoq; dicuntur *signa*, ut Luc. xxi. 25. Act. ii. 19. vi. 8. Joh. iv. 54. &c. *Signa militaria* sunt *vexilla*, à quibus *signifer* dicitur persona, quæ ea portat. Aliquando per constructionem intransitivam *signum ipsam rem* notat (non rei *notam*) Sic Rom. iv. 11. *signum circumcisionis* denotat ipsam *circumcisionem*: Mat. xii. *signum Jonæ ipsum Jonam*. Præcipua vero significatio *signi* est, quando accipitur pro

pro eo, quod principio cognitionis aliquid *repræsentat*. Ita h. l. sumitur.

*Formale.*

II. Signum est, quod potentix cognoscendi aliquid *repræsentat*.

§. 1. Per *potentiam cognoscentem* intelligimus non tantum sensum, sed intellectum. Primitus proculdubio vox *signi* imposita est *notis* istis tantum, quæ *sub sensum* cadunt; crescente Philosophia ampliatus est terminus, ut competat istis etiam *signis*, quæ non nisi ab intellectu cognosci possunt.

§. 2. Importat autem *signum* duplicem respectum: unum ad *facultatem cognoscentem*, cujus cognitionem ad rem signatam quasi *dirigit*: alterum ad *rem signatam*, quam facultati cognoscenti idealiter præsentem sistit.

§. 3. Accidit verò sæpe, ut *signum* fiat *signatum*, & contra. E. g. Quando ex fumo ignem adesse colligimus fumus *signum* est; *Signatum* autem fit, si incipimus ipsius fumi naturam, materiam, &c. contemplari, quod facimus beneficio specierum sensibilium & intelligibilium, quæ fumi *signa* sunt, eumque menti nostræ *repræsentant*, etiam si non amplius adsit.

§. 4. Vox *repræsentat* in definitione non  
re-

restringenda est ad solum *actum* repræsentandi, quasi ad formale *signi* pertineat *actu* repræsentare *signatum* potentia cognoscenti. Nam limites, arbores, pali, &c. quibus agri & prata discernuntur, postquam in *signum* posita sunt, vel ratio *signi* ipsis addita est, semper sunt *signa* finium, licet interdum per multos dies & menses nemo accedat, qui *actu* exinde terminos cognoscat. Proinde indifferenter se habet signum ad *potentiam* & *actum*, ut signum sit, quod aliquid vel *actu* repræsentat, vel repræsentare potest.

### DIVISIO.

III. 1. Signum est vel *notificans*, vel *commonefaciens*, vel *obsignans*. *Notificans* est *necessarium* vel *contingens*.

*Notificans* alio nomine *nota* dictum est, quod rem ignotam indicat & *notam facit*, ut hederam venale vinum. Est vero duplex: *Necessarium*, Græcis præcipue *τεκναιον* dictum, est, quod rem *infallibiliter* notificat. Hujus *nota infallibilis* requisitum hoc est: ut *uni* & *soli* *notato* semper conveniat; est enim signum *proprium*, non *commune*. Quod pluribus *commune* est, illud non potest unum quid infallibiliter indicare. Sic infallibiles notæ veræ Ecclesiæ sunt pura verbi prædicatio & legitimus usus sacramentorum.

Con-

*Contingens* est, quod *contingenter*, *probabiliter* & *per verisimilitudinem* tantum aliquid indicat, ut cum pallor dicitur signum studii; lac signum partus : Græcis dicitur εἰκός; i. e. verisimile, probabile.

*Commonefaciens* est, quod novitiam rei cognitæ *conservat* & *renovat*. Gr. κοινωσύων; ut literæ commonefactoriæ.

*Obsignans* signum est, quod rem cognitam *obsignat* & *confirmat*. Gr. σφραγίς i. e. sigillum. Sic circumcisio Abrahamo erat sigillum iustitiæ fidei, Rom. 4. 11.

IV. 2. Signum est vel *significativum* vel *exhibitivum*; Gr. σημαντικόν vel μεταδοτικόν.

Sunt, qui hanc distinctionem rejiciunt, idè, quia omne *exhibitivum* sit σηματικόν Verum sufficit, si *formaliter* membra sibi opponantur, licet *materialiter* se invicem contineat.

Σημαντικόν f. *significativum* signum est, quod tantum *significat*, non autem exhibet signatum, ut hederæ. Dicitur alias *nudum*, non propter defectum significandi (alias enim non signum esset) sed propter *defectum exhibitionis*.

Μεταδοτικόν f. *exhibitivum* est; quod unà *exhibet* id, quod significat. Talia signa sunt Sacramenta.

V. 3. Signum est vel *formale* s. *immediatum*, vel *instrumentale* s. *mediatum*.

*Formale* est, quod *immediate* sine sui cognitione rem repræsentat, ut species sensibilis, intelligibilis. Dicitur *formale*, tum quia semper est *imago*, sc. *forma* signati, tum quia semper est *qualitas*, spiritalis scil. *qualitas* autem à quibusdam definitur accidens ad *formæ* modum subjectum afficiens.

*Instrumentale* est, quod *mediate* rem significat, & ante cognitionem signati prærequirit sui *cognitionem*. Sic limes primum cognitus in notitiam terminorum agri nos deducit. Vocatur *instrumentale* specialiter per synecdochen. Nam in genere loquendo omne signum est instrumentum ad cognoscendum signatum.

VI. 4. Signum est vel *naturale*, vel *arbitrarium*.

*Naturale* est, quod *naturalem connexionem* habet cum signato, ut hinnitus, rugitus, latratus, fumus, species intelligibilis.

*Arbitrarium* est, quod *ex extrinseco instituto* (divino vel humano) aliquid significat, ut Iris Gen. 9. 17. literæ, hedera, &c.

VII. 5. Signum est vel *doctrinale*, vel *non doctrinale*.

*Doctrinale*, quo in modo discendi & docendi

cendi utimur. Est verò signum doctrinale, vel *internum*, vel *externum*.

*Internum* est *Conceptus mentis*, qui est *no-*  
*ema*, quo aliquid intellectui repræsentatur.

Conceptus verò est varius :

(1.) *Vel objectivus, vel formalis.*

Utriusque natura ex L. I. C. I. seq. facile percipi potest.

(2.) *Vel rerum, vel verborum, vel notionum secundarum.*

*Conceptus rerum* (qui etiam *Conceptus realis* vocatur, est quo res ipsæ in statu *fundamental* vel *ideali*, vel *universali*, vel *formali* à mente concipiuntur.

*Conceptus verborum* (alias *verbalis*) est, quo voces secundum *materiale*, i. e. secundum *litteras* & *syllabas* concipimus, quod fit, quando *vocabula* linguarum memoriæ mandamus. Conceptus rerum & verborum communi nomine dicuntur *notiones primæ*.

*Conceptus notionum secundarum* (alias *intentionalis*) est, quo notiones secundas concipimus.

Est verò *notio secunda* (alias etiam *intentio secunda*, vel *conceptus secundus*) *conceptus mentis ad seipsam reflexæ*, qui à mente in modo versandi circa res tanquam ens rationis primis conceptibus (rerum sc. & verborum) non repugnantibus arte superimponitur,



*ut facilius & felicius circa res versetur, & difficultas tollatur, quæ se in veri cognitione & boni introductione offert.*

§. 1. Dicimus, quod *mens* in negotio notionum secundarum *ad seipsam reflectatur*. Ut hoc intelligatur, sciendum est, quod actus intellectus in cognitione rerum sit vel *directus* vel *reflexus*.

§. 2. *Directus* est, quo intellectus cognoscens non per compositionem, divisionem, & ratiocinationem, sed per *simplicem apprehensionem* & *intuitum* objectum cognoscit. Ita Deus cognoscit.

§. 3. *Reflexus* vel reflectitur *ad res* vel *ad ipsum intellectum*. Actus intellectus *ad res reflexus* est, quo intellectus *distinctâ & diversâ notitiâ* confert conceptum realem cum alio conceptu reali, & *per medium seu tertiam aliquod* ex ipsis rebus desumptum animadvertit, an recte duos conceptus *conjunxerit* vel *diviserit*. E. g. Noster intellectus disjungit conceptum cœli & leonis, in tali propositione: leo non est cœlum. Ut autem sciat, an recte divisio sit facta, iterum *ad res reflectit*, & quærit *tertium aliquod*, ex quo certus esse possit. Invenit illud in leone, qui animam habet, quam cœlum non habet; Unde ita concludit: Quodcunque est corpus animatū, illud, non est cœlum. Leo. E.

§. 4. Actus ad ipsum intellectum reflexus est animadversio certitudinis & facilitatis facta per rationem conceptibilem sc. per tertium aliquod, *ansâ à rebus datâ, à ratione fictum*, (non ex ipsis rebus desumptum) E. g. Qui discit linguam latinam, ille deprehendit, quod facilius possit voces apte conjungere, si regulas de terminatione teneat, & genus masculinum à fœminino, &c. casum à casu distinctè sciat dignoscere, quam si ex latinis scriptoribus absque ulla grammaticorum noematum cognitione solo usu legitimam omnium vocum coordinationem & inflexionem cupiat addiscere. Et quando tyro hujus linguæ incipit loqui, dum voces coordinatas profert subinde intellectus ipsius *super seipsum reflectitur & attendit*, an juxta præcepta Grammaticæ recte loquatur.

§. 5. Dicimus porro, quod intellectus occupetur circa notiones secundas in *modo versandi circa res*. Non enim *notiones secundæ* sunt ipsi conceptus rerum, sed tantum facilem reddunt *modum* concipiendi res.

§. 6. Porro, cum dicitur *primis conceptibus superimponi* secundas notiones, hoc non ita intelligendum est, quasi non plures, quam *duas notiones* vel *noemata* de unaquaq; re concipere possit intellectus, ita ut semper

*notio secunda* fit in ordine secunda, cum constet *plures*, tam primas, quam secundas notiones de una re sæpe formari, quæ utrinque per primam, secundam, tertiam, &c. numerari possent. E. g. Alia notio est, cum *hunc hominem* tanquam ens singulare concipimus, cui respondet notio *individui* in Logicis: Alia cum *hominem* concipimus ab omnibus singularibus hominibus abstractum, cui in Logicis respondet *species specialissima*: Alia, cum magis abstrahimus, & hominem vocamus *animal*, cui in Logicis respondet *genus*. Aliæ notiones sunt, cum hominem concipimus, ut *animatum*, ut *corpus mixtum*, ut *corpus*, ut *substantiam*: quibus in Log. respondent *genera & species subalternæ*, & *genus generalissimum*. Sic etiam unum vocabulum distinctis conceptibus, tam primis quam secundis apprehenditur. E. g. Alium conceptum in mente gignit vox  $\alpha\beta\gamma\theta$ , cui in Gramm. respondet notio casus *nominativi*; alium  $\alpha\beta\gamma\kappa$ , cui *genitivi*; alium  $\alpha\beta\gamma\phi$ , cui *dativi* notio respondet, &c. Non ergo ex numero notionum fluit denominatio vulgaris *primæ & secundæ* notionis, cum utrique plures ordine numerari possint: Sed respectus habetur ad *duo genera notionum*, quorum *prius* ad apprehensionem rerum & verborum; *alterum* ad

mo-

modum apprehendendi res & verba spectat. Quæcunque e. notio ex priori genere sumitur, dicitur *prima*, & ea, quæ in altero genere ipsi respondet, dicitur respectu suæ primæ *secunda*.

§. 7. Sed nec hoc prætermittendum est, quod *notiones secundæ* conceptibus primis non *repugnantibus* imponantur; Nam quodlibet non recipit quodlibet. Sic non repugnat voci *Deus*, unâ cum homine, lapide, cinere & aliis vilissimis rebus referri ad *genus masculinum*; Contra verè repugnat Deo, cum homine, angelo, &c. referri ad *speciem*. Species enim respondet *universali*: At Deus non est *universale* quid, sed ens *singulare*.

§. 8. Tandem dicitur, quod per notiones, secundas facilitetur *veri cognitio* & *boni introductio*. Verba hoc volunt, quod *notiones secundæ* succurrant *utrique facultati* primariæ animæ rationalis, *intellectui* scilicet, cuius objectum est *verum*, & *voluntati*, cuius objectum *bonum* est. Addi potest etiam altera facultas animæ secundaria, *sermo* scilicet, quem etiam certæ *notiones secundæ* dirigunt ad negotia verum & bonum concernentia. Ita autem inserviunt notiones secundæ *facultatibus animæ*: ut intellectus conceptus primos accurate ab invicem di-

*stinguere*, minus abstractum magis abstracto *subordinare*, consentanea *componere*, dissentanea *dividere*, unum ex alio legitime *colligere*, omnia in bono ordine *disponere*, ab aliis disposita *addiscere*, cujusvis rei naturam *definire*, & latentem veritatem ubique *indagare*, &c. possit: ad talia possunt *notiones secundæ Logicæ*, ut *genus species, individuum, prædicamentum, synonymum, paronymum, syllogismus, modi, figuræ & species syllogismorum, methodus, definitio*, &c. Obiter notetur de *locis topicis* (& aliis fortasse *materiis Logicis*) quod *realia*, quæ in istis continentur, e.g. *causa, totum, subjectum, adjunctum, simile*, &c. non sint *notiones secundæ*; nam modus argumentandi ex istis rebus tantum ad *secundas notiones* pertinet: *realia* ad *primas*. Porro ut homo hominem voce vel scriptis possit ea docere, quæ intellectus cognovit: ut homo sedulus ex omnium gentium scrutinio suam suppellectilem literariam, imò communia literati orbis studia augere, & cum viris doctis tam in patriis quam peregrinis oris præsens & absens de rerum difficultatibus conferre, ac ita suum intellectum acuere & firmare queat, linguæ necessariò addiscendæ sunt, cui studio opem ferunt *notiones secundæ Grammaticæ*, ut sunt, *casus, declinatio, conjugatio*, &c. Tandem,

dem, ut voluntas hominum ad virtutes colendas, vitia extirpanda, bonas leges observandas, & malas consuetudines abrogandas moveatur, ut affectus vehementes tranquilentur, torpida excitentur, & summatim omne bonum introducatur, magnam vim habet *flexamina oratio*, tam *prosa* quam *ligata*, quam dirigunt notiones *Rhetoricæ* & *Poeticæ*, ut sunt *tropi* & *figuræ* variæ, genera *causarum*, genera *carminum*, &c. quamvis hæ ipsæ *notiones* etiam secundo ad veritatem hominibus *persuadendam* faciant.

(3.) *Conceptus est vel adequatus, vel, inadequatus.*

*Adequatus* est, qui rem *totam* repræsentat, ut *conceptus essentiae*.

*Inadequatus* est, qui *aliquid* rei repræsentat; ut cum essentiam concipimus sub conceptibilitate boni, veri, &c.

(4.) *Conceptus est vel comprehensivus, vel apprehensivus.*

*Comprehensivus* penetrat objectum, illudque *exacte* cognoscit secundum intimam naturam. Talis est conceptus de homine.

*Apprehensivus* non penetrat objectum, sed *imperfecte* quædam tantum de eo novit. Talis est noster conceptus de Deo & ejus attributis.

NB. *Comprehensivus* non coincidit cum *adequato*; nam comprehendimus etiam *inadequatum* conceptum. e.g. Qui exacte didicit naturam *unius*, ille comprehendit *ens* sub *inadequato* conceptu.

(5.) *Conceptus est medius, vel ultimus.*

*Medius* (alias *non ultimus*) est, qui in tendentia ad idem objectum alium conceptum *præcedit*. Talis est conceptus *vocabuli*, quod vel plane non, vel non perfecte intelligimus.

*Ultimus* (seu *ultimatus*) est, quem alius conceptus ad idem objectum tendens *præcessit* (si scilicet *ultimatus positive* sumatur:) Talis est conceptus rei per vocabulum illud significatæ.

(6.) *Conceptus est vel distinctus, vel confusus.*

*Distinctus* (alias *præcisus*) est, quo unum certum objectum ab omnibus, quæ de facto ipsi sunt conjuncta, *abstrahimus*, & *in formali consideramus*: ut cum consideramus unum certum hominis adjunctum, v.g. facultatem loquendi.

*Confusus* est, quo multa *simul sub noemate aliquo communi*, in quo omnia conveniunt, apprehendimus, ita ut singula non cognoscantur alio atque alio conceptu, ut cum consideramus adjuncta hominis varia sub

notione adjuncti, non descendendo vel ad risibilitatem, vel ad voluntatem, vel ad docilitatem, &c. *sigillatim* considerandam.

Hæc dicta sunt de signo doctrinali *interno*, conceptu sc. de quo aliquanto prolixius agendum fuit propter materiæ obscuritatem & utilitatem. Sequitur jam signum *doctrinale externum*.

*Externum* signum doctrinale est duplex; *Vox & scriptura*.

Vox est signum conceptus & rei arbitrarium, linguâ formatum. Variæ autem sunt acceptiones *vocis*, nam sumitur vel *materialiter* pro literis & syllabis, unde *suppositio materialis* suum nomen habet; vel *formaliter* pro re significata. Porro est vel *concreta*, vel *abstracta*; vel *certa*, vel *ambigua*; *Categorematica*, vel *Syncategorematica*, &c.

*Scriptura* est signum rei, conceptus, & vocis arbitrarium, actu scribendi formatum.

*Non-doctrinale* signum est, quo in modo discendi vel docendi non utimur, ut sunt *hiinnitus, latratus*, &c. *Non-doctrinalia* autem non ideo vocantur, quasi ex istis nihil possumus discere, cum eo ipso, dum signant, informetur intellectus de signato; sed quia iis non utimur in *modo* docendi & discendi *ut* *ex* *o* *xi* ita dicto, qui conceptu, voce, & scriptis absolvitur.



VIII. 6. Signum est vel *rememorativum*, vel *demonstrativum*, vel *prognosticon*.

*Rememorativum* est, quod signat rem *præteritam*, eamque revocat in memoriam. Sic statua Rolandi est *signum* istius herois & heroicorum ipsis factorum.

*Demonstrativum* est, quod signat rem *præsentem*. Sic pulsatio ostii indicat adstare hominem.

*Prognosticon* est, quod signat aliquod *futurum*. Sic varia observant Medici signa prognostica de eventu morborum vel salutari vel tristi, quæ videri possunt per totam practicam Sennerti.

IX. 7. Signum est vel *theoreticum*, vel *practicum*.

*Theoreticum* est, quod per se nihil efficit, sed tantum signat, ut imago principis.

*Practicum* est, quod non tantum signat, sed per positivum influxum per se simul aliquid *efficit*. Sic cum lignator securim elevat, securis illa non tantum est signum inferendi ictus, sed positivè quoque ipsum ligno infert.

X. 8. Signum est vel *manifestativum* tantum, vel simul *suppositivum*.

*Manifestativum* est, quod tantum *notificat* rem, non autem in sermone pro ea re  
sup-

supponit. Sic pulsus campanæ auditus imminuentem Dei cultum notificat, non autem in sermone cultum *infert*, quem non intelligimus vocibus istis auditis.

*Suppositivum* est, quod rem *notificat*, & simul *stat* vel *supponit* in enunciatione pro re significata. Sic vox *magnes* supponit pro certo lapide; cum enim dicitur, *magnes trahit ferrum*, intelligo, quod res ea, quæ dicitur *magnes*, trahat ferrum.

XI. *Signatum* est, quod potentia cognoscenti *per signum repræsentatur*.

Signati natura ex deductione signi facile percipitur.

## PROBLEMAT A.

I. *An omne signum necessario sit sensibile?*

Neg. Species intelligibiles omnino sunt *signa* objectorum, quæ menti repræsentant, unde etiam Alstedius Metaph. c. 43. Encyl. p. 619. signo formali exempli loco subjungit speciem intelligibilem: sed non sunt sensibiles & visibiles istæ species. Idcirco dicimus, quod *signum* indifferenter se habeat ad sensum & intellectum.

II. *An ad rationem signi in genere sumpti requiratur, ut prius se, deinde signatum repræsentet?*

Neg.

Neg. Quia dantur *signa*, quæ verè signatum repræsentant, sine tamen sui cognitione. Talia sunt *signa formalia* Th. V.

*III. An conceptus apud omnes sint iidem?*

Resp. Distinguendum est inter conceptus *rerum*, *verborum*, & *notionum secundarum*. Conceptus *rerum* apud omnes sunt iidem hoc est similes. Quia enim *essentie* rerum ubiq; *eadem* manent *imagines* essentiarum, quas *conceptus* continet, etiam oportet esse *easdem* ubique. Sed manendum est in circulo, quatenus sc. ubique *veri* sunt conceptus, & ab ipsa *natura* suggeruntur. Nam si hic verum, iste falsum: hinc sola natura fluentem, iste arte elaboratum, & subtilibus abstractionibus acuminatum foveat conceptum, non sane per omnia sunt similes. Porro quia *verba* non apud omnes gentes sunt eadem, etiam *verborum conceptus* variant. Imo in eadem lingua alius per hoc, alius per aliud *sheryua* vocabula concipit: Conceptus *notionum secundarum* etiam non sunt apud omnes *iidem*, præsertim quia multi naturam earum nondum exploratam habent. Hic Grammaticus ex hac, ille ex alia *radice* vocem derivat. Olim homo erat generis communis, jam gen. masculini. Plerique 10 habent declinationes græcas: non-

nonnulli tamen 3. tantum, &c. *Notiones secundæ* non raro mutantur & perficiuntur instar hypothesium Mathematicarum, ex quibus alii terram moveri, alii eam stare affirmant.

IV. *An signum in genere sumptum necessario à signato realiter differat?*

Neg. Cum audimus aliquid *creatum* esse, statim colligimus inde, illud *ens* esse: Ergo *creatum esse* est signum *entis*, & tamen *ens* & *creatum esse* non differunt *realiter*, quia *creatum esse* est *modus inseparabilis*. Signum ægritudinis est febris, quæ ab ægritudine non differt *realiter*, quia se habet ut *species* ad *genus*.

AXIOMATA.

I. *Notæ sunt notiores notato.*

Si non semper quoad notitiam *conjecturalem* & probabilem, tamen quoad notitiam *infallibilem*.

II. Quod rem ipsam non verè *exhibet*, sed eam tantum *idealiter repræsentat*, id est, signum *nudum*, non *exhibitivum*.

Signum enim *exhibitivum* ipsum signatum non *idealiter*, sed *realiter* exhibet.

III. *Signum non est signatum.*

Si

## 322 De mensura & mensurato.

Si sc. considerantur *formaliter*. *Materialiter* enim si sumuntur, idem sæpe est *signum* & *signatum*.

---

### C A P U T XXVII.

#### De Mensura & Mensurato.

##### *Ambiguitas.*

- I. *Mensura* est 1. vel *intrinseca*, vel *extrinseca*. 2. Sumitur vel *activè*, vel *passivè*. 3. Vel *positivè*, vel *negativè*.

*Intrinseca* est, quæ mensurat rem *intrinsecè*, ita, ut certo modo idem sit mensura *sui ipsius*. Sic e. g. quidditatem rei dicunt esse mensuram ejus *intrinsecam*, quia per eam cognoscatur illius quantitas *perfectionis*. Sed hæc improprie dicitur *mensura*, & concipitur tantum ita ab intellectu. Nihil fanè potest esse positivè mensura *sui ipsius*, quia sic unum idemque esset notius & ignotius seipso. Juxta *mensuram intrinsecam* vero idem certo modo *sui ipsius* fit *mensura*. *Quidditas* cum dicitur mensurare perfectionem seipsam mensurat; mensurat enim eam secundum perfectionem, quia *mensura* debet esse homogenea *mensurato*. Ergo perfectio *quidditas* mensurabit perfectionem quidditatis. Absolum.

*Ex-*

*Externa* est, quæ mensurat aliud *extra* se. Hæc est hujus loci.

*Activè* accepta mensura est illud, quod *mensurat*, & *mensurans* dicitur. Ita hoc loco sumitur, quia mensurato opponitur.

*Passivè* est id, quod mensuratur, & dicitur *mensurabile* vel *mensuratum*. Sic tempus passivè dicitur *mensura motus*, id est, mensurabile motu.

*Positivè* dicta mensura est, quæ *activè* mensurat, & est hujus loci.

*Negative* mensura illud dicitur, quod à nullo mensuratur. Sic Deus est mensura sui-ipsius, non quod seipsum mensuret, sed quia non datur aliud, quod ipsum mensuret.

### *Formale.*

II. *Mensura* vel *norma* est id, ad quod aliud *suffcienter* examinatur.

Aliàs definitur ita: *Mensura* est, qua *quantitas* alterius cognoscitur; cum hac explicatione, quod *quantitas* indifferenter sit intelligenda ad quantitatem *molis* & *virtutis*. Verùm definitiones sint liberæ ab æquivocationibus & tropis. Æquivocè verò & per metaphoram *quantitas* tribuitur *virtuti* & *perfectiōni*, Propterea hæc explicatio *quantitatis* in definitione vacillat. Si verò *quantitas* (uti debet) pro sola *extensiva quantitate* acci-

### 324 *De mensura & mensurato.*

accipitur, definitio nimis angusta est. Licet enim terminus *mensura* primò impositus sit ad denotandum *mensuram quantitativam* propriè ita dictam, tamen postea ampliatus est, ut aliæ etiam species genuino titulo sub ipso còprehenderentur. Propterea nos sufficienter abstracto conceptu *mensurae* eam generaliter definimus, quod sit illud, *ad quod aliud sufficienter examinetur.*

#### *DIVISIO.*

III. Mensura est vel *quantitatis*, vel *perfectionis*, vel *veritatis*, vel *vitaë & morum.*

IV. *Quantitatis* mensura est, juxta quam alicujus rei *quantitas* propriè dicta *examinatur.* Estque rursus vel *adequata*, vel *inadequata* mensurato.

*Adequata* (alias mensura *adequationis*) æquè quanta est cum mensurato. Talis norma est *ulna* respectu æqualis quantitatis in *linteo.*

*Inadequata* minor est mensurato, & mensurat propter repetitionem, unde etiam alias mensura *repetitionis* dicitur. Sic *ulna* in respectu ad circumferentiam *pallii* est mensura *inadequata*, quia circulus iste per aliquotam *ulnae* repetitionem mensuratur. Dico, quod mensura *inadequata* minor sit mensurato. Nam si major sit, erit quidem inad-  
æquata

æquata habitudo ad invicem, sed ita ratio *mensuræ* perit, quia e. g. integro modio non potest mensurari quadrans hordei, nec integra tonnacantharus cerevisiæ, nisi arte major mensura resolvatur in minores. Hoc factò autem mensura, per quam potest mensuratio fieri, vel est *æqualis*, vel *minor* mensurando.

V. *Perfectionis mensura* est, juxta quam de *perfectiōe* alterius judicium fertur. Sic Deus est mensura creaturarum, homo viventium, &c.

Mensura hæc *perfectiōis* ita instituitur: Intellectus sumit præstantissimum in certo aliquo genere, illudq; facit mensuram. Deinde aliud cum hac mensura confert, & quo magis illud ad eam accedit, eo *perfectius*; quo magis ab ea recedit, eo *imperfectius* esse judicat. Sic homo in collatione ad Deum *perfectior* est bruto, quia quoad intellectum, voluntatem, &c. propius accedit, quàm brutum.

VI. *Veritatis mensura* est, ad quam *veritas* examinatur. Estque duplex: Mensura *veritatis* in *cognoscendo*, & in *essendo*.

*Mensura veritatis in cognoscendo* est, ad quam cognitio, an vera sit, examinatur. Hæc rursus est vel *principalis*, quæ nobis se offert  
tum



326 *De mensura & mensurato.*

tum in *natura*, quatenus res sunt mensura cognitionis nostræ; tum in *Scriptura*, quatenus verbum Dei revelatum est norma cognitionis in articulis fidei; vel *instrumentalis*, ut cum regulæ Logicæ de consequentiis, regulæ Grammaticæ de inflexione & connexione vocum, globus & circuli ejus in Astronomicis, muſtracula & exemplar in mechanicis, (quales normas factores, pictores, &c. habent) certiore reddunt hominum cognitionem.

*Mensura veritatis in essendo* est intellectus divinus.

VII. *Mensura vitæ & morum* (aliàs *moralis* est, ad quam; vita & mores nostri exiguntur.

Talis mensura sunt *leges naturæ* & *leges positivæ*, quæ in iis fundantur; præsertim autem *leges morales*, quæ in sacris literis præscribuntur.

VIII. 2. *Mensura* est vel *Lesbia*, vel *Polycleti*.

*Mensura seu regula Lesbia* est, quæ ad habitudinem rei mensurandæ *se accommodat*, & ita mensurat uti res patitur, adeoque non eadem manet. *Regula Lesbia* enim, seu regula structuræ Lesbiæ plumbea erat, & ad lapidis figuram torquebatur & inflectebatur,

tur, propter duritiem lapidum scalpro non cedentium. Tales regulæ sunt multæ regulæ *Logicæ*, quas ad materiæ ingenium accommodare debemus, uti in doctrina de methodo peculiari axiomate hoc præcipitur: Methodus inferviat rebus, non res methodo; unde regula Lesbica à quibusdam etiam dicitur *materialis*.

*Mensura seu regula Polycleti* est, quæ inter mensurandum se non accommodat ad habitudinem rerum, sed ad quam *res mensuranda sunt accommodandæ*. Talis enim fuit norma seu regula Polycleti, eximii istius statuarii. Talis etiam fuit libra Critolai, Philosophi istius Peripatetici, qui in alteram lancem libræ animi bona, in alteram corporis & externa bona imposuit, & tanquam Philosophus secundum ductum & naturam mensuræ *perfectionis* deprehendit lancem bonorum animi tantum propendere, ut terram & maria deprimat. Mensuram Polycleti quidam vocant *formalem*.

IX. *Mensuratum* est, quod *mensuratur* ad aliud.

## PROBLEMAT A.

I. *An Deus sit mensura perfectionis creaturarum?*

Aff.

### 328 *De mensura & mensurato.*

Aff. Quia per appropinquationem ad ipsum vel recessum ab ipso potest iudicium ferri de majori vel minori *perfectiōe* creaturarum. Sed dicis: Omnes creaturæ in infinitum à Deo distant: Ergo una non propius ad eum accedit, quam altera. Resp. Creaturæ non accedunt ad Deum, vel recedunt ab eo ratione *proportionis*, quasi multoties vel aliquoties iteratæ possint *adequari* infinito; sed vel ratione *attributiōis*, quatenus vel plures vel pauciores *perfectiōes* (licet alio modo) habent, (quas & Deus habet: ut sunt, *vivere, intelligere, velle, &c.* Sic, homo propius accedit ad Deum, quàm brutum, quia non tantum vitam, quæ etiam bruto competit, sed etiam intellectum & voluntatem habet, quibus bruta destituuntur; vel ratione majoris & minoris *recessiōis à nihilo*: Quæcunque creatura enim habet essentiam *perfectiorem*, illa magis recedit a non ente, quàm quæ minus perfectam essentiam habet (comparatè loquendo.)

*II. Quenam sint requisita sive conditiones mensuræ?*

Resp. i. *Mensura sit homogenea mensurato*, id est, mensura cum mensurato habeat convenientiam aliquam. Hæc sive sit *uni-*  
voca,

*voca*, five *analog*a, five *generica*, five *specifica*, &c. nihil interest. Non enim semper requiritur, ut *mensura* planè ejusdem rationis sit cum *mensurato*, uti longitudo non nisi longitudine mensuratur, quia aliàs Deus nullius rei mensura esset; sed sufficit, si adsit quæcunque *convenientia* ad mensuratum examinandum necessaria & idonea.

2. *Mensura sit infallibilis?*

Ad *mensuram* enim mensuranda examinantur, & omnis lis de re orta per collationem cum *mensura* componitur. Si ergo ipsa *mensura* incerta sit, unde aliquid certi de mensurato statuetur: Si error sit in principio, quomodo ab errore immune erit, quod ex eo deducitur, E. g. Quando de pariete litigium sovent fabri, & hic ad dextram, ille ad sinistram eum propendere contendit, ad *perpendicularum* recurrunt: Cum articularii certant de angulo mensæ, & hic rectum, ille acutum vel obtusum eum esse affirmat *normam* anguli (WINEFEL MAAK) applicant, & ita controversiæ finem imponunt. Si autem ipsæ hæ *normæ architectonicae* fallant, (quod interdum cum quotidiano usu detritæ sunt, contingit) non possunt antè de decisione dubii certi esse, quam ex principiis Mathematicis rectitudini & infallibilitati restitutæ sint.

3. *Men-*

# 330 De mensura & mensurato.

## 2. Mensura sit notior mensurato.

*Mensura* enim notificat mensurati habitudinem. Quòd verò aliud notificare debet notius eo sit, necesse est. Oportet autem mensuram notiozem esse quoad *notitiam accuratam & distinctam*; nam secundum *notitiam confusam* mensuratum potest esse notius suâ mensurâ.

## 4. Mensura sit indivisibilis.

Hoc est, in quantum *mensura* est, nec additionem nec diminutionem patiatur. Cui enim *mensuræ* aliquid addi potest sub ratione *mensuræ*, illi deest aliquid, & sic corrupta *mensura* est: cui vero aliquid demi potest, illa excedit, & iterum vitiosa est. Alias extra rationem *mensuræ* potest præsertim res quanta augeri vel minui. Sic de *modii* capacitate potest aliquid auferri, licet deinde sit adulterinus modius.

## III. Num mensura recte dividatur in intrinsecam & extrinsecam?

Neg. Quia alterum membrum divisionis evertit naturam divisi. *Intrinseca* enim *mensura* non est proprie *mensura*, sed omnis *mensura* est *extrinseca*. Vid. Th. I.

## A X I O M A T A.

I. Omne ens est vel *mensura* vel *mensuratum*.

II.

II. *Primum* in unoquoque genere est *mensura* reliquorum.

Loquitur regula de *mensura perfectionis*, & sic per *primum* intelligitur *præstantissimum* & *perfectissimum* in certo genere. Vid. Th. 5.

III. *Mensuratum* non debet ultra *mensuram* suam *extendi*.

Hoc est, nihil debet esse in *mensurato*, quatenus est *mensuratum*, quod non possit exigi ad *mensuram*. Valet regula de omnibus speciebus *mensuræ* excepta *mensura quantitatis*, quæ sæpe exceditur à *mensurato*, tum sc. quando aliquid exigitur ad *mensuram repetitionis*.

---

*Fixis Partis Generalis.*

---

### 330 De mensura & mensurato.

#### 2. *Mensura sit notior mensurato.*

*Mensura* enim notificat mensurati habitudinem. Quòd verò aliud notificare debet notius eo sit, necesse est. Oportet autem mensuram notio-rem esse quoad notitiam accuratam & distinctam; nam secundum notitiam confusam mensuratum potest esse notius suâ mensurâ.

#### 4. *Mensura sit indivisibilis.*

Hoc est, in quantum *mensura* est, nec additionem nec diminutionem patiatur. Cui enim *mensuræ* aliquid addi potest sub ratione *mensuræ*, illi deest aliquid, & sic corrupta *mensura* est: cui vero aliquid demi potest, illa excedit, & iterum vitiosa est. Alias extra rationem *mensuræ* potest præsertim res quanta augeri vel minui. Sic de *modii* capacitate potest aliquid auferri, licet deinde sit adulterinus modius.

#### III. *Num mensura recte dividatur in intrinsecam & extrinsecam?*

Neg. Quia alterum membrum divisionis evertit naturam divisi. *Intrinseca* enim *mensura* non est proprie *mensura*, sed omnis *mensura* est *extrinseca*. Vid. Th. I.

### A X I O M A T A.

I. Omne ens est vel *mensura* vel *mensuratum*.

II.

II. *Primum* in unoquoque genere est *mensura* reliquorum.

Loquitur regula de *mensura perfectionis*, & sic per *primum* intelligitur *præstantissimum* & *perfectissimum* in certo genere. Vid. Th. 5.

III. *Mensuratum* non debet ultra *mensuram* suam *extendi*.

Hoc est, nihil debet esse in *mensurato*, quatenus est *mensuratum*, quod non possit exigi ad *mensuram*. Valet regula de omnibus speciebus *mensuræ* excepta *mensura quantitatis*, quæ sæpe exceditur à *mensurato*, tum sc. quando aliquid exigitur ad *mensuram repetitionis*.

---

*Finis Partis Generalis.*

---



## PARS SPECIALIS.

*De Divisione Entis.*

## CAPUT I.

*De Divisione Entis in genere.*

## PRÆCEPTA.

## I.

*Ens dividitur in substantiam & accidens.*

**C**onsideravimus hætenus in generali parte Ens tum in *simplici theoria*, quatenus ab omni attributo *præscinditur* vid. p. 33. seqq. tum in *expressiore contemplatione*, quatenus una cum variis *attributis*, tam *unitis*, quam *disjunctis* menti sistitur, & in alio atque alio statu repræsentatur. Jam recto tramite perginus ad entis *divisionem*, qua in duas quasi species, *Substantiam* sc. & *Accidens*, immediate dividitur.

II. *Ens* ad inferiora contrahitur per *subsistentiam* & *inhærentiam* p. 16.

§. I. *Subsistentia* est modus existendi substantiæ, *inhærentia* accidentis. Non sumitur

tur verò hic *subsistentia specialiter* pro *ultima* subsistentiâ, quæ alias *suppositivitas* dicitur: ita enim non adæquatè opponeretur *inhærentiæ*, quia dantur substantiæ, quæ non *ultimatò* subsistunt, e. g. ignis in ferro, anima separata, terra in misto, &c. & tamen non inhærent; sed *generaliter* pro tali modo existendi, quo res *per se existit*, hoc est, *non est in subjecto ad modum accidentis*.

§. 2. *Inhærentia* enim hic non accipitur *specialiter*, quatenus *adhærentiæ*, *circumsistentiæ*, modo essendi *ab* & modo essendi *ad* opponitur; sed *generaliter*, quatenus adæquate opponitur *τὸ per se subsistere*, sc. *τὸ αὐτὸ τῷ ὑποκείμενῳ*.

## PROBLEMAT A.

I. *An ens sit æquivocum ad substantiam & accidens?*

Neg. *Æquivocum* enim idem nomen quidem tribuit inferioribus, non verò eandem *definitionem*. At ens tam *substantiæ*, quam *accidenti* tribuit & nomen & definitionem. De *substantia* non est dubium. *Accidenti* etiam convenit, definitio *entis*, quia habet *essentiam*, quæ ex actionibus probatur; nam calor agit (licet instrumentaliter) dum calefacit: calor vero est *accidens*.

II. Num ens sit univocum ad substantiam  
& accidens?

Univocum 1. *opponitur* adæquatè *equivoco*, quomodo omne id generaliter *univocum* dicitur, quod non est *equivocum*. Ita posset affirmari. Sed de hac acceptione hic non quæritur. 2. *Opponitur paronymò*, & specialiter significat terminum, qui alicui *essentialiter* competit, atque sic idem est, quod *Synonymum*. Sub hac acceptione etiam quæsitum posset affirmari. Sed neque hæc significatio h. l. venit in controversiam. 3. *Opponitur analogo* (secundum *attributionem intrinsecam*) & specialissime significat terminum, qui *æquè primo* (absque dependentia ab invicem) inferioribus competit essentialiter. De hac acceptione h. l. quæritur, an ita ens respiciat *substantiam* & *accidens*. Hoc negatur. Quia ens non æquè primò s. *æqualiter* utrique competit, sed primò *substantiæ*, deinde *accidenti*, quod dependet à substantia, eique tanquam inseparabili fundamento innititur. Quod ergo non æqualiter & sine ordine convenit inferioribus, illud ad ea non est *univocum*. Ens non *æqualiter*, &c. Nam accidenti tribuitur in ordine ad substantiam.

III. Num ens sit analogum ad substantiam  
& accidens?

Analogia est vel *proportionis*, vel *attributionis*. *Analogia proportionis* est, quæ consistit in nudâ similitudine & sola communitate nominis citra communitatem in essentia & definitione, ut homo ridet; prata rident.

Hæc analogia semper metaphoram & improprietatem aliquam involvit, unde æquivoca consilio facta alio nomine *analogia proportionis* dicuntur. Propterea juxta hanc analogiam ens non est *analogum* ad inferiora. *Analogia attributionis* iterum est duplex: vel attributionis *extrinsecæ*, vel *intrinsecæ*. *Analogia attributionis extrinsecæ* est, quando denominans reperitur *intrinsecè* in uno tantum analogatorum, quod primum analogatum inde dicitur: reliquis verò per extrinsecam tantum denominationem tribuitur sub habitudine & respectu ad istud unum. Sic homo dicitur sanus per *intrinsecè* sibi inhaerentem sanitatem: cibus, urina, medicamentum, color, &c. per *externam* denominationem dicuntur sana, in quantum respiciunt sanitatem hominis. Hæc analogia etiam involvit æquivocationem; nam cibus, urina, &c. non nisi æquivoce sunt sana. Propter implicatam ergo æquivocationem ens juxta hanc analogiam attributionis *extrinsecæ* etiam non est *analogum* ad inferiora. *Analogia attributionis intrinsecæ* est, quando denominans reperitur

*intrinsecè in omnibus analogatis, & analogata habent unum conceptum* (quod in analogia proportionis & attributionis extrinsecè non fit) *ita tamen, ut eum inæqualiter & dependenter* (ab invicem) *participent.* Non intelligitur verò hic *inæqualitas dignitatis*, quasi semper sit analogia attribut. intrinsecè inferiora inæqualem dignitatem habent, quia sic animal non esset univocum ad hominem & brutum; Sed *inæqualitas ordinis*, ut sc. unum ex inferioribus istum conceptum participet *primò & absolute*, aliud verò *secundariò & per dependentiam, habitudinem, attributionem ac ordinem* ad prius. Juxta hanc analogiam ens est *analogum* ad substantiam & accidens, tanquam ad analog. Prius analogat. est substantia, *posterius* accidens: Habent *unum conceptum*, Ens scil. quia tam substantia habet essentiam quam accidens: Istum conceptum *inæqualiter* participant; nam substantia *primariò* est ens, accidens *secundariò*: Substantia *absolute* est ens, accidens *per attributionem, habitudinem & dependentiam* ad substantiam, quia accidens supponit substantiam, in qua esse suum fundatum habet, uti loquitur Dn. Scheiblerus.

IV. *An ens sit genus analogum, propriè dictum respectu substantiæ & accidentis?*

Neg. Aliud est *analogum*, aliud *genus analogum.*

*logum.* Analogia attributionis intrinsecæ præscindit à genere analogo & conceptu analogico non-generico, sicut principium à causali & non-causali. Atque ita *analogum* latius est, quam *genus* analogum. Fundamentum hujus sententiæ hoc est, quia prædicata essentialia seu synonymica (ad quæ *analogia attrib. intrins.* spectant) non tantum dantur in *vi prædicamentali*, quæ admittit genera, (nam prædicamenta sunt classes rerum per genera & species dispositarum) sed etiam in *vi eminenti*, quæ respuit proprie sic dicta genera (nam in *Transcendentibus* & *divinis* non habemus proprie sic dicta genera.) Porro si *ens* esset *genus*, *subst.* & *accidens* essent *species*. Sed substantia est *summum* genus, quod nunquam fit *species*. Accidens ne quidem *summum* genus (juxta receptum modum docendi omnium fere Logicorum, qui temerè non est mutandus) nedum ut ad ordinem *specierum* se demittat. Notandum hic est, quod propter deficientem verborum copiam sæpe tam à Theologis quam Philosophis *genus* & *species* tribuantur rebus divinis *transcendentibus*, & aliis, quibus, si in rigore logico examinantur, non competunt. Hoc cum sit, per *genus* & *speciem* intelligendum est *quasi* genus & *quasi* species f. id, quod generi vel speciei in proportionem respondet.

## CAPUT II.

## De Substantia.

Præcepta de Substantia ad faciliorem cognitionem in quatuor puncta secabimus, & 1. ejus *ambiguitatem*; 2. *formale*; 3. *modos*; 4. *divisionem* ordine expendemus.

*Ambiguitas.*

- I. Substantia sumitur 1. pro *ente in genere*. 2. pro *subiecto*. 3. pro *ente per se subsistente*.

*Prima* acceptio est nimis *lata*; nam ita nihil reperitur, quod *substantia* non sit, uti etiam Augustinus (improprie) loquitur. Sed videtur nata esse ex voce gr. *ουσια* quæ *substantiam* & *essentiam* significat. *Secunda* est nimis *stricta*. Nam non tantum *substantia*, sed etiam *accidentia* suo modo sunt *subiecta*. Nec *substantia* *semper* est *subiectum*, sed *quandoque* etiam *adjunctum*, vide l.c. *Tertia* demum est adæquata. *Substantia*, enim hoc loco sumitur pro re, quæ *per se subsistit*.

- II. *Substantia* (*pro ente per se subsistente sumpta*) accipitur vel *Metaphysicè*, vel *Logicè*.

*Metaphysicè* & *transcendentaliter* sumpta  
&

& in plenissima sua ampliacione & ultima abstractione spectata præcindit à *creato* & *increato*, & substantia *completa* & *incompleta*, ac ita significat omne ens *per se subsistens*; ut Deus, angelus, anima, forma, cœlum, lapis, &c. Hæc proprie est hujus loci.

Logice & prædicamentaliter sumpta restringitur ad *creaturas* & entia *completa*, & definitur ita: *Substantia est ens per se subsistens, finitum, completum, sustinens accidentia*, quæ definitio est Gulkii in Logica divina L. I. c. 3. pag. 78.

Formale.

III. Substantia est ens *per se subsistens*.

§. 1. Ens in hac descriptione sustinet vicem generis, quia *latius* est substantiâ, & accidentibus quoque competit; sed *verum* genus non est, quod C. I. probavimus.

§. 2. Formalis ratio vel quasi differentia substantiæ, qua ab accidente ( prædicamentali ) adæquatè differt, est *subsistentia*. Est verò h. l. hæc vox *generaliter* intelligenda, pro tali modo existendi, *secundum quem res per se existit*, & non est in alio, quo, tanquam *subjecto*, ad modum accidentium sulciatur, ut *sine illo esse non possit*: Nam si *specialiter* pro modo subsistendi *perfectissimo* & *plane ultimo*, adeoque *subsistentia suppositali* accipi-



atur, sola *supposita* & *personæ* eam subsistentiam sibi vendicant.

§.3. Ut verò accuratius intelligatur, quid sit *per se subsistere*, tollenda primum hic est ambiguitas *per se*. Vox hæc accipitur, 7. potissimum modis, & significat 1. *solitarium*, & opponitur ei, quod est *cum alio*, quomodo causa *solitaria* dicitur *per se* agere. 2. *Independens*, & opponitur ei, quod *ab alio effecti-ve* suum esse habet, quo sensu solus *Deus* est ens *per se*. 3. *Necessarium*, & opponitur *Contingenti*. Sic risibilitas homini *per se* competit, in secundo scil. modo *perfectatis*: eruditio *per accidens*. 4. *Intentum*, quod se. cum intentione agit vel fit, & opponitur *causæ* & *effectui per accidens*. 5. *Proprium*, & opponitur *communicato*, s. illi, quod *per aliud* tale est. Sic sol *per se* est lucidus, luna *per aliud*. 6. *Unam essentiam*, & opponitur *enti per accidens*. 7. *Quod non existit in alio, tanquam in subjecto*. Hæc significatio est hujus loci.

§.4. Exponitur ergo *per se subsistere* optime negativè, ut idem sit, ac *non esse in alio tanquam in subjecto*. *Esse in subjecto* autem accipitur dupliciter: 1. *generaliter*, secundum formale subjecti in genere spectati, quomodo *substantiæ* etiam sunt in subjecto: 2. *Specialiter*, in ea scil. angustia, juxta quam  
ad-

adæquatè *per se subsistere* opponitur. Hoc modo illud dicitur esse in *subiecto*, quod inest tanquam *peculiare* ens, ita ut non sit pars rei, & omnino esse non possit, nisi in illa re, quomodo omnia & sola *accidentia* sunt in subiecto.

MODI.

IV. Substantia est vel *completa*, vel *incompleta*.

V. *Completa substantia* (scilicet in essendo) est, quæ habet essentiam in se *terminatam*, & per se non ordinatur ad *alterius* perfectionem intrinsecam. Ut Deus, angelus, homo, leo, equus.

VI. *Incompleta substantia* est, quæ ordinatur ad *alterius* perfectionem, & est pars alicujus compositi: ut anima, forma, materia, pes, manus, vena, caput.

Hæc distinctio verò hoc in loco videtur præter necessitatem esse à Metaphysicis introducta, quia *ens* in genere distinguitur in *completum* & *incompletum*. *Generalia* enim eam ob causam *specialioribus* præmittuntur, ne opus sit in singulis *speciebus* eadem repetere. Qui ergo novit, quod sit ens *completum* vel *incompletum*, ille statim etiam intelligit naturam substantiæ *completæ* vel *incompletæ*.

VII. Substantia (*prima & singularis*) completa in essendo, est vel completa *simul in subsistendo*, vel *incompleta in ratione subsistendi*.

VIII. Substantia incompleta in subsistendo (*qua talis*) innititur alii substantiæ, tanquam *sustentanti*.

Ignis in ferro ignito est substantia singularis *in essendo completa*, sed *incompleta in subsistendo*, quia non subsistit *ultimate & independenter*, sed *dependet* à ferro in subsistendi modo.

IX. Substantia *in subsistendo completa* communiter dicitur esse vel *suppositum* vel *persona*.

Ut hanc distinctionem in ordinem redigamus, notandum est, quod hi termini se respiciant, ut *latius angustius*. Nam *suppositum* generalius quid est, quam *persona*, sicut & *suppositivitas* latior est *personalitate*. Omnis quidem *persona* est *suppositum*, sed non omne *suppositum* est *persona*. Describendum verò utrumque est tam in *abstracto*, quam in *concreto*. In *concreto* suppositum ita describitur.

X. Suppositum est substantia singularis *completa, ultimate subsistens*. Ut equus, canis, &c.

§. 1. Bonaventura 3. sent. dist. 10. q. 3. art. 2. Suppositum dicit esse duplex *in quo*, in quo sc. totum esse rei *stabilitur*, & *ultimo fundatur*: Et *de quo*, de quo scilicet *prædicatur* aliud, & quod *subjicitur* alii, quale est subiectum in *propositione*. Nos ad tollendam ambiguitatem hic removemus suppositum *de quo*, & retinemus *supp. in quo*.

§. 2. Hoc est substantia *singularis*, ut removeatur substantia universalis s. secunda, quæ ad Logicam potius, quàm ad Metaphysicam pertinet.

§. 3. Est *completa*. Nam illi *substantiæ*, quæ esse *incompletum* & ad alterius perfectionem *per se ordinatum* habet, eminens hæc *subsistentia*, quæ *suppositalitas* dicitur, non potest competere.

§. 4. Vox *ultimatè* alios habet terminos æquipollentes: *incommunicabiliter*, *independenter*, *perfectissimè*, qui omnes exprimunt formale *suppositi*, & sæpe coacervantur. Volunt autem hoc, quod suppositum *ultimò* terminatum sit in ratione subsistendi per *subsistentiam specialem*, & qua tale non *dependeat* ab alio, tanquam *sustentante*, nec *sustentetur* in alio unito. Porro cum suppositum dicitur *incommunicabile*, non negatur hac voce *communicabilitas intellectualis*, quæ est per modum universalis: Nam

Nam hæc jam remota est per vocem *singularitatis*. Neque negatur ejus *communicabilitas ad aliquam naturam*, ut eam terminet, sicuti ferrum terminat sibi unitum ignem. Talis enim communicatio *supposito* non repugnat, quia *ultima subsistentia* quæ formale *suppositi* est, non tollitur. *Suppositum* quatenus tale, potest aliud terminare, modo ipsum aliunde non terminetur.

Sed dicitur *suppositum incommunicabile* :  
 1. *quia non habet ab alio participatam & communicatam subsistentiam* : *Suppositum* enim habet proprium & ultimò terminatum *subsistendi* complementum. Si in eo ab aliò dependeret, contradictio esset. Nam terminaretur ulterius, vel acciperet ulteriorem terminum ab alio terminante, quòd ultimo terminatum est : Dependeret ab alio in *subsistendo*, quod, quatenus tale, *independenter* subsistit. 2. *Quia alii supposito*, quatenus *suppositum* est, *suam supposititalitatem non communicat*. Dico, *quatenus suppositum est*, nam sæpe *suppositum* aliquod, cum alteri unitur, suam amittit *supposititalitatem*, & subsistit *subsistentia communicata*. Sic ignis, quando unitur cum ferro, amittit suam *ultimatam* subsistentiam, & sic subsistit in subsistentia ferri. Atque hæc dicta sunt de *supposito in concreto* : Jam dicendum quoque est, quid

quid sit in *abstracto*, quomodo voce *suppositivitat* designatur.

X. Suppositivitas est *substantiæ singularis & completæ ultimata subsistentia*.

Hæc definitio ex iis, quæ de *supposito* in *concreto* dicta sunt; facile intelligitur. Ad-  
dimus autem explicationis gratia hanc pro-  
lixiorẽ D. Scharfii. *Suppositivitas est mo-  
dus subsistendi perfectissimus, independens &  
ultimo completus, quo substantia prima com-  
pleta per se independenter subsistit, ita ut cum  
alio non possit uniri, ut communem subsisten-  
tiam ab illo accipiat. Et hinc est, quod incom-  
municabilis dicatur subsistentia.*

XI. Suppositum vel *destituitur intellectu*,  
& nomen generale (*suppositi*) retinet, vel  
*intelligens* est, & dicitur *persona*. D. Casel.  
Exerc. 2. contra Reiherum.

*Persona à supposito* non differt secundum  
*formale*: nam *ultima subsistentia*, quæ *sup-  
positi* formale est, etiam est formale *personæ*;  
sed tantum secundum *materiale*, subjectum  
scilicet. Nam *suppositum* indifferenter se  
habet ad substantias *intelligentes & non-in-  
teligentes*, adeoque latius est *personâ*, & in  
respectu ad eam ingenium generis quasi in-  
duit, (licet ejus verum genus non sit:) *Per-  
sona* vero restringitur ad substantias *intelli-  
gentes*.

*gentes*. Differunt ergo non nisi diversitate *subjecti*, cum *suppositivitalitatis* subjectum latius sit, quàm *personalitatis*.

### XIII. Persona est *suppositum* intelligens.

§. 1. Definitio hæc describit personam in *concreto*. Alii prolixiorem tradunt definitionem: *Persona est substantia individua, (completa) intelligens, incommunicabilis, non sustentata ab alio vel in alio*. Nos vero breviorē hanc retinemus, quia vox *suppositi*, quæ in ea extat, conditiones *personæ* omnes in prolixiori def. enumeratas comprehendit, præter determinationem ad subjectum *intelligens*, quæ propterea expresse additur.

§. 2. Cæterum vulgata illa definitio, ut dextre intelligatur, continet *materiale* & *formale*. *Materiale* exprimitur, cum dicitur esse *substantia individua, completa, intelligens*. Hæ enim conditiones non soli *supposito* competunt. Elementa in mistis sunt *substantiæ* indiv. s. *singulares*: *supposita* non sunt. Ignis in ferro est *completa* substantia, sed *suppositum* minime est. Anima separata est *intelligens* substantia, non vero *suppositum*. *Formale* est in verbis, *incommunicabilis, non sustentata ab alio, vel in alio*, quæ brevius ita exprimuntur: *ultimate subsistens*; nam illa substantia singularis, completa & in-

intelligens demum *persona* est, quæ *incommunicabiliter* subsistit; ita ut non sustentetur *ab alio* vel *in alio*, breviter, quæ *ultimate* subsistit. Hoc quid sit, in doctrina de *supposito* explicatum est. Hinc facile liquet, quid sit *persona in abstracto s. personalitas*.

XIV. *Personalitas* est *suppositivitas* substantiæ intelligentis. Seu est substantiæ singularis, completæ & intelligentis ultimata subsistentia.

Quidam hanc descriptionem tradunt: *Personalitas* est *modus subsistendi perfectissimus*, quo substantia prima, completa, intelligens independentem subsistit.

### *DIVISIO.*

XV. Substantia vel *habet materiam*, & dicitur *corpus*: vel *materiæ expers* est, & vocatur *spiritus*.

§. 1. *Corpus* est substantia ex materia & forma constans, & fit objectum peculiaris disciplinæ, *Physicæ* scilicet, cui illud *Metaphysica* tanquam Regina elaborandum tradit, & à qua porro in *simplex* & *mixtum*, *animatum* & *inan.* &c. dividitur.

§. 2. *Spiritus* est substantia materia & forma expers, & fit objectum peculiaris disciplinæ *Pneumaticæ* scil. quæ ultiores spiritus divisiones tradit.

PRO.



## PROBLEMAT A.

I. *An substantia sit suppositi genus?*

Neg. Quia *suppositum* non est *substantia* species. Vera genera & vera species habentur tantum in *prædicamentis*, quæ propterea definiuntur ordines seu dispositiones *generum* & *specierum*; & quidem ponuntur iusto loco, ut non pervagentur, omnes *species*. *Suppositum* verò est terminus *transcendens* prædicamentum *substantiæ*, quia Deus etiam cum caractere *hypostatico* apprehensus est *suppositum*. Pervagatur etiam omnes *subst. species*: Nam non tantum homo, sed etiam angelus, cælum, arbor, piscis, terra, equus, &c. sunt *supposita*. Dicimus ergo, quod *substantia* sit *suppositivitas*, tanquam modi, *subjectum*.

II. *Quid suppositivitas essentiæ singulari creatæ superaddat, & quomodo ab ea differat?*

R. Superaddit ei modum aliquem *positivum*, non solam *negationem*, licet eam simul inferat. Modus iste *positivus* est *ultima substantia*. Hic modus ab essentiâ differt *realiter*, non per distinctionem realem *strictè* ita dictam, sed eam, quæ *analogice* talis est, & intercedit inter rem & modum ejus *separabi-*

*rabilem.* Indicium distinctionis *realis* hic est *separabilitas*. Quæ enim *separari* possunt, differunt *realiter*. Quorum unum potest esse *sine altero*, illa non sunt *realiter* idem. Jam vero *suppositalitas* separari potest ab *essentia*, quod de igne in ferro, sale in aqua, &c. patet. E.

*III. Num persona & suppositum differant secundum formale?*

Neg. *Conditio intelligentis & non intelligentis* enim pertinet ad *materiale* s. ad *subjectum*, non ad *formale*. Vid. Th. X. §. 4. XII. XIII.

*IV. Utrum intellectus sit formalis ratio personæ?*

Neg. Pertinet etiam ad ejus *materiale* Th. XIII. §. 2. Non enim illud statim est *formale*, quo aliquid *distinguitur* ab alio. Sonus chordæ differt à sono fistulæ *diversitate subjecti*, licet unam clavem in eadem octava habeant, adeoq; in *formali* non discrepent.

*V. An suppositum creatum alienam naturam terminare & ei suam suppositalitatem communicare possit?*

Aff. Ferrum ignitum enim *terminat* sibi unitum ignem. Vinum medicatum *communicat* suam *subsistentiam* corpusculis ex herbis

bis extractis : aqua falsa sali, &c. Quod ad *suppositum creatum intelligens* attinet, de eo etiam vera est affirmativa, si non aliter, tamen per potentiam Dei absolutam. Per hanc Deus *omnia* potest, quæ non involvunt simplicem *contradictionem*. Jam verò, personæ subsistentiam *communicari* alienæ naturæ s. essentiae, nec ex parte *personæ*, nec ex parte *naturæ* alienæ *contradictorium* est. *Persona* enim dum communicat alii suam *subsistentiam*, non definit esse *persona* ; quia non terminatur *ulterius*, sed terminat aliud. *Natura* potest amittere suam subsistentiam *ultimatam propriam*, imo potest ab ipso ortu ea destitui, & *subsistere* in aliena. Nam *suppositalitas* s. subsistentia ultimata est *modus*, qui substantiam creatam *extraessentialiter* & *paronymice* respicit, & ab ea *separari* potest.

*III. An doctrina de notitia Dei naturali sub ratione propria in Metaphysicæ speciali parte sit pertractanda.*

Neg. Quia *universalis* disciplina non debet *singulare* ens sub ratione propria contemplari. Peculiaris ergo disciplina est concedenda, ad quam *notitia de Deo naturalis* referatur, quam cœperunt vocare ab objecto suo *Pneumaticam*.

AXIOMATA.

I. Substantia non est *in subjecto*.

Sc. quatenus τδ *esse in subjecto* τδ *per se* subsistere *adequate* opponitur. Nam est vel *pars* ejus, in quo est, vel potest esse *sine eo*.

II. Substantia non recipit *magis & minus*.

Hoc est, substantia una non est *magis* substantia, juxta esse *substantiale* considerata, quàm altera.

Johannes non est *magis* homo, quàm Casparus.

III. Persona creata cum persona divina non *omnimodè* convenit.

Licet in multis convenient, *omnimoda* tamen ratio non est. In *creatis* quælibet *persona* suam *numero* ab aliis distinctam habet *essentiam*: In *divinis* una *essentia singularis* communis est *tribus personis*. In *creatis* *personalitas* ab *essentia realiter* differt, & ab ea *separari* potest (pot. Dei absolutà: ) in *divinis* minimè.

IV. Suppositalitas cum natura creata *per realem compositionem* cohæret.

Porismatis hujus sensus ex præcedentibus patet.

V. Sup-

V. Suppositalitas, qua talis, non pertinet ad *perfectiōem* (*essentialē sc.*) naturæ.

Nam quicquid ullo modo *separari* potest à natura, ita ut nihilominus ea salva maneat, illud non pertinet ad *perfectiōem* ejus *essentialē*. Suppositalitas, &c. E. Igni nihil decedit de *perfectiōe* essentiali, licet ferro unitus amittat suam *suppositalitatem*.

VI. Multiplicatis *existentiis* non statim multiplicatur *subsistentia*.

In uno enim *supposito* possunt esse plures *essentiæ sc. existentie*. In *una massa* vel portione sæpe dantur diversissima *medicamenta*. In *uno homine* dantur 4 *elementa*, & varia accidentia.

VII. *Singulare* non simpliciter est *incommunicabile*.

*Efficiens singulare* omnino influxum suum communicat *effectui*. Licet eo modo non sit communicabile, quo *universale* communicatur *inferioribus*, alii tamen modi comm. ipsi denegandi non sunt.

# CAPUT III.

## De Accidente in Genere.

### I. *Accidens est ens substantiæ inhærens.*

*Inhærere* sumitur potissimum dupliciter:  
 1. *generaliter* & *latè*, ut significet omnem modum, quo ens quaecunque, quod non est substantia, *afficit* substantiam: sive fiat per *in esse* rigorosè sumptum, sive per modum essendi ad. Sub hac acceptione ergo intelligitur sensus iste, quem *τὸ inhærere* habet inadæquata oppositione ad *τὸ per se subsistere*, qui felicius negative explicatur ut *inhærere* idem sit, ac *non per se subsistere*.

Et hunc sensum habet vox *inhærens* in hac definitione *accidentis* (sc. *prædicamentalis*, ut vocant; nam de *prædicabili* agunt Logici.) 2. *Specialiter* & *strictè*, ut significet particularem modum *afficiendi* substantiam, qui non omnibus, sed aliquibus tantum *accidentibus* competit & reliquis modis, ut sunt modus essendi *ad*, modus essendi *ab*, opponitur.

### II. *Accidens est vel entitativum, vel modificativum.*

III. En-

- III. Entitativum est vel *primarium* vel *secundarium*.
- IV. *Primarium* est vel *absolutum*, ut *quantitas & qualitas*; vel *respectivum*, ut *relatio*. *Secundarium*, *actio*, *passio*.
- V. *Modificativa accidentia* sunt: Quando, ubi, fitus, habitus.

## CAPUT IV.

## De Quantitate.

## PRÆCEPTA.

*Ambiguitas.*

- I. *Quantitas* est vel *extensiva* sc. molis: & *Intensiva* s. virtutis.

*Extensiva* est, quâ substantia extenditur, ut habeat *partes extra partes*.

*Intensiva* est, juxta quam aliquid dicitur esse *majoris* vel *minoris perfectionis* & virtutis. Sic dicitur aliquis esse fortior altero. Hæc non est hujus loci.

- II. *Quantitas* est vel *continua* vel *discreta*.

*Continua*, quæ proprie est hujus loci, est cujus partes uno *communi termino copulantur*.

*tur. Communi termino copulari* talem dicit partium *cobæſionem*, qua unius partium initium alterius partis finis eſt, ita ut in uno puncto concurrant. *Uno* dico, ad diſtinctionem *continui & contigui*. *Contigua* ſunt, quæ non conjunguntur in uno puncto ſeu termino, ſed *diverſis*. Ea huc non ſpectant, quia non ſunt ens *per ſe*, ſed *per accidens*: non ſunt unum ens, ſed multa, *Continuum* verò eſt, cujus extrema conjunguntur in uno puncto. *Quantitas continua* dicitur alias *magnitudo*, termino ſcilicet *absolute* accepto, non *relative*, quanto ſc. *parvo* opponitur.

*Discreta* quantitas eſt, cujus partes *communi termino non copulantur*, ſed ab invicem *discretæ* ſunt. Differt à *continua* in eo, quod illa partes habet copulatas hæc vero *ſeparatas & discretas*. *Quantitas discreta* eſt *numerus*, qui definitur *multitudo ex unitatibus collecta*. *Multitudo* dicitur numerus, termino iterum *absolute* accepto; nam interdum etiam *relative* accipitur, quatenus *paucitati* opponitur. Eſt autem numerus vel *numerans* ſ. formalis vel *numeratus* ſ. materialis. *Numerans* conſideratur *in abstracto*, & eſt numerus Arithmeticus *ab omni materia, abstractus* quo numerare ſolemus, ut: ſex, ſeptem, octo, &c. *Numeratus* conſide-

Q

ratur



ratur in *concreto*, & est numerus rebus ipsis applicatus. Prout vero res vel sunt *transcendentales* vel *prædicamentales*, numerus etiam vel *Transcendentalis* dicitur, vel *Prædicamentalis*. Aristoteles ad quantitatem discretam etiam *orationem* refert, propter brevitatem seu correptionem & productionem syllabarum.

### Formale.

II. *Quantitas* est accidens, quo substantia materiata *extenditur*.

Essentia *quantitatis* sc. ejus formalis ratio consistit in *extensione*, ea scilicet, qua aliquid habet *partes extra partes*, ita ut una pars non sit altera, sed sit *extra* illam.

### DIVISIO.

IV. *Quantitas* (*continua* sc.) species sunt: *linea*, *superficies*, & *corpus*.

*Quantitas* extenditur vel in solam *longitudinem*, & sic vocatur *linea*, magis oculis mentis quam corporis conspicua. Vel in *longitudinem* & *latitudinem*, & dicitur *superficies*; vel in *longitudinem*, *latitud.* & *profunditatem* & vocatur *corpus*, sc. Mathematicum, quod hic non sumitur pro substantia corporea, sed pro *corpulentia*, quasi *crassitie* & *profunditate*.

PRO.

PROBLEMAT A.

I. *An quantitas discreta sit proprie dicta quantitas, & proinde species quantitatis?*

Neg. Quia res per *numerum* non proprie extenditur, sed *multiplicatur*. *Extensio* autem est de essentia *quantitatis*. 2. Quia non est ens *per se*, sed ens *per accidens*; non enim est in una re, sed in multis. At quantitas est ens *per se*. Quantitas est *ens*: numerus non dicit ens, sed *entia*.

II. *An quantitas discreta ad entia realia pertineat?*

Aff. Sunt, qui putant eam ens *rationis* esse; Sed 1. multitudo datur præter mentis *fictionem*. 2. Est *objectum* realis alicujus *discipline* Arithmetice scilicet.

AXIOMATA.

I. Ubi *quantitas*, ibi *materia*.

Quantitas enim est *materie* effectus proximus per *resultantiam*.

II. Propter quantitatem res sunt *æquales* vel *inæquales*.

III. Quantitati nihil est *contrarium*.

Sc. Contrarietate *Physica*, qua res in se agunt.

## CAPUT V.

## De Qualitate.

## PRÆCEPTA.

*Ambiguitas.*

I. Qualitas est vel *substantialis*, vel *accidentalis*: Et hæc vel *generatim*, vel *speciatim* sumitur.

*Substantialis* est differentia *substantiæ*. Imo *formam* Aristoteles etiam hujusmodi *qualitatem* vocat.

*Accidentalis* vel dicit in *genere*, quod est *extra essentiam*, quomodo quantitas, &c. etiam faciunt prædicationem in quale; vel in *specie* notat peculiare genus accidentis ad *formæ modum subjectum afficiens*. Hæc ultima acceptio est hujus loci.

*Formale.*

II. Qualitas est accidens, *per modum formæ essentialis subjectum suum* (*extraessentialiter tamen*) *afficiens, qualificans & perficiens*.

*Qualitatis* ambitus latè se diffundit, & præterea ad *inferiora* sua simul sumpta, uti vulgariter dividitur, est *analogæ*, ideo difficile

cile est ejus essentiam in genere spectatam uno *conceptu* & adæquata *definitione* exprimere. Nos ex variis variorum autorum *definitionibus* hanc selegimus, quam putamus optimam esse. Dicitur vero in ea, quod *ad formæ modum subjectum afficiat*. Hac phrasi distinguitur ab aliis *accidentium* generibus. Quantitas enim *materiam* potius, cujus *essentiale consequens* est, quam *formam* imitatur. Ratio si perficit *subjectum*; perficit illud non *in seipso*, sed *in respectu ad aliud*, & ita *formæ* in hac perfectione non assimilatur. *Actio* & *passio* potius ad actum secundum formæ, quam ad ipsius *formæ* ingenium spectant. Ab *ultimis* accidentibus per differentiam quasi *genericam* distinguitur *qualitas*, quia ipsa sunt accidentia *modificativa*, hæc verò accidens *entitativum*.

## DIVISIO.

III. Species *qualitatis* communiter recensentur quatuor: 1. *Habitus* (& *dispositio*.) 2. *Potentia naturalis* (& *impotentia*.) 3. *Patibilis qualitas* (*passio*.) 4. *Figura seu forma*.

§. 1. In singulis speciebus duo vulgò ponuntur nomina, non quasi *specificam* differentiam importent, sed partim, ut differen-

tia *gradualis* insinuetur, partim, ut unum vocabulum declaret.

§. 2. Nota. Hinc inde in scriptis Philosophorum reperiuntur vestigia, quibus innuunt, consultum esse, ut generaliora vocabula introducantur, in quibus bina cujuscunque speciei vocabula conveniant. E. g. *potentia naturalis* dicatur *facultas perfecta*, *impotentia* verò *facultas imperfecta*: ut *patibilis qualitas* dicatur *qualitas efficiens durabilior*, pallio vero qual. aff. *subitanea*. Quibus posset quis addere in prima specie *promptitudinem adventitiam*, vel aliud vocabulum. Verum termini artium sine gravissima causa non sunt mutandi. Ideo si quis omnino non possit acquiescere, nisi conceptus de hisce exquisitè distinctos habeat, ille tria priora vocabula poterit dupliciter accipere: *Generaliter*, ut præscindat ab *opposito* & à seipsis *specialiter* explicatis. 2. *Specialiter*, in ea significatione, qua opponuntur *vocabulis additis*.

IV. *Habitus est qualitas potentiae naturali superaddita, subiectum promptum redens ad operandum.*

Ordine naturali potentia nat. esset prima species, quia ipsi *habitus* superadditur. Sed quia juxta Arist. receptum jam est, ut *habitus*

*bitus* primum occupet locum propter *nobilitatem*; ordo iste non temere mutandus est, præsertim cum in scriptis Philosophorum sæpe citentur species *qualitatis* per numeros, non addito *expresso nomine*.

V. Dividi potest vel ratione *principii*, vel ratione *subjecti*. Ratione *principii* s. *originis* habitus est vel *concreatus*, vel *connatus*, vel *infusus*, vel *acquisitus*.

*Concreatus* est, qui in prima creatione *inspiratus* est, ut *justitia* originalis in homine, virtutes in angelis, &c.

*Connatus* est, qui ex ipsa generatione *conascitur*; ut *lex naturæ*.

*Infusus* est, qui ab agente extrinseco rei jam productæ citra laborem proprio principio innitentem *infunditur*. Hic, quatenus *θεός δοτῶν* est, est vel *extraordinarius*, ut donum linguarum in Apostolis; vel *ordinarius* sive per *ordinaria* media concessus, ut Theologia.

*Acquisitus* est, qui proprio labore ex principiis propriis *comparatur*: ut *prudentia*, *justitia*, *scientia*, &c.

VI. Ratione *subjecti* ( *intellig. subj. Quo* ) dividitur in habitum *intellectus* & *voluntatis*, sive *intellectualem* & *moralem*.

VII. *Habitus intellectualis* est, qui datur in *intellectu*, quem *informatur*, *perficit*, & in operationibus *dirigit*.

VIII. Estque, vel *principalis*, vel *instrumentalis*.

IX. *Principalis* est, qui circa *res ipsas* versatur. Hic est vel *Theoreticus*, vel *Practicus*.

X. *Theoreticus* est, cujus finis ultimus *principaliter* est *cognitio* & *contemplatio*.

*Theoreticus* est vel *simpliciter intellectivus*, & dicitur *intelligentia*, vel est *discursivus*, diciturque *scientia*.

*Intelligentia* est habitus *primorum principiorum intellectualis principalis theoreticus*, contemplans rerum *affinitatem*, quatenus ex eadem *principia cognoscendi prima* fluunt. *Intelligenda* verò hic sunt *principia prima cognoscendi complexa*.

*Scientia* est habitus *intellectualis principalis theoreticus*, *deducens infallibiles conclusiones ex principiis demonstrativis*. *Scientia* verò est vel *prima*, vel *secunda*: *Prima* aliàs *Sapientia* dicitur, cujus *Synonymum* est *Metaphysica*.

*Sapientia* s. *scientia prima* est *cognitio infallibilis conclusionis ex principiis demonstrativis primis*. Notanter dico *primis*. Nam  
sa-

*sapientia* addit *scientiæ* præcise sumptæ determinationem ad principia *prima* & *conclusiones* inde fluentes, unde etiam *scientia* cum capite dicitur.

*Scientia secunda* est cognitio ex principiis *secundis*, quæ respectu principiorum *primorum*, *conclusiones* sunt, unde nonnunquam hæc *scientia secunda* (quæ communiter *scientia* indeterminate dicitur) *cognitio conclusionum* vocatur. *Scientia secunda* vel contemplatur *spiritum*, ut *pneumatica*; vel *corpus*, ut *Physica*; vel quantitatem, ut *Mathesis*.

XI. *Præcticus* habitus est, cujus finis ultimus *principaliter* est ex cognitione *operari*.

XII. Et est vel *activus*, ut *prudentia*; vel *factivus*, ut *ars*.

*Activus* est, qui ultra cognitionem *operatur* quidem, sed non tendit ad *affectionem*. Talis est *prudentia*, quæ ideo ita definitur:

*Prudentia* est habitus cum recta ratione *activus* circa ea, quæ homini *bona* sunt vel *mala*. *Prudentia* habetur in *Philosophia practica*, in *Ethica*, *Politica* & *Oeconomica*. Arist. 6. Nic. c.8. distinguit *prudentiam* in *privatam*, qua quilibet suis rebus rectè præest; & *communem*, qua & aliis prospicit,



quam dividit in *oeconomicam*, *nomotheticam* & *Politicam*: Politicam rursus in *consultatoriam* & *judicatoriam*.

*Factivus* est, qui *operatio* tendit ad *effectum*. Talis est *ars*, quæ propterea ita definitur:

*Ars* est *habitus* cum recta ratione *effectivus*. Differt ergo *ars* à *prudencia* in eo, quod *ars factibilium*, *prudencia agibilium* est.

XII. *Instrumentalis* est, qui *facilitat* modum *versandi* circa res.

Tales sunt *Grammatica*, *Rhetorica*, *Logica*.

XIII. *Moralis habitus* seu *habitus voluntatis* est, qui datur in *voluntate*, & eam juvat ad *actus* suos; ut *temperantia*, *modestia*, *veracitas*, &c. de quibus *Ethica* agit.

XIV. *Dispositio* est *habitus imperfectus*.

Intelligenda hic est *imperfectio* non *essentialis*, quia ab *habitu* non nisi *gradu* & *modo inessendi* differt, quæ *differentia speciem* non variat, hinc eadem *qualitas* e. g. *Physica* modo *habitus* modo *dispositio* vocatur.

XV. 2. *Potentia naturalis* est *qualitas* in *natura* radicata, qua *subiectum apium* est ad aliquid *agendum* vel *patiendum*; ut *intellectus*, *facultas procreatrix*, &c.

Hæc

Hæc a Physicis dividitur in *activam*, (sub qua *resistendi facultas* comprehenditur) & *passivam*, in *realem* & *intentionalem*, in *manifestam* & *occultam*, in *primam* & *secundam*. Excluditur ab hac *potentia* omnis illa, quæ vel *realiter* eadem est cum essentia subiecti, ut *potentia activa* Dei; vel quæcunque non est ens *peculiare*, ut pot. *transcendentalis*.

XVI. Impotentia naturalis est *diminuta potentia*.

Per *impotentiam* enim non est negativè nulla potentia intelligenda, aliàs non esset *qualitas*; sed debilis *facultas agendi* vel *patiendi* naturæ insita.

XVII. 3. *Patibilis* qualitas est ejusmodi *qualitas*, quæ afficit *sensus* & *appetitum sensitivum*.

Physici docent, quod anima sensitiva habeat 3 *facultates*: *Cognoscentem*, *appetentem*, & *loco-moventem*. Ad priores duas spectat *patibilis* qualitas: Afficit enim vel facultatem *cognoscentem*, quæ sub se *sensus* tam *internos* quàm *externos* comprehendit; Tales *patibiles* qual. sunt Color, lux, sonus, sapor, asperitas, lævitas, &c. De quibus objectis *sensuum* Physici fusè agunt in doctrina de Anima. Vel afficit fac. *appetentem* (quæ etiam *appetitus sensitivus* dicitur) ad quam

quam spectant *affectus*. Tales qualitat. *patibiles* sunt, Ira, amor, odium, tristitia, &c. quas Physici in doctr. de Anima fusè declarant.

XVIII. Passio est patibilis qualitas *subitò transiens*.

Passio à *patibili* qualitate non differt *specie & essentia*, sed tantum *modo*, duratione scilicet. Quæ enim *diutius* durat, *patib.* qualitas; quæ *subitò* transit, *passio* dicitur. Propterea facilioris doctrinæ ergo sine incommodo *passio* potest describi patibilis qualitas *subitò* transiens, ad differentiam *diuturnioris*, quæ *αἰετὸς* *patibilis* qualitas dicitur. Sed ita præscribitur *patibilis* qualitas à speciali significatione, quam habet in oppositione ad *passionem*.

XIX. 4. Figura seu forma, est quantitatis *externa determinatio & dispositio*, ut rotunditas.

Intelligitur in definitione *quantitas continua*. Eam *determinat & modificat figura*, ut jam rotunda, jam quadrata, jam oblonga appareat. Occurrerunt autem in Philosophis variz sententiæ de differentia *figuræ & formæ*, inter quas eminet ea, quod *figura abstractè & mathematicè* intelligenda sit, forma verò *concretè*, prout in corpore hæret.

ret. Sed nihil certi de hac & aliis differentiis habetur; propterea nobis sunt Synonyma.

XX. Figura est vel *naturalis*, vel *artificialis*.

# PROBLEMAT A.

I. *An habitus possit fieri ex uno actu?*

Aff. Non quidem omnis *habitus* in particulari potest ita acquiri, cum præsertim *morales* præ aliis frequentem iterationem requirant; Aliqui tamen *habitus* possunt ex uno *actu* fieri. E. g. Scientiam de re aliqua sibi quis non raro acquirit per unam *demonstrationem*. Proinde naturæ *habitus* in genere sumpti hoc non repugnat, & per consequens non accurata est definitio illa *habitus*: *Habitus* est qualitas crebris exercitiis comparata, &c.

II. *An dentur qualitates, quæ ad usitatas quatuor species referri non possunt?*

In brutis sæpe has & illas promptitudines videmus, quæ ipsis non à natura sed assuefactione insunt, & ita naturalibus potentiis super additæ sunt. Cardueles urnula potum è profundo attrahunt: Elephanti saltant, digladiantur, & aliis assuefiunt exercitiis: Equi ha-

habenis reguntur, pedes, caput, & reliqua membra ad artis quasi regulas componunt: Oscines melodias Ecclesiasticas cantillant: Psittaci humanas voces formare suescunt, &c. D. Sennertus p. m. in suis Paralipom. p. 48. seqq. insignem discursum habet de *consuetudine*, quam ipse definit *dispositionem naturali constitutioni accedentem, & à frequenti exercitio agentis & patientis sensim introductam*. In isto discursu prolixè monstrat, *consuetudinem* comparari in omnibus facultatibus nostris, etiam iis, quas cum brutis communes habemus, utpote in *facultate* concoctrice stomachi de cujus *assuefactione* ad ligna, lapides, ossa, stramen, stipulas, & alias res à cibo humano alienas concoquendas admirabilem historiam p. 128. recitat) imo in universa facultate nutritiva, (quam dicit etiam venenis *assuefieri* posse absque læsione) in robore corporis (exemplo Milonis Crotoniatæ, qui bovem gestare *didicit*) in tactu, gustu, olfactu, auditu, visu, in facultate locomotiva, &c. Addit pag. 56. quod ex *consuetudine* membra corporis nostri novum robur accipiant, quod non sit *naturale*, sed naturæ accedat, & hanc solam dicit esse causam, cur *assueti* infuetis facilius labores tolerant. De hisce & similibus actibus *assuefactionitiis* dubitari potest,

test, ad quam speciem *qualitatis* referendi sint. Primo intuitu cuilibet videntur ad *habitu* pertinere, quia *naturali potentie* superadditi sunt, & subiectum *promptum* reddunt ad operandum. Verum, quando Metaphysicos altius scrutamur, deprehendimus, probatissimos unanimiter statuere, quod subiectum *habitu* tantum illæ *potentie* sint, quæ habent indifferentiam & libertatem ad agendum, non verò illæ, quæ determinatæ sunt ad unum oppositorum, qua de causa etiam brutis *habitus* denegant. Quid ergo dicendum? sunt, qui dicunt, quod assimilentur *habitibus* aliquo modò. Sed seduli rerum scrutatores in hoc non acquiescunt. Isti enim non quærunt, quorsum talia *metaphorice* possint reduci, sed, (si qualitates sint, uti revera sunt) ad quam speciem *qualitatis propriè* spectent? Reponi quidem potest illud Aristotelis Lib. Categ. c. de qual. Alia fortassè sunt genera *qualitatis*, sed hæc (usitata sc. 4. genera) sunt ferè, quæ maximè in omnium ore versantur. Verum instat quæstio; an igitur *quinque* species constituendæ sint? Nos salvo aliorum iudicio duplici modo putamus posse huic dubio satisfieri. 1. Ut ab habitu (ad indifferentes potentias restricto) & à iam enumeratis actibus *assuefactionis* abstrahatur communis conceptus, qui possit

posset *promptitudine adventitia* vel alio vocabulo exprimi. Ista *promptitudo* ratione subiecti divideretur in eam, quæ in potentia *determinata*, quales sunt modo enumeratæ; & eam, quæ est in potentia *libera*, ut habitus. (sed ita in definitione *habitus* restrictio esset addenda) Vel 2. terminus *habitus* ampliandus esset (*Multiplicatis rebus multiplicandi vel ampliandi sunt termini*) ut hæc exempla sub se comprehendere posset. Posset autem ampliatio hoc modo institui; Habitus ratione subiecti dividitur in *rationalem* & *irracionalem*. *Rationalis* est vel *intellectualis* vel *moralis*. Ita modo dicta exempla invenirent locum sub *habitu irracionabili*. Sed modo deire constat, in verbis simus faciles.

*III. An habitus disciplinarum totaliter sumpti sint entia per se?*

Neg. Quia ex multis entibus *completis* constant. E. g. alia scientia in *Physicis* est, cælum esse invisibile: alia, terram immotam quiescere. Alia conclusio in *Metaphysicis* est, non posse produci infinitum: alia, propria posse communicari. Dicimus ergo, quod hab. discipl. sint entia *per accidens*, sc. per *aggregationem*.

*IV. Quomodo se habeant actiones ad habitus per eas acquisitos?*

R.

R. Ut *efficiens ad effectum*. Intelligendæ verò hîc sunt actiones habitum *antecedentes*, non *consequentes*.

V. *An habitus sit causa efficiens actionum consequentium?*

Aff. Sed *inadequata*. Habitus enim una cum potentia coëfficiendo *influit* in actionem. Et *influit* quidem non tantum in *intentionem* actionis, ut habitualis fiat, sed in ipsam *essentiam* actionis, licet hanc *inadequatè* efficiat.

VI. *An figura sit qualitas propriè dicta?*

Neg. Qualitas enim est *ens*: figura verò tantum est *modus* entis sc. quantitatis. Propriè ergo ad *quantitatem* pertinet, cujus *modus* est. Proinde in doctrina de quantitate *figura* posset sortiri titulum *modi*, ut ita caput istud etiam in 4 puncta secaretur, sicut C. de Substantia refertur autem ad species qualitatis propter usitatam doctrinam Aristotelis. Perutile est loqui cum multis, sentire tamen cum paucis.

## AXIOMATA.

I. Qualitas admittit *contrarietatem*.

Intelligitur hîc contrarietas stricte dicta, cujus genuinæ notæ recensentur. E.g. Vir-  
tus



tus & vitium, calor & frigus, albedo & nigredo, &c. sunt contraria.

II. Qualitas recipit *intentionem* & *remissionem*, seu *magis* & *minus*.

Valet regula tantum in *habitibus* & *patib.* *qual.* (Licet dubitari possit, anne etiam in omnibus hisce *remissio* & *intentio* locum habeat) *Intentio* autem est additio plurium *graduum* (operationem facilitantium) ad essentiam *qualitatis* in *subjecto*, & consequenter major *radicatio* ejus essentiae in *subjecto*. Contra *Remissio* est *diminutio* graduum, leviorque *radicatio*.

II. Propter *qualitatem* res sunt *similes* vel *dissimiles*.

Sicut propter *quantitatem* sunt *aequales* vel *inaequales*.

IV. Tria requiruntur ad acquirendum *habitu*: *Natura*, *institutio*, & *exercitatio*.

Deductionem horum vide apud Plutarchum libr. *απὸ τοῦ αἵματος*. non procul ab initio.

V. Signum *contracti habitus* est *facilitas* (ad operandum) & *constantia*. *Habitus* enim *subjectum* promptum reddit ad operandum.

## CAPUT VI.

## De Relatione.

## P R Æ C E P T A.

*Ambiguitas.*

I. Relatio *rationis*, *subsistens*, & *transcendentalis*.

*Relatio rationis* enim præter mentis *ficti-  
onem* in rebus non datur; At *ficta* exulant  
à Metaphysica. Relatio *subsistens* est modus  
*substantialis*: Jam verò versamur in *acci-  
dentibus* & quærimus relationem *inhæren-  
tem*. *Transcendentalis* ipso nomine mon-  
strat, quod huc non pertineat, *transcendit*  
enim *prædicamentalia*, in quibus jam occu-  
pati sumus. Sicut ergo *potentia*, quæ *actui*  
opponitur, non potest coarctari ad secun-  
dam speciem *qualitatis*: ita etiam latissi-  
mus respectus *transcendentalis* non debet  
coarctari ad *prædicamentalem*. Respectus  
ut sic non est talis respectus.

*Formale connotativum.*

II. Relatio est accidens, *juxta quod ali-  
quid, quicquid est*, (*formaliter considera-  
tum*) alterius est.

Duo

Duo hic docendi causa ponimus formalia: *Connotativum*, & *abstractivum*, propter duplicem vocis significationem in re ipsa & Philosophorum scriptis fundatarum, quarum neutram licet ad ambiguitatem rejicere, & ita abjicere. Nimirum *Relatio* aliquando sumitur *connotative*, & sic notat 1. *respectum ad aliud*. 2. *Fundamentum proximum* respectus istius, cujus beneficio ab intellectu nostro apprehenditur, ne sicut umbra evanescat. Aliquando verò sumitur *abstractivè*, & sic *nudum respectum* significat. Juxta priorem significationem verum est, quod plerique dicunt, *relationem* sc. esse *accidens*; nam *fundamentum proximum* accidens est, & juxta hanc acceptionem intelligenda est *relatio* in divisione *accidentium*, in qua propter receptum ordinem *accidentium* voluimus aliquousq; tritam viam calcare. Juxta posteriorem fallit; nam sic tantum *modus* est. Puto autem significationem *connotativam* originem habere ex *prædicationis*, in quibus Aristoteles ipse & alii sæpe late & populariter locuti sunt. Olim etiam *accidentia* frequentius in *concreto* (*quantum, quale, relatum*, &c. sunt prolata. Crescente Philosophia propter ἀποβιβασμὶν *abstractio* quidem facta est, sed in *relatione* licet *abstracta* à subjecto sit repræsentata,

man-

manfit tamen *concretio* ipsius *respectus* & *fundamenti* in vulgato modo docendi, ne nimis subtilis evaderet hæc doctrina tyronibus, præsertim in *prædicamentis*; cum *concreta* facilius apprehendantur, quàm *abstractivum*.

*Formale abstractivum.*

III. Relatio est *respectus rei ad rem coexistentem, accidentaliter rei superveniens*.

Ut paternitas, filiatio, amicitia, præceptoreitas, discipuleitas, dominium, servitus, similitudo, æqualitas, relatio magistratus ad subditos, pastoris ad auditores, ducis ad milites, socii ad socios, &c.

§. 1. Hæc definitio exprimit naturam *relationis prædicamentalis* abstractissimè sumptæ. Ita eam dicimus esse *respectum*, quo ipso respicimus ad divisionem *respectus* in genere, quando dividitur in *subsistentem, Transcendentalem, & Prædicamentalem*. Cum enim nudè in sua natura absque omni fulcro & *fundamento* consideratur, non est *accidens*, non est *ens*, sed *modus* tantum.

§. 2. Porro cum dicimus, quod sit *respectus rei ad rem coexistentem*, insinuamus primam differentiam relationis *prædicamentalis* & *transcendentalis*. *Transcendentalis* enim

non

non necessariò postulat terminum *actu existentem*, sed ipsi perinde est, siue illud, ad quod *terminatur*, jam sit in rerum natura, siue *nondum* sit. *Scientia* habet *respectum* ad illam Eclipsin, quæ *post aliquot annos* demum futura est. *Prædicamentalis* autem nonnisi ex *coexistentia* termini resultat, quæ ubi non datur, ibi nec ipsa est.

§. 3. *Accidentaliter rei supervenit* relatio prædicamentalis. Hæc est altera differentia *rel. præd. & transc.* *Transcendentalis* intimè includitur in *essentia rei*, & est *per se* intentata, ut cum habitus respicit suum objectum, creatura creatorem, adjunctum subjectum, pars totum, &c. *Prædicamentalis* verò ex *coexistente* termino quasi resultat, & *forinsecus* ad rem accedit, atque sic tuetur rationem *accidentis*, sed *prædicabilis*, quale interdum etiam *substantia*, imo modus quoque est, quando de re aliqua contingenter prædicantur, eique *per accidens* conveniunt, ut cum mensa dicitur lignea, manus contracta vel exporrecta.

IV. Ad relationem juxta *formale abstractivum* solidè intelligendam attendendum est ad ejus *requisita*, quæ sunt 1. *Subjectum*, 2. *Terminus*, & 3. *Fundamentum*, Fundamento in aliquibus relationibus accedit ratio fundandi.

§. 1. *Subiectum* relationis est *substantia*, quam afficit *relatio* seu quæ suscipit *relationem*. Hoc quando una cum *relatione* simul fumitur, fit *relatum*, ut pater. *Subiectum* autem omni *relationi* necessario *substernitur*. Si enim *accidens* non potest esse absque *substantia*, licet perfectam habeat essentiam, quanto minus ea carere poterit *modus* hicc, qui est *debilissimæ entitatis*, uti Philosophi loquuntur. Unde simul apparet, quod *requisitum* hoc primum non æquali passu ambulet cum *reliquis* duobus, quia *subiectum* non magis appropriatur *relationi*, quàm aliis *modis* & *accidentibus*. Necessesse autem est, ut duæ *relationes* oppositæ duo habeant *subiecta*, quæ possunt vocari *subiectum relatum*, & *subiectum correlatum*, e. g. aliud *subiectum* requirit *paternitas*, Abrahamum : aliud *filialitas*, Isaacum ; *subiectum dominii* erat Abraham : *subiectum servitutis* Eliezer. Sententiam illam, quæ *unum subiectum* inter utrumq; terminum statuit, rejicimus.

§. 2. *Terminus* relationis est illud, ad quod *terminatur* relatio. E. g. *Terminus* paternitatis Jacobi erat Reuben : *Terminus* dominii Rachelis erat Bilha : *terminus* præceptoritatis Aristotelis erat Alexander magnus. Esse autem *terminum requisitum* relationis

tionis necessarium, ex ipsâ definitione patet, cum dicitur *respectus* ad rem *coexistentem*, id quod confirmatur ex illo vulgato quando dicitur tota natura *relationis* consistere in ESSE AD. *Terminus* autem in relatione *prædicamentali* semper debet esse *coexistens*, uti definitio ostendit. In eo enim differt à relatione *transcendentali*. Omnis quidem relatio *terminum* inferre. Sed prædicamentalis *coexistentem*.

§. 3. *Fundamentum* relationis est ratio seu *causa*, cur aliud ad aliud *referatur*. Causam illam vocarunt Scholastici *fundamentum*, quo ipso absque dubio voluerunt indicare, *relationem* non esse rem, sed *modum* rei. Quod enim proprie habet *causam*, illud est *ens*. Quoad enumerationem *fundamentorum* relationis ista sententia præ reliquis certa est, qua statuitur, quod relatio fundetur in *quantitate*, *actione*, *passione*. Sic e.g. in *quantitate* fundantur *æqualitas*, *inequalitas*, relatio *simplicis ad duplum*, *triplum*, &c. In *qualitate* fundantur *similitudo*, *dissimilitudo*, paternitas (in potentia generandi), amicitia (in similitudine morum) inimicitia, &c. In actione & passione fundatur colloquium, contractus, &c.

§. 4. Interdum ad fundamentum accedit ratio *fundandi*, quæ est *conditio* ex parte funda-

fundamenti *requisita*, ut sit *fundamentum*, & quasi ultimo compleatur in *ratione* fundamenti. Sic potentia generandi non potest esse *fundamentum* paternitatis, nisi accedat ipsa *actio* generandi.

§. 5. Ut res clarior fiat, omnia *requisita* in 2. exemplis monstrabo. Præceptoreitas (sic loquuntur Scholastici) est *relatio* in præceptore ad discipulum, cui opponitur discipuleitas. *Subjectum* præceptoreitatis est e. g. Aristoteles : *subjectum oppositæ relationis* discipuleitatis sc. Alex. M. *Terminus* præceptoreitatis est Alex. M. *Term.* discipuleitatis Aristoteles. *Fundamentum* præceptoreitatis est eruditio : discipuleitatis docilitas. *Fundandi ratio* præc. est institutio ; discipuleitatis rat. fund. est instit. receptio.

### DIVISIO.

V. Relatio i. vel est *naturalis*, vel *ex instituto*.

VI. Naturalis est, quæ rei accidentaliter supervenit *absque singulari ordinatione intellectus alicujus*.

VII. Ex instituto est, *quæ ex ordinatione intellectus profluit*.

§. 1. Per *naturadem* hic non intelligimus *transcendentalem*, quæ ex ipsa rei natura

R

quasi



quasi fluit, sed talem, quæ *forinsecus* & *contingenter* accedit ad rem ex termini *coexistentia*, absque tamen *singulari ordinatione alicujus intellectus*. Tales *relationes* sunt inter consanguineos, patrem & filium, forores & fratres, patrem & avum, &c. Inter similia æqualia, dissimilia & inæqualia (nam non tantum dantur *relationes convenientiæ*, sed etiam *discrepantiæ*.)

§. 2. *Relatio ex instituto* est, quæ non *naturaliter* ex termino coexistentis positione resultat, *sed ab intellectu aliquo ordinatur*. Hæc iterum est duplex: nam fluit *vel ex instituto divino*, qualis inter ducem & militem, militem & militem, inter confederatos, inter contrahentes de deposito, mutuo, pignore, re venali, &c.

VIII. 2. *Relatio* est *vel mutua vel non mutua*.

IX. *Mutua* est, cum *relatio vera & realis* est in *utroque* subiecto, *relato* sc. & *correlato*.

X. *Non mutua* est, cum *relatio realis* in *altero extremo* deest.

*Mutua* est, e. g. paternitas, quia ipsi in *altero* subiecto respondet *filialitas*. *Non mutua* verò est *relatio statuae* mercurialis in sylvis ad *viam regiam*.

PROBLEMAT A.

I. *An relatio nudè absque fulcro in se spectata sit modus?*

Aff. Aut est *ens*, aut *modus* entis: nam plane *nihil* non est. Sed non est *ens*, quia non habet peculiarem *essentiam*; nam alias differret ab aliis *essentiis*, ut *res à re*, quod negant Philosophi. Ergo est *modus* accidentis.

II. *An pater πατήρ & una relatione referatur ad omnes liberos?*

Neg. Ex *novo termino* nova *relatio*. resultat. Tot ergò sunt in patre *relationes*, quot sunt *liberi*, quæ augentur & minuuntur, prout plures nascuntur, vel etiam moriuntur.

III. *An terminus relationis & correlatum sint unum & idem?*

Neg. Accurate loquendo *terminus*, quatenus *terminus* non involvit simul *relationem*, (quod ex *rel. non mutuis* patet) correlatum est *terminus una cum relatione*, uti vox ipsa docet.

AXIOMATA.

I. Ubi non datur speciale nomen *relationis* generale vocabulum usurpandum est cum *determinatione* ad subiectam materiam.

Scholastici multa *relationum* vocabula barbara effinxerunt, ut sunt præceptoreitas, discipuleitas, filiatio, &c. Hinc quidam suadent, ut semper vocabulum fingatur ad designandam, quamvis relationem *in abstracto*, si non adfit. Verum non opus est. *Relationis* generale vocabulum ubique potest adhiberi e. g. Relatio magistratus ad subditos: relatio in pastore ad auditores, &c.

## II. Relata sunt simul naturâ.

Plenus sensus regulæ hic est: Relata *prædicamentalia in esse relativo* sunt *simul* naturâ, hoc est, *simul* existunt sine unius ab altero dependentia *causali* (ita enim explicatur *quod naturâ simul esse.*) Restrigitur ergo 1. regula ad rel. *prædicamentalem*, de *transcendentali* non semper vera est. *Scientia* potest esse, cum *scibile* nondum est. 2. Valet tantum de correlatorum *esse respectivo*, non *absoluto*: E. g. Pater & filius in *esse relativo* simul naturâ sunt, in *esse absoluto* verò pater est naturâ *prior* filio.

## III. Relata se mutuò ponunt & tollunt.

Valet itidem de *esse respectivo* tantum. Cum servus definit esse servus, dominus non definit esse homo, sed dominus esse definit.

## CAPUT VII.

## De Actione &amp; Passione.

Ad tollendam ambiguitatem notandum est; quod in hoc capite tantum tradantur *actiones & passiones prædicamentales*, & quæ sunt *peculiaria entia*. Licet autem *actio & passio* ei correspondens habeant *fundamentalem* identitatem, & sint *unus numero* motus, qui ab *agente* excitatur & in *patiente* recipitur, tamen methodo Philosophis consuetâ de utraque seorsim (in uno tamen capite) acturi sumus.

*Formale.*

I. *Actio* est accidens, secundum quod ens *agere dicitur*.

Particula *secundum* determinat *formale* principium, unde res aliqua dicitur *agere* vel denominatur *agens*. Particula *ens* indicat, *actiones* non tantum competere *substantiis & suppositis*, quæ aliàs principium actionis *quod & radicale* vocantur, sed enti in genere, (permissivè loquendo) quia *accidentia* etiam agunt. Et ignis calefacit & calor calefacit.

## DIVISIO.

I. 1. Actio est vel *immanens* vel *transiens*.

*Immanens* est, quæ ab agente *non transit* ad extraneum subjectum; ut *intellectio*, *volitio*.

*Transiens* est, quæ *transit* ad extraneum patiens, ut *verberatio*, *pulsio*, *tractio*.

II. 2. Actio est vel *instantanea* vel *successiva*.

*Instantanea* est quæ fit *in instanti* absque ullo temporis tractu, ut *generatio*.

*Successiva* est, quæ fit *successive*, ut *gyratio*, *verberatio*, *projectio*, *compressio*, &c.

III. 3. Actio vel est *perfectiva* vel *corruptiva*.

*Perfectiva* est, quæ perficit patiens, ut *calesfactio in respectu ad uvas*.

*Corruptiva* est, quæ vel totaliter, vel aliquo modo *corrumpit* patiens, ut *transfessio*, *percussio*.

IV. 4. Actio est vel *mutua*, vel *non mutua*.

*Mutua* est, quando agens *vicissim* patitur. Dicitur alias *reactio* & *repassio*: ut *digladiatio*.

*Non mutua* est, quando agens *non simul* patitur, ut *illuminatio*, *influxus stellarum in hæc inferiora*.

V. 5. Actio est vel *materialis*, vel *spiritalis*.

*Materialis* (alias *realis* est, qua agens non sui *speciem*, sed aliquid *reale* producit, ut *generatio*.

*Spiritalis*, (alias *intentionalis*) est, qua agens tandem sui *speciem* seu *representativum* quid producit, ut cum homo sui imaginem in speculo producit.

*Formale*.

VII. Passio est *actionis receptio*.

Quidam ita eam definiunt: *Passio est secundum quam ab eo, quod viribus superius est, quid pati dicitur*. Verum hæc definitio est nimis stricta; potest enim *passio* etiam inferri ab *infirmiori*. Propterea nos generaliter dicimus, *passionem* esse *actionis* (cujuscunque) *receptionem*.

### DIVISIO.

VIII. Passio est *perfectiva* vel *corruptiva*.

*Perfectiva* est, qua patiens *perficitur*, ut *informari*.

*Corruptiva* est, qua vel totaliter, vel aliquo modo *corrumpitur* patiens, ut *vulnerari*, *occludi*. Dantur quidem plures divisiones passionis, ut, cum passio dividitur in *instantaneam* (e.g. *illuminatio* respectu ejus quod *illuminatur*) vel *successivam*: in *naturalem* & *voluntariam*, &c. Sed illæ partim ex iis

## DIVISIO.

I. 1. Actio est vel *immanens* vel *transiens*.

*Immanens* est, quæ ab agente non transit ad extraneum subjectum; ut *intellectio*, *volitio*.

*Transiens* est, quæ transit ad extraneum patiens, ut *verberatio*, *pulsio*, *tractio*.

II. 2. Actio est vel *instantanea* vel *successiva*.

*Instantanea* est quæ fit in instanti absque ullo temporis tractu, ut *generatio*.

*Successiva* est, quæ fit *successive*, ut *gyratio*, *verberatio*, *projectio*, *compressio*, &c.

III. 3. Actio vel est *perfectiva* vel *corruptiva*.

*Perfectiva* est, quæ perficit patiens, ut *calesfactio in respectu ad uvas*.

*Corruptiva* est, quæ vel totaliter, vel aliquo modo corrumpit patiens, ut *transfessio*, *percussio*.

IV. 4. Actio est vel *mutua*, vel *non mutua*.

*Mutua* est, quando agens *vicissim* patitur. Dicitur alias *reactio* & *repassio*: ut *digladiatio*.

*Non mutua* est, quando agens non *simul* patitur, ut *illuminatio*, *influxus stellarum* in hæc inferiora.

V. 5. Actio est vel *materialis*, vel *spiritalis*.

*Materialis* (alias *realis* est, qua agens non sui *speciem*, sed aliquid *reale* producit, ut *generatio*.

*Spiritualis*, (alias *intentionalis*) est, qua agens tandem sui *speciem* seu *representativum* quid producit, ut cum homo sui imaginem in speculo producit.

*Formale*.

VII. Passio est *actionis receptio*.

Quidam ita eam definiunt: *Passio est secundum quam ab eo, quod viribus superius est, quid pati dicitur*. Verum hæc definitio est nimis stricta; potest enim *passio* etiam inferri ab *infirmiori*. Propterea nos generaliter dicimus, *passionem* esse *actionis* (cujuscunque) *receptionem*.

### DIVISIO.

VIII. Passio est *perfectiva* vel *corruptiva*.

*Perfectiva* est, qua patiens *perficitur*, ut *informari*.

*Corruptiva* est, qua vel totaliter, vel aliquo modo *corrumpitur* patiens, ut *vulnerari*, *occludi*. Dantur quidem plures divisiones passionis, ut, cum passio dividitur in *instantaneam* (e.g. *illuminatio* respectu ejus quod *illuminatur*) vel *successivam*: in *naturalem* & *voluntariam*, &c. Sed illæ partim ex iis, quæ

in



in divisionibus actionis dicta sunt, facile intelliguntur.

## PROBLEMAT A.

*I. An actio sit aliquid respectivum?*

Aff. Sed secundum respectum *transcendentalem*, non verò *prædicamentalem*.

*II. An actiones immanentes revera sint actiones?*

Aff. Quia *potentiæ activæ*, ex quibus fluunt, sunt *revera potentiæ*. Omnis autem *potentia activa* est per ordinem ad *veram actionem*.

*III. An omnis actio habeat terminum?*

Neg. Dantur enim actiones *immanentes*, quæ non habent *terminos*, quia nullus potest dari *terminus*, qui ab aliquibus actionibus *immanentibus* producat (talem enim hic terminum intelligimus.) Quid enim producit e. g. *intellectio*.

*IV. An actio instantanea verè sit actio?*

Aff. Quia datur aliquod *efficiens*, quod per *instantaneam* agit, e. g. pater generans filium. Omne *efficiens* autem per *veram actionem* (quæ causalitas efficientis est) efficit.

*V. Num actio & passio ei correspondens sint duo distincta entia?*

Neg.

Neg. Distinguuntur enim hi termini solum per *inadequatos conceptus*, licet una res sublit. E. g. Ille ipse motus, qui ab occidente egreditur, & ejus respectu *actio* dicitur, ab occiso recipitur, & ejus respectu *passio* dicitur. Una ergo res per *inadequatos conceptus* duo fortitur nomina.

A X I O M A T A.

I. Omnis *passio* præsupponit *actionem*.

*Passio* enim nihil aliud est, quam *actionis receptio*.

II. Quidvis non *patitur* quodvis.

Requiritur enim *capacitas* in patiente ad *recipiendam actionem*. Coctionem non recipit lapis, sed caro.

C A P U T V I I I.

De Quando, Ubi, Situ, Habitu.

I. Quando est *habitus rei durantis finitæ ad durationem defectibilem*.

Quando hic non significat ipsum *tempus* vel ipsam *durationem* in genere, sed *respectum* inter modum & rem. Neque sumitur *interrogative*, sed *nominaliter*.

II. Ubi est *habitus rei finitæ ad suum sibi, vel locum*.

Ubi

### 388 . De quando, ubi, situ, & habitu.

*Ubi* hic alibi sumitur, atque in capite de *Ubietate*, in quo sæpe pro ipso loco vel quasi loco usurpatur. Hic enim non notat ipsum locum, sed *respectum* tantum ad locum. Neq; hic sumitur *interrogativè*, sed *nominaliter*, *Ubi* vel est *naturale*, ut esse supra, infra; vel *fortuitum*, ut esse in templo, domo.

III. *Situs* est *habitus* partium corporis certo modo dispositarum ad locum.

*Situs* non notat ipsum locum, sed *respectum dispositionis* partium ad locum. Estque 1. vel *naturalis*, quem cujusq; rei *natura* præscribit, e. g. ut caput hominis sursum, pedes deorsum vergant; vel *fortuitus*, quem *natura* non præcisè requirit, ut sessio. 2. Vel *rectus* vel *obliquus* quæ distinctio ex terminis ipsis intelligitur.

IV. *Habitus* est *habitus* corporis ad aliud corpus *adjacens*.

*Habitus* hic non significat illud, quod *privationi* opponitur, neq; primam speciem *qualitatis*, neque ipsum corpus *adjacens*, sed *respectum*, qui oritur ex *adjacentia* ornamentis, vestimenti, &c. Est autem *habitus* vel *naturalis*, ut esse crinitum (nisi capillus sit supposititius, tum enim est artificialis) vel *artificialis*, ut esse palliatum.

PRO-

PROBLEMAT A.

I. *An Quando, Ubi, Situs & Habitus sint accidentia?*

Resp. Populariter & Logicè loquendo possunt ita vocari. Rigorosè tamen & Metaphysicè loquendo non sunt *accidentia*, cum omne accidens sit ens, & verò nullum horum in se præcisespectatum subiectio *novum ens* superaddat; sed *modi*, quod ipsum indicare volumus supra, dum hæc 4. vocavimus *accidentia modificativa*.

II. *An Metaphysica debeat agere de Situ & Habitu?*

Ratio dubitandi est, quia, restringuntur ad *corpus* tantum. *Corpus* verò non admittit abstractionem *secundum indifferentiam* Metaphysicæ dicatam. Sed Resp. Distinguendo. Metaphysica non agit de *Situ & Habitu scientificè*, sed *non-scientificè* ob aliquam tamen necessitatem quæ ipsi ex circulo abstractionis suæ egredi aliquando permittit) ut sc. Summa vulgò sic dicta *rerum genera* compleat.

SOLI DEO GLORIA



